

No.

4 C

BIBLIOTECA NAZ.

Vittorio Emanuele III

XVIII

G

47

NAPOLI

111

80

47





**CONFESSARIUS
MONIALIUM**

Cum novissimis Additionibus.

THE UNIVERSITY OF CHICAGO

LIBRARY

17

THE JOURNAL OF THE

ROYAL SOCIETY OF MEDICINE



LECTORI.



Iraris, quod argumento a tot eruditissimis Scriptoribus illustrato ego quoque ausim tenuem calamum admovere? Unam excipe audaciæ meæ excusationem. Qui operis novitate placere non potui, studui brevitate juvare; levabit sane prolixæ inquisitionis laborem coacta in angustum materia. Huc ego spectavi. Conatum approba, si rem non potes. Fruere opere, si placet, & quæ placere non possunt, excusa.

⁶ I N D E X

Capitum, & Paragraphorum.

C A P U T P R I M U M.

De Monialium obligationibus ratione status.

- §. I. **D**E obligatione monialium tendendi ad perfectionem. pag. 11
§. II. De obligatione monialium ratione regule. 13

C A P U T I I.

De Puellarum receptione ad habitum.

- §. I. **D**E conditionibus requisitis in puellis recipiendis. 16
§. II. De exploratione voluntatis. 26
§. III. De Anno Probationis. 30
§. IV. De Bonorum renunciatione. 38
§. V. De Dote ante professionem solvenda. 49
§. VI. De Monialium Professione. 61

C A P U T I I I.

- De Monialium Consecratione. 73

C A P U T I V.

De Voti Paupertatis obligatione.

- §. I. **D**E natura Voti Paupertatis. 79
§. II. De Peculio, & ejus usu. 89
§. III.

§. III. <i>De licencia requisita ad licite distr-</i> <i>bendum.</i>	7 98
§. IV. <i>De largitione munerum.</i>	104

CAPUT V.

<i>De Voto Religiosa Castitatis.</i>	110
--------------------------------------	-----

CAPUT VI.

<i>De Monialium subiectione erga Superiores</i> <i>ex vi voti Obedientiae.</i>	
---	--

§. I. D E <i>natura voti obedientiae.</i>	119
§. II. D E <i>subiectione quoad Ordinarium.</i>	127
§. III. <i>De subiectione erga Prælatum Regula-</i> <i>rem.</i>	140
§. IV. <i>De subiectione quoad canonicam Visita-</i> <i>tionem.</i>	143
§. V. <i>De subiectione quoad pœnas.</i>	148
§. VI. <i>De subiectione quoad Confessarium.</i>	151
§. VII. <i>De Officio Confessarii.</i>	157
§. VIII. <i>De Confessario quoad absolutionem a</i> <i>reservatis.</i>	168
§. IX. <i>De Confessario monialium quoad sigil-</i> <i>lum Confessionis.</i>	179
§. X. <i>De Confessario quoad sollicitationem.</i>	187
§. XI. <i>De Confessario quoad moniales scrupu-</i> <i>losas.</i>	196
§. XII. <i>De Confessario quoad moniales habentes</i> <i>visiones, &c.</i>	205
§. XIII. <i>De Confessario Extraordinario.</i>	212

CAPUT VII.

<i>De Monialium obligatione quoad</i> <i>Clausuram.</i>	
--	--

§. I. <i>De Clausura in communi.</i>	221
A 4	§. II.

- §. II. De licentia ad ingrediendam Clausuram
requisita. 228
- §. III. De causa requisita ad concedendam di-
ctam licentiam. 234
- §. IV. De Clausura quoad ingressum Prelato-
rum. 238
- §. V. De Clausura quoad ingressum Officialium,
&c. 243.
- §. VI. De Clausura quoad ingressum Confessa-
rii. 249
- §. VII. De Clausura quoad mulierum ingres-
sum. 257
- §. VIII. De Clausura quoad puellas in edu-
cationem recipiendas. 263
- §. IX. De Clausura quoad Monialium egres-
sum. 272
- §. X. De Clausura quoad accessum extraneo-
rum. 282
- §. XI. De pœnis contra violantes Clausuram. 300

CAPUT VIII.

De præcipuis Monialium obligationibus.

- §. I. **D**E Horarum Canoniarum obligatio-
ne. 310
- §. II. De obligatione quoad Missam. 321
- §. III. De obligatione quoad Confessionem, &
Communem. 326.
- §. IV. De obligatione quoad jejuniorum, &
Festorum observantiam. 331

CAPUT IX.

De obligationibus Monialium quoad ele-
ctionem Abbatisse.

- §. I. **D**E qualitatibus eligenda in Abbatis-
sam. 342
- §. II. A quibus, & quomodo eligenda sit Ab-
batissa. 347

§. III.

- §. III. *Per quot annos debeat eligi Abbatissa.* 352
 §. IV. *De confirmatione, & benedictione Abbatissa.* 354

C A P U T X.

- De Monialium privilegiis.* 358

C A P U T XI.

- De particularium Monialium obligationibus, & privilegiis.*

- §. I. **D**E obligationibus, & privilegiis Abbatissa. 371
 §. II. *De Vicaria, & Discretarum, seu Decanarum obligationibus.* 393
 §. III. *De obligationibus & privilegiis Magistra Novitiarum.* 397
 §. IV. *De obligationibus & privilegiis Novitiarum.* 404
 §. V. *De Sacristana obligationibus & privilegiis.* 415
 §. VI. *De Infirmarum obligationibus & privilegiis.* 425
 §. VII. *De Infirmaria obligationibus, & privilegiis.* 442
 §. VIII. *De Aromataria obligationibus & privilegiis.* 448
 §. IX. *De Celleraria obligationibus, & privilegiis.* 455
 §. X. *De Janitoria, Rotaria, & Ascultatricum obligationibus.* 462
 §. XI. *De Conversarum obligationibus, & privilegiis.* 469
 §. XII. *De Tertiariarum obligationibus, & privilegiis.* 480

D. ANTONIUS MARIA CORREALE
Congregationis Clericorum Regula-
rium Præpositus Generalis.

Hoc Opus inscriptum *Confessarius Monialium* à P. D. Cajetano de Alexandris nostræ Congregationis Theologo composi-
tum, & juxta assertionem Patrum, quibus
id commisimus, approbatum, ut Typis man-
detur, quoad Nos spectat, facultatem con-
cedimus. In quorum fidem præsentēs lite-
ras manu propria subscripsimus, & solito
nostro Sigillo firmavimus.

Dat. Romæ die 24. Septembr. 1712.

D. Antonius Maria Correale Præpositus
Generalis Clericorum Regulæ.

D. Joseph Maria Aliprandi Secr.

NOI RIFORMATORI dello Studio di Padova.

AVendo veduto per la Fede di revisione, ed ap-
provazione del P. Fr. Tommaso Maria Gennari
Inquisitore nel Libro intitolato: *Confessarius Monia-
lium*, &c. instructus à P. Cajetano de Alexandris Cle-
rico Regulari, non v'esser cos' alcuna contro la San-
ta Fede Cattolica, e parimente per attestato del
Segretario nostro, niente contro Principi, e buoni
costumi, e concediamo licenza, che possi esser stam-
pato, osservando gl'Ordini in materia di Stampe,
e presentando le solite copie alle Pubbliche Libre-
rie di Venezia, e di Padova.

Dat. 18. Settembre 1712.

(Gerolamo Venier Kay. Proc. Rif.

(Gio: Francesco Morosini Kay. Rif.

Agostino Gadaldini. Segr.

CON-



CONFESSARIUS MONIALIUM.

CAPUT PRIMUM.

De Monialium obligationibus.

§. I.

De obligatione Monialium tendendi ad perfectionem ratione status.



Virgines contemplativam, & cœnobiticam vitam profitentes, variis in primitiva Ecclesia fuerunt nominibus nuncupatæ, & quidem omnibus sanctitatem præferentibus. Sacerdotes illas appellavit Basilius, Deo Sacratas Fulgentius, & velatas Christi Sponsas Optatus. Hoc nostro ævo intitulantur moniales a Græco nomine *Μονιχες*, quod *solitudinem caprantes* significat. Hæc tam speciosa, & plena Religionis vocabula enunciant, quales exprimi debeant a Sacris Virginibus mores; unde merito, Tractatum hunc ab obligatione, qua tendere ad perfectionem tenentur, exordimur. Igitur

Quar. 1. Utrum moniales teneantur ex vi suæ professionis tendere ad perfectionem.

Resp. Affirmative; quia hæc est obligatio sui status, & in quo differunt a laicis. Nam statui laicorum solum dicitur a Christo Matthæi 19. *Serva mandata*. Statui vero Religiosorum, qui insinuat illis verbis, *Si vis perfectus esse*, ulterius dicitur, *Vade, & vende quæ habes, & da pauperibus, & veni, & sequere me*; per quod denotantur consilia, & per consequens perfectionis sequela. Non tenentur tamen tendere ad perfectionem per omnia opera consiliorum, aut supererogationis, sed per illa tantum, quæ sunt secundam regulam, & observantias sui Ordinis, quia non se obligaverunt nisi ad illam perfectionem, quæ mediis Institutis suæ Religionis comparari potest. Neque tenentur esse perfectæ in facto esse; quia status Religionis non est status perfectionis acquisitæ, sed acquirendæ. Unde neque tenentur ex vi hujus obligationis domitas, seu superatas habere omnes suas passiones inordinatas; sed sufficit, ut ad eas vincendas, quantum potuerint, conentur.

Quar. 2. An prædicta obligatio tendendi ad perfectionem sit sub mortali.

Resp. Affirmative; quia est de re gravissima, quam noverunt, & in qua consistit substantia status Religiosi. Ita Corduba, & Rodriguez *1. 1. qq. Regul. q. 48. art. 1.* Non esse tamen obligationem distinctam ab obligatione servandi vota, & observantias Regulares, probabilius est, ut notat Sanchez *in Decal. lib. 6. c. 5. n. 5.* Quia culpæ, & præcepta nisi ex evidentissimis rationibus sunt multiplicanda; cumque versemur in materia odiosa, quod minimum est, sequendum.

Quar.

Quar. 3. Quando contra hoc præceptum peccent moniales.

Resp. Peccare contra hoc præceptum, quando transgrediuntur regulam, etiam si ad venialem tantum, vel ad nullam culpam obligaret, eo fine, ut impediant perfectionem; aut quando firmiter statuunt apud se, nullo modo curare de perfectione sui status, quia hoc est directe contra id, quod promiserunt. Valentia, Vasquez & alii. Item quando intervenit contemptus consiliorum, quibus pervenitur ad perfectionem. Cajetan. 2. 2. q. 86. art. 9. Talis autem contemptus nunc intervenit, quando monialis refugit subijci consiliis divinis, ut a Deo traditis; vel quando parvi æstimat opera ipsa consiliorum; ita ut illa secundum se vilipendat. Quare si monialis spirituales profectum, & divina consilia, ut a Deo tradita, reveretur, & tantum de illis non curat, quia non tenetur ad illa, nec sunt necessaria ad salutem, non peccat mortaliter. Sanchez. cit. n. 9. ubi subdit, venialiter tamen peccare, quia aliqualis contemptus est omittere intentionem, & executionem mediorum conducentium ad profectum spirituales.

§. II.

*De obligatione monialium ratione
Regulae.*

Quar. 1. **A**N, & quo genere obligationis teneantur moniales servare regulam, seu Constitutiones, & statuta suis Ordinis.

Resp. Teneri equidem; quia regula, & Constitutiones participant rationem legis,
cui

cui se subjecerunt per promissionem factam in professione. Qua autem obligatione teneantur, an scilicet ad culpam, vel ad poenam tantum, vel ad utranque, ex ipsis regulis metiendum est. Advertendum tamen, quod si regulæ, seu Constitutionum transgressio fiat ex contemptu formali, semper est peccatum mortale, ut diximus supra de obligatione tendendi ad perfectionem, quia est peccatum inobedientiæ formalis; & hoc verum est, etiam si regulæ non obligent ad ullum peccatum, vel ad veniale tantum, quia licet materia sit levis, contemptus tamen est gravis, & formalis. Ita Navar. Cord. Valent. & Barthol. a S. Fausto in *Thesauro Religios. lib. 6. q. 157*. Quod si transgressio regulæ, ad nullam culpam obligantis, oriatur ex nimia cupiditate erga aliquid, & non ex alio malo fine, est peccatum veniale; quia dato, quod a regula non esset prohibita illa actio, esset tamen culpa ex libidine, id est ex nimia cupiditate; ergo a fortiori venialis erit, dum a regula est prohibita. Ita D. Thom. 2. 2. q. 136. art. 6. ad 1.

Quar. 2. An monialis, quæ passim ex consuetudine violat regulam, quæ non obligat ad culpam, peccet mortaliter ex contemptu.

Resp. Negative, quia contemptus inclusus in illa consuetudine non est formalis, sed interpretativus; nam formalis contemptus in solo actu interiori voluntatis perficitur, ac proinde ob solam externi operis multiplicationem induci nequit. Bene verum est, quod consuetudo supradicta disponit ad contemptum formalem, sicuti venialia peccata sæpe reiterata disponunt ad mortale. Ita D. Thom. *loc. citat. ad 3.* Quare monialis tenetur sub mortali eam consuetudinem tollere,

re, quotiescunque advertit per illam exponi periculo labendi in contemptum formalem, vel votorum transgressionem, vel etiam præbendi aliis occasionem transgressionis. Sicut, quamvis consuetudo jurandi non possit dici peccatum mortale, at negligentia illam extirpandi, animadverso perjuratorum periculo inde consurgente, est lethalis, Sanchez in *Decal. lib. 6. cap. 4. nu. 21.*

Quar. 3. An quando regula consuetudine laxata est, teneantur moniales in suo pristino rigore eam servare.

Resp. Quod si regula accipiat prout dicit tria substantialia religionis vota, debet exacte in suo pristino rigore servari, quia tria vota obligant ex jure divino naturali, adversus quod nulla consuetudo prævalere potest. Si vero regula accipiat quatenus præscribit alia tribus votis adjuncta, inter quæ adnumerandus est modus paupertatis, & obedientiæ, potest consuetudine tolli, quia sicuti cum Superior dispensat in aliqua ex illis legibus, excusatur a culpa non observans, excusabuntur similiter moniales ex consuetudine non servantes aliqua ex præscriptis in regula, cum contra legem eadem sit vis consuetudinis, & dispensationis. S. Thom. 4. *dist. 38. q. 1. art. 3. quæst. 1. ad 5.* & ibi Cajetan. Turrecrem. Palac. alique plurimi relati a Sanchez *lib. 6. cap. 2. n. 26.*

Quar. 4. An saltem si regula reformetur, & ad pristinum statum restituatur, teneantur illam sic reformatam servare.

Resp. Si moniales tempore professionis limitatam habuerant intentionem, non se amplius obligandi, quam ad illam regulam sic relaxatam, tunc non tenentur reformatam servare, quia actus non obligant ultra intentionem.

nem agentium. Ita multi apud Sanch. *loc. cit.* n. 39. Si vero absque illa expressa limitatione professæ sunt, tenentur regulam sic reformatam amplecti; quia sponte sua in Religione profitentes, se ita regulæ, & vitæ Religiosæ subji- ciunt, ut paratæ esse debeant, quantum ex se est, ad conservationem ipsius procurandam; quare si bonus Religionis status collapsus sit, tenentur moniales pati, ut instauretur, & per consequens tenentur etiam regulam sic instau- ratam observare, Sanch. *loc. cit.* alique pluri- mi ibi relati. Licet tamen Regulares regulam, quam professi sunt, teneantur observare, & co- gendi sint; nihilominus moniales, quæ non ita exacte eam observant, veluti in jejuniis, in comedendo carnes, gestando indusium li- neum, recitandis horis matutinis certa hora noctis, sunt tolerandæ, ut in monialibus Sancti Benedicti; & hoc esse juxta mentem Gregorii XIII. asserit Pignatel. *rom. 8. consult. 45. n. 25.*

C A P U T II.

De Puellarum receptione ad habitum Religionis.

§. I.

De conditionibus requisitis in Puellis recipiendis.

Quar. 1. **Q**Uæ conditiones attendi de- beant in puellis ad habitum recipiendis.

Resp. Varias præscribi conditiones, tum jure naturali, tum jure Pontificio, tum jure particulari singularum Religionum. Ideo hæc omnia

omnia attendere debent moniales Deum solum, & bonum Religionis præ oculis habentes, omni carnis sanguinisque interesse postposito. Solum igitur idoneas quoad tempus, & vires recipiant, considerata religionis austeritate majori, vel minori, attentisque laboribus, ad quos assumuntur puellæ. Si enim aliqua in Conversam recipiatur viribus destituta, certum est, quod non erit habilis, & similiter si ad asperrimam Capucinarum religionem assumatur aliqua delicatula, & debilis, non attenditur in hoc bonum Religionis.

Quar. 2. An amens in aliquo genere, sed in reliquis ratione utens, possit ad probationem, & professionem admitti.

Resp. Ex Bordon. *variar. ref. p. 2. ref. 54. n. 25.* affirmative; quia cognoscit quid experietur, & ad quid se obliget, ut suppono. Imo ejusmodi personæ potius simplices, & leves, quam amentes dicendæ sunt. Item si dementia superveniat Novitiæ jam receptæ, non per hoc tenetur vel Novitiatum denuo incipere, vel prætermissum tempus supplere, si per octo, vel quindecim tantum dies duraverit, cum tam breve tempus pro nihilo reputetur. Secus vero est, si in dicta alienatione mentis duret per mensem; nam licet tunc non teneatur novum Novitiatum incipere, cum non censeatur eo tempore Novitiatus interruptus, tenetur tamen, tempus illud dementiae supplere, quia qui rationis compos non est, disciplinam Ecclesiasticam experiri non potest. Ita Sanch. & Barbosa, citati a Peyrin. *t. 2. q. 3. §. 2. n. 39.* contra Bord. *loc. cit. n. 27.* qui negat debere suppleri, & contra Suarez, qui sustinet, novum Novitiatum esse incipiendum.

Quar.

Quar. 3. Ad quem spectat probare demen-
tiam in ordine ad expellendam puellam mo-
nasterio.

Resp. Ad illum spectare, qui vult illam
excludere. *Gloss. in cap. Gonfaldus 17. q. 2.* Ta-
lis autem dementia probari potest per alias
moniales, cum quibus stulta conversata fuit.
Rota vol. 2. dec. 107. n. 8. quia vicinis, & cum
quibus conversatur, præsumuntur nota facta
nostra, *ex c. quosdam 7. c. quanto 8. de præsumpt.*
ubi n. 24. dicit, demenciam esse probandam ad-
fuisse tempore professionis, & censetur proba-
ta, si constet de amentia ante, & post profes-
sionem; quia probatis extremis, præsumitur
de mediis, ut de furore argumentantur. An-
char. Ruin. & Curtius junior relati a Bord.
sup. nu. 35.

Quar. 4. An viduæ, & illicite corruptæ
possint ad Religionis habitum admitti.

Resp. Quoad viduas affirmative stando in
jure communi, tum ex ipso usu Ecclesiæ,
tum ex *cap. Vidua 20. quæst. 1.* & *cap. Vi-
duas, 1. & 3.* sed viduam non convenire ad-
mittere ad habitum monachalem virginum,
declaravit Sacra Congreg. Episcop. apud Ga-
vant. *in Man. Episcop. v. Monialium receptio
num. 7.* Quo ad foeminas vero illicite corru-
ptas, maxime si lapsus carnis est publicus,
decens est non admitti propter scandalum
cæterarum, nisi in specialibus monasteriis
mulierum poenitentium, & nisi forte sint
aliquæ circumstantiæ, quæ tale scandalum
aut minuant, aut tollant. - *Suarez t. 4. de
relig. tract. 9. l. 1. cap. 11. num. 2.* Lezana 99.
regular. cap. 25. num. 9.

Quar. 5. An Hermaphroditus, si prævalet
sexus fæmineus, possit ad religionem admitti.

Resp.

Resp. Cum communi negative, quia id esset in scandalum, & offendiculum multarum, quæ ratio desumpta est *c. Definimus* 18. q. 2.

Quar. 6. An debeant attendi aliæ conditiones in puellis recipiendis.

Resp. Affirmative, scilicet, illas debere esse irreprehensibiles, morigeratas, ut decet sponsas Christi. Ab ipsis procul debet esse omnis defectus, qui aliis virginibus nocere possit, tum ratione mali exempli, & scandali, tum ratione periculi inficiendi in reliquis mores, & religiosam observantiam. Unde scandalosæ, petulantes, excommunicatæ, hæreticæ, vel schismaticæ aut flagitiosæ, a domo Dei excluduntur, ut expresse habetur *in c. 1. de stat. Relig.* 12. in 6. Neque debet admitti contagiosa, morbofa, aut dæmoniaca, vel furiosa, immo si talis reperiatur ante professionem, est expellenda.

Quar. 7. An puella muta, & surda, vel cæca possit ad Religionem admitti.

Resp. Affirmative, dummodo probetur pollere intellectu perfecto, & signis posse consensum exprimere; si enim ad matrimonium carnale est apta, ut probat Sanch. *de matrimon. lib. disp.* 8. n. 12. cur non erit ad spirituale, cum nec minor obligationis notitia, nec consensus minor desideretur in matrimonio carnali, quam in spirituali? Ita pluribus adductis Diana *in opere coord.* 1. 6. tr. 1. res. 142. ubi ex Sanch. *in sum.* 1. 2. lib. 5. c. 3. n. 2. notat hoc non procedere, si non solum sit muta, & surda, sed etiam cæca, quia muta tantum, & surda, solis signis edoceri potest professionis naturam, quam per nutus percipere non potest, si cæca, neque pariter habere locum, si cæca sit simul, & surda, quamvis non muta, licet hoc non e natura habeat, sed casu, nequis enim

enim verbis edoceri, quia surda; nec nutibus, quia cæca.

Quar. 8. Quid agendum, si recipiatur puella, quæ postea detegatur gravida, & pariat in monasterio.

Resp. Admonendum esse Episcopum, qui, si casus sit occultus, solisque monialibus notus, & timeatur ab expulsiōe scandalum, vel immineat puellæ a parentibus vitæ periculum; illam intra monasterium detrudet in carcerem, a quo non debet amoveri, nisi prius Sac. Cong. consulta. Interim monialibus prohibendum cum illa colloqui, & Novitiatus annum non currere, rescripsit Episcopo Interamnen. Sac. Cong. 6. Julii 1593. apud Pignat. *conf.* 85. n. 214.

Quar. 9. An conditiones assignatæ a Sixto V. pro receptione, & professione Novitiorum extendantur ad moniales.

Resp. Negative; ita enim declaravit ipsemet Sixtus V. in secunda Constitutione *Ad Romanum spectat.* Idem dicendum esse de Decretis Clement. VIII. & Urbani VIII. circa receptionem, & institutionem Novitiorum, asserit Lezan. *loc. cit.* nu. 52.

Quar. 10. An puellæ recipi possint ad habitum ante annum duodecimum expletum.

Resp. Negant Rodriq. Nald. Tamburin. *de jure Abbatiss. disput.* 4. *quest.* 2. num. 2. & colligunt ex Trident. *sess.* 25. *de regular.* c. 16. ubi sic habet: *Sancta Synodus statuit, atque decernit; ut, si puella, quæ habitum regularum suscipere voluerit, major duodecim annis sit, non ante eum suscipiat, nec postea ipsa, vel alia professionem emitat, quam exploraverit Episcopus &c.* Nihil tamen in hoc decreto Concilium statuere de ætate puellarum recipiendarum ad habitum religionis, docent Sanch.

in decal. lib. 4. c. 18. n. 33. Villalob. Miranda, Sanchez, & alii, præcipue Medina *lib. 4. de continen. controu. 9. c. 4.* qui interfuit Concil. Trident. quando hoc sancitum fuit. Ratio est; quia Concilium solum decernit de exploratione voluntatis earum, quæ suscipiunt habitum, & profitentur, quod nimirum sit ab Episcopo, vel ejus Vicario exploranda voluntas, si sint majores duodecim annis. Prior tamen sententiam amplectendam censeo, attenta declaratione Sac. Congr. quam refert Vecchius *in prax. Novit. disp. 2. dub. 6.* & est tenoris sequentis: *Congreg. rescripsit aliquam puellam non debere admitti ante duodecimum annum ad habitum suscipiendum, cujus causa requiritur voluntatis puella exploratio. Non est autem voluntas Congreg. neque Concilii, ut ante illam ætatem puella admittatur. Quare puellæ natu minores nullatenus admittendæ sunt, nisi impetrata licentia a Sacr. Congr. super Episcop. & Regul. quæ non nisi raro, ac matura deliberatione illam concedere consuevit, ut advertit Pignatel. t. 9. conf. 87. nu. 35. ubi notatur de praxi.*

Quar. 11. Quid aliud requiratur ad validam puellarum receptionem.

Resp. Requiri monialium consensum; quia inter monasterium recipiens, & monialem receptam fit contractus reciprocus perpetuo valiturus, si puella profiteatur; qui contractus subsistere non potest, nisi accedente reciproco consensu, quapropter monialium consensus requiritur.

Quar. 12. An debeat concurrere etiam Episcopi licentia, & Prælati, sub cujus gubernio existunt.

Resp. Affirmative; quia receptio est aliquo

quo modo actus jurisdictionis, quare oportet, ut Prælati, apud quem est propria jurisdictionis, concurrat. Ita Suar. *r. 4. de relig. tract. 9. lib. 10. cap. 11.*

Quar. 13. An Episcopi licentia requiratur etiam pro recipiendis puellis in monasteria Regularibus subjecta.

Resp. Videri quod non, quia concessio hujusmodi licentiæ est actus jurisdictionis, vel saltem superioritatis, ut diximus; Episcopus autem nullam habet superioritatem in monasteria Regularibus subjecta; exceptis casibus a jure, & Pontificiis Constitutionibus expressis: quod autem talem licentiam concedere spectet ad Episcopum, nullibi reperitur expressum. Nihilominus tenendum est, ad Episcopum spectare, quia id pertinet ad monialium clausuram, cujus conservatio Episcopis demandatur per Tridentinum, & ita declaravit Sac. Congr. super Episcop. quam declarationem refert Pignatel. *r. 4. consult. 171. n. 4.*

Quar. 14. An renuente Abbatisa possint moniales recipere ad habitum religionis, ejusque probationem, puellam ingressum religionis petentem.

Resp. Posse, dummodo accedat consensus Prælati; colligitur ex Suar. *loc. cit.* quia in actis capitularibus Abbatisa nullam exercet jurisdictionem sibi qua tali propriam, nam jurisdictionis proprie dictæ est incapax; ergo se habet tantum ut monialis talis monasterii; unde fit, quod sicut renuente hac, vel illa moniali, nihilominus valida fieri potest receptio, si interveniat debitus numerus suffragiorum, sic valida etiam erit receptio, quamvis dissentiat Abbatisa.

Quar. 15. An Episcopus, vel Prælati
Regu-

Regularis respectu exemptarum possit invitis monialibus alicujus monasterii aliquam monialem recipere.

Resp. Universaliter loquendo, quod non; & ita docent Abbas *cap. postulantis*, nu. 14. *de concess. praben.* & ibi Anton. nu. 11. Imola n. 15. & 16. ubi asserunt, expediendum ab Episcopo cum Capituli consensu indigere consensu Episcopi, & ultra illum, consensu majoris partis Capituli: & idem ait Abbas dicendum de quocunque Collegio. Verum tamen est, quod si monasterium penuriam monialium haberet, & Conventus monitus assignato sibi termino nollet admittere, in tali casu posset Episcopus, vel Prælatus supplere Conventus consensum; quod probant Dominic. *cap. fin. num. 5.* & ibi Francus in *sine de regul. in 5.* quos refert, & sequitur Sanch. *lib. 5. c. 4. n. 71.*

Quar. 16. An peccent moniales mortaliter, si absque justa causa denegent votum puellæ alias idoneæ ad ingrediendam religionem.

Resp. Contra Sanchez, & Caramuel affirmative; quia lædunt charitatem proximi in re gravi; nam unicuique mandavit Deus de proximo suo; & operantur contra bonum religionis, quia expellunt idoneas. Ita Barth. a S. Fausto, & Miranda cum aliis. Quod a fortiori locum habet in admissione ad professionem, cum ad ipsam puella, dummodo sit idonea, habeat jus acquisitum.

Quar. 17. An puella semel, ac iterum capitulariter exclusa ab admissione ad religionem, coacto iterum Captiulo admitti possit.

Resp. Affirmative ex declaratione Sacræ Congregationis in *Affisien. 10. Junii . . .*

apud

apud Nicol. v. *Novitia*. n. 23. & hoc maxime locum habet, si occurrant de novo rationes id suadentes. E contra poterit puella capitulariter admissa, coacto iterum Capitulo, novis causis supervenientibus excludi; contrariorum enim eadem est disciplina quantum ad juris dispositionem, l. *diem* §. *flari*, ff. de arbitris, & notat Peregrin. p. 2. *constit.* c. 3. §. 11. & 12.

Quar. 18. An moniales possint recipere in quocunque numero puellas petentes Religionis ingressum, si alias dotibus requisitis sint prædite.

Resp. Non posse, si in monasterio extet jam numerus monialium taxatus juxta decretum Concil. Trid. *sess.* 25. c. 3. de regular. ac Constit. S. Pii V. *Circa Pastoralis*, quibus statuitur, ut receptio monialium non fiat nisi intra numerum monialium, quæ ex redditibus, aut consuetis eleemosynis sustentari commode possint.

Quar. 19. An possit admitti supra numerum puella, quæ secum deferat dotem, ex qua commode valeat sustentari.

Resp. Affirmant Suar. Navar. Lezan. & alii relati a Novar. *Sum. Bull. comment.* 95. num. 7. Nam talis dos computari potest inter eleemosynas, aut redditus monasterii, sicque cessat ratio præsentis prohibitionis. Puto nihilominus non esse recedendum a sententia Portel. qui dicit, præfatam puellam non esse recipiendam absque legitima licentia, ob expressam prohibitionem factam.

Quar. 20. An professio puellæ supra numerum admixtæ sit irrita.

Resp. Affirmative; juxta dispositionem *cap. unic.* §. *sane de statu Regular.* in 6. Talem tamen irrationem putat Sanchez consuetudine abrogatam, quod non admittit Castro-palaus

Palaeus dicens, constare de irratione, de consuetudine vero abrogante non constare. Notat tamen Lezana *ex declaratione Sac. Congregat. sub die 6. Septembris 1604.* moniales, quæ supra numerum præfixum in quocunque monasterio recipiuntur, in locum morientium monialium non subrogari (nisi in licentia, quæ impetrari debet a Sacra Congregatione, teste Gavant. aliter sit dispositum.) Nec obstarè, quin aliæ in locum earundem ex numero constituto demortuarum recipi eodem modo possint, quo in unoquoque monasterio admitti possunt intra numerum, quinimo præfatas moniales sic supra numerum receptas semper quo ad hoc manere supranumerarias, esto in cæteris nihil differant ab aliis, & iis in omnibus sint pares.

Quar. 21. Utrum Episcopus possit numerum augere, si contingat, redditus annuos ita crescere, ut ex iis possit major numerus sustentari sine dispendio monasterii.

Resp. Neque in hoc casu numerum monialium augeri posse ab Ordinario sine licentia Sacre Congregationis. Ita pluries declaravit Sac. Congreg. *super Episcop. & Regular. in Brundusina die 12. Martii 1602. in Lauretana 27. Julii 1604. & 23. Julii 1649.* quæ non conceditur, nisi redditus ita sint aucti, ut quotannis ultra triginta aureos annuos sit aliquid reliqui, *ut in Rhegien. 29. Novembris 1600.*

§. II.

*De exploratione Voluntatis puella
recipienda.*

Quar. 1. **A**N, a quo, & quando puellæ recipiendæ voluntas sit exploranda.

Resp. Ex Concil. Trid. *sess. 25. de Regular. cap. 17.* puellæ voluntatem esse explorandam ab Episcopo, vel eo absente, vel impedito, ab ejus Vicario; aut aliquo eorum sumptibus ab eis deputato. Est autem exploratio hæc bis facienda, antequam scilicet puella habitum religionis suscipiat, & professionem emittat. Si tamen alicubi sit legitime præscriptum, quod semel tantum voluntas exploretur, servandam esse consuetudinem, non obstante Tridentini decreto, docent Miranda, Villalob. Portel. Sanch. & Rodriquez *l. 3. qq. regular. q. 12. art. 3.* ubi in praxi testatur in Hispania servari. Ubi vero utraque exploratio est in usu, si omittatur prima in ordine ad habitum, sufficit secunda in ordine ad professionem; & ita referunt decisum à Sacra Congregatione Praxis Episcop. *p. 1. v. Moniales.* Barbof *de potest. Episc. allegat. 500. n. 4.* Quod si contingeret utranque explorationem omitti, peccaretur quidem mortaliter, quia violaretur Constitutio Concilii Tridentini in re gravi, non tamen irrita esset professio, cum Concilium non ponat decretum irritans. Rodriquez, Barbof. Tambur. & Sanch. *lib. 5. sum. c. 4. n. 284.* & ita declaravit Sac. Congr. Conc. apud Fagnanum.

Quar. 2. Ad quid ordinata fuit hæc voluntatis exploratio?

Resp.

Resp. Ex eodem Concil. *loc. cit.* ad consulendum libertati puellarum, ad dignoscendum scilicet, an illarum electio inconsiderata sit, an seducta, an spontanea, an coacta.

Quar. 3. Quid agere debeat Episcopus, si reperiat puellam non satis in vocatione constantem; vel vi, aut metu in monasterium detrusam.

Resp. Quoad primum, debet præfigere terminum quindecim dierum, in quo deliberet, an velit induere habitum, aut profiteri, necne. Ita decisum referunt Campanil. Barb. *allegat. cit. n. 2.* Tambur. *de iur. Abbatiss. disp. 4. q. 2. n. 10.* Quoad secundum, debet illam de monasterio educere, in tuto collocare, ejus libertati consulere, & si quid damni passa fuerit, illi providere expensis illius, qui eam in monasterium inclusit, qui propterea debet severe puniri. Tambur. *cit. disp. 33. q. 1. n. 9.*

Quar. 4. An dentur aliqui casus, in quibus licitum sit cogere puellas ad religionis ingressum.

Resp. Tres casus enumerat Peyrin. *t. 1. q. 1. cap. 19. concl. 2.* quorum primus est, quando puella sponte religionem vovit. Secundus, quando conjux conscia de dispositione juris consentit virum ingredi religionem, ut in ea profiteatur. Tertius, quando quis delictum commisit, per quod necesse sit in monasterium detrudi. In secundo, & tertio casu non potest cogi ad profitendum, sed ad ingrediendum religionem, vel ad continentiam servandam, vel ad luendam poenam. Cogi insuper potest, si conjugata post duos menses renuat consummare matrimonium, ad deliberandum de religione. Si post quinquennium dicat professionem fuisse nullam. Præter hos ca-

sus, compellere ad religionem expresse prohibetur sub poena excommunicationis maioris, non tamen reservatæ, a Concil. Trident. *sess. 25. cap. 18.*

Quar. 5. An decretum Concilii, in quo agit de coactione, debeat intelligi de coactione proprie dicta.

Resp. Affirmative. Ita Azor. *p. 1. lib. 13. cap. 9. q. 2.* Barbof. *allegat. 104. n. 3.* afferens Armendar. testantem, ita fuisse decisum; cum enim decretum sit poenale, debet stricte accipi, atque adeo de coactione stricte, & rigorose sumpta. Hinc neque vehemens persuasio, neque preces, nisi sint personæ, a qua proveniat metus reverentialis, subsunt huic poenæ, ut notat Bonacin. *de censur. disp. 2. q. 2. pun. 1. n. 1.*

Quar. 6. An hæc excommunicatio extendatur ad dantes consilium, auxilium, consensum, aut favorem.

Resp. Affirmative ex Concil. Trid. quia huiusmodi actus, cum sint accessorii, & correlative ad priorem actum, aliquo modo influunt in ipsum, unde merito comprehenduntur sua prohibitionem. Et ob eandem rationem extenditur poena etiam ad scientes, puellam sponte non ingredi, habitum suscipere, aut profiteri, si præsentem fuerint actui, aut consensum, aut auctoritatem interposuerint. Nomine tamen præsentis intelligitur tantum illa præsentia, quæ sit ex proposito, & intentione actus prohibiti, ita ut contineat quendam tacitum consensum, ut notat Sanch. *lib. 4. Sum. c. 4. n. 21.* Unde qui præsens esset ex alia causa, non subjiceretur huic poenæ.

Quar. 7. An ad hoc, ut habeat locum hæc excommunicatio, requiratur effectus, scilicet ingressus, aut habitus susceptio, aut professio.

Resp.

Resp. Requiritur, quia non imponitur nisi cogentibus ingredi &c. non dicitur autem cogi ingredi, nisi sequatur effectus, scilicet ingressus &c. Neque habet locum, si coactio non sit ad vitam religiosam suscipiendam, ut notant Navar. Rodriguez, Zerol. Sanch. & Bonac. *dis. cit. p. 2. n. 6.*

Quar. 8. An pro hac coactione inducenda sufficiat metus.

Resp. Non esse dubitandum, si metus sit gravis, quin ad inducendam coactionem sufficit, quod actus non sit voluntarius; actus autem ex metu elicitus voluntarius non est; quia voluntas meticulosa habet in superficie volitionem, & in medulla nolitionem, *l. Nihil ff. de reg. jur. Bald. in c. quisquis n. 11. de elect.*

Quar. 9. An metus reverentialis sufficiat ad hanc excommunicationem contrahendam.

Resp. Si ex se concipitur a puella ob reverentiam parentum absque illorum cooperatione, non sufficit, quia in tali casu parentes non se habent active. Ita tenent Rodriguez, Riccius, Tambur. & Portel. *in dub. Regular. v. Moniales* 12. Si vero oritur ex declaratione voluntatis parentum, aut consanguineorum, contrahitur præsens excommunicationis, siquidem in jure habetur ratio hujus timoris; unde non contradicens ob reverentiam non censetur consentire, *c. si cum de-rem, §. eo autem tempore, ff. de solut. matrim.* Rursus reverentia parificatur cum metu, *l. 1. §. qua oneranda, ff. quar. rer. act. non det.*

Quar. 10. An peccent moniales scienter recipientes puellam coactam suscipere habitum religionis, vel professionem emittere.

Resp. Quod sic, & quidem mortaliter,

Peyrin. t. 2. q. 3. c. 1. §. 2. Si enim cogentes ad ingressum mortaliter peccant, peccabunt quoque moniales, quia recipientes puellam cooperantur actui injurioso libertati, & consequenter peccaminoso. Imo. incidunt etiam in prædictam excommunicationem, quia coactio ad ingressum, & admissio in præsentī casu sunt correlativa, quia coactio, ut diximus, debet intelligi cum effectu; de natura autem correlativorum est, quod dictum de uno, de altero quoque dictum esse censeatur; *l. nlt. C. de ind. videt. C. de Supr. lib. 11.* Si ergo subduntur excommunicationi cogentes, subduntur etiam admittentes, quod clare habetur ex Trident. *loc. cit. ibi. Quoquo modo eidem actus præsentiam, vel consensum interposuerint.* Ita Majol. & Tambur. quos refert, & sequitur Pasqualig. in *Lauret. p. 1. n. 664.*

§. III.

De Anno Probationis.

Quer. 1. **A** Quo tempore incipiat annus probationis.

Resp. Incipere a die susceptionis habitus, five ab eo die, quo communem sequitur aliarum monialium vitam, & incipit puella experiri religionis asperitates, ac incorporatur aliquo modo religioni, ita ut ponatur in dispositione, quod fiat membrum ipsius. Miranda, Faustus, Pasqualig. & alii.

Quer. 2. In qua ætate possint puellæ admitti ad annum probationis.

Resp. Cum communi non posse admitti ante perfectam pubertatem, quæ in foeminis perficitur anno duodecimo completo. Ratio est, quia tempus probationis datur ad hoc, ut no-

ut novitiæ experiri possint religionis austeritates, inter quas supremum omnium locum tenet observantia castitatis, cujus difficultates impuberes nequeunt experiri.

Quar. 3. An probationis annus debeat esse completus.

Resp. Debere, constat ex Trid. *sess. 25. de Reg. c. 15. ibi.* In quacunque religione tam virorum, quam mulierum, nullus ad professionem admittatur, qui minori tempore quam per annum in probatione steterit; professio autem antea facta, sit nulla, nullosque habeat effectus. Hoc decreto remanet sublata facultas remittendi annum probationis, qui de partium consensu remitti poterat, c. ad Apostolicam de Regular.

Quar. 4. An iste annus debeat esse completus de momento in momentum.

Resp. Cum communi quod sic, quia Concilium statuit, quod nullus ad professionem admittatur, qui minori tempore, quam per annum, in probatione fuerit; unde qui staret una hora, vel quadrante minus, staret minus anno, juxta l. 3. §. minorem, ff. de minor. atque adeo contra statutum Concilii operaretur. Tum quia quando anni assignantur cum propositione *Per*, debent esse completi, l. non putabam, & l. si annos, ff. de condition. & demonstr. dissentiunt Rodriq. Gratian. Diana, & alii, asserentes sufficere diem esse inceptam, quia in favorabilibus dies cœpta habetur pro completa, & in moralibus parum pro nihilo reputatur; sed hæc non subsistunt, quia procedunt, quando lex aliter non disponit, prout in casu. Unde etiam in Anno bissextili duo dies debent computari pro uno, quia tunc ille annus eo solum modo dicitur completus. Ita Sanch. Lessius, Rodriq.

& Lator. qui refert ita decisum fuisse a Sac. Congreg. Quare moniales admittentes scienter puellam ad professionem ante dictum annum expletum peccant mortaliter, quia in re gravi agunt contra Concilium. Faustus, Lefs. Sylvest. & Peyr.

Quar. 5. An probationis annus debeat esse continuus.

Resp. Cum communi affirmative, quia, quando lex certum tempus requirit, intelligendum est de tempore continuo, ut volunt Doctores; ita interpretatur consuetudo, & declaravit Sac. Congreg. Concilii, teste Suar. t. 3. de Relig. lib. 5. c. 15. n. 3. Sufficit tamen, quod hæc continuatio sit per annum expletum; unde si completo anno puella egrederetur a monasterio, & postea rediret, professionem emittere posset virtute antea actæ probationis, nec teneretur novum novitiatus annum incipere, ut contra Suarez, & Vecchium docet Sanchez cum Glos. 1. in cap. cum qui de Regular. in 6. quæ dicie, cum, qui certus est, certiorari amplius non oportere. Et hoc ipsum firmat Jo. And. in addit. v. exivit. & sequitur Lapp. allegat. 47. nu. 2. & 3. S. Antonin. & Sylvest. dicens, hanc sententiam esse indubitatam, quam etiam probavit Sacra Congregat. Concilii in novitia, quæ exivit sine licentia. Item proposito dubio, An novitia, quæ finito anno probationis exivit e monasterio sine licentia Ordinarii, iterum reversa, possit ad professionem sine nova probatione emittenda admitti. Die 12. Februarii 1598. Sacra Congregat. censuit posse, nisi conditio religionis, aut persona sit immutata, idque a superioribus Monasterii diligenter esse dispiciendum.

Quar.

Quar. 4. Quomodo probationis annus interrumpatur.

Resp. Interrumpi per quancunque habitus dimissionem factam animo cum amplius non reassumendi, ac religionem deserendi. Ita Suarez, Vecchius, Portel. & Sanchez, qui cum Peyrin. Navar. & aliis censet, etiam per modicam interpolationem unius, vel duorum dierum probationis annum interrumpi. Quia tempus petatum ad aliquem actum, censetur peti tanquam forma, ut probat *text. auth. qua supplicatio, c. de precib. Imper. offer.* Omissio autem formæ in minimo vitiat actum, ut alios allegans probat Tiraquel. *tract. de iud. in rebus exiguis n. 12.* Cum ergo ad professionis valorem petat Tridentinum annum continuum, illam irritam reddet quantumvis minimus continuationis defectus. Quod maxime verum est, si novitia egrediatur cum animo determinato permanendi in sæculo, quia per egressum, & voluntatem non profitendi novitatus antecedens dicitur extinctus, ut respondit Rota in *Melevitana nullitatis professionis coram Roya dec. 491. n. 13. & seq.*

Limitat hanc doctrinam Navar. *id 1. edit. lib. 2. consil. de regular. cons. 45. n. 1.* casu quo notitia brevi tempore latitaret in camera monasterii animo fugiendi, quia momentaneum, & non considerabile reputatur, stante permanentia, & continuatione in monasterio.

Quar. 7. An puella interrumpat probationis annum, si fugiat e monasterio, habitu retento.

Resp. Interrumpere. Ita sentiunt Rosel. Sylvest. Manuel, & Sanchez, quia per permanentiam extra religionem jugum obedientiæ interrumpitur. Et ita videntur sentire, etiam

si animo redeundi fugiat. Hoc tamen non admittit Sanchez, nisi quando esset proprie fuga, qua religio deferitur animo etiam redeundi; nam si exiret ad vitandam tantum Abbatissæ, vel Magistræ sævitiam, non teneretur incipere novitium, quia in rigore fugitiva non esset.

Quar. 8. An censi debet interruptus probationis annus, si puella a monialium capitulo dimissa, & habitu religionis expoliata, postea mutata sententia ad habitum restituatur, antequam exeat e monasterio.

Resp. Non censi interruptum, quia in hoc casu habitus dimissio non est cum effectu egressionis. Suar. Vecc. & Peyrin.

Quar. 9. An probationis annus interrumpatur, si novitia tempore probationis, causa infirmitatis curandæ, in domum parentum habitu religionis induta se transferat.

Resp. Discrepant in hoc doctores. Non interrumpi putant Suar. t. 3. de relig. lib. 5. c. 14. n. 13. Nav. Scrb. & alii, & ita declaratum fuisse a Sac. Cong. refert Vecch. disp. 12. dub. 3. nu. 13. Censetur enim monachus esse in monasterio, quandiu extra moratur de licentia sui Abbatis, ut dixit Abb. c. cum illorum de sent. excom. Quod procedit, etiam si hujusmodi licentia illicite, & sine causa rationabili concedatur, ut ex Suar. & Diana notat Barb. alleg. 101. n. 28. de off. & potest. Epi. c. Aliter in hoc puncto judicavit Rota Romana, apud Farin. p. 1. dec. 171. n. 2. Quapropter priorem opinionem modo in praxi non esse tutam, ait Gratian. discept. for. 10. 1. c. 166. n. 16. quia continuus anni probationis in religione est de forma, & in his, quæ sunt de forma, rigor juris servandus est. Amplectitur hanc secundam sen-

sententiam Peyrinus in casu longæ absentiæ sine causa procuratæ, ad fugiendas asperitates: si vero absentia sit per breve tempus aliquorum dierum, non mensium, admittit primam.

Quar. 10. An sit de essentia quod novitiatus compleatur a puella habitu religionis induta.

Resp. Esse de essentia, patet ex Trid. *sess. 25. de Regul. c. 15. in illis verbis: Minori tempore quam per annum post susceptum habitum in probatione steterit.* Hoc confirmat consuetudo, & suadet ratio; nam non posset novitia probare austeritatem monachalem, quæ magna ex parte in vestibus consistit. Ita Azor. Rodriq. Sanch. Mirand. & alii. Et quidem vestis novitiæ debet esse secundum regulæ suæ statuta, Sylv. v. *habitum n. 1. & 3.* & ubi figura, color, & materia vestium determinata sunt, peccaret mortaliter varians, vel mutans, nisi fieret mutatio parva, quæ non sit notabilis, ut in prolixitate, vel brevitate. Ita Tambur. & ante eum Jo. Andr. *de regul. iur. reg. 88. n. 3.*

Quar. 11. An moniali novitiæ iusta de causa possit protrahi annus probationis.

Resp. Videri quod non, quia Concilium *cit. sess. cap. 16.* expresse præcipit, quod finito tempore novitiatus, Superiores novitias, quas habiles invenerint, ad professionem admittant, aut eas e monasterio ejiciant, & juxta hoc decretum Sacra Congregatio Concil. teste Mirand. *q. 8. de Monial. art. 3.* declaravit, monialibus, elapso tempore novitiatus, si habiles sint, præfigendum esse ab Ordinario terminum quindecim, aut viginti dierum, ad deliberandum, num velint profiteri necne, & si renuant profiteri, continuo remittendas esse ad parentes, aut consanguineos.

Verum per hoc decretum non tolli, quin ex rationabili causa possit prorogari annus probationis, & proinde verba illa *finito tempore* intelligenda esse civiliter, ac cum moderata latitudine, & quando nulla subest causa prorogandi, tradunt Rodriq. Navar. Sanch. Less. & Faustus, & ita declaravit Sac. Congr. ut habetur ex *collect.* Card. Bellar. *ad c. 15. de regul. sess. 25.* ita etiam observatur in praxi. Alioquin nimis durum esset, ut novitia, revoluta anno probationis, confestim, & nulla interjecta mora, expellenda esset e monasterio, si protinus ob legitimum aliquod impedimentum profiteri non posset, aut pro qualibet brevi dilatione impetranda recurrendum esset ad Sedem Apostolicam.

Quær. 12. Quantum possit probationis tempus prorogari.

Resp. Quod si prorogetur, quia novitia de presenti sit inhabilis ad profitendum, & adsit spes superventuræ habilitatis, potest protrahi usque ad sextum mensem, sicut declaravit Pius V. pro Patribus Dominicanis *in eorum Constit. ad text. 11. c. 14. de Novit. dist. 1.* referente Donato *in Praxi regul. par. 4. tr. 9. q. 18. n. 9.* & cum hoc sit fundatum in ratione, mihi videtur servandum, quia nisi per sex menses superveniat habilitas, non videtur amplius speranda, præsertim si agatur de moribus.

Si vero protrahatur ratione impedimenti, aut negotii, videndum est, an puella remaneat in novitiatu, ita ut continuari possit experimentum morum ipsius, an vero exeat e monasterio. Si remaneat in novitiatu, atque adeo in experimento, existimat Pasqual. *in Laurent. p. 1. n. 43.* quod possit prorogari per totum illud tempus, quo durat impedimentum,

seu negotium; nam, durante causa prorogationis, potest etiam durare prorogatio, cum inde non proveniat aliquod damnum religioni, immo potest diutius novitiæ mores experiri. At si exeat e monasterio, non poterit prorogari nisi per breve tempus, in quo non sit moraliter possibile, quod mutet mores, unde ad summum prorogari poterit per duos menses; nam in minori tempore posset de morum mutatione dubitari.

Quar. 13. An facta una prorogatione, possit fieri & alia.

Resp. Si debet fieri in ordine ad expectandam habilitatem, poterit fieri, si jam inceperit fieri habilis; secus autem si non inceperit, nam tunc prudenter censenda est desperataabilitas. Si vero est facienda ob negotia, vel impedimenta, poterit fieri, si maneat in novitiatu; at si maneat extra monasterium, nullo modo potest fieri, quia facite illam disciplinam exueret, qua in novitiatu fuit imbuta.

Quar. 14. An quando prorogatur tempus, debeat compleri de momento in momentum.

Resp. Debere compleri, sicut diximus de anno probationis; nam prorogatio censetur una & eadem cum prima dispositione, ut per Rotam coram Seraph. dec. 5326. n. 3. & primum tempus præfixum ita confunditur cum tempore postea addito per prorogationem, ut reputetur unum & idem tempus, non autem diversum a primo. Ita in terminis prorogationis novitiatus Rovit. dec. 40. n. 11.

Quar. 15. An puella de licentia Ordinarii possit recipi in habitu sæculari intra monasterium ad effectum quidem habitum religiosum suscipiendi, sed non nisi post plures dies.

Resp. Non posse, quia Ordinarii nullam auctoritatem

toritatem habent introducendi puellas intra clausuram nisi ad effectum habitus illic suscipiendi in locis numerariis, ac directo ad locum novitiatus eundi. *Salernitana* 10. *Februarii* 1645. & 11. *Junij* 1646. Hæc habitus suscepcio debet fieri immediate; vel ad summum, si adsit consuetudo, puellæ detineri possunt in habitu sæculari per duos, vel tres dies. In *Brixien.* 13. *Junii* 1594. Aliàs tam ingredientes, quam recipientes incurrunt in censuras, & poenas. Bullæ Gregorii XIII. in *Auximana* 13. *Nov.* 1589. in *Asten.* 18. *Decemb.* ejusd. an.

§. IV.

De Bonorum renuntiatione ante professionem faciendâ.

Quer. 1. **Q**Uæ forma in bonorum renuntiatione sit servanda.

Resp. Forma in bonorum renuntiatione servanda traditur a Conc. Trid. sess. 25. de *Regul. c. 26.* ubi dicitur: *Nulla renuntiatio, aut obligatio antea facta etiam cum iuramento, vel in favorem cujuscunque causæ piæ, valeat, nisi cum licentia Episcopi, siue ejus Vicarii fiat intra duos menses proximos ante professionem; ac non alias intelligatur effectum suum sortiri, nisi secuta professione; aliter vero facta, etiam si cum hujus favoris expressâ renuntiatione, etiam jurata, sit irrita, & nullius effectus.*

Quer. 2. Qui contractus comprehendantur sub nomine renuntiationis, & obligationis.

Resp. Quod, cum mens Concilii fuerit novitiorum libertati consulere, in hoc decreto comprehenduntur omnes illæ renuntiationes, & obligationes, quæ difficilem e religione egres-

egressum possunt efficere. Quare sub hac prohibitione veniunt omnes contractus lucrativi, quales sunt donationes, renunciationes, fidejussiones, liberationes a reddendis rationibus &c. & etiam illi contractus onerosi, in quibus non tantumdem recipitur, quantum datur. Non tamen comprehenduntur contractus emptionis, & venditionis, permutationis, locationis &c. nec testamentum, quia in his casibus, cum non minuatur patrimonium, non læditur libertas novitiæ; ita quod difficilis reddatur egressus, ad quod respexit Concilium: cessante igitur ratione finali, cessabit quoque prohibitio. Ita Sanchez, in *Decal. t. 2. lib. 7. c. 5. a n. 31. usque ad 35.* alios referens. Addunt aliqui, posse novitiam de propriis bonis aliquid monasterio mutuare, maxime si intercedat fidejussio, vel pignus, aut saltem scriptura publica, quia ratio Concilii cessat in mutuo; nam si discedit novitia a religione, facile recuperare poterit, quod mutuaverit monasterio. Verum in praxi sequendum oppositum tanquam conformius menti Concilii.

Quar. 3. An comprehendatur sub decreto renunciatio facta a novitia statim post susceptum habitum sub conditione, ut sit irrita, si non sequatur professio.

Resp. Comprehendi. Ita Navarr. Rodriquez & Faust. quos refert, & sequitur Sanchez *loc. cit. n. 17.* & ratio est, quia in renunciatione facta in tempore habili, & cum solemnitate requisita per decretum, inest tacita conditio, ut professione nondum secuta sit nullius valoris: & tamen ea solemnitas est necessaria; ergo dicendum idem est, ea conditione expressa, cum taciti & expressi idem sit iudicium, *l. cum quid. ff. si cort. pet.* & frustra expri-

exprimitur, quod tacite subintelligitur, l. *Cornelia*, ff. de *hared. instir.*

Quar. 4. An renunciatio facta a puella de suis bonis ante ingressum, intuitu tamen ingressus religionis, sit valida.

Resp. Contra Navar. & alios, quos refert, & reprobat Sanchez *ubi supra* n. 3. esse validam. Quia puella renuncians ante habitus susceptionem est persona mere secularis, & tractatur de bonorum temporalium renunciatione; ergo non censetur de ea aliquid disponere voluisse Tridentinum, cum *in d. c.* non loquatur de secularibus, sed de novitiis; unde subintrat regula, quod prohibita certo tempore, censentur in reliquo permessa. Quare cum ista renunciatio sit prohibita tempore novitiatus, in alio tempore, nempe ante novitiatum, censetur permessa. Et ita hanc sententiam tenent Mendos. Passarel. Gratian. Vega, & Sanch. *loc. cit.* n. 4. qui refert, Sac. Congr. censuisse, dispositionem Concilii non habere locum in renunciatione facta ante susceptionem habitus.

Quar. 5. An renunciatio facta a novitia religionem ingressa, non servatis solemnitatibus juris civilis, sit valida.

Resp. Quod sic. Quia attendendus est status, in quo disponens reperitur, ad videndum, quibus legibus teneatur. Novitia autem, quamvis sit tantum in via ad religionem, reputatur tamen pro persona Ecclesiastica, *Cap. Religioso*, §. 1. de *sent. excom.* ubi ceteri Canonistæ. Si ergo novitia est intra Statum Ecclesiasticum, non tenetur regulare suas dispositiones secundum solemnitates juris civilis, & ideo iis deficientibus erit valida renunciatio. De hoc fuse Sperell. *decis.* 16. n. 17.

Quar. 6. An renunciatio facta a novitia, juxta

juxta formam Tridentini in favorem monasterii, vel alterius, corrumpat, si novitia ante professionem moriatur.

Resp. Quod sic, quidquid in contrarium sustineat Fuscus. Ratio est, quia secuta morte non est adimpleta Tridentini conditio, quæ est, ut non alias intelligatur effectum sortiri, nisi secuta professione. Et hanc opinionem tenent Navar. & Passarel. in *Priv. Minor.* c. 37. qui testatur, Sac. Congr. sic respondisse. Idem quoque dicendum est, si professio sit invalida, quia idem est, actum non fieri, & esse nullum, ut late probat Sanch. de *Matr. lib. 3. disp. 3. n. 1.* Quare si probata nullitate dimittatur ad sæculum per sententiam judicis, evanescit omnino renunciatio, ac si nunquam facta fuisset. Si vero professionem ratificet, renunciatio quoque firmatur absque aliquo alio actu de novo versante circa ipsam renunciationem.

Quer. 7. Si renunciatio, seu donatio ex defectu formæ sit nulla, subsecuta postea professione vel tacita, vel expressa, quibusnam debeantur bona novitiæ, parentibus ne, si in istorum favorem facta fuit renunciatio; an vero monasterio.

Resp. Videtur, deberi parentibus, quia ex illa renunciatione, vel donatione, quantumvis nulla, colligitur animus profitentis, non transferendi in monasterium, quæ renunciaverat, vel donaverat, juxta *l. legatum, §. fin. ff. de adm. leg.* Nihilominus, non obstante hac intentione, tenendum est, deberi monasterio. Nam intentio donantis non potuit sortiri suum effectum ob nullitatem renunciationis, & ideo bona renunciata remanent sub dominio ipsius; unde cum in professione dedit se ipsam, & sua Deo, & religioni, ex

vi hujus efficacis intentionis transferuntur in monasterium, non secus ac si non præcessisset donatio, vel renunciatio aliqua. Et hoc verum est, etiam si tempore professionis non haberet notitiam nullitatis, quia translatio horum bonorum in monasterium consequitur ad translationem personæ, quæ trahit secum omnia bona, & jura ex natura sua, & ideo non est necessaria in proficiente specialis voluntas transferendi hæc bona, sed sufficit, si intendat tradere propriam personam. Ita Pasqualig *in quest. Moral. Jurid. q. 26.*

Quar. 8. An valeat renunciatio, in qua novitia nihil sibi, nec monasterio reservavit.

Resp. Valere, quia liberam habet potestatem disponendi de omnibus suis bonis volens ingredi religionem, ex *Authent. de Monac. §. illud.* Ita omnes cum Gratian. *c. 168. n. 19. & 20.* ubi de testamento novitiæ, quod non rumpatur, facto intuitu ingressus, licet nihil relictum fuerit Monasterio. Sanchez. *lib. 7. c. 3. n. 34.*

Quar. 9. An novitia renuncians bona monasterio possit illud obligare ad sibi solvendam certam pensionem annuam.

Resp. Posse, & quidem ita ut monasterium teneatur ex justitia ei solvere dictam pensionem. Peyrin. *t. 1. c. 2. §. 1.* ex Ledesma, quibus assentitur Tamburinus; quia novitia in actu renunciandi est domina suorum bonorum, atque adeo potest de iis libere disponere, cui maluerit, sive absolute, sive cum onere. Constat autem, quod hæres tenetur ex justitia implere onera sibi injuncta. Verum tamen est, quod post professionem non potest uti dicta pensione sine licentia.

Quar. 10. An possit novitia facere eleemosynam de suis bonis tempore novitiatus absque

que solemnitate requisita a Trid. *dist. cap. 16.*

Resp. Posse non solum pauperi extraneo, sed etiam monasterio. dummodo tamen consideratis facultatibus ipsius novitiæ sit modica; & ratio est, quia ob stare non potest libertati egressus a religione. Ita Sanch. *loc. cit. n. 22.* qui existimat, dictas eleemosynas non teneri monasterium restituere novitiæ, si contingat discedere a religione.

Quær. 11. An parentibus novitiæ interdictum sit de propriis ipsorum bonis facere monasterio eleemosynas illas, & donationes, quas facere possunt cuicumque extraneo.

Resp. Non esse prohibendum, quia Concilium in d. decreto solum prohibet ex bonis novitiæ aliquid tribui monasterio, non autem ex bonis parentum. Sanch. *loc. cit. n. 23.*

Quær. 12. An lata sit aliqua poena in parentes, procuratores, vel propinquos novitiarum, qui de earum bonis aliquid tribuunt monasterio.

Resp. Ex Emman. & Rodriq. dicitur. Refert Sanch. *loc. cit. n. 26.* esse latam a Concilio, d. cap. 16. excommunicationem ipso facto incurrendam. Alii tamen non latam esse sustinent, sed ferendam; quia Sancta Synodus præcipit sub anathematis poena stantibus, & recipientibus, ne hoc ullo modo fiat; quæ verba solum excommunicationem ferendam continent, ut tradunt Doctores in *tratt. de excommunic.* Sanch. *ubi supra.*

Quær. 13. Quo tempore facienda sit renunciatio.

Resp. Fieri debere intra bimestre computandum a die professionis futuræ. Patet ex Concilio *loc. cit.* ubi dicit, *Intra duos menses proximos ante professionem.* Et hoc bimestre esse

esse mathematice accipiendum, sistent Sanchez & Peregrin. *ad Constit. sui Ordin. p. 2. c. 1. §. 20.* & declaravit Sac. Congr. 22. *Januarii 1617.* apud Aldan. Ratio est, quia dum Concilium statuit bimestre, requirit tempus certum, & limitatum, quod constat ex tot diebus tanquam partibus sibi essentialibus, ita quod si desit unus dies, non dicitur amplius illud tempus, sed aliud diversum. Igitur hoc bimestre numerandum est mathematice, alioquin si deesset unus dies, non diceretur renunciatio facta intra bimestre, sed extra illud.

Quod si contingat, professionem ultra novitiatus annum ex causa prorogari, non est opus, renunciationem fieri intra bimestre proximum professioni, sed est in arbitrio novitiæ renunciare intra illud bimestre, quod præcedit ultimum terminum anni formalis probationis, quia lex ea, quæ frequenter accidunt, spectat, & professio frequenter finito anno novitiatus fieri solet. Unde cum Concilium petit, fieri renunciationem bimestri ante professionem, intelligendum est bimestri proximo tempore, quo regulariter professio fieri debet. Ita Sanchez *lib. 110. cap. 5. n. 28.*

Quar. 14. Si ex dispensatione pontificia octavo mense novitia esset professura, an sufficeret in hoc casu tempus bimestre ante professionem ad renunciationem faciendam.

Resp. Affirmativam sententiam tradi a Castropalao, & Diana, quia Concilium nihil aliud exoptulat, nisi quod renunciatio fiat intra bimestre proximum professioni, sive professio differatur, sive acceleretur. Oppositam tamen ut securiorem in praxi sistent Sanch. *loc. cit. num. 85.* Coton. & alii, & sic volunt, renunciationem esse faciendam,

dam, vel die professionis, vel die immediate antecedenti, quia dispensatio non se extendit ad accessoria separabilia, sed ad necessario inseparabiliter connexa. Non est autem inseparabiliter connexum, ut renunciatio fiat integro bimestri ante professionem, unde ea dispensatio non se extendit ad totum id tempus; quia tamen renunciatio fieri nequit tempore designato a Concilio, erit servandum in quantum fieri potest, & sic quod fiat proxime professioni.

Quar. 15. An valet renunciatio extra bimestre facta a novitia ex indulto Pii V. causa periculi mortis infra annum probationis proficiente.

Resp. Valet, si fiat paulo ante professionem, & mortem, juxta dicta in responsione antecedenti de proficiente infra annum probationis ex privilegio. Si autem convalescat, quia ea professio pro nulla habetur, cum non decesserit, ut ex relatis a Sperello *dec. 16. n. 24.* nullius momenti est renunciatio, cum pendeat a professione illa, quæ evanescit; consequenter ea iterum facienda est ad formam Tridentini intra bimestre proximum professioni, probationis anno finito. Peyrin. Bord. & alii.

Quar. 16. An puella nondum secuta professione possit renunciationem revocare.

Resp. Pasqual. in *Lauret. p. 1. nu. 26.* affirmative; quia Concilium decernit, quod non intelligatur effectum suum sortiri, nisi secuta professione, & proinde induit naturam testamenti quoad hanc partem, quod ideo est revocabile, quia non sortitur effectum, nisi secuta morte. Nec obstat, quod renunciatio statim valida sit, & firma, & solum suspendatur effectus; nam etiam testamentum
statim

Statim ac conditum est cum debitis solemnitatibus, est validum, & firmum; quia tamen non disponit de presenti, sed pro tempore mortis, remanet revocabile. Sic etiam, quia renunciatio non disponit pro tempore presenti, sed pro tempore professionis; nam solum per professionem confirmatur in ordine ad effectum, erit revocabilis. Unde non recte Sanchez *lib. 7. c. 5. n. 48.* asserit esse irrevocabilem, & postea *n. 50.* concedit posse revocari per testamentum. Nam si absolute non est revocabilis, nec etiam per testamentum revocari poterit; semper enim expectandus esset eventus conditionis, si esset conditionalis. Huc usque Pasqualig. qui pro se citat Menoch. *consult. 388. n. 34.* cui adde Carenam *ref. 166. n. 4.* & Burat. *decis. 581.* Verum opposita sententia est communis, quam multis probat Bordon. *ref. 60. qu. 10. nu. 15.*

Quar. 17. An sit necessaria Episcopi licentia ad valide renunciandum.

Resp. Esse necessariam ex Trid. *d. cap. 16.* ubi habet, *Nisi cum licentia Episcopi, seu ejus Vicarii, & si Episcopus nolit hanc licentiam concedere, poterit Archiepiscopus supplere, si novitia ad eum recurrat, quia est iudex appellationis in causis suffraganeorum, Diana p. 8. tract. 4. ref. 53.*

Quar. 18. Quinam veniant nomine Episcopi ad effectum hanc licentiam impertiendi.

Resp. Cum concessio hujusmodi licentiæ sit actus jurisdictionis; venire omnes illos, quibus competit jurisdictio. Cum ergo hæc competat Episcopo etiam non consecrato, Archiepiscopo non palliato, Capitulo, vel ejus Vicario, sede vacante, Abbatibus, & Prælatibus habentibus territorium, & nullo Episcopo subje-

subjectis, nec non Vicariis Prælatorum jurisdictione Episcopali gaudentium, hi omnes poterunt talem licentiam impertiri. Ita *Peregrin. p. 2. cap. 1. §. 25. lit. G.* Poterunt etiam talem facultatem delegare, quia hæc est potestas ordinaria, cum sit a lege.

Quær. 19. An nomine Episcopi veniat Vicarius Foraneus, & monialium.

Resp. Vicarium Foraneum non venire, atque adeo non posse ejusmodi licentiam concedere. Ita declaravit Sac. Congr. Conc. in una *Sarzanen. die 4. Februarii 1648.* Neque venire Vicarium per Episcopum ad regimen monialium deputatum, nisi fuerit eidem concessa sufficiens facultas, censuit sæpe Sacra Congreg. Concilii. Secus tamen dicendum est, si in deputatione fuerit concessa omnimoda potestas cognoscendi omnes, & quascunque causas, etiam civiles, cum omnibus annexis, connexis, emergentibus, & dependentibus, nec non faciendi omnia, quæ juxta formam Sacrorum Canonum, & Concilii Tridentini facienda sunt, quia, licet in dictis clausulis nulla fiat expressa mentio de facultate dandi dictam licentiam, censetur concessa per æquipollens. Ita pariter censuit Sac. Congr. Concilii in una *Neapolitana 23. Aprilis 1641.* Quod etiam sustinet *Pasqual. loc. cit. n. 26.*

Quær. 20. An licentia Episcopi pro renunciatione requiratur in scriptis.

Resp. Non exigi in scriptis, quia Tridentinum nullam scripturæ mentionem facit, & ubi in scriptis eam obtinendam voluit, id expressit, ut fecit *sess. 25. de Regula cap. 5.* tractans de licentia ad ingrediendum monialium monasteria. Verum tamen est, quod licet non requiratur in scriptis ad formam actus,

actus, requiritur ad probationem actus, præsertim quia ex lapsu plurium annorum non præsumitur, ut dixit Rota in *Romana fidei-commis.* 14. Novemb. 1624. coram Remboldo. Ita omnes cum Pasqual. in *Franc. p. 2. q. 42.* ubi notat, licentiam non solum debere esse petitam, sed etiam obtentam, quia licentia non dicitur adesse, dum tantum est petita. Nec sufficit subsequi, sed debet præcedere renunciationem; cum enim requiratur ad validitatem renunciationis tanquam forma, eo quod Concilium irritat renunciationem factam sine tali licentia, ipsa deficiente, actus redditur nullus. Ex quo fit, quod si renunciatio sit conditionalis, si nempe accesserit consensus Episcopi, tunc solum incipit valere, quando talis consensus accedit, quia tunc solum habetur forma validitatis.

Quæ. 21. An decretum Concilii requirens in renunciatione prædictas condiciones intelligatur de omnibus novitiis, an de solis minoribus sexdecim annis.

Resp. Existimat Menochius de *arbitr. judic. lib. 2. cent. 5. casu 43. n. 8.* intelligi de solis minoribus sexdecim annis, atque adeo novitias ætatem hanc excedentes posse quandoque libere de suis bonis disponere. Sed contrarium est verius, & servatur in praxi. Mens enim Concilii fuit consulere novitiorum libertati, ne scilicet cogantur in religione permanere, quia egrediendo nequeunt donata recuperare; quæ ratio æque militat in majoribus sexdecim annis, unde stante paritate rationis, par quoque debet esse dispositio. Ita Doctores, quos refert, & sequitur Sanch. in *decal. lib. 7. cap. 5. n. 7.*

§. V.

*De Dote ante Monialium Professionem
soluenda.*

Quer. 1. **A**N, & quo titulo recipi possit
dos pro admissione monialis
ad professionem religiosam absque labe simo-
niæ.

Resp. Posse. Sicut enim in matrimonio
carnali non est simoniaca receptio dotis, quia
recipitur, non quatenus matrimonium stat
sub qualitate Sacramenti, sed quatenus in-
ducit rationem contractus, sub qua ratione,
quia habet annexa onera, quæ non possunt
sine temporalibus bonis sustentari, licitum
est, ut uterque conjux aliquid ad hoc confe-
rat; ita nec erit simoniaca receptio in matri-
monio spirituali, si consideretur, non qua-
tenus dicit quoddam genus consecrationis ta-
lis personæ ad cultum Dei, sed quatenus im-
portat rationem contractus, ex vi cujus mo-
nasterium suscipit in se omnia onera tempe-
ralia, quæ ad sustentationem profitentis sunt
necessaria. Quare, licet status religiosus, qua-
tenus spiritualis est, vendi non possit, nec ali-
qua re temporali compensari; tamen quatenus
est contractus, onus illud indiget subsidio tem-
porali, ac proinde non est contrarium, neque
dissonum rationi naturali, quod puella, quæ
religionem ingreditur, temporale aliquod sub-
sidium secum afferat, quo ad eam sustentan-
dam religio juvetur; & proinde Cajetanus in
2. 2. q. 100. art. 3. ait hoc esse jus naturale.

Quer. 22. An, si monasterium sit dives,
possit sine labe simoniæ dotem recipere.

Confess. Monial.

C

Resp.

tradicientibus monialibus, dummodo semper sufficiens remaneat quantitas pro sustentanda moniali. Secundo, pro supranumerariis, & pro tertia sorore duplicem eleemosynam, hoc est duplicatam summam ejus, quæ in receptione monialis intra numerum dari consuevit, solvi debere; & pro quarta sorore petente admitti in idem monasterium solvendam esse triplicatam. Tertio advertit ex Sacra Congregat. 5. *Septembris* 1604. & 26. *Augusti* 1616. quod tertia, & quarta sorores careant suffragio in capitulo, quousque altera ex duabus primis sororibus moriatur.

Quar. 4. An monasterium possit pacisci de majori dote, quia puella recipienda est vilis conditionis, vel advena.

Resp. Cum Rodriguez, & aliis non posse, quia juxta indulta Apostolica monialibus non permittitur quidquam recipere ultra taxam, nisi quod offertur liberaliter absque pacto expresso, aut tacito, seu præsumpto, cujusmodi utique non est id, quod in tali casu solveretur nomine dotis ultra taxam, unde talis excessus reputaretur simoniacus, ut advertit idem Rodriguez, & ideo deberet restitui, ut notat Diana in *opere coord. t. 5. tract. 1. resol. 329. §.* Quo ad advenas verò extat decretum Sac. Congreg. 30. *Septembris* 1616. statuens in dotibus recipiendis nullam differentiam admittendam esse inter puellas terrieras, & inter advenas.

Quar. 5. Quid dicendum sit in sequenti casu. Cuidam monasterio impositum fuit onus a fundatore, ut recipiatur una puella sine dote, qua defuncta, sufficiatur in ejus locum & alia, & sic deinceps, cum hac tamen conditione, quod puella eligenda sit civis: Debet

ne intelligi de civibus tantum originariis, an etiam de civibus ex privilegio.

Resp. Dispositionem censeri factam in favorem illarum, quæ sunt originariæ de loco, quia appellatione civium veniunt tantum originarii, ut notant Accurs. Bald. & Bovius, & ita censuit Sac. Congr. Episcop. & Regular. in Mantuana Civit. die 29. Novembris 1668.

Quar. 6. An sit simoniaca consuetudo quorundam monasteriorum recipiendi præter dotem quasdam portiones pecuniæ, quas propinas vocant, v. g. singulis monialibus dantur quatuor argentei, unum linteum &c.

Resp. Excusari, ex eo quod dos, quæ exigitur ad sustentationem monialis, non consistit in indivisibili, sed sicut taxari potest sexcentis ducatis, ita etiam taxari potest sexcentis, & quinquaginta distributis hoc modo, ut sexcenta applicentur communitati, & quinquaginta distribuuntur inter moniales, singulis dando illos quatuor argenteos, unum linteum &c. ut suis necessitatibus subve-niant. Ita Pignatell. t. 7. consult. 90. n. 13. Advertit tamen Suar. t. 1. de Relig. l. 4. de Simon. c. 17. n. 18. ut in his moderatio adhibeatur, ut saltem si propter consuetudinem recipiuntur, ipsis non solutis, non negentur spiritualia, sed servetur modus petendi illa præscriptus in c. ad Apostolicam de Simonia.

Quar. 7. An legatum dotis pro maritandis puellis possit dari virginibus ad professionem admittendis.

Resp. Posse, quia quod datur monasterio puella ingrediente, censetur datum titulo dotis, ut constat ex communi usu loquendi, qui attendi debet. Cum ergo conditio dotis, & verba testatoris verificentur in ingrediente re-li-

religionem, habebit quoque locum ipsius dispositio, præsertim quia sumus in causa magis pia, & favorabili. Bald. Natta, Boer. alii-
que, quos refert, & sequitur Diana in *Coord.*
x. 6. tract. 8. resol. 43. qui ex Ocagavia testatur,
hanc sententiam servari etiam in foris con-
tentiosis; & ita sæpe etiam censuit Sac. Con-
greg. præcipue in *Pisanrien. 26. Augusti 1616.*
& Maceraten. 29. Junii 1649. Est contra Sanch.
de Matrimon. lib. 1. disp. 33. n. 32. Prædictam
sententiam limitat Pignatel. *t. 5. consule. 82.*
nn. 3. si in legato pro maritandis puellis ad-
sit conditio restituendi dotem, casu quo pro-
les non existat, quia illa conditio utpote
mentionem faciens de prole restringit disposi-
tionem testatoris ad matrimonium carnale;
& ita refert fuisse declaratum a Sac. Congr.
in *Barense subsidio dotalis 15. Septemb. 1664.*

Quær. 8. An puella, cui pater relinquit
centum, si fiat monialis, mille vero, si nu-
bat, possit adhuc consequi mille, si mona-
sterium ingrediatur.

Resp. Affirmative contra Covar. *lib. 1. var.*
resol. c. 19. n. 9. quia conditio illa *si nubar,*
censetur non scripta, & rejicitur favore reli-
gionis, prout expresse habetur, *ff. sed & hoc*
præsenti Autent. de sanctis. Episc. Limitant
Medina, Lopez, & alii, quando talis conditio
non nubendi apposta fuisset a testatore causa
conservandæ familiæ, quia clara, & expressa
voluntas testatoris juris dispositioni resistit;
quod tamen, aliis adductis, negat Sanch. *de*
Matrim. lib. 1. disp. 33. n. 2. qui pariter sustinet
lib. 7. disp. 91. num. 46. viduæ ingredienti re-
ligionem deberi legatum, & alimenta relicta
a marito sub conditione si vitam vidualem
servaverit; quia per spirituale cum Christo.

matrimonium non cessat vita vidualis, imo plenius satisfat voluntati testatoris cupientis in uxore superstite specialem quandam pudicitiam, & honestatem.

Quar. 9. Cuinam competat dare dotem puellæ religionem ingredienti.

Resp. Patrem teneri, etiam si ipso invito velit ingredi religionem, quia sicuti obligatur ad dotandam filiam carnaliter ipso invito nubentem, multo magis obligabitur in matrimonio spirituali, cum hoc sit favorabilius temporali. Et hac ratione possunt bona fideicommisso subjecta distrahi pro dote descendens a testatore volentis ingredi religionem. Sanch. de *Matrim.* lib. 4. disp. 26. n. 7. Quod verum est, etiam si fideicommissum institutum fuisset cum expressa alienationis prohibitione, dummodo tamen non repellantur bona libera, pro constituenda dote sufficienti. Molin. *tract.* 2. disp. 648. n. 1.

Quar. 10. Quinam teneantur constituere dotem moniali in defectum patris.

Resp. Teneri illum, qui de jure tenetur constituere illi dotem ad matrimonium carnale contrahendum. Quare tenentur mater, patruus sive paternus, sive maternus, & frater in defectum ascendentium. Sicut enim hi omnes tenentur alere, ita etiam in subsidium dotare, cum dos succedat loco alimentorum. Ita Rota in *cir. dec. Romana dotis* 14. Martii 1635. coram Merlino.

Quar. 11. An liberum sit monialibus admittere puellam ad professionem absque solutione dotis debitæ, vel saltem cum solutione minori taxata.

Resp. Ex Tambur. q. 7. n. 1. Moniales vedatas tam intra, quam supra numerum non debent

debere admitti absque dotali eleemosyna, neque minori taxata. Pro monialibus vero conversis recipiendis non semper spectari dotem, sed aliquando monasterii necessitatem, ex declaratione Sac. Congr. die 25. Martii 1596.

Quar. 12. Quo tempore solvi debeat dos pro moniali ingrediente religionem.

Resp. Debere solvi in ipsa professione, non autem ante, cum id non solum prohibeatur in Concilio Trid. *sess. 25. de Regular. cap. 16.* sed etiam multo expressius a Sacra Congregatione, quæ declaravit, dotem monialium penes consanguineos, vel affines relinquere non debere; sed priusquam puella induatur habitu actualiter deponendam esse apud mercatorem, vel penes aliam personam fide, & facultatibus idoneam.

Quar. 13. Cuinam competat solvere dotem, si probationis novitiæ anno durante moriatur depositarius constitutus ab Episcopo, & hæreditas ejus reperiatur non solvendo.

Resp. Nullo modo spectare ad deponentem, quia cum tale depositum habeat vim solutionis, *l. obligatione, C. de solut. & l. acceptum, C. de usur.* sic deponendo consecutus est plenam liberationem, & ideo non tenetur de casu superveniente, alioquin actio semel extincta revivisceret, contra textum in *l. qui res, §. Arcam ff. de solut. Pignat. r. 9. consult. 164.* Periculum ergo vel cedit in damnum monasterii, cum verissima sit juris conclusio, quod quando debitor rite, & recte deposuit, tunc periculum spectat ad creditorem, ut post alios firmant Arimin. Tepat. Medic. & Rota in Romana *census vitalitii 29. Januar. 1627. cor. Merl.* Vel saltem cedere debet in damnum Episcopi, quia debet Episcopus eligere depositarium

idoneum etiam cum fidejussoribus; officiales enim publici non solent, neque debent sine fidejussoribus admitti, a Ponte de Poteſt. Pro-reg. tit. 3. §. 6. n. 17. & Paris. de Puteo.

Quar. 14. An ratione damni emergentis, vel lucri cessantis ex dilatione dotis provenientis possit monasterium aliquid recipere ultra dotem sibi debitam.

Resp. Posse quoad damnum emergens, si vere ex dilatione dotis ipsi proveniat. Ita Miranda, & Rodriguez, qui advertit, esse in hoc caute procedendum, ad tollendam avaritiæ suspicionem. Non item potest recipi lucrum cessans; cum enim religiosi prohibitum sit jure ecclesiastico negotiari, ipsis vere nullum lucrum licitum cessare potest.

Quar. 15. An possit alienari dos tradi solita monasterio.

Resp. Dotes monialium supra numerum profitentium non posse alienari; præcipit enim Sac. Congregatio, ut professione secuta in emptionem bonorum stabilium fructiferorum dotes illico implicentur, ut ex Barbosa refert Lezan. t. 3. n. 405. Dotes vero monialium intra numerum receptarum posse in usus communes, & necessarios monasterii expendi, notat Sperel. dec. 84. n. 62; ubi affert per extensum decretum Sacræ Congregationis.

Quar. 16. An pecunia, quæ, ut supra, deberet investiri, implicari possit sine debita solemnitate in ædificando monasterio, aut ad emendam domum contiguam ipsi monasterio, ad eam inhabitandam.

Resp. Non posse, quia juxta decretum supra relatam pecunia debet investiri in bonis stabilibus fructiferis, in ordine ad sustentationem monialium supra numerum receptarum.

Ad.

Ad hoc autem requiritur, quod fructus successive cor respondeant oneri, ut possit commode sustineri, & ideo debent accrescere novi fructus, ut sicut onus est annuum, ita quoque sit annuum subsidium. Pasqual. de sacrif. nov. leg. q. 1073. n. 2.

Quar. 17. An si monasterium sit gravatum aliquo annuo censu super propriis bonis immobilibus, & aliunde non adsit, unde extinguatur, possit redimi cum dicta pecunia investienda, Sacra Congregatione inconsulta.

Resp. Posse. Nam dum extinguitur census, accrescunt monasterio fructus illi, quos absorbebat census. Requiritur autem, quod non adsit, unde aliunde extinguatur, quia si adesset, non fieret augmentum fructuum, nec obtineretur finis, quia etiam absque pecunia destinata pro dote adhuc extingueretur. Pasqual. loc. cit. q. 1069. n. 4. qui subdit, quod talis pecunia adhiberi etiam potest pro solvendo residuo pretii alicujus prædii empti a monasterio; nam salvatur, quod pecunia investiat in re immobili fructifera, quia pars prædii, quæ correspondet residuo pretii, vere est emptæ pecuniæ in dotem erogata.

Quar. 18. In quibus bonis debeat solvi dos pro moniali professura.

Resp. Debet solvi in ære, non in bonis stabilibus, cum pecunia præsens possit commodius occurrentibus monasterii necessitatibus deservire. Ita ex declaratione Sac. Congr. Læzana t. 1. Sum. c. 25. n. 39.

Quar. 19. Utrum loco dotis in pecunia effectiva, possit fieri remissio cujusdam debiti pecuniarii correspondentis quantitati dotis taxatæ, & solvendi a monasterio parentibus. novitiæ admittendæ.

Resp. Non posse, si novitia professa sit supra numerum, quia ex mente Sacrae Congregationis dos debet tali pacto investiri, ut sicut accrescit monasterio novum onus, sic accrescant pariter novi fructus. In dicto autem casu nihil acquirit de novo monasterium, unde tantum aggravatur novo onere, nec sublevatur novo emolumento.

Quar. 20. An monialis transiens ad aliud monasterium deferat secum dotem.

Resp. Affirmant Socinus, Baldus, & alii, quia dos recipitur a monasterio pro alimentis tantum, & suffragio vitae, & proinde debet sequi monialem, sicut eam sequitur exigentia alimentorum. Verum tenendum est non deferre secum dotem traditam primo monasterio, si voluntarie transeat ad aliud, sive ejusdem, sive diversi Ordinis. Ita Pasqual. in qq. moral. juridic. q. 32. cum aliis ab ipso relatis, & ita sensit Sacra Congr. in una Neapolitana sub die 20. Julii 1583. Ratio est, quia monialis profitendo transfert omnia sua jura in monasterium, ut tradunt communiter Doctores; unde etiam transfert in monasterium jus proprium, quod habet ad dotem; hæc autem juris translatio operatur, quod dos incorporetur monasterio, & sit inalienabilis, sicut cætera bona ipsius. Ergo quando monialis transit ad aliud monasterium, non est ipsi dos restituenda, non secus ac non sunt ei danda cætera bona monasterii.

Neque dici potest, monasterium acquirere dotem sub onere alendi monialem, atque adeo, hoc onere resoluta, resolvi etiam dotis acquisitionem. Hoc, inquam, dici non potest, quia tunc solum, non impleto onere, resolvitur acquisitio, quando per acquirentem stat, quod

quod non impleatur, *l. qua sub conditione*.
 §. *Quoties, ver. idem est, ff. de condit. instir.*
 Quando autem monialis voluntarie transit ad
 aliud monasterium, non stat per primum mo-
 nasterium, quod non impleatur onus alendi.
 Quær. 21. An moniali, ut supra, cum ad
 aliud monasterium transeat, debeantur sal-
 tem ususfructus.

Resp. Non deberi Pasquali. *loc. cit. nu. 8.*
 Cum enim dos, ut diximus, transeat in pro-
 prietatem monasterii, & monialis abdicet a
 se omne jus ad illam per professionem, &
 transferat in monasterium, ususfructus quo-
 que incorporantur bonis monasterii, nec
 pertinent aliquo modo ad monialem.

Quær. 22. An si secundum monasterium
 cogatur recipere monialem, sit ei restituenda
 dos a primo.

Resp. Cum distinctione. Si prius mona-
 sterium instet pro translatione monialis, te-
 netur providere de dote; si posterius mona-
 sterium nolit recipere absque dote. Quia
 dum primum monasterium instat pro transla-
 tione, præsumitur, quod respiciat proprium
 commodum, quod percipit ex hujusmodi
 translatione. Cum ergo posterius monaste-
 rium non debeat pro commodo primi mo-
 nasterii jacturam subire, neque debet subire
 jacturam alendi monialem. Si vero primum
 monasterium non instet, sed ipsa monialis,
 vel superiores judicent expedire, quod trans-
 feratur, quamvis posterius monasterium co-
 acte recipiat, existimo, quod prius monaste-
 rium non teneatur restituere dotem. Quia
 monasterium habet tantum obligationem
 alendi monialem, quandiu manet sub ipsius
 potestate; resolvitur autem hæc obligatio,

si definat esse sub ipsius potestate, & fiat sub potestate alterius monasterii. Neque ex eo, quod moniales coacte recipiunt, valet arguere, quod monasterium coacte recipiat; quia monasterium non repræsentatur in monialibus tantum, sed etiam in Prælati: immo in illis tantum œconomice, in his vero jurisdictionaliter; & ideo horum consensus sufficit, ut voluntarie dicatur accipi monialis.

Quer. 23. An quando monialis transfertur ad aliud monasterium ad agendam poenitentiam, siue secundum monasterium coacte recipiat, siue libenter, teneatur illi primum monasterium subministrare alimenta.

Resp. Teneri, & desumitur ex *c. de lapsis* 16. q. 6. & *c. 11. quis acquirit* 27. q. 3. Nam per hanc translationem non fit membrum posterioris monasterii, neque solvitur vinculum respectu prioris, quare neque salvatur obligatio ipsam alendi.

Quer. 24. An monasterium acquirat dotem novitiæ morientis infra annum probationis, emissâ tamen professione ex indulto S. Pii V.

Resp. Non acquirere, quia illa professio valet tantum ad finem consequendi indulgentias, non ad finem succedendi in dote, & in bonis per monasterium, ut patet ex declaratione Congregat. Concil. sub die 13. Novembris 1627. in una *Montis regalis*. Quare Summus Pontifex illo privilegio intendit quidem bono spirituali novitiæ consulere; nunquam tamen quæsitio alterius juri derogare, neque præjudicium succedentibus ab intestato inferre. Ita Tambur. *cit. disp. 4. quest. 6.* ubi allos refert, quibus adde Novarium *sum. Bullar. cament. 119. nu. 5.* qui limitat hanc doctrinam.

dōctrinam, quando professio facta esset in articulo mortis anno probationis completo, in tali enim casu deberetur dos monasterio, & excluderentur venientes ab intestato, juxta *dec. Rovit. 4.*

§. VI.

De Monialium Professione.

Quar. 1. **Q**uam requirantur, ut professio in religione sit, valida.
Resp. Præter liberum cuiusque consensum requiri ex *Trid. sess. 25. de regul. c. 15.* ut fiat post quintumdecimum, & unum probationis annum integrum, & continuum; adeo ut professio aliter facta nulla sit, nullamque pariat obligationem, aut alios quoscunque effectus tam in foro externo, quam interno, ita ut non obliget ad religionem aliquam in genere, nec in specie; & in hoc correctæ sunt jura antiqua *c. Non solum de Regul. in 6.* Neque censetur valida professio facta ante tempus præfinitum a Concilio, etiam si monialis vovisset religionem ingredi, & in ea permanere; & ita declaravit Sac. Congr. ut refert *Pignat. t. 8. consult. 55: n. 16.* An autem si revertatur ad sæculum, ex mente hujus decreti a voto libera dicenda sit. *Pignat. ibid. n. 16.* dicit, fuisse responsum, hoc decretum nihil de voto disposuisse.

Quar. 2. An aliquando valida sit professio intra probationis annum emissæ.

Resp. Quod sic, scilicet quotiescunque accedit indultum Summi Pontificis; unde ex speciali privilegio a S. Pio V. monialibus S. Domini concessio, de quo participant omnes cum eodem

eodem Ordine communicationem privilegio-
rum habentes, possunt novitiæ in mortis peri-
culo constitutæ intra probationis annum pro-
fiteri, ad lucrandas indulgentias, & alias gra-
tias professarum, non tamen in præjudicium
venientium ab intestato, ut diximus § *antece-*
deni, *quæst.* 23. Neque in tali casu requiritur
consensus monasterii. Tum quia is non ex-
primitur in Bulla cum aliis requisitis, tum
quia illa non est simpliciter professio, quæ
habeat incorporare religioni, sed ad effectum
tantum, ut diximus, indulgentias consequen-
di, unde si novitia postea convalescit debet
denuo profiteri, *Bord. in Miscell. dec.* 130.

Quær. 30. Quibus ex causis resultet nulli-
tas professionis.

Resp. Induci professionis nullitatem non
solum ob defectum qualitatum in primo quæ-
sito recensitarum, sed etiam ex metu cadente
in constantem virum, qui respectu foeminae sit
rationabilis, ac fundatus in vero, & probabi-
li periculo, colligitur ex Trident. *sess.* 25. *c.* 19.
Et in judicando metu consideranda est quali-
tas personæ patientis. metum, animi nempe
vel imbecilitas, vel fortitudo, ut per Fagnan.
in c. consultationi n. 14. *de Sposal.* Quod verum
est, etiam si metus sit reverentialis, saltem
concurrentibus adminiculis; crebris persuasio-
nibus, minis, odio, & imperii sæpius repetiti
importunitate, ob quæ puella non audet patri,
vel consanguineis contradicere. *Layman. in*
Theol. mor. lib. 4. *tr.* 5. *c.* 5. *n.* 6. An autem sit
nulla professio, si per metum cadentem in co-
stantem virum moniales aliquam recipiant,
negant Suarez, & Vecchius relati a Peyrino
tom. 2. *de Prel.* 9. 3. §. 2. *n.* 81. ubi oppositum
sustinet, quia de ratione contractus ulro, cit-

erogque obligatorii; cuiusmodi est professio, est, ut par omnimoda sit utrinque libertas; unde eo ipso quod Canones irritant professionem factam metu profitentis, irritant etiam professionem factam metu recipientis.

Nulla quoque est professio, si interveniat error, dolus, & ignorantia circa substantialia religionis, ut si novitia profiteatur, putans se non obligari in perpetuum, vel regulam sui Ordinis non esse adeo asperam, & quidem asperitate vires ejus notabiliter excedente. Quia ignorantia excludit voluntatem proficiendi, nihil enim volitum, quin præcognitum. *Suar. de Relig. t. 3, lib. 6. c. 4. n. 4. 5. & 6.*

Vitiatur pariter valor professionis per iram, aut aliam animi perturbationem, si tales sint, ut rationis iudicium obtenebrent ac impediant deliberationem requisitam ad peccandum, quia deficit libertas, quæ est forma contractus. *Sanch. lib. 4. cap. 1. n. 2.* Multoque magis est invalida, si monialis nullam habeat intentionem se obligandi, quia actus non obligant ultra intentionem agentis. In foro tamen externo poterit cogi ad secundam professionem, ut recte advertit *Castropal. tract. 16. disp. 2. p. 4. n. 3.*

Nulla item redditur professio, si non serventur ea, quæ in particularibus Constitutionibus religionum cum clausula irritante præscribuntur, maxime si Constitutiones a Papa sint confirmatæ, ut notant *Sanchez, Tambur. Roderiq. & Bordon, de profess. c. 3. q. 16.* Cum enim per illas tollatur potestas aliter recipiendi ad professionem, inducitur nullitas professionis aliter factæ. Rota in terminis statuti prohibentis per verba *Nullus recipiatur, dec. 167. n. 5. p. 2. recent. Bordon. Castropal. & alii.*

Quæst.

64. *De Monialium professione.*

Quar. 4. An professio simoniaca, vel ob malum finem emissâ, sit valida.

Resp. Ad utrunque affirmative, primum desumitur ex c. de Regular. & c. quoniam de Simon; ubi dicitur, simoniace professum debere detrudi in aliud monasterium ad agendam poenitentiam, & si aliud non reperiatur, debere manere, ubi emisit professionem; supponitur ergo professio valida, dum decernitur permanentia in monasterio; & ita sentiunt Navar. & Rodriquez, quos refert, & sequitur Barthol. a S. Fausto, qui cum Azorio, & Silvestro idem asserit de professione ob malum finem emissâ.

Quar. 5. An professio viri in monialium monasterio sit valida.

Resp. Cum communi Doctorum negative, quia ad validitatem professionis requiritur consensus profitentis, & admittentis, sed in hoc casu saltem deficit admittentis. Quare invalida quoque erit professio, si mulier erumpat in masculum, quod utique posse contingere, docent magni nominis Auctores, præcipue August. lib. 3. de Civit. Dei c. 31. Sicut enim matrimonium carnale, etiam consummatum, dirimitur, si mulier fiat vir; ita etiam dirimetur matrimonium spirituale, ut docent Navar. Sâ, Enriq. quos adducit, & sequitur Sanch.

Quar. 6. An in dubio de valore professionis sit valida censenda.

Resp. Quod sic, quia possessio fiat pro Religione, & pro certitudine professionis; in dubio autem favendum est Religioni, & possessori. Quare ex Suarez, & Peyrino monialis dubia de suæ professionis valore teneatur eam ratificare.

Quar. 7. An monialis certa de nullitate pro-

professionis, & omni probatione destituta
teneatur illam ratificare.

Resp. Cum Sanchez lib. 7. de Matr. disp. 37.
n. 3. non teneri, maxime si ex culpa sua non
dedit causam nullitati. Poterit ergo manere
in religione expectando commodam fugiendi
occasionem, si hoc sine scandalo potest contin-
gere. Ratio hujus conclusionis est, quia, cum
in culpa non fuerit, ut professio sit nulla; &
re vera libera sit, non est compellenda ad
coacte tantum onus subeundum, quod spon-
taneum consensum propter magnam perfe-
ctionem maxime desiderat. Neque ad id de-
bet cogi, quia sine titulo suffragia præstaret,
& a monasterio alimenta reciperet; nam hoc
facile evitari potest. A suffragiis enim seren-
dis absteineat, in quantum sine scandalo & sua
gravi nota potuerit; & quando commodè ab-
stinere non possit, ne notetur, aut scandalo
sit, ferat suffragia, & etiam prælaturas ad-
mittat, quia omnia hæc ratione publicæ pro-
fessionis, aut publici officii valida erunt; adest
enim titulus præsumptus, error communis, &
vitium est occultum. Quoad alimenta vero,
quæ recipit, parum damni infert monasterio,
si computentur servitia, quæ præstat, & fru-
ctus ex fundo dotali percepti, qui fructus de-
bent computari ad rationem census vitalitii,
cum capitale post mortem remaneat monaste-
rio. At dato etiam quod aliquod damnum mo-
nasterio resultaret, non est tanti faciendum,
ut debeat compensari cum assumptione on-
eris tam ardui, qualis est obligatio professio-
nis; & ad summum sufficiet, si habeat ani-
mum refarciendi, cum fuerit solvendo.

Quæ. 8. An idem dicendum sit, etiam
quando monialis dedit causam nullitati.

Resp.

Resp. Affirmativam sententiam Sanch. *loc. cit.* existimat probabiliorem: Quia licet peccaverit, cum tamen religiosus status sit tanti momenti, & tam arduus, nulla ratione, & ob nullam culpam quis ad illum est compellendus invitus. Sicut enim debitor ex delicto non tenetur in conscientia ob debiti compensationem perpetuum subire carcerem, sic neque monialis ex sua culpa nulliter professā tenebitur ob damnum, quod resultat monasterio, perpetuo religioni se mancipare; libertas enim est superioris ordinis, & pretiosior quocunque emolumento temporali.

Neque tenetur ratificare professionem, quamvis non possit propter scandalum fugere, aut alio modo a religionis iugo se subtrahere, ut asserunt Castropal. & Moronus cum aliis ab ipso relatis *resp.* 82. *num.* 150. contra Lezanam, qui licet concedat non teneri ratificare professionem, quoad usque remanet spes fugiendi, vel aliud remedium, vult tamen teneri cessante tali spe, & sublato quocunque remedio, *l. 3. v. Professio n. 24.*

Quar. 9. An monialis sic nulliter professā teneatur servare regulam; si permaneat in monasterio.

Resp. Ex vi professionis non teneri, quia nullo vinculo adstringitur religioni. Solum tenebitur ratione scandali vitandi. Quia cum reputetur vera religiosa, & pro hac parte sit legitima præsumpcio, scandali ansam merito præberet regulares observantias transgrediendo. Ex quo fit, quod in rebus occultis, in quibus scandalum omnino cessat, nec ad regulam, nec ad votorum observantiam adstringatur. Cajet. 2. 2. q. 88. *art. 1.*

Quar. 10. An percuiens monialem nulliter

ter professam, sed ut professam reputatam, incidat in excommunicationem.

Resp. Quod non: quia vere non percuteret monialem, sed laicam; unde sicut non incidit in excommunicationem quis occidens Cajum, putans esse Titium clericum, quia non puni-
tur affectus, sed opus externum, ita in casu nostro philosophandum. Moronus *resp.* 30.

Quar. 11. Quid requiratur ad ratificandam professionem.

Resp. Requiritur, quod accedat liber consensu monialis, quæ sciens professionem suam fuisse, & esse irritam, velit eam ratam haberi. Neque indiget alio consensu monasterii, etiam si acceptatio illius fuisset irrita; tum quia prior consensus præsumitur permanere; tum quia Pontifex in hoc casu pro bono pacis, & religiosarum consolatione dictam professionem tanquam caput nomine religionis acceptat. Neque insuper opus est novitiatum iterare, cum post susceptum habitum plene monialis experta sit religionem, & religio ejus mores, qui est novitiatus finis. Peyrin. *rom.* 21. de *Præl.* 9. 3. c. 1. §. 5. n. 145. & 146. & alii.

Quar. 12. An monialis sic professa possit tuta conscientia retinere locum, & cætera privilegia sibi debita ex priori professione irrita.

Resp. Sive prior professio fuerit irrita bona fide, sive mala, si casus est occultus, non tenetur locum sibi debitum ex priori professione dimittere. Si vero ratione antiquitatis professionis existimatur aliquod privilegium sibi competat, quod in grave præjudicium religionis, aut aliarum monialium cedat, tunc debet secreto pro foro conscientiae impetrare dispensationem; interim vero dum procurat, vel si commode procurare nequeat, non tenetur cum.

cum nota relaxare, nec ab actibus convenientibus se abstinere. Quod si ea, quæ competunt ratione antianitatis, sint modici momenti, ut prius ferre suffragium, & alia hujusmodi, non est ad petendam dispensationem obliganda. Peregrin: *ad Const. sui ord. p. 2. c. 1. §. 5.* & Sanch. *de Matrim. lib. 7. disp. 37. n. 68.*

Quar. 13. Ad quem spectet admittere novitiam ad professionem.

Resp. Ad monasterium spectare quod in monialibus repræsentatur, ut diximus de puel-
larum receptione. Est enim professio contra-
ctus ultro citroque obligatorius, atque adeo
requiritur non tantum consensus novitiæ, sed
etiam monialium, cum de jure communi ad
illas pertineat, nedum quando recipitur ad
habitum, sed etiam quando admittitur ad pro-
fessionem. Abb. *in c. Ad Apostolicam, ibique*
Glos. fin. de Regul. & in specie probat Sanch.
in decal. lib. 5. c. 4. n. 65. cum ibi relatis. Quod
adeo verum est, ut si Episcopus, vel alius Præ-
latus compelleret moniales ad recipiendam
novitiam ut professam, poterunt ad superiores
appellare, sicuti declaravit Sac. Congr. super
Episcop. & Regul. *in Colonien. 13. Maji 1652.*

Quar. 14. An novitiæ absque causa capi-
tulariter exclusæ licita sit reclamatio ad su-
periores, quod moniales illam non admi-
serint ad professionem.

Resp. Licere. Ita Doctores, quos refert,
& sequitur Pasqual. *in Lauret. p. 2. q. 49. n. 2.*
Evidens enim est, quod novitia habet notabi-
le interesse in causa, & ejus non admissio sine
causa affert ipsi notabile gravamen, atque in-
juriam; unde non potest rejici ejus reclamatio
in causa præsertim canonica, in qua secun-
dum jus canonicum licet a quocunque grava-
mine.

mine appellare. Ideoque Sac. Congr. Episc.
& Regular. *sub die 2. Octobris 1648.* ac alibi
sæpius declaravit, moniales non posse reji-
cere a professione novitiam sine causa.

Quar. 15. An constituto de gravamine, pos-
sit Episcopus admittere ad professionem no-
vitiam indebite exclusam.

Resp. Affirmat Bord. *in Consil. Regul. resol. 57.*
num. 107. Quia ad Prælatos majores spectat
corrigere ea, in quibus subditi peccant, *Cap.*
ut fama de sent. excom. & notat Gloss. *in C. ea*
qua v. reatu de off. Archid. & ideo corrigere
debent determinationes capitulares injustas.
Consultius tamen existimo, præcipere Capi-
tulo monialium, quod indebite gravatam re-
cipiat. Quod si pertinaciter recusaverint mo-
niales, de earum contumacia Sacram Con-
gregationem faciat certiolem; ut de oppor-
tuno remedio confestim provideri possit; ut
resolvit *sub die 5. Novembris 1605.*

Quar. 16. An novitia, quæ toto novitia-
tus anno fuit infirma, possit admitti ad pro-
fessionem.

Resp. Ex Peyrino, & aliis affirmative. Quia
non tenetur novitia omnes austeritates reli-
gionis experiri in specie, sed satis est, quod pro-
bet in genere, perseverando per annum sub
obedientia magistræ, & Abbatissæ. Quod si no-
vitia detegatur infirma morbo contumaci, re-
mittenda est ad curandum in domum suam.
Sac. Congr. 10. Febr. 1649. *in Salernitana*; ex
quacunque tamen causa exivit, non potest po-
stea recipi sine licentia Sac. Congr. 29. Jan.
1601. & 15. Aprilis 1607. Posse item valide, &
licite admitti ad professionem novitiam, quæ
morbo, vel senectute est impotens ad regulæ
statuta servanda, sustinent Sanch. Faust. Nav.
& Pe-

& Peregrin. *in comment. ad const. sui ordin.* p. 2. c. 1. §. 18. Quia obligatio ad religionis essentialia, nimirum castitatem, paupertatem, & obedientiam, nullas corporales vires exposcit, sed solum voluntatis affectum. Cætera vero religionis statuta non sunt religiosi status essentialia, sed obligant dum iusta causa non excusat.

Quar. 17. Qualis literatura requiratur in novitia admittenda ad professionem tanquam chorista.

Resp. Requiritur, ut saltem sciat legere; cum enim contrahat obligationem persolvendi horas canonicas, non debet esse impotens ad satisfaciendum suæ obligationi. Ita fuisse decissum a Sac. Congr. *in una Giurgen.* 12. Januarii 1604. refert ex Barb. Tambur. *disp.* 6. q. 6. n. 3.

Quar. 18. An, & ubi fieri debeat exploratio voluntatis novitiæ, antequam profiteatur.

Resp. Ante professionem quoque, ut supra diximus de puellarum receptione, voluntatem novitiæ esse explorandam ab Episc. vel ejus Vicario etiam in monasteriis exemptis, ut ex declaratione Sac. Congr. testatur Pasqualig. *loc. cit.* n. 44. Pro exploranda tamen voluntate non licet ingredi claustra monasterii, & proinde ingrediens in excommunicationem incurreret, tum id expresse prohibetur *in Const.* S. Pii V. 1. *in Bullar.* Ex justa nihilominus causa, ut si esset suspicio subornationis, potest professura educi e claustris monasterii ad Ecclesiam exteriorem; ut notat Tamburinus, quem refert Pasqual. *loc. cit.*

Quar. 19. An, & quo tempore debeat Præfecta monialium notificare Episcopo tempus professionis emittendæ.

Resp.

Resp. Ex Concil. Trident. *sess. 25. de Regular. cap. 17. quod, ne professionis tempus Episcopus ignoret, tenetur Præfecta monasterii eum ante mensem certiozem facere; alias, quandiu Episcopo videtur, ea ob officio suspensa sit.* Quoad monasteria vero exempta præfigitur spatium quindecim dierum a S. Pio V. in *cit. Constit.* quibus elapsis in hoc se intromittere Episcopo non liceat.

Quar. 20. An si Episcopus negligeret explorare voluntatem, postquam certior factus est a Præfecta, possit punire Abbatissam, quæ elapso termino admitteret novitiam ad habitum, vel professionem.

Resp. Si monasterium sit exemptum, nequaquam punire potest, quia si, juxta *Constit. cit.* S. Pii V. super quindecim dies negligat explorare, non potest amplius se ingerere. At si monasterium non sit exemptum, neque videtur posse punire, quia ex decreto Concilii non tenetur Præfecta nisi ante mensem certiozem facere Episcopum, non autem tenetur ultra debitum tempus expectare. Delinquit ergo Episcopus, si intra tempus assignatum non exploret; quare si Præfectam puniret, negligentiam suam in alio puniret. Pasqual. in *Lauret. n. 46.*

Quar. 21. Ad quem spectet acceptare professionem novitiæ profitentis.

Resp. Spectare ad Episcopum, vel ejus deputatum privative quoad Abbatissam, tenet Suarez *t. 4. de Relig. tract. 9. lib. 10. c. 11. n. 1.* & colligit. *ex c. statuimus 20. q. 2.* Quia apud Episcopum tantum est proprie jurisdictio. Oppositum sustinet Sanchez, & colligitur ex declaratione Sac. Congr. 22. Februarii 1625, quæ sic habet: *Professio monialium fieri debet in manibus Ordinarii principaliter, non Abbatissæ, ex quo*

quo deducitur, quod in manibus Abbatissæ possit fieri de secundo. Quare servandam esse consuetudinem cujuscunque Ordinis, & provinciae, aut loci, existimant alii.

Quær. 22. An Abbatissa cum consensu monialium valide admittat ad professionem, contra prohibitionem Prælati.

Resp. Si Prælati simpliciter prohibeat, professio per hoc præcise non est nulla, quia multa facta tenent, quæ fieri prohibentur; si vero prohibeat suspendendo Abbatissæ facultatem, & protestando, se in talem admissionem non consentire, ex rationabili causa, tunc professio est nulla ex defectu potestatis in admittente.

Ita quod neque per Vicarium potest admitti; quia, quod una via est prohibitum, non censetur alia permissum, *c. quod una de regul. jur. in 6.* unde cum sit prohibita admissio dictæ puellæ per Abbatissam, non est censenda permissa per Vicarium, alias frustratoria esset prohibitio. *Pasqual. in 99. moral. canonic. cent. 4. quæst. 307.*

Quær. 23. Quænam privilegia consequatur monialis ex emissionem professionis.

Resp. In primis consequi plenariam omnium suorum peccatorum remissionem quoad prænam; ita quod, si emissæ professione statim decederet, directæ in cælum conscenderet. Ita D. Th. 2. 2. q. ult. art. 3. ad 3. & communiter Doctores, quorum aliqui etiam addunt, consequi hujusmodi remissionem etiam quando jam professæ de professione gaudet, eamque innovat, parata facere, si non fecisset. *Dionysius Carth. & Vecch. de Novit. disp. 13. dub. 5. nu. 7.* alios citans.

Relaxantur insuper omnia vota simplicia,
ica-

realia, & personalia, atque mixta, & in solemne religionis votum commutantur. Ita D. Thom. *loc. cit.* & ibi Cajetanus, qui *q. ult. ar. 3. ad 3.* ait, ad hanc commutationem nullam voventis intentionem exigi. Hoc tamen locum non habet in votis realibus de re, quæ cadit in utilitatem tertii, & ab alio tertio sit acceptata, quia per acceptationem acquisitum est jus illi tertiæ personæ, atque adeo in damnum tertii commutari non potest; secus vero quando non esset acceptata promissio, quia tunc jus non est illi quæsitum. Ita Doctores relati a Peregrino *loc. cit.* Sunt & alia privilegia, quæ videri possunt, Sanch. *tom. 2. lib. 5. c. 5.*

Quar. 24. Quale peccatum sit, de emissâ professione poenitere.

Resp. Per se mortale non est, dummodo monialis retineat animum adimplendi promissa. A veniali tamen non excuso, quia illa poenitentia actus boni, licet voluntarii, adversatur directioni rationis, & summa ingratitude est, nolle recepisse a Deo tale, ac tantum beneficium, qualis est religiosa professio. Ita Azor. Cajet. Vasquez, & alii relati, & approbati a Peyrin. *r. 2. de Pralat. q. 3. c. 1. §. 5. n. 155.*

C A P U T III.

De Monialium Consecratione.

Quar. 1. **Q**uandonam voto virginitatis, aut coelibatus publico, & solemni cum Episcopi consecratione moniales coeperint obligari.

Resp. Sunt, qui Divum Basilium Magnum hujus instituti, sive consuetudinis auctorem faciant. Alii id sub Constantino Magno, & alii Ambrosii. Sed Ambrosius ætate factum arbi-

Confess. Monial.

D

tran-

trantur. Sed Ambrosius *l. 1. de Virgin.* conatur ex Thecla tanquam traditionem Apostolicam probare, ac tueri. Polidorus Virgilius vero consecrationes Virginum Sacrarum Pii Primi Pontificis institutum esse autumat. Habetur Pii decretum *in can. Virgines 20. q. 1.*

Quar. 2. Ad quem spectet sollemnis monialium consecratio.

Resp. Ab initio hujus ritus tam a Sacerdotibus, quam ab Episcopis consecrabantur, ut colligitur ex Ambrosio *l. 3. de Virgin. ad Marcellinam.* In Concilio autem Carthaginensi secundo *can. 3.* prohibitum fuit, ne consecratio puellarum a Presbyteris fieret, *can. si jubet sanctitas 26. q. 6.* Spectat igitur ad Episcopum, eumque consecratum, quia sollemnis consecratio non tam est potestas jurisdictionis, quam ordinis. Ex speciali tamen privilegio Pontificis posse Prælati inferioribus, & Superioribus Regularium committi, asserit Tamburin. *disp. 27. q. 5. n. 7. & 8.* ubi refert, Generalem sui Ordinis, & Camaldulensis consecrare ab inmemorabili moniales sibi subditas, idipsum approbantibus Sede Apostolica, & Sac. Rit. Congreg. *sub die 1. Julii 1601.*

Quar. 3. Quo tempore fieri debeat consecratio.

Resp. Servandum esse tempus a jure præscriptum, nisi aliud suadeat necessitas; nam in tali casu quolibet die fieri potest. Tamburin. *disp. cit. q. 4. n. 3.* Quæ autem sint tempora statuta, habetur *in d. can. Virgines, q. 1.* in quo hæc leguntur: *Non consecrandas esse Virgines, nec velamen eis imponendum, nisi in Epiphania, in Sabbato Pascha* (alia litera habet *in Albis Paschalibus*, idest intra hebdomadam Paschæ, ut Glossa exponit) *& in Apostolorum natalitiis,*

nisi

nisi mortis causa urgente. In Concilio vero Lateranensi sub Alexandro Tertio, prout habetur in *cap. 1. de tempor. ordin.* concessum est, ut omnibus diebus Dominicis liceat virgines consecrare; & consuetudo hoc extendit ad alias solemnes festivitates, ut advertit Turrecremata *cap. devotif. q. 4.* & ita in hoc consulenda est, & servanda consuetudo. Quamvis Piscara in *praxi Cærem. lib. 2. cap. 7. n. 1.* non nisi in die Dominico, & intra missarum solemnities fieri debere ex Pontificali Romano, contendat.

Quar. 4. Quo loco fieri debeat.

Resp. In Ecclesia exteriori fieri posse ex Sac. Congr. Rit. 27. Julii 1627. referente Tamb. q. 6. ubi advertit, ex justa causa, & ejusdem Sacræ Congr. rescripto inductum fuisse, quod monialis consecranda nequaquam egrediatur e clausura, sed consecratur in Ecclesia interiori a Prælato existente ad fenestrellam.

Quar. 5. Quid requiratur in moniali, ut licite consecrari possit.

Resp. Requiritur ætas annorum viginti-quinque expletorum. Ita ex c. *Placuit* 20. q. 1. & ita etiam sancivit Synodus Arelatenfis c. 27. Nec audiendi sunt, qui putant etiam ante dictam ætatem posse consecrari. Requiritur item, quod sit professa in Ordine approbato, non quocunque, sed monastico. Ita ex Sac. Congr. 30. Sept. 1616. Insuper quod sit virgo, ut habetur in c. *devotis* 20. q. 1. ubi Gelasius Papa ait, *Viduas velare Pontificum nullus attempet.* Quod intelligendum est de velo consecrationis, non de velo professionis, & continentię, quod etiam ipsis competit, ex c. *Vidua*, 20. q. 1.

Quar. 6. An foemina corrupta, sed communiter reputata ut virgo, possit consecrari.

Resp. Negant aliqui cum D.Th. *in 4. dist. 28. q. 1. art. 5. qd 5.* Quia ex una parte verba consecrationis virginum accommodari non possunt corruptæ sine mendacio, & ex alia neque debent mutari, quia ad vitandum scandalum, non sunt varianda Ecclesiæ Sacramenta, vel Sacramentalia. Placet tamen affirmativa sententia, cui adhæret Tambur. *disp. 27. q. 4. ad 7.* Quia quandiu res est occulta, potest foemina ad vitandam infamiam in exteriori foro se gerere, sicut communiter reputatur, & potest sine mendacio virgo appellari, quia verbum illud verificatur in communi omnium existimatione & de virginitate putativa, quod sufficit ad tollendum mendacium. Suar. *r. 4. de Relig. tr. 9 lib. 1. c. 11. n. 9.* Et hoc etiam si Prælati certo sciret esse corruptam, quia, non obstante scientia illa privata, non desinit reputari ut virgo; unde Prælati formam consecrationis virginum accommodat illi secundum communem existimationem, atque adeo sine mendacio. Sicuti mentita non fuit B. Virgo, quæ licet sciret sponsum suum non esse Christi Domini Patrem; attamen, quia talis reputabatur, illum Patris nomine nuncupavit. *Luca 1. Ego, & Pater tuus dolentes quærebamus te.*

Quar. 7. An monialis per vim, & sine culpa sua corrupta possit consecrari.

Resp. Quod non, *ex cap. Acutius 26. dist. & ex S. Leone Papa in cap. illa antem famula 32. q. 5.* Quod exponens D. Thom. dicit, quamvis virgines, quæ per violentiam corrumpuntur, si nullo modo consentiant, virginitatis gloriam non perdant, quia tamen valde difficile est, quod in tali delectatione aliquis complacentiæ motus non insurgat, ideo Ecclesia, quæ de interioribus non iudicat, huiusmodi sic cor-

ruptas inter virgines non velat; secus tamen dicendum est, si certa sit, se nullo modo delectationi consensisse. Colligitur ex D. August. *de Civit. Dei* c. 18. ubi dicit, tali Virgini nihil de corporis sanctitate periisse, eamque parem facit illi, *cujus integritatem obstetrix ex justa causa manu velut explorans, casu, dum inspicit, perdidit*. Sed hæc potest velari, ergo & illa. Lessius *de Just. & Jur.* l. 4. c. 4. dub. 16. Idem quoque dicendum videtur de puella, quæ in somno, amentia, & ebrietate fuit carnaliter cognita, si nullo modo consensit.

Quar. 8. An possit consecrari monialis, cui juxta medicinæ artem ad sanitatem tuendam fuit fractum claustrum virginale.

Resp. Ex Tambur. *loc. cit.* posse. Quia ad tollendam corporis integritatem, quæ ad consecrationem est necessaria, duo requiruntur, scilicet fractio claustrum virginale, & actus libidinosus, qui certe non intervenit in hoc casu. Unde ob hanc rationem potest admitti ad consecrationem monialis, quæ per voluntariam seminis effusionem est polluta, integro remanente claustrum, quia, licet interveniat actus libidinosus, deficit tamen alia qualitas, quæ opponitur virginitati requisitæ, scilicet fractio claustrum virginale. Similiter consecrari poterit monialis, quæ ante annos discretionis turpem aliquem actum contra castitatem commisit, quia cum præ defectu ætatis non insit potestas seminandi, ea per nullum actum turpem amittere potest corporis integritatem, sicque adhuc remanet virgo. Ita Rosella, Tamburinus & Lessius *loc. cit. nu.* 121. ubi addit, contrarium fortasse verius esse, si in puella adsit perfectus usus rationis.

Quar. 9. An monialis possit admitti ad

consecrationem, nondum Sacramento Confirmationis suscepto.

Resp. Posse, cum nullum jus prohibens extet, regulariter tamen Episcopus non debet admittere virgines ad consecrationem, antequam confirmentur. Si enim omnis fidelis confirmari debet, ut plene Christianus inveniatur, a fortiori debent id facere virgines, quæ Sponso Christo desponsari debent, & consecrari.

Quar. 10. An solemnis consecratio monialium possit iterari.

Resp. Non posse, ita Miranda *q. 7. de monialib. n. 7.* Quia licet sit simplex benedictio, per quam nulla tribuitur potestas, adhuc tamen est quædam sanctificatio, qua monialis suo modo consecratur, quod autem semel consecratum est, remanet semper tale, unde nec benedictio nuptiarum iteratur, nec similiter benedictio sacrarum vestium.

Quar. 11. An saltem sit reiteranda consecratio monialium nulliter professarum, revalidata professione.

Resp. Videri quod sic; quia professio est qualitas fundamentalis præsupposita ad consecrationem. Nulla igitur existente professione, nulla quoque erit consecratio: dum deficit fundamentum, non potest locum habere, quod in ipso fundatur, *l. nam orig. ff. quod vi, aut clam.* atque ideo erit reiteranda. At negative resolvendum, sicut de benedictionibus nuptiarum, quando matrimonium fuit nullum; ob occultum aliquod impedimentum, testatur Sanch. *de Matr. l. 2. disp. 37. nu. 13.* Ita Sacr. Congr. quæ rescripsit Episcopo *Parment. 17. Aprilis 1577.* moniales nulliter professas non esse reconsecrandas, sed posse

posse tolerari; solumque earum professionem esse supplendam; & caute ratificandam.

Quar. 12. An consecratio monialium conferat gratiam, remittatque peccata venialia.

Resp. Conferre gratiam, & remittere peccata venialia, non quidem ex opere operato, alias esset Sacramentum, est falsum, sed solum remote & per modum impetrationis, quatenus aliqua ratione ex meritis, & intercessione Ecclesiæ talis consecratio excitat in consecrata attritionem; & displicentiam peccatorum, atque adeo remissio obtinetur ex opere operantis. Ita ex D. Thom. 3. part. 9. 87. art. 3. & Suarez, loc. cit. n. 14.

C A P U T I V.

De Voti Paupertatis obligatione.

§. I.

De natura Voti Paupertatis.

Quar. 1. Quid sit paupertas religiosa.

Resp. Esse voluntariam abdicationem proprietatis factam a Religioso, dum emittit professionem in Religione approbatam. Per hoc votum prohibetur non solum actus externus habendi, & contrectandi proprium, sed etiam internus, nempe voluntas habendi proprium. Quia, quando prohibetur aliquid, interdicitur etiam omne id, quo pervenitur ad prohibitum; unde quia per voluntatem pervenitur ad actum externum, actus quoque internus censetur interdictus. Non peccaret tamen monialis, si haberet desiderium habendi divitias sub conditione, si non esset voto paupertatis adstricta, quia

illa conditio excludit propositum agendi contra votum; & solum illud desiderium posset esse peccaminosum, si exponeret monialem periculo delinquendi contra votum.

Quar. 2. An monialis ex vi voti paupertatis reddatur incapax testandi in morte de propriis bonis.

Resp. Cum communi affirmative, quia ex vi voti redditur incapax habendi proprium; & hoc verum est, etiam si ad pias causas testari vellet. Hinc est, quod neque de propria cella potest disponere, quia jus nullum habet, sed tantum usum sua morte finiendum; unde adveniente morte, aut quocunque alio casu, fieri debet illius distributio monialibus anterioribus professione. Sac. Congr. in *Murinen.* 10. Aprilis 1615. Vacantes cellæ debent assignari, secundum antianitatem, nec Superior regularis potest aliter ordinare in *Ferrarien.* 3. Junii 1597. & antianitas incipit a die professionis emissæ, non a die habitus suscepti 5. Julii 1645. Idque non obstantibus Superiorum mandatis in *Mediolanen.* 5. Febr. 1601. Nisi tamen in aliquo monasterio adesset consuetudo immemorabilis, quod cellæ vacantes distribuuntur, & assignentur ad arbitrium Abbatissæ, & Discretarum, in *Murinen.* 24. Januarii 1613. Concedi potest moniali cellam ædificare, eaque uti sua vita durante, vel alia a suis consanguineis ædificata, in *Casertan.* 2. Januarii 1608. Non tamen potest illam vendere, in *Mediolan.* 8. Novembr. 1625. licet vellet erogare pretium in utilitatem monasterii, nisi de licentia Sac. Congr. & consensu monialium, in *Venezia* 3. Maji 1647. neque decernere, quod monialis antiana, quæ cellam optare vult, teneatur aliquid solvere, in *Janu.*

puen.

men. 22. Decemb. 1620. quod servari debet etiam in casu permutationis, ne via fraudibus aperiat, *in Neapolitana 17. Novembr. 1628.* Datur tamen aliquando facultas Abbatissæ, & monialibus, ut ob aliquam legitimam causam capitualiter, & per vota secreta possint cellas vacantes professione posterioribus concedere, ne moniales contra votum paupertatis abrogent sibi cellas tanquam proprias, *19. Maji 1619.* Nulla vero monialis cogi potest ad optandas cellas, *in Nolana 10. Junii 1616.* Fusc de hac re Pignat. *tom. 10. consult. 34.* Existimat nihilominus Rossignol. *de Resist. 1. prenot. 10. nu. 12.* quod existente consuetudine, ut moniales transmittant sua cubicula cum supellectili ad suas alumnas, non peccant sic transferendo. Quia ista ordinata successio semper est cum voluntate implicita Superioris dictæ consuetudini se conformantis; taliter tamen, ut si velit, possit illam possessionem remove, & successionem interrompere; atque adeo in hoc nihil reperitur, quod adversetur naturæ voti paupertatis, quæ proprietatem tantum respuit, non usum ad nutum Superioris revocabilem.

Quæ. 3. An monialis professa possit testamentum ante professionem a se factum declarare.

Resp. Posse, si sistenti in vera, & propria declaratione voluntatis incertæ; secus vero si declaratio recipiat dispositionem, quæ de jure est certa, & monialis velit illam declarare, quia ista non tam est declaratio, quam nova dispositio, quæ voto paupertatis repugnat. Mantica, Rodriq. Sanch. & Peregrin. *ad Cens. sui ord. p. 2. c. 1. §. 36.*

Quar. 4. An monialis peccet contra votum paupertatis, si recipiat pecunias secularium in depositum absque licentia Abbatisse.

Resp. Non peccare, quia in tali casu nec dominium, nec usum, neque administrationem illius pecuniæ acceptat, sed hæc omnia remanent apud deponentem, solo officio custodis, admissio, quod voto paupertatis non videtur prohibitum. Ita cum aliis Diana *loc. cit. res. 66.*

Quar. 5. An monialis sumens aliqua bona monasterii pertinentia ad cibum, & potum, frangat votum paupertatis.

Resp. Cum Suarez, *t. 3. de Relig. lib. 8. c. 11. n. 41.* non frangere, nisi damnificatio religionis esset nimia, & in re extraordinaria, & pretiosiore. Extra huiusmodi casum res pertinentes ad cibum, & potum reputantur levioris momenti, etiam si tractu temporis perveniant ad quantitatem notabilem, quia ista minima furta in tali materia non continuantur, neque multum damnificant. Diana *loc. cit. res. 45.* Et quamvis Abbatisse hoc displiceat, non tamen ita censeri debet involuntaria, ut illam reputet materiam gravem in ordine ad paupertatem; monialis enim quo ad usum huiusmodi rerum tractatur ut filia; inter parentem autem, & aliam non censetur huiusmodi actio gravis.

Quar. 6. An monialis, quæ invita Abbatisse repetitis vicibus surripit modicum panis, vini, &c. & dat extraneis, peccet mortaliter, & ad restitutionem teneatur.

Resp. Duæ extant Doctorum sententiæ. Prima ait, quod peccet tantum venialiter; cum tamen valor rei surreptæ pervenit ad notabilem quantitatem, tunc ultimum furtum præcedentibus accedens efficitur mortale, nisi

monia-

monialis in commissione ultimi furti habeat animum, saltem virtualiter, restituendi minuta furta priora; quia tunc nullum fit damnum notabile. Vel nisi, magnis interpositis interval-
lis, ejusmodi furta committat; quia superiores minus ægre ferunt, quædam sibi auferri longo intervallo, quam eandem quantitatem simul vel brevi tempore. Ita, aliis relatis, Bartol. a S. Faust. l. 8. q. 189. in suo *Thesaur.* Secunda opinio concordat cum prima quæ ad restitutionem faciendam; negat tamen, quod illud ultimum furtum complens notabilem quantitatem fiat mortiferum virtute priorum. Quia sicuti ex peccatis venialibus quantumcunque multiplicatis non confurgit mortale; ita neque ex illis furtis, quæ levia sunt, & venialia, confurget culpa lethalis. Navar. c. 17. n. 185. & Viga lib. 14. in *Conc. Trid.* c. 11. in fin.

Quar. 7. An moniales dantes extraneis, ut supra, modicum panis, & vini incidant in excommunicationem latam ab Episcopo contra hujusmodi surripientes.

Resp. Affirmative, quia, licet admissa supradicta opinione, mortaliter non peccent, atque adeo ex hoc capite non incidant in excommunicationem, quæ ferri non potest nisi in mortaliter peccantes; potest tamen ex justa causa imponi præceptum sub excommunicatione de re, quæ alias non erat gravis, & tunc moniales non obtemperantes peccant mortaliter, non quia surripiant, sed quia ex suppositione præcepti sub excommunicatione nolunt obtemperare, & a furtiolis illis abstinere, & sic excommunicationem incurrunt; quia, cum monasterium per furtiola a pluribus facta patiatur grave detrimentum, adest justa, & gravis causa ferendi talem excom-

municationem. Salimantic. in *Theol. mor.* t. 3. ir. 13, c. 5. pun. 3. §. 3. n. 29.

Quer. 8. Quanam bonorum monasterii quantitas requiratur, ut, ea sine licentia Abbatissæ usurpata a moniali, ad peccatum mortale pertingat.

Resp. Quot capita, tot sententiæ. Rebelius, Grassius, Bonacina, & alii asserunt, eam quantitatem sufficere, quæ sufficit in secularibus ad constituendam materiam peccati mortalis furti. Rodriq. & Aragonius putant, monialem tunc committere furtum, quando ascendit ad summam duorum aureorum. Alii volunt, quantitatem notabilem in religioso rum furtis pensandam esse in particulari pro temporum, locorum, personarum, & aliarum circumstantiarum differentia, iudicio & arbitrio boni viri. Ita Miranda. Alii determinant pro materia sufficienti ad peccatum mortale quantitatem duorum argenteorum, ut Mendoza: trium, Bartholomæ a S. Fausto: quatuor, Jo: de la Cruz, & Sanch: octo, vero, aut novem in rebus, quæ actu non consumuntur. Ledesma. Alii tandem furtum religiosi comparant cum furto filii familias in ordine ad res monasterii, ita quod ea quantitas, quæ ablata a filio ex bonis paternis inducit peccatum mortale, sufficiat etiam ad arguendum religiosum de peccato mortali, est enim in utroque par ratio, quia sicut bona paterna reservantur filiis, ita bona monasterii reservantur religiosi ad eorum sustentationem. Ex his placitis tam variis, quæ certe innituntur variis rerum circumstantiis, videat Confessarius, quid in unoquoque casu sit determinandum.

Quer. 9. An monialis delinquat contra votum paupertatis, si mutuet, aut commo-
det

det ex rebus ad ipsum usum concessis.

Resp. Peccare, si id faciat absque Abbatisſæ licentia saltem tacita, quia monialis est mere usufructuaria, & usufructuarius non potest concedere alteri usum rei permissæ, ut habetur *instit. de n. n. c. huius*. §. 1. & 2. Non peccat tamen mortaliter, si sit secuta de restitutione rei commodatæ, aut mutuatæ, idque sive commodatum, aut mutuum sit intra idem monasterium (quo casu facilius præsumi potest licentia tacita) sive extra; quia mutuum, & commodatum non æstimantur gravis materia. Ita Layman, Sanchez, & Peyrinus, quos refert, & sequitur Diana *loc. cit. res. 14.*

Quer. 10. An peccet monialis contra votum paupertatis, si sine licentia Abbatisſæ rem monasterii ad communem usum deputatam immutet in aliam proprio usui applicandam, v. g. ex sindone formando linteola.

Resp. Peccare, & quidem mortaliter, si adsit gravitas materiæ; quia talis immutatio, & applicatio ad proprium usum important actum, qui non potest exerceri nisi a domino; hæc autem adversantur voto paupertatis. Alphons. de Leone *de off. Confes. recoll. 11. n. 111.*

Quer. 11. An peccet monialis, quæ habens ex peculio sibi concessio necessaria ad vestitum, recipit ab Abbatisſa vestem singulis annis dari solitam.

Resp. Non peccare, quia recipiendo illam vestem utitur jure suo, quare nemini facit injuriam, præsertim, cum illam vestem recipiat ab Abbatisſa, quæ præsumitur conscia peculii concessi, unde non potest dici involuntaria.

Quer. 12. An monialis eo ipso, quod deputatur ad officium aliquod monasterii exigens multas & graves expensas ab ipsa facien-

das, possit sine licentia recipere ab amicis, & consanguineis pecunias, ad talem effectum necessarias.

Resp. Quod sic, concurrente tacita, & interpretativa voluntate Abbatisse illam ad tale officium deputantis. Si enim officium exigat expensas, nec pecunia subministratur ab Abbatisse, eo ipso quod monialis tali officio est deputata, censetur tacite concessa licentia recipiendi ea omnia, quæ pro tali munere obeundo sunt necessaria, quia concessio uno conceduntur etiam omnia, sine quibus non pervenitur ad ipsum, *l. 2. ff. de jurisd. omni.*

Quar. 13. An monialis, quæ indigens aliqua summa pecuniæ, quam unus superior non concederet, medietatem illius pecuniæ recipit de licentia Abbatisse, & aliam medietatem de licentia Prælati, peccet contra votum paupertatis.

Resp. Non peccare; verum enim semper est, quod recipit cum legitimi superioris licentia. Neque modo supradicto utitur in fraudem, sed utitur jure suo; quia si potest uterque superior cumulative concedere, poterit & monialis ab utroque postulare. Difficilius forsan Prælatus secundam licentiam concederet, si esset conscius de impertita ab Abbatisse; sed quia major difficultas concessionis non inducit defectum voluntatis in concedente, ut per Sanchez, *de matr. lib. 8. disp. 21. n. 11.* hinc est, quod per hoc non vitiatur licentia superioris.

Quar. 14. An, & quomodo moniales dilapidantes bona sive sibi concessa ad usum, sive communia Conventus, teneantur restituere.

Resp. Tradunt Armilla, Rosella, Tabiena, & Silvester, non teneri, quia restitutio debet fieri ex proprio, quo caret monialis ratione

tionem voti paupertatis. Alphonsus de Leone ait, monialem, si non habeat redditus, non teneri, nisi ad inducendum eum, cui dedit, ut restituat. Placet opinio Navarri, & Fagundez, qui obligant monialem in tali casu ad restituendum, non quidem restitutione proprie dicta, quæ non fit, nisi ex propriis bonis, sed restitutione improprie dicta, nempe abdicando a se usum proprii peculii, si quod habet, ea tantummodo parte retenta, quæ ad proprias indigentias absolute est necessaria. Non tamen tenetur magis laborare, vel sibi necessaria subtrahere, vel aliunde ab extraneis bona procurare, ex quibus debitam faciat restitutionem. Hæc duriora sunt, ideoque potius consulenda, quam præcipienda.

Quæst. 15. Utrum monialis satisfaciatur propriæ obligationi restituendi monasterio, si ex proprio peculio emat, v. g. lampadem argenteam ad usum Ecclesiæ, eique applicet; simulando donare, sed revera intendendo suo debito satisfacere, & hoc ad consulendum suæ famæ.

Resp. Videri quod sic; quia in contractibus vera, non simulata intentio inspicitur; unde si vera intentio monialis tendit ad satisfactionem; secundum hanc est judicanda satisfecisse. Patet a pari; nam si debitor in suo ultimo testamento leget alicui centum, cui item centum debet, suæ satisfacit obligationi, l. si cum dotem, §. si pater, ff. soluto matr. Legatum autem est species donationis, Gomez, Bartol. & communiter Doctores. Quare sicut satisficit per legatum, debet etiam posse satisfieri per donationem. Ita in terminis Bordi in decis. Miscel. dec. 271. Verum tamen est, quod si monasterium indigeret necessariis ad monialium sustentationem, tunc puto, monialem

Item non satisfacere; quia cum restitutio ista fiat de bonis monasterii, & ad reintegrandum jus illius læsum, ea debet fieri juxta mentem probabiliter præsumptam Abbatis, quæ administrat monasterii bona, & non aliter; posito autem, quod monasterium indigeat necessariis ad sustentationem, non potest præsumi, quod Abbatissa sit contenta, quod summa illa ad pompam expendatur.

Quæ. 16. An votum paupertatis possit per consuetudinem abrogari.

Resp. Quoad substantialia non posse, quia quoad hæc votum est juris divini naturalis, contra quod non potest prævalere consuetudo; Quoad circumstantias vero, quibus votum observatur, posse abrogari non dubito, quia hujusmodi observantiæ, utpote inductæ jure humano, hoc est vel ab Institutoribus regularium, vel a summis Pontificibus, poterunt ad instar aliarum legum per consuetudinem tolli. Ita Doctores communiter. Ad inducendam consuetudinem voti paupertatis abrogativam satis probabile est, quod sufficiat, si perseveret per decennium. Ita Suar. Mascard. Bonac. & alii. Quanquam non improbabile sit, quod tradunt Menoch. Medina, Sorus, & alii, scilicet, nullum tempus esse determinatum ad inducendam consuetudinem, sed arbitrio prudentis id esse pensandum, qui pro negotii qualitate, & pluralitate actionum poterit tempus aut limitare, aut extendere. Præsumitur autem talis consuetudo, quando constat, eam passim practicari a monialibus etiam timoratis, & alias bene observantibus, idque scientibus, & non contradicentibus Prælatis, cum facile possent contradicere.

Quæ. 17. An epicheja possit habere lo-

cum quo ad dandum, & recipiendum sine expressa licentia Abbatisæ.

Resp. Si in aliis obligationibus admittitur, cur in obligatione voti paupertatis, cum sit par ratio, debet excludi? Facilius tamen admittitur quoad recipiendum, quia melioratur monasterium, quam quo ad dandum, quia distractio bonorum monasterii est nociva, ideoque regulariter præsumitur superioribus involuntaria, non solum ratione modi, sed etiam ratione substantiæ talis actus; tantoque erit difficilior ista præsumptio, quanto major fuerit quantitas materiæ, sicut augebitur difficultas, si ea distractio fiat extra monasterium, si quidem ea inter moniales ejusdem monasterii facilius permittitur. Suarez t. 3. de Relig. lib. 8. c. 15. n. 2. In rebus vero levioris momenti facilius potest admitti, scilicet in esculentis, poculentis, & in rebus devotionis, quia quo ad hæc facilius superioris consensus potest præsumi. An autem monialis, quæ per epychejam dedit, aut recepit rem notabilem, teneatur postea id aperire Abbatisæ, negant aliqui, quia ratio, quæ dedit, titulum acceptioni, dat etiam titulum detentioni; quod intellige durante eadem ratione, alioquin detineret sine licentia Abbatisæ, quod est prohibitum religiosis.

§. II.

De Peculio, & ejus usu.

Quer. I. AN moniales possint habere peculium.

Resp. Posse, præsertim in iis monasteriis, in quibus sive ob nimiam paupertatem, sive ob incuriam, & negligentiam superiorum non potest observari vita communis, sub-

subministrando omnibus, & singulis monialibus ea, quæ ipsis sunt necessaria juxta decentiam status. Ratio est, quia usus talis peculii non repugnat voto paupertatis, aut juri communi, ut bene ostendit Sanch. lib. 7. cap. 22. n. 5. neque Concilio Tridentino, quia sess. 22. c. 2. solum prohibet posse concedi peculium cum jure domini utilis, quia hoc modo monialis possideret more secularium, quod facere non potest, id interdicens voto paupertatis. Quare moniales non debent uti peculio nisi de licentia Abbatisse.

Quær. 2. An moniales ex vi voti paupertatis teneantur esse animo paratæ ad abdicandum a se usum talis peculii ad nutum Abbatisse.

Resp. Teneri; alias usus ille esset proprietarius, si non dependeret a superiore, & talis independentia importaret usurpationem domini contrariam voto paupertatis. Ita Less. Navar. Peyrin. & alii cum Suarez dicente, quod licet moniales percipientes annuos redditus de superiorum licentia debeant esse in hac præparatione, ipsi tamen superiores non debent usum peculii auferre, nisi alio modo provideant necessitatibus monialium.

Quær. 3. An moniales teneantur abdicare a se peculium, si dubitent, Abbatissam non esse illarum necessitatibus provisuram.

Resp. Non teneri, nisi constet alia ratione earum necessitatibus consultum iri. Ita Lessius, & Peyrinus, qui addit, neque teneri monialem obedire Abbatisse volenti peculium ei permissum auferre, ut sibi retineat, vel auferat illi soli, non aliis monialibus monasterii: quod tamen cum gratio salis est intelligendum, potest enim adesse, immo in dubio debet præsumi justa causa, auferendi illi

illi potius, quam alteri; qua existente, non potest monialis resistere Abbatissæ, & si resistat sive vi, sive murmure, & querimoniis, peccabit contra votum paupertatis, utpote exercens actum dominii independentis, & consequenter voto paupertatis religiosæ repugnantis, sicut ex Lessio docet Layman; quamquam, quod spectat ad resistantem murmure, & querimoniis, non ita facile talis resistentia reputari debeat mortalis, nisi sit immoderata, & notabiliter excedens iudicio prudentis.

Quar. 4. An moniales possint habere annuos census, & proventus, & expendere in licitos usus acquisita ex industria de suorum superiorum licentia.

Resp. Posse & moniales habere, & superiores concedere, ad nutum tamen revocabilia, suadetur ex jure communi *cap. fin. qui Cler.* ubi indulgetur, ut quædam mulier post professionem religionis maneat in domo sua cum omni substantia quoad usum; unde *Gloss. in cap. cum inter 1. de elect.* dicit, quod non est contra substantiam monachatus, idest, contra votum paupertatis, ut religiosus de certis redditibus vivat, cum hoc possit superior concedere. Neque quoad hoc aliquid innovavit Concilium Tridentinum, sed tantum prohibuit, ne concedantur annui redditus tanquam proprii, & irrevocabiliter; ut cum aliis citatis docet Bordon. *Consil. Regul. resol. 43. n. 51.* vel prohibuit posita reformatione, quia verba generalia intelligenda sunt, non secundum, quod sonant, sed secundum subjectam materiam. Unde hanc distinctionem admittunt in præfenti casu *Negall. 2. 2. lib. 2. cap. 3. num. 7.* Sanchez & alii.

Quar.

Quar. 5. An monialis, quæ dum erat novitia, sibi fecit livellum, vel eidem jam professæ relictum fuit legatum sub ea conditione, ne Abbâtissa, vel alius Superior se ingerat, fiat proprietaria, si illud accipiat independententer a Superioris licentia.

Resp. Fieri proprietariam, & peccare mortaliter, quia intendit retinere independententer a voluntate superiorum. *Grassius par. 1. lib. 3. c. 5. n. 42.* & alii communiter. Teneat tamen illud legatum, quia conditio illa, ne superior se intromittat, est turpis, cum repugnet voto paupertatis, ac proinde non vitiât legatum, sed vitiatur, & habetur pro non adjecta.

Quar. 6. An monialis possit non exigere livellum sibi ante professionem reservatum hoc modo, quod consanguinei teneantur singulis annis solvere, vita durante, viginti scutos, si videbitur petere, & exigere, aliter, si non exigat, remaneant in bonis consanguineorum.

Resp. Contra Verricellum *tract. 3. quest. 36.* non posse non exigere, quia illa conditio arguit remissionem legati, quod est dare, secundum Bartol. *in l. peculium, 4. de peculio*; remittere autem, & dare sunt actus proprietatis, maxime in nostro casu, in quo forma reservationis livelli excludit voluntatem Superioris, unde violatur votum paupertatis non exigendo.

Quar. 7. An monialis bona sibi relicta ex testamento, & donatione, vel suis laboribus debita possit repudiare, rogando offerentes, ut huiusmodi tradant suis consanguineis, aut alteri extraneo.

Resp. Nullo modo posse, quia in illis immediate succedit monasterium, quod potest adire

re legatum, hæreditatem &c. sine aliquo facto monialis, immo ipsa contradicente, ut pluribus citatis notat Sanch. *lib. 7. cap. 12. n. 35. ad 41.* Potest bene recusare eleemosynas, aliasque similes donationes, quia per solam oblationem talium eleemosynarum nullum jus acquiritur monasterio; peccare tamen contra charitatem ex communi Doctorum sentit Diana.

Quar. 8. An monialis peccet retinendo penes se peculium proprio usui concessum.

Resp. Non peccare sustinent aliqui, & colligunt ex Suar. *t. 2. de Relig. lib. 8. cap. 12. num. 9.* dummodo absit scandalum, & alias monialis sit parata dictum peculium relinquere ad nutum Abbatisse, vel alterius Superioris. Tunc enim animus revera non esset proprietarius; esto excedat in affectu, & modo custodiæ contra regulam, quia illa detentio de se, præscindendo ab usu, dominio, & proprietate, non est contra votum paupertatis, quia est tantum actus quidam materialis, non habens formam contrariam voto. Ita Herrera, & Enriq. in *Compend. Casu. Moral. cap. 38. num. 42.* Oppositum tamen omnino sustinendum, maxime in monasteriis, ubi deputatur capsa communis depositorum, quia talis deputatio innuit, non esse mentem Superiorum alio modo permittere peculium, quam ipsum deponendo sub custodia monialis ad hoc officium deputatæ, quare illa retentio penes se est actus proprietatis, cum sit actus omnino independens a voluntate Abbatisse; & quod detentio apud se sit actus proprietatis, patet ex c. *Monachi 2.* in quo statuitur poena contra sic detinentem tanquam proprietarium.

Quar.

Quar. 9. An moniales de peculio earum usui concessio possint aliquid ludo exponere.

Resp. Possesse ex causa recreationis, & otii fugiendi; est enim quid bonum animum relaxare, & fugere otium, quod a religiosis potissimum est abhorrendum. Est autem necessaria ad minus præsumpta licentia, dum exponitur ludo pecunia. Ita omnes cum Major, *in 4. dist. 28. q. 13.* Quantitas vero debet esse moderata, scilicet, quod non excedat summam quinque aureorum in toto anno, ut volunt Sanch. Navar. Lugo, & Peyrin. *de subd. q. 2. c. 2.* ubi addit, id relinquendum esse arbitrio prudentis considerantis statum religionis, quantitatem peculii, & conditionem monialis.

Quar. 10. An moniales possint aliquid de peculio exponere negotiationi.

Resp. Neque de Superioris licentia hoc posse, cum negotiatio prohibeatur expresse omnibus Ecclesiasticis, ut videre est in omnibus cap. *dist. 88.* Hæc autem prohibitio temperari potest, ut non habeat locum. Primo, quando monialis intendit sublevare proprias indigentias, dum a monasterio non adjuvatur, quia non dicitur negotiari, qui non lucri gratia, sed eo fine negotiatur, ut se alat, cum aliunde non habet, unde vivat, Farinac. *v. Clericus n. 169.* Negotiatio ergo non est, sed industria, quando ordinatur ad propriam sustentationem. Molina, Bonacina, Barbosa, & alii. Intellige, dummodo non arceatur a divinis ministeriis. Secundo excusatur, si unum, vel alterum negotium incidenter faciat. Diana aliis relatis *ref. 72. de Contract.* Tertio, si negotium gerat per alium, quia per hoc non avertitur a divino servitio. Ita fere omnes cum Lessio *lib. 2. cap. 2. num. 6.*

Quar.

Quar. 11. An liceat monialibus emergere boves, eosque colonis locare, vulgo *dare a giovatico*.

Resp. Negat Molina *de iust. tom. 2. tr. 3. disp. 347. n. 24.* quia genus negotiationis est, atque adeo ipsis illicitum. Affirmat Lugo *de iust. t. 3. disp. 26. sect. 2. n. 34.* emptio enim bouum animo lucrandi nihil differt ab emptione domorum, prædiorum, & aliarum rerum animo pariter lucrandi; hæc non dicitur negotiatio: ergo neque illa. Fatetur tamen, si frequenter emerentur talia animalia ad eum usum, speciem aliquam negotiationis habere. Si verò semel empti diutius in eo exercitio detineantur, non agnoscit maiorem indecentiam, quam si semel domus fuisset emptæ ad lucrandum, vel grex ad vendendum ejus fructus.

Quar. 12. An monialis possit ex peculio libere a Superiore concessio fundare censum, ut ex ejus fructibus post ejus mortem celebrentur Missæ pro anima ipsius.

Resp. Non posse, quia, cum quidquid acquirit monachus, monasterio acquirat; statim ac census fundaretur, acquireretur monasterio, & non esset amplius sub dispositione monialis fundatio, & proinde non posset supponere oneri Missarum. Pasqual. *in 99. moral. jurid. q. 159. n. 1.*

Quar. 13. An saltem possit tradere amico certam summam pecuniæ, ad effectum, ut post ejus mortem curet pro ejus anima Missas celebrari.

Resp. Pariter non posse. Quia monialis disponderet quidem vivens de tali pecunia, sed tamen causa mortis, ita ut dispositio non sortiretur effectum nisi post mortem. Hoc autem esset disponere per modum ultimæ voluntatis, quod est prohibitum religio-

ligiosis. Authent. Ingressi; Cod. de Sacrosanct. Eccles.

Quar. 14. An possit dictam pecuniam proprio usui concessam donare alteri cum onere, ut statim celebrentur singulis annis aliquæ Missæ in perpetuum.

Resp. Affirmant Ludovicus Lopez *lib. 2. de contrah. cap. 40.* & Navar. *tom. 2. num. 41. de regul.* qui volunt, posse religiosos convertere in usus pios, & capellanas instituendas bona, quæ cum licentia expendere possunt in usus proprios. Ratio est, quia hoc non videtur repugnare neque ex parte donationis, quæ absolute moniali non est prohibita, si fiat cum debita licentia, quæ certe in hoc casu est præsumenda; si enim adest licentia convertendi dictam pecuniam in usus temporales, a fortiori præsumi debet, adesse convertendi illam in usum pium, quia agitur de favore animæ. Neque repugnat ex parte rei donatæ, quia eo ipso, quod pecunia est distrahibilis, parum refert, quod in hoc, vel aliud opus distrahatur, sive per donationem, sive per alium contractum. Neque hoc est disponere per modum ultimæ voluntatis, quia eo ipso, quod disponit per donationem, disponit irrevocabiliter; de ratione autem dispositionis per modum ultimæ voluntatis est revocabiliter disponere. Et licet dispositio oneris injuncti continuetur etiam post mortem, non per hoc dici potest dispositio per modum ultimæ voluntatis. Cum enim onus Missarum sit accessorium donationi, & accessorium sequatur naturam principalis, hinc est, quod sicut non est dispositio per modum ultimæ voluntatis donatio, neque talis erit oneris dispositio.

Nimis laxa est hæc sententia, ideo eam non

audet admittere Molina *l. 1. de iust. disp. 1401 col. 12.* & absolute eam reprobatur Pasq. *loc. cit.* Quia non intervenit vera donatio, sed deputatio dictæ pecuniæ pro celebratione Missarum; quare cum non transferatur dominium; sed remaneat semper penes religionem, non potest subijcere Missarum oneri.

Quar. 15. An monialis possit ex peculio, ut supra concessio, aliquid pauperibus largiri.

Resp. Posse de licentia suæ Abbatissæ ad minus tacita; ea enim præsumitur respectu bonorum suo usui destinatorum, cum sit opus pium. Ita omnes cum Bord. *de Paupert. Relig. c. 20. n. 32.* ubi extendit hanc facultatem ad erogandum etiam aliquid de communitate, scilicet panes, obsonium, vas vini, & hujus generis, maxime si necessitas sit magna; quia in his parvi momenti Abbatissa non censetur invita, cum præsumatur charitatem habere erga pauperes. Quod si necessitas esset extrema, posset monialis pauperi taliter laboranti succurre, etiam si Abbatissa licentiam denegaret; quia in necessitate omnia sunt communia. Ita D. Thom. 2. 2. q. 32. art. 8. ad 1.

Quar. 16. Utrum possit dare aliquid suis consanguineis pauperibus.

Resp. Posse; quia monialis habens peculium potest illud expendere in omnes eos usus, qui non adversantur rectæ rationi: subvenire autem consanguineis pauperibus, non solum non adversatur rectæ rationi; sed est opus maximæ charitatis, ut pluribus probatur Bejas, Vega, Rodriq. Sanch. & Peyrin. *de subd. q. 2. c. 2. §. 6.* ubi dicit, quod potest dare usque ad summam decem ducatorum, vel etiam plurium juxta eorum indigentiam arbitrio prudentis pensandam, una, & pluribus vicibus in anno.

Confess. Monial.

E

§. III.

§. III.

*De licentia requisita ad licite distra-
hendum.*

Quar. 1. **Q**uid, & quotuplex sit licentia necessaria moniali ad effugiendam violationem voti paupertatis.

Resp. Licentia est facultas faciendi aliquid licite, & valide dependenter a voluntate Superioris concedentis. Dividitur in expressam, quæ verbis datur, aut scripto; & tacitam virtualem permissivam, aut interpretativam, quæ fundatur in praxi, vel consuetudine, quatenus Superiores sciunt, subditas aliquid accipere, retinere, dare, vel consumere, & non contradicunt, cum possint, & proinde dicuntur consentire in actionem sui subditi.

Quar. 2. Ex quibus possit monialis bene interpretari voluntatem Abbatisæ, & rationabiliter credere, se habere ipsius tacitam, aut interpretativam facultatem.

Resp. Ex multis signis hoc potest colligere. Primo, si Abbatisa est affabilis, & benigna cum subditis, non rigida, non scrupulosa. 2. Quando monialis est alicujus auctoritatis, & benemerita de religione. 3. Si agatur de rebus levioribus, & non magni momenti. 4. Juva-
bit cognoscere analogiam inter Abbatisam, & subditam; nam si profiteatur particularem affectum, habebit interpretativam licentiam plurium rerum. 5. Tacita licentia facilius præsumitur in monasteriis non reformatis, quam reformatis, dum in illis peculij usus est ex inveterata consuetudine inductus. 6. Erit utile examinare naturam etiam ipsius licentiæ; si
enim

enim fit in utilitatem monasterii, seu etiam ipsius monialis, cur veniret deneganda? Non est necesse, quod huiusmodi licentiæ interpretatiuæ habeatur evidentiæ moralis, sed sufficit opinio probabilis cum formidine contrariæ partis, cum ad bonitatem actuum moralium sufficiat probabilitas, etiam moralis. Sanch. *in sum. t. 2. lib. 7. c. 19. n. 13.* & ex eo Diana.

Quar. 3. An licentia tacita, seu præsumpta sufficiat ad evitandum vitium proprietatis.

Resp. Sufficere, quia eadem est virtus taciti, & expressi, *l. Labeo, ff. de pactis.* Et docet D. Bonavent. cum pluribus aliis relatis a Bordon. *Cons. Regul. res. 42. n. 27.* ubi limitat responsionem, quando in monasterio adesset constitutio, vel præceptum, ut licentia expresse peteretur; & hoc procedit in monasteriis multum reformatis circa paupertatem, quæ per licentiam præsumptam maxime relaxatur; ut docent Lopez, Rodriq. & ex illis Sanch. *loc. cit. num. 4.* ad finem.

Quar. 4. Quas condiciones habere debeat licentia, ne monialis dicatur proprietaria.

Resp. Tres condiciones. Prima, quod sit voluntaria, quia procedit a potestate, quæ non nisi libere operatur in hominæ; unde extorta dolo, metu, aut fraude, nullus est momenti, dum Superior contra suam voluntatem facit, quod facere nollet. Ita Navar. Sanch. Castropal. & alii. Secunda, quod sit iusta, nemini enim debet esse præjudicialis. Tertia, ut detur revocabiliter, aliter esset facere monialem proprietariam, ad quem effectum non potest licentia se extendere.

Quar. 5. An licentia concessa a superiore ad evitandas querelas a vitio proprietatis excuset.

Resp. Excusare; quia talis licentia licet secundum quid involuntaria, absolute tamen non definit esse voluntaria; si enim esset de re peccaminosa, Superior vere peccaret. Eo ipso autem quod est voluntaria, operatur, quod monialis excusetur a vitio proprietatis. Pasqual. *qq. moral. jurid. qu. 200.* Idem ob eandem rationem dicendum est de licentia precibus importunis impetrata.

Quar. 6. An licentia debite petita, sed indebite negata a Superiore, excuset monialem a transgressione voti paupertatis.

Resp. Non excusare, quia votum paupertatis adhuc obligat, cum nondum materia illa ex defectu licentiæ, licet indebite negatæ, constituta sit extra latitudinem illius. Si tamen periculum sit in mora, aut immineat grave damnum, potest esse locus Epichejæ, per rationabilem voluntatem Superioris majoris; & si contingat, quod etiam Prælati supremus licentiam neget, poterit esse locus interpretationi, & prudenter judicari, quod in tanto discrimine, & cum tanto incommodo lex, & potestas non obliget. Advertit tamen Castropal. *17. 16. disp. 13. q. 23. nu. 9.* licentiam debitam, & negatam excusare a vitio proprietatis, si sit debita ex parte tam religiosi, quam Prælati, non item solum ex parte Prælati.

Quar. 7. An sit tuta in conscientia monialis, quæ ex licentia Abbatisæ recipit, aut dat, non exprimendo in petitione licentiæ a quibus recipiat, vel quibus det, quos si sciret Abbatisa, talem licentiam non concederet.

Resp. Ex doctrina Molin: *disp. 209.* esse tutam; quia aliud est, Abbatisam esse in ea dispositione, quod si sciret causam, propter quam concedit licentiam, non concederet, aliud vero est

ro est esse in ea dispositione, quod si sciret causam, vellet concessionem nullam esse; hoc secundum, non primum facit invalidam concessionem. Quare cum licentiæ, ordinarie loquendo, absolute concedantur, dicendum est, quod Abbatisa concesserit primo, non autem secundo modo, quia in dubio præsumendum est pro validitate actus, consequenter concessionem esse validam, & monialem tutam.

Quar. 8. An monialis excusetur a vitio proprietatis, si de licentia Abbatisæ retineat superflua pretiosa, qualia sunt vasa aurea, cochlearia argentea, horologia, gemmæ, &c.

Resp. Exculari a Sylvestro, Graffio, & Bordon. quia retinet dependenter a voluntate Abbatisæ, ad cuius nutum est parata resignare. Alii damnant tanquam proprietariam. Ita Navarr. Major, & Sanch. quia Abbatisa est tantum bonorum monasterii administratrix, non domina; unde concedere non potest superflua, cum jus non tribuat facultatem ad illicita. Alii volunt peccare mortaliter ex avaritia, non tamen esse proprietariam. In hoc censeo, monasteriorum qualitatem esse attendendam, & secundum rigorem paupertatis in illis vigentem iudicandum.

Si autem loquamur de superfluis ordinariis, & ad usum frequenter concessis; ut si moniali sufficeret unus habitus, & haberet quatuor, si duplex tunica, & sex haberet; puto, quod nisi res superflue sint in notabili excessu, monialis non peccat mortaliter, quia jam habet illas, ut suppono, dependenter a licentia vel expressa, vel tacita Abbatisæ; & alias esset valde difficile, & pluribus scrupulis expositum iudicare, quando esset superfluum; plures namque res, licet simpliciter

non videantur necessariae, sunt ad melius, & commodius officium exercendum convenientes, & si pro hoc tempore non sint, pro alio erunt necessaria; amplius permittitur in monasterio, ubi non servatur vita communis, & ubi moniales sibi consulunt ex sua industria, & peculio ad proprium usum concesso, quam in monasteriis, ubi servatur vita communis. Hæc fere omnia docent Villalob. Sylvest. Garzia, Suar. & alii.

Quar. 9. An monialis, quæ Abbatisæ, vel Prælati canonice visitanti occultat aliquid de superfluis, ne sibi auferatur, sit proprietaria. - *Resp.* Negat D. Bonaventura in *opusculo de anima cap. 2. colum. 2. ad medium versic. 4.* ubi ait, tunc tantum celare aliquid superiori habere proprii rationem, quando religiosus iustus virtute obedientiæ manifestare recusat. Oppositum sustinendum censeo, etiam si rem illam antea de Superioris voluntate obtinuerit, quia eo ipso, quod abscondit, ne sibi auferatur, non est animo præparata ad reddendum; qua animi præparatione deficiente incurrit vitium proprietatis, dum vult independentem, & ad suum libitum possidere. Ita Doctores relati a Barthol. a S. Faust. in *Theol. Relig. lib. 8. q. 126.* qui tamen excusant monialem sic occultantem, quando credit, vel res illas non fore auferendas, vel Superiorem esse quoad modum tantum, non quoad rem acceptam invitum; vel si celet ad effugiendam confusionem, aut etiam reprehensionem, quam timet, si deprehendatur cum sola licentia tacita possidere; vel ad tegendam culpam commissam accipiendo, & retinendo sine licentia, quam tamen intendit postea statim petere, aut saltem,

ea non impetrata, res occultatas dimittere.

Item excusatur, si res, quas occultat Abbatissa, de proprii Prælati licentia detinet, quia Prælati consensu interveniente, vere possidet cum licentia, in cujus usu non dependet ab Abbatissa. Ita Jo. de Lugo D. 3. *de just. & jur. n. 156.* ubi subdit, non excusari monialem celantem aliquid Prælato inferiori, aut officiali subordinato, quando jussu superioris Prælati visiteret cubiculum. Nam eo ipso, quod inferior utitur facultate delegata, repræsentat personam Superioris delegantis, & nomine ejusdem procedit, l. 1. §. *qui mandatum*, ff. *de officio ejus, cui man. est jurisd.* unde si monialis aliquid illi occultet, perinde est, ac si occultet eidemmet Superiori. Sicuti neque excusatur, si Prælato successori celet res illas, quas antea cum prædecessoris facultate possidebat. Barthol. a S. Faust. *loc. cit. n. 16.*

Quær. 10. Ad quem superiorein spectet licentiam concedere moniali.

Resp. Spectare ad Episcopum, si monasterium sit illi subditum, vel ad Prælatum Regularem, si sit exemptum, vel ad Abbatissam, nisi ex constitutionibus illius religionis, aut ex consuetudine, aut præcepto superioris Prælati arctata sit ejus facultas. Sanchez *lib. 7. cap. 19. nu. 44.* Ratio conclusionis est, quia concessio licentiæ pertinet ad jurisdictionem administrationis; unde cum jurisdictio administrationis penes prædictos Superiores resideat, poterunt utique licentiam concedere. Licentia negata ab Abbatissa poterit concedi a Prælato, non e contra, quia major potestas minori prævalet. Licentia durat usque ad mortem impetrantis, nisi revocetur, unde a successore non est

denuo impetranda, quia dicitur gratia facta; quæ durat mortuo concedente, vel amoto ab officio, *Cap. relatum 19. Cap. Gratum 20. de off. deleg.* quæ intellige, nisi in contrarium extet statutum aliquod Religionis.

Quar. 11. Ad quam quantitatem possit se extendere Superioris licentia.

Resp. Varios in hac re esse de more Doctores. Putant aliqui, posse superiorem licentiam concedere expendendi decem, aut quindecim aureos singulis annis; alii duos, vel tres aureos singulis mensibus; alii totam illam summam, quam ipsemet Prælati potest expendere; alii tandem rem hanc arbitrio prudentis remittunt pro magnitudine reddituum, monasterii consuetudine, personarum, & causarum qualitate &c. Ita Sanch. *l. 7. c. 19. n. 42.* ubi refert aliquos sentientes, Episcopum, vel Generalem, aut Provincialem respectu monialium exemptarum posse ratione majoris dignitatis licentiam concedere ampliorem. Hoc certe attendendum puto ex eodem Sanch. *de lib. c. 22. n. 20.* scilicet, an licentia sit ad expendendum de rebus monasterii, an de rebus traditis a consanguineis; nam in primis, quia plus læditur monasterium, quam in secundis, minor potest concedi summa, & major exigitur causa.

§. IV.

De Munerum largitione.

Quar. 1. **A**N Bulla Clementis VIII. de largitione munerum sit usu recepta, & obliget in conscientia.

Resp. Dubitat valde Filliuc. *t. 2. tract. 34. cap. 3. g. 12. n. 81.* Non fuisse a Superioribus Regularibus usu receptam, absolute sustinet Gra-

Gratian: r. 2. *discept. forens. c. 202. n. 17.* cui ad-
hærent Megal. Valer. Homobon. & alii apud
Dian. r. 7. *in opere Coord. tr. 3. res. 5.* ubi dicit,
se non audere condemnare religiosum, qui se-
queretur usum suæ Provinciæ, vel religionis
legitime præscriptum, salvo semper &c.

Quar. 2. An monialis, quæ non acceptat
aliquod donum, sed rogat, ut alteri detur,
peccet contra paupertatem.

Resp. Cum probabiliori sententia non pec-
care. Non enim peccat non acceptando, quia
ex vi voti non jubetur acceptare, sed prohibe-
tur acceptare sine licentia; neque peccat ro-
gando, ut det alteri, quia ex vi ejusdem voti
obligatur nihil dare, non vero obligatur non
petere ab aliquo, ut ipse alteri donet. Neque
valet, quod in hoc casu monialis donet indi-
recte; qui enim per alium facit, per se ipsum
facere videtur. Nam ut bene notant Sanchez,
& Cenedo, tunc dicitur donatio indirecta,
quando adest tacita acceptatio; donatio enim
importat abdicationem alicujus juris sibi com-
petentis; unde cum in hoc casu nullum fuerit
acquisitum dominium, quia nulla intervenit
acceptatio, nulla dicitur intervenire dona-
tio, neque indirecta.

Quar. 3. An monialis possit cum licentia
Abbatissæ facere amico, vel consanguineo
Corporalia magni valoris, & recamaturas.

Resp. Cum Bonac. Scortia, Valer. & Dia-
na posse, dummodo amicus, seu consan-
guineus subministret omnia necessaria; quia
tunc non agitur de alienanda, seu donanda
re, quæ sit monasterii, sed tantum agitur
de non acquirendo, quo in casu Abbatissa
potest præjudicare monasterio; ut commu-
niter Doctores..

Quar. 4. An monialis possit etiam donare supradicta sine licentia Abbatis.

Resp. Videri posse, dummodo, ut supra, subministrantur omnia necessaria. Ratio est, quia illæ recamaturæ non pertinent ad bona corporis, sed ad bona animi, sunt enim parvus ingenii, & ideo non comprehenduntur sub voto paupertatis, quod de sui natura abdicat solum dominium illarum rerum, quibus quis efficitur dives, quæ sunt tantum bona corporis, & quæ ordinantur ad sustentandam vitam, & splendorem ipsius, *l. jux alimentorum*, §. 1. ff. ubi pupili educ. deb. & juxta ea, quæ tradunt Abbas, Salicet. Alexand. & Socin. Neque valet, quod affert, Bordonus, scilicet, quod labor, qui in hujusmodi artefactis impenditur, est pretio æstimabilis; unde monialis dando suum laborem disponderet de re pretio æstimabili, quod est contra votum paupertatis. Nam responderi potest, quod si recamaturæ, utpote bona animi, non cadunt sub jure religionis, nec etiam cadet labor in illis efformandis, quia tanquam accessorius sequitur naturam sui principalis. Tum quia ille labor non extrahit illas recamaturas a suo ordine, sed relinquit inter bona animi, atque adeo sub dominio monialis.

Quar. 5. An monialis possit sine licentia Abbatis, & sine voti paupertatis violatione suam pitantiam elargiri.

Resp. Posse. Quia in illis rebus, quæ unico actu consumuntur, non potest secerni usus a dominio. Ita Joannes 22. in extra, ad coadjutorem 9. Sed cui confertur unum, conceditur utrunque. Hanc sententiam tenent Sylvester, Aragon. D. Antonin. & alii penes Dianam, qui vult, intelligendum esse in ordine ad pitantiam,

tiam, quæ limitate præbetur, ut sunt ova, caro &c. non vero in ordine ad ea, quæ conceduntur moniali sine taxa, & limite, ut est panis, vinum &c. quod si Superior ex rationabili causa, ad vitandum excessum, & abusum monialium, contrarium disposuisset etiam de pitantia limitate concessa, non debet, immo nec potest monialis de illa disponere, & hoc ratione præcepti, & boni publici.

Quar. 6. An monialis de annuis redditibus ex superioris licentia ad suum usum sine restrictione concessis, possit libere parce vivendo aliis donare.

Resp. Posse cum licentia saltem tacita Abbatissæ, quia Clemens VIII. in sua Bulla prohibet tantum largitiones munerum, ex quibus gravia incommoda, & mala monasteriis inferuntur; donatio autem eorum, quæ monialis parce vivendo reservat, non affert multum damnum monasterio, ut patet. Immo ex hac opinione datur occasio monialibus, ut liberius frugalitati, & moderato sumptui assuescant, dum sciunt, ea, quæ sibi de necessariis detrahunt, posse aliis de se benemeritis donare, & in aliis licitis operibus expendere. Ita docent Beja, Cenedo, Valer. & Peyrin. *t. 1. de subdit. q. 2. c. 2. §. 6.*

Quar. 7. An monialis donans Breviarium magni valoris, vel quid simile alteri moniali ejusdem Conventus, peccet contra votum paupertatis.

Resp. Negantem sententiam docere Rodriguez, quem affert, & sequitur Sanchez, qui putat non esse mortale, quia, cum Breviarium illud manere debeat in eodem Conventu, non videtur esse graviter invitatus Superior, parum enim extrahitur ab usu com-

nuni per illam donationem. Unde observat Suarez *t. 3. de Relig. lib. 8. c. 15. n. 6.* majorem quantitatem requiri ad culpam gravem, quando aliquis dat aliis religiosis ejusdem Conventus, cum res illæ maneant adhuc intra eandem communitatem.

Quar. 8. An. monialis possit aliquid in remunerationem elargiri.

Resp. Possesse; quia quando prohibetur donatio simpliciter, vel sub conditione, & sub modo, eo ipso non prohibetur donatio ob merita, quæ præcesserunt; nam donatio antidotalis non est proprie, & stricte donatio, sed est quædam debiti compensatio, unde hac de causa non debet inter simplices donationes computari. Homobon. Valer. aliique permulti penes Dian. *t. 7. in opere Coord. tract. 3. resol. 37. §. 2.* Immo non solum potest largiri, quantum satis est ad satisfaciendum obsequiis, vel muneribus acceptis, sed etiam aliquid ultra, dummodo tamen non excedat valorem meritorum, & beneficiorum in quarta parte, ut tenent Barbosa ex Navarro; & probabilem hanc sententiam vocat Sanchez apud Dianam, *loc. cit.* quia, ut ait D. Thom. 2. 2. q. 106. gratitudinis lex postulat, semper plus reddi, quam sit acceptum.

Quar. 9. An. monialis habens ab Abbatisa licentiam generalem donandi aliquid, si illud donet ob turpem causam, peccet contra votum paupertatis, & recipiens teneatur restituere.

Resp. Negative; quia licentia generaliter concessa in aliis materiis non censetur limitari ad solos usus, vel casus aliunde non turpes, nec illicitos; sed in iis etiam aufert malitiam, quam posset habere ex defectu talis licentiæ. Si licentia comedendi carnes

in Quadragesima est indifferens ad carnes proficuas, & nocivas, quia mens concedentis est, ut tollat omne id, quo posset violari quadragesimale jejunium. Cum ergo Abbatissa concesserit moniali licentiam generalem donandi prohibitum, non est, cur præsumatur limitasse ad causam solum aliunde non turpem, sed potius voluisse auferre illud impedimentum ex parte sua, quo stante, peccavisset peccato proprietatis. Ita Lugo, Diana, & plures alii, quos citat, & sequitur Bordon. *de Pauper. relig. c. 17. n. 20.*

Quæ. 10. An monialis causa mortis possit aliquid donare cum licentia Abbatissæ.

Resp. Possè. Sanch. Layman. Tapia, & Diana *loc. cit. res. 65.* quia potestas testandi, & potestas donandi causa mortis non sunt connexæ, nisi in eo, qui ex defectu naturali non valet testari. Unde filius familias, qui ne patre quidem consentiente potest condere testamentum, tamen mortis causa cum patris consensu donare potest. Ergo ex eo quod moniali interdictum sit testari, non per hoc interdicatur mortis causa donare. Adde, quod in hoc casu Abbatissa dans licentiam donat, & monialis eligit personas, unde non disponit proprie per donationem, sed per electionem personarum.

Quæ. 11. An in casu, quo Abbatissa promittat moniali subditæ, se ejus bona distribuaturam post illius mortem juxta illius donationem manifestatam, teneatur stare promissis saltem in foro conscientiæ.

Resp. Si promissio sit distribuendi alteri moniali subditæ, non teneri; sicut enim rem ei datam potest auferre, sic & potest non dare. Si vero promissit distribuere extraneis, tunc censo teneri; quia sicuti potest oriri obliga-

io ex iustitia inter dominum, & servum, eo quod dominus paciscens cum servo censetur cedere juri suo, ut ex Molina, & Lessio notat Sanch. lib. 7. cap. 9. n. 13. sic, ait ipse, eadem obligatio oriri poterit inter Abbatissam, & monialem subditam, cum sit par ratio.

C A P U T V.

De Voto Religiosa Castitatis.

Quar. 1. **A**D quid teneantur moniales ex vi voti castitatis.

Resp. Teneri abstinere a conjugio, & ab omni actu externo, & interno, qui sit contra castitatem, ut a turpibus cogitationibus, a delectatione morosa, a pollutione, ab omni actu venereo, & turpi contractu, & ab impudico aspectu, nec non ab aliis omnibus, quæ aliquo modo sunt contra virtutem castitatis. Hinc est, quod monialis violat votum, si se exponat periculo violandi castitatem, quia periculum illud est actus in specie luxuriæ, virtuti enim castitatis opponitur; unde monialis se exponens tali periculo, non est formaliter casta omnimoda castitate, atque adeo violat votum, quod importat omnimodam castitatem.

Quar. 2. Quænam sit regula dignoscendi, quandonam monialis graviter, vel leviter peccet contra castitatis votum.

Resp. Transgressionem voti esse mortalem in illis actibus, in quibus malitia libidinis est in secularibus mortalis, venialis vero, in quibus illa est venialis. Ratio est, quia circumstantia voti castitatis non immutat obligationem juris naturalis, sed solum addit circumstantiam sacrilegii, quæ circumstantia sequitur naturam actus, cui adjungitur. Lessius de just.

Conj. jur.

Objur. lib. 4. c. 4 v. nu. 68: Verum aliquando verba, gestus, & tactus, quæ sunt in sæcularibus solum venialia, possunt esse mortalia in moniali; quia sæculares talia observantes in religiosa grave scandalum possunt concipere, maxime, quia virgo Deo dicata debet esse, & appetere ab hujusmodi actibus aliena. Ad majorem tamen claritatem pro praxi sequentia quæ sita subjungimus.

Quer. 3. An peccet mortaliter contra votum monialis tangens manum, faciem, brachia, & pedes alicujus viri.

Resp. Ex Tambur. *lib. 7. in deoal. c. 8. §. 2.* si illi tactus fiant ex joco, levitate, & curiositate, nihil habent mali præter ipsum jocum, quia ut sic non aliam nisi naturalem pariunt delectationem. Si fiant ob solam delectationem non libidinofam, & ea delectatio assumatur quidem, sed non ad ullam libidinem veneream, peccat venialiter, quia ex una parte non habemus, unde ut sic sub mortali prohibita sit; si enim esset prohibita, inde esset, quia ad generationem, quæ sit illicita, refertur. Cum ergo illi actus, neque delectatio non referantur, non erunt mortaliter peccaminosi; & ex alia parte deordinatio nonnulla est, atque adeo venialis, iis uti actibus ob meram delectationem licet levem. Si vero fiant animo libidinoso, clarum est peccare mortaliter.

Quer. 4. Quid dicendum sit de aspectibus.

Resp. Monialem aspicientem partes viri honestas ex curiositate, levitate, aut vanitate, non ulterius progredientem, peccare tantum venialiter, quia in hoc non intervenit tanta inhonestas, nec provocatio tanta ad malum, sicut in tactu. Trullenc. *in decal. lib. 6. c. 1. dub. 12. nu. 14.* Si vero aspiciat vel hominem nudum,

vel

vel partes ejus inhonestas tantum, non est dubium peccare mortaliter, quia tales aspectus multum incitant ad libidinem, & quia id valde repugnat cum honestate naturali, & multo magis cum honestate Virginis Deo dicatæ, & Sponsæ Christi. Diana *par. 3. tract. 5. res. 89.* Unde ob hanc rationem non liberarem a peccato mortali monialem aspicientem brutorum concubitum, vel eorum partes inhonestas turpiter commotas; non enim levis Christi injuria est, suam Sponsam, quam decet sanctitudo, in talibus occupari. Oppositum sentit Granado apud Dianam *r. 8. in opere Coord. r. 6. res. 19.* si fiat ex levitate aut curiositate; sed in his caute procedendum.

Quar. 5. An monialis turpia loquens, legens, audiens, vel canens, non gratia veneræ delectationis captandæ, sed cujusdam varii solatii, vel ob aliam vanam causam, peccet graviter contra votum.

Resp. Cum D. Antonini Navar. Graff. & aliis peccare tantum venialiter, dummodo absit scandalum; quia illa delectatio remote disponit ad venerem, nec vehementer naturam commovet. Quia tamen natura est valde corrupta, sensusque nostri sunt valde ad malum proni, caveant proinde, & diligenter caveant moniales. Quia, ut ait Augustinus *l. 1. Confess. c. 16.* per hæc turpitudine confidentius perpetratur. De audiente turpia idem dicendum, etiam si rideat, & simulate gaudium præferat, carens tamen delectatione veneræ, ne inurbana habeatur, ac de hypocrisis vitio notetur. Quoniam risus ille, & gaudium, potest esse de artificioso, & lepido dicendi modo, ex quo cessat ratio scandalii activi; ex alia parte absunt delectatio, & finis mortalis,

solumque intenditur liberari a molestia, & hypocrisis censura.

Quar. 6. An monialis scribens literas amatorias ad vanum conciliandum amorem ob solam vanitatem, levemque delectationem, peccet mortaliter.

Resp. Sanch. *de matr. lib. 9. disp. 46. n. 37.* non agnoscit nisi culpam venialem, quia nec delectatio, nec amor intenta eam excedunt. Acriter tamen increpent Confessarii, quia Sponsa Christi nullum, præter eum, debet admittere amatorem.

Quar. 7. An peccet monialis recipiendo munera ab eo, a quo dubitat turpiter amari.

Resp. Si certo sciret, mortaliter certe peccaret, etiam si reciperet absque ulla prorsus intentione, immo cum proposito firmo non consentiendi, quia illa receptio foveret pravam voluntatem mittentis munera; si vero tantum dubitet, peccati non damnat Tamburinus, quia cum talia munera possint mitti etiam ex titulo honestæ amicitiae, ex hoc potius, quam ex alio, judicare debemus fuisse missa; nemo enim præsumendus, est, nisi constet, delictum velle committere. Periculosa tamen sunt hæc, unde consulo, omnimode abstinendum.

Quar. 8. An monialis, quæ persuasionem, vel cooperationem concurret, ut alius adeat concubinam, peccet contra suum votum castitatis.

Resp. Negant Sanch. Castropal. Arriaga, & Caramuel *in Theolog. regular. n. 986.* Quia monialis non facit contra castitatem suam, sed contra castitatem tertii. Tenetur tamen explicare statum peccantis, cui fuit occasio peccandi contra sexum. At probabilius censeo contra suum castitatis votum peccare;

nam

nam votum castitatis religiosæ, quia est absolutum, continet omnimodam castitatem, ut communiter tradunt Theologi. In omnimoda autem castitate continetur castitas, quæ avertit actus versantes in luxuria aliena, atque adeo votum monialis, quod est de omnimoda castitate, includit actus versantes in luxuria aliena; unde suasus illa, vel cooperatio ad fornicationem erit contra votum castitatis.

Quer. 9. An monialis, quæ sine delectatione propria sensuali, & sine periculo assensus in propriam delectationem (si hoc est possibile) tactibus alium polluit, peccet contra votum castitatis.

Resp. Negant Caramuel, & Lamas, quia, sicuti potest monialis cooperari, ut Joannes, v. g. reddat debitum uxori, quin contra castitatis votum procedat, quia ipsa non vovit castitatem alterius, sed propriam; ita eadem de causa poterit cooperari, ut Joannes incidat in pollutionem, quin frangat votum castitatis, cum ipsa non voverit vitare pollutionem alterius, sed propriam. Hæc opinio prorsus rejicienda, sicut eam rejecit, & expunxit Tribunal SS. Inquisitionis Hispaniæ. Ratio est, quia si daretur casus, quod monialis sine propria delectatione succubaret mæcho, adhuc tamen peccaret contra propriam castitatem, quia abuteretur membro suo ad impudicitiam mortalem: cum ergo etiam in tactibus procurantibus alienam pollutionem aliqua sua parte abutatur, etiam si hoc sit sine propria delectatione, peccabit mortaliter contra castitatem.

Quer. 10. An monialis, quæ antequam emitteret votum solemne castitatis, erat adstricta etiam simplici, teneatur, si fornicetur, utranque circumstantiam fateri.

Resp.

Resp. Non teneri, quia solemne votum a simplici non differt specie, sed solum extrinseca, & accidentali differentia; extrinseca enim tantum Ecclesie constitutione secernuntur, quatenus decernit per votum solemne, non sic per votum simplex castitatis dirimi matrimonium. Ecclesia autem rei naturam non immutat, sed robur adjungit. Sanch. *de Matr. lib. 7. disp. 25. n. 6. & disp. 27. n. 7.* Erit tamen diversa malitia necessaria in confessione fatenda, si voto additum sit juramentum, quia diversa ratione pertinent ad eandem virtutem. Nam votum pertinet ad virtutem religionis ob fidem Deo servandam; juramentum vero, ne Deus falso adducatur in testem. Sanch. *ubi sup. n. 16.*

Quar. 11. An tactus, cogitationes, desideria, confabulationes, nutus, & aspectus inhonesti in Ecclesia habeant diversam specie malitiam, quam debeat monialis in confessione aperire.

Resp. Negative, quia tota sacrilegii moralis deformitas ex loci sacri pollutione pendenda est; per tactus autem, & reliqua non polluitur Ecclesia, sed tantum per injuriosam seminis effusionem, aut sanguinis, *cap. unic. de consecrat. Eccles. in 6.*

Quar. 12. An seminis occulta effusio in Ecclesia fortiatur diversam specie malitiam, necessario in confessione aperiendam.

Resp. Sortiri malitiam sacrilegii in confessione aperiendam. Ita communiter Doctores, teste Tambur. *lib. 7. cap. 4. §. 1. n. 8.* quia talis effusio ex eo, quod sit occulta, non desinit esse injuriosa Ecclesie, per consequens non desinit esse pollutiva; nam pollutio est inducta in detestationem talis injuriæ, unde neque desinit esse sacrilegia. Sicuti furtum non

sacri

facri de sacro non definit esse injuriosum Ecclesie, quia occultum, & sic non definit esse sacrilegum. Oppositum docet Vasquez, & Pontius lib. 10. c. 10. n. 25. citans alios, & dicens: esse communem sententiam, quia per occultam seminis effusionem Ecclesia non polluitur, sed publica requiritur, nam pollutio non afficit revera Ecclesiam secundum se, quasi in se ipsa polluat, sed tantum afficit in opinione hominum, qui apprehendunt ejus sanctitatem quasi maculatam, juxta cap: Quidam 1. q. 1. & notant communiter cum Glof. in cap. unico de consecrat. Eccles. vel altar. in 6. Ergo causa pollutiva non potest inducere pollutionem nisi sub conditione publicitatis.

Quar. 13. Quot peccata committat monialis violans votum castitatis.

Resp. Præcisè circumstantiis personarum, cum quibus violat votum, duo peccata committere, scilicet fornicationis, quia violat castitatem, & sacrilegii, quia ratione voti emissi talis actus opponitur virtuti religionis. Alias agnoscunt malitias, & volunt peccare monialem peccato furti, quia contrectat rem alienam, scilicet seipsam, invito Domino, cui se totaliter obtulit; insuper peccato adulterii, & incestus, quia monialis est sponsa Dei, qui est Pater noster, & consequenter est consanguinea nostra, cum omnes simus filii Dei; item peccato contra naturam, quia est peccatum cum religiosa, quæ est mundo mortua. Hæc tamen omnia metaphorice potius, quam realiter malitias diversas specie important; unde aggravare concedo, mutare speciem non admitto.

Quar. 14. An superfluous ornatus in moniali sit dampnandus sub gravi.

Resp.

Resp. Si se ornet ad hoc præcise, ut censeatur inter pulchras, & laudetur ut pulchra, mortaliter non peccare, quia id non continet gravem deordinationem, sed ad summum vanam quandam gloriam eorum hominibus. Suppono, quod ornatus a finibus religiosi status non exeat, & quod cesset omnis ratio scandali non solum penes sæculares, sed etiam penes alias sorores. Cæterum coma nutrire, prohibitum esse monialibus, quidam volunt, Consuetudini tamen standum est. Nullatenus vero permittendum uti tortis, seu comatis capillis, aut non coopertis comis. Suarez s. 4. de Relig. tr. 9. lib. 1. c. 12. n. 4. Q. 5.

Quar. 15. An liceat monialibus choreas inter se agere.

Resp. Non licere, quia in Clementina de statu Monachor. cap. 2. expresse ipsis prohibetur, ibi, *Non choreas, non festa sacularium prosequantur.* De peccato tamen mortali non audet eas damnare Tamburinus in decal. lib. 7. c. 8. §. 7. n. 6. si forte ex aliqua occasione puras choreas agant ob recreationis gratiam, non tamen publice, & in præsentia sacularium, ut indicat Baldel. lib. 3. D. 32. n. 16. Ob hanc quoque rationem possunt deferre larvas, dummodo cesset periculum scandali, juxta citatos Doctores.

Quar. 16. An moniales peccent dimittendo habitum ad aliquam honestam representationem faciendam inter ipsas in monasterio.

Resp. Mortaliter peccare, docent aliqui, quos suppresso nomine refert Lezana in Sum. tom. 1. c. 13. n. 5. Venialiter tantum, videntur sentire Baldel. & Pellizar. Nullo modo peccare, sustinet ex Sylvestro, & Passarello Peyrin. in Comment. ad Reg. Minim. c. 3. §. 5. q. 2. n. 3. quia non videtur neque levis dimissio, quæ

fit

fit honestæ recreationis causa, cum dictæ recreationes sint actus virtutis Eutrapeliæ. Hinc notat Texeda *Theol. mor. t. 1. lib. 2. rr. 1. contr. 6. D. 1.* neque in excommunicationem incidere, etiam si coram secularibus repræsentent; quia illa habitus dimissio nec est temeraria, nec ad vagandum, nec ex contemptu legis ordinata. Sentio nihilominus cum Lezana, id propter naturæ imbecillitatem, & corruptionem, semper esse periculosum.

Quær. 17. An liceat monialibus aliquas repræsentationes facere in Ecclesiis.

Resp. Inhonestæ repræsentare in Ecclesia peccatum mortale est; vana, & secularia, non tamen multum turpia, veniale; devota, & sacra, caret culpa. Ratio horum omnium est, quia in primo casu irrogatur Deo, & Ecclesiæ magna irreverentia, in secundo modica, in tertio nulla. Sanchez *opúscul. lib. 1. c. 8. dub. 24. n. 18.* Verum Gavant. in *Enchir. Episc. versu repræsentationes sacra num. 1.* oppositum sustinet cum Barbosa etiam quo ad spiritualia, & observat, quod S. Carolus in *Concil. 1. Provinc.* prohibuit, ut Passio Salvatoris nullibi agatur. Unde Zerola in *Praxi Episc. par. 1. verb. repræsentationes*, laudat aliquorum Episcoporum zelum, dictas repræsentationes sine expressa eorum licentia posse fieri prohibētium.

Quær. 18. Quænam sint media apta ad tuendam castitatem.

Resp. Studeat monialis peccatorum occasiones fugere, otium omnium malorum parentem, certissimumque animarum exitium perhorrescere, virorum aspectus, & multo magis familiaritatem declinare; sensus accurate custodire, præcipue visum, auditum, & tactum; nam de visu asserit Isidorus, *Oculus est*

est principium fornicationis; de auditu subdit Tertullianus, Bonos corrumpunt mores confabulationes pessima; & de tactu scribit Angelicus, Tactus est actui venereo cognatus, & finitimus, & modico intervallo separantur ad invicem. Prodest insuper quamplurimum ad tuendam castitatem, mortis, & inferni jugis recordatio, carnis maceratio per ciborum abstinentiam, & cilicii gestationem, librorum spiritualium lectio, assidua vulnerum Domini Jesu Christi recordatio; unde dicebat D. Augustinus, Cum me pulsat aliqua turpis cogitatio, recurro ad vulnera Christi: cum me premit caro mea, recordatione vulnerum Domini mei resurgo.

CAPUT VI.

De Monialium subjectione erga suos
Superiores ex vi Voti
Obedientiæ.

§. I.

*De natura Voti Obedientiæ, & obligatione
ab ipso proveniente.*

Quer. 1. Quid sit votum religiosæ obedi-
entia.

Resp. Esse promissionem, qua monialis propriam subjiciens voluntatem Superiori se obligat ad parendum in omnibus, quæ possunt cadere sub objecto virtutis obedientiæ. Hinc est, quod obligatio hujus voti se extendit tantum ad res licitas, & honestas, ita ut cum certo constat, rem præceptam esse illicitam, & malam, aut contra regulam, vel præceptum superioris altioris, nullo pacto tenetur

netur monialis obedire, etiam si ad hoc penis, vel censuris compellatur; quia monialis se obligat ad id tantum, quod est materia voti, cuiusmodi non est, nec esse potest res illicita. D. Thom. *quodlib.* 10. *art.* 11. Item si Superior præciperet res tantum utilitati temporali sui, aut suorum, ut si præciperet moniali, quod faceret recamaturas &c. alicui consanguineo, aut amico, non tenetur obedire, cum hæc non sint secundum regulam; sicuti neque tenetur obedire, si præcipiat vana, vel ad regulam sive explicite, sive implicite non pertinentia.

Quar. 2. An in dubio quod res præcepta sit licita, parendum sit Superiori.

Resp. Quod sic cum communi Doctorum, quos refert Peyrin. *rom.* 1. *q.* 1. *c.* 7. desumitur ex *c.* *quid ergo*, 11. *q.* 3. & *c.* *quid culpatur* 23. *q.* 1. quibus determinatur, quod in dubiis Superiori parendum. Limita, nisi urgeat in præiudicium tertii, aut honoris, vel propriæ famæ. Ita Rodriq. Miranda, & Peyrin. *loc. cit.* quia nemo tenetur parere cum gravi suo, vel alterius incommodo, nisi constet, Superiorem legitime præcipere, & habere auctoritatem tunc præcipiendi. Et ob hanc causam monialis dubia de honestate præcepti non tenetur statim obedire, si illi præcipiatur res valde difficilis, & nimis molesta; sed potest rem maturius discutere, & quousque sibi non constat de honestate rei præceptæ, executionem differre. Ita ex Rodriq. Peyrin. *loc. cit.*

Quar. 3. An moniales ex vi voti obedientiæ teneantur exequi id, quod sciunt, velle Superiorem, voluntas tamen illius nullo præcepto est manifestata.

Resp. Non teneri; quia voluntas mente re-tenta nihil operatur. Obligantur igitur solum,
quan-

quando præceptum est intimatum, five or-
tenus, five scripto, five alio modo.

Quar. 4. An moniales sine Superioris licen-
tia possint valide aliquid vovere.

Resp. Negant Palud. Ang. Rosel. & Valent.
quia votum non fit sine voluntate, qua carent
moniales, cum earum velle, & nolle, stante voto
obedientiæ, a Superioris dependeat voluntate.
Censeo nihilominus cum Cajet. Sot. Nav. &
aliis posse valide, & meritorie vovere ea om-
nia, quæ nec regulæ, nec Superioris præcepto
repugnant, nec eas a debito illius obsequio
avertunt. Quia vovere per se est opus consilii,
& alias non est religiosis prohibitum. Quare
possunt vota personalia emittere de actibus
positis sub præcepto five divino, five regulæ, ad
magis obfirmandam voluntatē in eorum obser-
vantia; nec non de operibus supererogationis,
quæ nec a regula prohibentur, nec præcipiuntur;
immo etiam si excedant obligationem regulæ,
ut est transitus ad strictiorem. Nam materia hu-
jusmodi votorum est per se honesta, & medium
assequendi perfectionem. Potest tamen Supe-
rior prohibere monialibus, ne ipso inconsulto
voveant, quia hoc non est opus perfectionis
impedire, sed modum, quo melius fiat, provide-
re. Suar. c. 2. de relig. l. 3. c. 6 n. 25. & Bar. a S. Faus.
Thes. relig. l. 2. q. 23. qui sustinet, vota contra hu-
jusmodi prohibitionem facta valere, quia ad
validitatem voti sufficit, quod materia sit Deo
grata, licet vovendi modus illi displiceat.

Quar. 5. Quibus Superioribus teneantur
moniales parere ex vi voti obedientiæ.

Resp. Iis omnibus, quibus per tale votum se
subjiciunt, five immediatis, five mediatis, five
regularibus, five non. Tenentur igitur parere
Abbatissæ in his, quæ spectant ad regulam, in

Confess. Monial.

F

qui-

quibus etiam ex vi voti tenentur parere Summo Pontifici, tanquam supremo omnium Religionum Capiti, & cui per religionis votum omnes subduntur religiosi. Episcopo quoque tenentur parere, si sint illi subiecti, quia obligatio parendi oritur a jure subjectionis. Si vero sint exempti, tenentur parere Episcopo, in his, quibus se habet tanquam Sedis Apostolicæ delegatus, ut in observantia clausuræ; in reliquis vero parere debent Prælati sui Ordinis, & quidem eo pacto, quo tenentur ejusdem Ordinis religiosi, cum in utrisque votum obedientiæ sit idem.

Quæst. 6. An monialis in spectantibus ad regimen monasterii maximis scrupulis agitata, a quibus non potest se liberare, teneatur, Superiore præcipiente, munus subire Abbatissæ.

Resp. Non teneri. Ita colligitur ex Graff. Peyrin. Rodriq. Sot. & Sanch. in *decal. lib. 6. c. 2. n. 52.* Quia munus Abbatissæ cum tam vehementi scrupulorum anxietate esset illi nimis onerosum, & difficillimum; in moralibus autem, quod est valde difficile, æquiparatur impossibili, ad quod nemo tenetur. Tum quia sicuti vehemens scrupulorum agitatio in persolvendo officio divino eximit a præcepto recitandi horas canonicas, Gobat. *tom. 2. tr. 5. cas. 23. sect. 2. n. 714.* ita vehemens scrupulorum agitatio in regimine monasterii eximet a præcepto subeundi munus Abbatissæ.

Insuper, nemo tenetur obedire cum suæ animæ periculo, & aliorum detrimento, ut communiter cum D. Thoma. Utrunque sequeretur, si monialis obediret Superiori præcipienti. Primum quidem, quia stante illa scrupulorum anxietate exponeretur continuis animi agitationibus, & perplexitatibus, conse-

quen-

quenter probabili periculo labendi ex conscientia erronea in aliquam culpam. Secundum vero, quia, utpote scrupulosa, esset in custodia regulæ nimis rigida, ac in delictis, & transgressionibus monialium perquirendis nimis anxia; atque adeo, ut advertit Peyrin. *de Pralat. q. 2. c. 3. §. 15. n. 145.* parum prudens, & minus misericors. unde turbaretur religiosa societas, & totius monasterii concordia.

Ex quo pariter confurgit validum aliud motivum eximens in hoc casu dictam monialem ab obedientia. Si enim suo scrupuloso regimine præberet causam turbandæ pacis, & concordiæ, jam est regiminis indigna, adeoque non tenetur, imo neque potest absque mortali peccato acceptare munus Abbatissæ; quia dignitas ita est de intrinseca natura Prælaturæ, ut neque Summus Pontifex possit dispensare, ut eligatur indigna, cum sit de jure divino naturali. Peyr. *l. d. subdit. q. 1. c. 10.*

Quar. 7. An Abbatissa possit præcipere monialibus in virtute obedientiæ, obligando in conscientia.

Resp. Negativa sententia traditur a Soto, & Caramuele *in Theol. regul. disp. 38. res. 5.* ubi alios citat. Quia enim potestas Abbatissæ spiritualis non est, sed œconomica, domestica, & civilis, nihil imperare potest, quod monialium conscientiam valeat onerare. Nihilominus posse Abbatissam præcipere in virtute obedientiæ, & in conscientia obligare, docet Pasqual. *in Lauret. p. 1. n. 765.* cum undecim aliis ibi relatis. Ratio est, quia inter Abbatissam, & moniales adest ordo superioritatis, & subjectionis, auctorizatus a Summo Pontifice; unde votum obedientiæ obligat moniales tanquam subditas ad obediendum Abbatissæ,

quia ex vi talis ordinis est collata Abbatisſæ potestas exigendi obedientiam, quæ potestas fundatur in jure Superioritatis.

Neque per hoc exercet jurisdictionem spiritualement, quia quod præcipitur, supponitur jam impositum monialibus exequendum ex vi regulæ, in qua aut expresse, aut tacite continetur, & proinde præceptum est regulæ, & Abbatisſa solum utitur jure acquisito ad exigendum ex vi voti obedientiæ, quod est in regula. Quare Abbatisſa ministerialiter tantum se habet, quia tanquam ministra conjungit in tali, & tali moniali quo ad particularia regulam cum obligatione voti obedientiæ, coarctando monialem ad exercendum votum obedientiæ circa talem rem a regula præscriptam. Unde potest Abbatisſa præcipere non solum spectantia ad œconomicam monasterii gubernationem, sed etiam concernentia spiritualement monialium profectum, quia hæc quoque sub obligatione regulæ continentur.

Quar. 8. An Abbatisſa ex voto obedientiæ ei emissio possit præcipere monialibus ea omnia, quæ potest Prælatus Regularis præcipere suis religiosis.

Resp. Non posse; quia Prælatus Regularis, utpote pollens potestate spirituali, potest imponere nova præcepta spiritualia de iis, quæ non sunt in regula, concernunt tamen ad conservationem regulæ; Abbatisſa vero non potest præcipere in virtute obedientiæ nisi ea, quæ sunt in regula, ut pro adimpletionem uti possit obligationem voti obedientiæ. Pasq. loci cit. n. 766.

Quar. 9. An monialis teneatur obedire Abbatisſæ præcipienti revelare secretum fidei suæ commissum.

Resp. Si decretum vergit in damnum monasterii.

nasterii, aut alicujus personæ, vel Abbatis, aut alterius Superioris, etiam præciso præcepto, tenetur, dictante lege naturali, quod bonum commune particulari bono est præferendum. Ita D. Th. 2. q. 70. ar. 1. ad 2. S. Anton. Reginal. Nav. & alii. Si vero secretum non vergit in damnum tertii, sed solum in damnum manifestantis, non tenetur obedire, quia jure naturæ debemus proximo fidem servare, maxime ubi adest propriæ personæ damnum. D. Thom. quodlib. 1. art. 15. Sylv. Reginal. Scot. & alii.

Quar. 10. An Abbatis possit cogere monialem ad acceptandum, & exercendum aliquod munus, non obstante pacto in contrarium, & soluta monasterio dote majore solito ad hunc effectum.

Resp. Posse cogere; quia ea conditio est turpis, cum sit contra votum obedientiæ, quod debet promitti simpliciter in ordine ad omnia, quæ sunt expressa in regula, ut docent omnes cum D. Th. quatenus igitur turpis, est rejicienda; unde prædicta monialis debet obedire sicuti aliæ ejusdem professionis, & muneris. Nec obstat majoris dotis solutio sub ea conditione, cum enim ea sit turpis, sibi imputet monialis; qui enim facit, quod non debet, recipit, quod non oportet, l. Julianus, §. offerri, ff. de ult. empt. Ita Bordon. in miscel. Decis. 436.

Quar. 11. An Superior possit imponere monialibus præceptum obedientiæ obligans sub mortali in materia levi.

Resp. Ex communi Doctorum sententia non posse; quia potestas Superioris non se extendit ultra terminos rectæ rationis, alioquin gravaret subditos injuste, quia gravaret absque necessitate. Recta autem ratio dicit, quod præceptum accommodetur exigen-

tiz materiæ; quare si materia est levis, non potest præcipi sub mortali. Verum tamen est, quod materia ex se levis potest esse gravis respectu communitatis, & ratione finis, & in tali casu potest præcipi sub gravi, unde consurget obligatio gravis, quia est obligatio ad mensuram exigentiæ finis.

Quar. 12. An si Episcopus in virtute obedientiæ præcipiat monialibus, ne accedant ad januam, ad evitandum aliquod incommodum, peccet monialis accedendo, quando certo scit, in tali casu non adesse periculum, ratione cujus præceptum est impositum.

Resp. Peccare; quia esto non adfit periculum in illo casu, adest tamen generaliter, & ut plurimum; & hoc sufficit, quia hæc fuit causa imponendi præceptum. Et ita docet Diana cum aliis in opere *Coord. t. 7. tr. 1. res. 132. n. 2.*

Quar. 13. Quænam sit forma faciendi præcepta obligantia sub mortali.

Resp. Variam esse formam, prout varii sunt ordines religionum; unde in unoquoque ordine inspiciendum est; quid quoad hoc statutum sit, aut usu inductum, illudque omnino servandum. Communiores tamen, & frequentiores formæ sunt, *In Nomine D. N. Jesu Christi, vel in virtute Spiritus Sancti, vel in virtute obedientia.*

Quar. 14. An ex verbis *precipio, jubeo, strictly precipio, sub præcepto injungo, absolute prohibeo*, colligatur obligatio parendi sub mortali.

Resp. Negative cum Medina, Lorca, Vasq. Suar. & Sanch. in *decal. lib. 6. c. 4. n. 26.* quia verba illa sunt indifferentia ad obligandum sub mortali, vel sub veniali, ut præceptum non furandi, non mentiendi in materia levi. Cum igitur talia verba ex genere suo non obligent
sub

sub mortali, debent determinari vel a gravitate materiæ præceptæ, vel etiam a poenæ impositione; ita quod si aliquid præcipiatur sub poena excommunicationis majoris ipso facto incurrendæ, violatio talis præcepti erit censenda gravis, quia additio talis poenæ satis ostendit, mentem Superioris esse obligare sub gravi, ut in simili advertit Sanchez *ubi supra* n. 44. Non tamen colligitur obligatio gravis, si excommunicatio sit sententiæ ferendæ. Ita Vasquez, Navar. & alii, qui addunt, observandam etiam esse consuetudinem regionis, & religionis in modo loquendi, quia ex illa satis deducitur præcipientis intentio.

§. II.

De subjectione quoad Ordinarium.

Quar. I. **A**N, & quomodo moniales subji-
ciantur potestati Ordinariorum.

Resp. De jure communi, præcisus particularibus exemptionibus, & privilegiis Apostolicis, Regulares subjici originaliter Episcoporum jurisdictioni, *can. qui vere in fin.* 16. q. 1. & *can. pervenit* 16. q. 1. De quibus per Oldrad. *cons.* 274. Intelligitur autem hæc subjectio quoad jura Episcopalia, juxta *Cap. constit. de relig. domib.* & quoad obedientiam *cap. cum liceat de præscrip.* Unde etiam moniales de jure communi subsunt Ordinariorum potestati. Modo autem fere omnes Religiosorum Ordines obtinent de jure speciali plenariam exemptionem. Monialium vero monasteria plurima etiam nunc plene subsunt Ordinariorum jurisdictioni, & quoad personas, & quoad bona temporalia, alia subsunt gubernationi.

Prælatorum sui Ordinis, & alia sunt immediata Apostolicæ Sedi subiecta, ita tamen ut Episcopus tanquam Sedis Apostolicæ delegatus in utrisque exercent jurisdictionem in his, quæ spectant ad custodiam clausuræ, & in his ultimis exercet jurisdictionem etiam quoad gubernium spirituale, ut per Tridentinum *sess. 25. de Regular. c. 9.* non vero temporale, ut *ex declarat. Sac. Congr.* quam refert Pasqual. in *Lauret. p. 1. n. 37.* Barbof. & Tamburin.

Quar. 2. An moniales in iis, in quibus subji-
ciuntur Ordinario loci, subjiçiantur etiam ejus
Vicario Generali, & Capitulo, Sede vacante.

Resp. Subjici etiam Vicario Generali, ut-
pote constituenti unum, & idem tribunal cum
suo Episcopo. Immo Vicarius Generalis potest
exercere in moniales jurisdictionem compe-
tentem Ordinario tanquam Sedis Apostolicæ
delegato, quia delegatus Principis potest sub-
delegare, *cap. Pastoralis, & cap. fin. de offic. deleg.* Hæc pariter facultas transit in Capitu-
lum. Sede vacante, etiam quoad ea, quæ com-
petunt Episcopo jure delegationis; licet enim,
universaliter loquendo, Capitulum, Sede va-
cante succedat solum in his, quæ competunt
Episcopo ex jurisdictione ordinaria, non vero
delegata, juxta ea, quæ *per text. in cap. Pas-
toralis de offic. ord.* resolvunt Abbas, Pavin.
& Tusch. fallit tamen, quando jurisdictio ex
delegatione Sedis Apostolicæ in perpetuum
committitur muneri Episcopali, quia suppo-
sita perpetuitate hujus delegationis, talis
jurisdictio competit Episcopis ex officio, &
est accessoria, immo pars jurisdictionis Epis-
copalis, & per consequens ut talis transit in
Capitulum, in quod, Sede vacante, transit
per viam regulæ tota Episcopalis jurisdictio;

ut

ut advertit Molin. *de iust. t. 6. tr. 5. disp. 11. sub n. 8. & 9.* & ex eo Barbosa *de Off. & Potest. Episc. alleg. 133. n. 21.* ex quo Tamburin. & Castropal. contra Garziam, Azor. Breun. Dian. & alios relatos a Pasq. ubi supra.

Quar. 3. An moniales exemptæ ab Ordinarii jurisdictione possint ei se subicere.

Resp. Non posse: quia privilegium exemptionis habet implicatum jus tertii, scilicet Religionis, cui subduntur, & Summi Pontificis, qui eo ipso, quo illas eximit ab Ordinariorum jurisdictione, eas sibi subicit, & constituit se immediatum earum Superiorem. Non possunt igitur tali privilegio renunciare; quia per hujusmodi actum jus Religionis, & Summi Pontificis læderetur. Et hoc adeo verum est, ut neque consensu totius Religionis possint inconsulto Summo Pontifice se subicere; tum quia privilegium exemptionis est connexum cum jure Pontificis; tum quia, cum sit Papale, ipsi sine Papæ consensu renunciari non potest, *cap. cum tempore, de arbitr.* Neque de consensu, & potestate Nuncii Apostolici, aut Legati a latere, quia exemptio est de reservatis Papæ, ac proprie Apostolicæ Sedi competit. *Gloss. c. 1. v. exempti de privil. in 6. & late Abbas in c. ult. n. 5. cum Apost. de confirm. util. vel inutil.*

Quar. 4. Quibus de causis moniales exemptæ debeant a Sede Apostolica subjici jurisdictioni Ordinarii.

Resp. Ex quacunque rationabili causa. Faber. *instit. de his, qui sunt sui, vel alt. jur.* Et maxime hoc faciendum videtur, quoties apparet, Superiores adeo male tractare illas, ut reputari possit abusus jurisdictionis. Hostien. communiter approbatus *in cap. licet enim n. 9. de*

simon. Insuper quando constat, Prælatos Regulares causam præbuisse dissensionibus intermoniales, & in eas sævire, Roman. *conf.* 37. n. 1. Vel si moniales expensis graventur, Guido Papa *dec.* 62. & Prælatorum administratio tendat in destructionem monasterii, c. *Venerabilis*, ubi Glos. v. *suspecti de off. deleg.* c. 2. Item si interveniat scandalum exortum ex frequenti colloquutione Regularium cum monialibus, quæ res sicuti scâdalosa est: ita opportuno eget remedio, atque adeo moniales sub horum Regularium cura non sunt amplius relinquendæ.

Quar. 5. An moniales pro constructione novi monasterii indigeant licentia Episcoporum?

Resp. Indigere, & decernitur a Conc. Trid. *sess.* 25. c. 3. *de regular. in fin.* & notant Navar. Bard. Tambur. & Cespèd. Ita quod neque Vicarius generalis potest sine speciali mandato licentiam hujusmodi impertire, quia est de majoribus. Sellelius *in select. can.* c. 9. n. 4. ubi refert decisum a Sac. Congr. 11. Julii 1620. Vicarium vero Capitularem posse prædictam licentiam concedere, affirmat Cespèd. *de exempt. regul.* c. 1. *dub.* 21. n. 5. negat Pasqu. *in Lauret.* n. 506.

Quar. 4. An in concedenda dicta licentia debeat servari forma præscripta a Clemente VIII. & Gregorio XIII. scilicet, quod prius vocentur, & audiantur Prælati conventuales locorum, ubi ædificandum est monasterium, & alii interesse habentes.

Resp. Affirmant Donatus, & Tamburin. *de iure Abbatum disp.* 33. q. 1. n. 4. quia in dictis decretis præscribitur forma ad dandum consensum pro novo monasterio, sive sit virorum, sive mulierum. Negant Cespèd. & Lezana, quia verba decreti loquuntur de religiosis monachis &c. non de mulieribus. Distinguit Pasqu.

qual. ubi supra *nu.* 479. Si moniales non mendicent, non videntur comprehendi earum monasteria sub forma dictorum decretorum, quia non possunt religiosis præexistentibus asserre præjudicium, neque quæritando, neque divertendo concursus ab eorum Ecclesiis. Si vero quærunt eleemosynas, quia possunt præjudicium asserre per eleemosynarum diminutionem, ideo sunt cæteri religiosi audiendi.

Quær. 7. An Episcopus, antequam erigantur nova monasteria, debeat vocare, & audire etiam Prælatos monialium exemptarum.

Resp. Affirmat Cesp. *c.* 13. *dub.* 353. movetur ex verbis Constitutionis, in qua, postquam Summus Pontifex præcepit non esse erigendos Conventus nisi vocatis, & auditis aliorum in eisdem civitatibus, & locis existentium Conventuum Prioribus, seu Procuratoribus, subdit: Et aliis interesse habentibus. Sed alii interesse habentes sunt etiam moniales exemptæ, præcipue quæ ex eleemosynis vivunt; ergo ex vi Constitutionis etiam Superiores illarum sunt vocandi, & audiendi ab Episcopo, & hoc etiam in constructione monasterii virorum. Videtur tamen ob stare praxis, quæ est omnino servanda.

Quær. 8. An Episcopus possit indulgere monialibus, ut intra septa monasterii servant Eucharistiam.

Resp. Non posse, stante decreto Tridentini *sess.* 15. *de Regul.* *c.* 10. Putat nihilominus Rodriguez, quod Concilium solum prohibeat, quod Eucharistia fervetur intra claustra, & proinde possit conservari tam in Ecclesia exteriori, quam interiori ex privilegio Clementis VII. per quod conceditur monialibus Fratrum Minorum, quod possint in Ecclesia interiori

in loco decenti habere Eucharistiam, sicut habent in exteriori. Verum hoc esse contra mentem Concilii, declaravit Sac. Congr. in *Tolerantia* apud Pignat. t. 8. conf. 53. n. 6. quæ sic habet: *Sanctissimum Eucharistia Sacramentum, non in Choro monialium, sed in Ecclesia exteriori conservetur, non obstante quacunque consuetudine contraria: nec potest in fenestella illius parietis, quæ disjungit Chorum monasterii ab Ecclesia, retineri, & ubi consuetudo inolevit, omnino tollenda.*

Quer. 9. An moniales Ordinario subiectæ subiaceant casibus, & censuris, quæ ipse Ordinarius generaliter reservat pro tota diocesi, etiam si de ipsis monialibus non fiat expressa mentio in edicto reservationis.

Resp. Visum est aliquibus, quod non, præcipue Cespedes cap. 23. dub. 357. n. 3. Quia edictum reservationis in universali nihil operatur pro monialibus; cum enim ipsæ sint communitas distincta a cæteris, & vivant secundum speciales leges, & regulas, debet Episcopus ipsis assistere in ordine ad speciale regimen juxta exigentiam regulæ ipsarum; & ideo, quæ facit in ordine ad diocesim secundum universalem directionem, non se extendunt ad moniales, quæ non subduntur ipsi, in ordine ad talem directionem, sed in ordine ad specialem. Unde ex eo quod ferat edictum reservationis universale, quia procedit ex generali directione, non autem ex speciali, secundum quam præest monialibus, non dat vim tali edicto in ordine ad ipsas. Adde, quod in materia stricta, & odiosa, qualis est casuum reservatio, verba, quæ possunt accipi in genere, & in specie, debent in specie accipi, ut per Sestaphin. dec. 853. n. 7. Unde, licet edictum reservationis possit accipi in genere, scilicet tam

pro

pro secularibus, quam pro monialibus subiectis, nihilominus utpote odiosum debet pro secularibus tantum accipi.

His tamen non obstantibus, non est a communi sententia recedendum, quam tuentur Diana, & Bord. in *Miscell. dec.* 419. Quia edictum reservationis est generale, & aptum comprehendere etiam moniales; unde succedit regula, quod quando mens verisimilis disponentis, & subiecta materia concurrunt cum verborum indefinita generalitate, tunc veniunt omnes illi, ad quos se potest extendere dispositio, Ruin. *conf.* 127. n. 4. Quod autem edictum reservationis sit aptum comprehendere moniales, paret, quia reservatio pertinet ad disciplinam christianam, ut fideles retrahantur a peccatis, quia disciplina indigent etiam moniales; quare edictum debet illas quoque comprehendere, maxime quia si etiam ipsæ communicant cum cæteris sub eodem Pastore, & capite, debent etiam in obligatione generalis edicti communicare.

Quær. 10. An etiam moniales exemptæ subdantur casibus Episcopo reservatis.

Resp. Affirmat Tambur. in *exped. moral. expl. lib. 5. de pœnit. tr. de casib. refer. c. 3. n. 4.* innixus Constit. Inscrutabili Greg. XV. in qua statuitur, etiam moniales exemptas non alios quam ab Episcopo approbatos habere posse in Confessarios; unde infert, posse Episcopum restringere dictam approbationem; & Confessarium, quem dictis monialibus concedit, limitare, ne valeat absolvere ab hoc, vel illo peccato, qua ratione jam hæc moniales subiacent reservationi Episcopi. Cum ergo hodie Episcopi semper approbent Confessarios sub restrictione, ne absolvant a reservatis,

quæ-

quando contrarium non exprimunt, eodem modo præsumuntur approbare hos Confessarios monialium, quamvis exemptarum.

In contrarium est communis sententia, quam amplector. Quia dispositio casuum reservatorum non extenditur ultra territorium, juxta communem doctrinam *in c. ut animarum de constit. in 6.* Cum ergo monasteria monialium exemptarum tam ratione sui, quam ratione personarum sint plene exempta, non secus ac si essent extra territorium, ut per Bonac. Bordon. & alios; constatque ex diversis privilegii summorum Pontificum, præcipue Sixti IV. Bul. r. apud Confess. ad ipsa non potest se extendere Episcopali casuum reservatio.

Neque valet, quod possit Episcopus non approbare quoad reservata Confessarios monialium exemptarum, quia potest ferre judicium quod non sint idonei quoad illa, qua ratione prædictæ moniales subiacebunt reservationi Episcopi. Non valet, inquam, nam delegationem Episcopi non se extendere ad limitate approbandum Confessarios quoad reservata suadet. Primo, quia per Constitutionem Clementis X. *Superna*, & Sacræ Congregationis declarationes, facultas approbandi Confessarios regulares se extendit tantum ad tempus, locum, & personas, de criminibus vero nihil disponitur; & merito, cum quoad hæc sit sufficienter provisum per reservationem, quoad sæculares quidem per reservationem Episcopi, quoad exemptos vero per reservationem sui Prælati.

Secundo, quia facultas delegata Episcopis ad cognoscendum de idoneitate Confessariorum regularium non est trahenda ad subji-
cendas moniales quoad reservata; concessa enim
juris-

jurisdictione in certo casu, censetur in cæteris prohibita, *l. cum Prætor. ff. de iudic. Riminald. jun. cons. § 16. n. 20.* Et delegatio est stricti juris, Rota *decis. 18. n. 1. de dol. & contum. in nov.* adeoque restringenda ita ut minus, quam fieri potest, lædat exemptionem, per regulam *ea quæ de regul. iur. in 6.* maxime quando potest in uno casu sortiri suum effectum, Cephal. *cons. 104. num. 11. l. 1. cum adductis a Rota decis. 563. n. 1. p. 1.* prout in præsentī; potest enim Episcopus cognoscere de idoneitate confessorii, & illum approbare, si idoneum; reprobare vero, si minus idoneum repererit, absque eo quod procedat cum limitatione offensiva exemptionis monialium.

At dato etiā citra veritatis præjudiciū, quod possit prædictos Confessarios limitate approbare quoad reservata, in tali casu debet hanc limitationem exprimere, sicuti exprimere debet limitationem quoad tempus, locum, & personas, quando intendit limitare quoad illa. Et ratio est, quia limitata utpote derogativa exemptionis, atque adeo stricti juris, non præsumitur, Rota *decis. 23. n. 19. p. 1. recent.* Cum nimis odiosum sit auferre exemptiones, & privilegia, quæ post concessionem non dicuntur contra jus, sed de jure, *l. 1. ff. de constit. Princip. Cæsar. de Grass. decis. 1. n. 6. Gonzal. ad regul. 8. gloss. 36.*

Nec sufficienter deducitur limitatio quoad reservata per hoc, quod Confessarii exemptarum approbentur sicut cæteri; atque adeo cum cæteri Confessarii approbentur semper cum restrictione, ne absolvant a reservatis, nisi aliud exprimatur, illi quoque sub eadem restrictione censentur approbati. Nam licet verum sit, quod cæteri Confessarii non possint

absol-

absolvere a reservatis; hæc tamen restrictio non provenit a limitata approbatione, sed a lege reservationis, quæ valde differunt inter se; prima enim respicit idoneitatem, secunda vero cadit supra jurisdictionem; unde stare potest absoluta approbatio cum restrictione facultatis in ordine ad reservata, ut patet in Parochis, qui a jure sunt absolute approbati, & tamen absolvere a reservatis non possunt.

Et, quod cæteri diœcesis Confessarii non approbentur cum restrictione approbationis, convincitur etiam ex praxi; nam quilibet illorum virtute jubilæi absolvit a reservatis Episcopo absque nova approbatione, qua necessario indigeret, si antecederet ad jubilæum non fuisset etiam quo ad reservata approbatus idoneus; nam privilegium jubilæi requirit tanquam de forma approbationem Ordinarii, atque adeo approbationem ad reservata; non enim sufficit qualiscunque approbatio, sed debet esse approbatio in ordine ad illum effectum, ad quem eligitur Confessarius: quod non verificaretur, si in antecedenti approbatione fuisset exclusus a reservatis, ut fatetur idem Tamburinus *lib. cit. c. 5. §. 4. n. 30.*

Quar. 11. An moniales non exemptæ incidunt in casum reservatum Episcopo non comedendi carnes diebus prohibitis ab Ecclesia, si in aliis diebus, in quibus ex voto, vel observantia prohibentur, carnem comedant.

Resp. Non incidere. Ita Sanch. & Mazzuchel. quos refert, & sequitur Cespèd. *dub. 355.* quia tunc peccant quidem contra regulam, vel contra votum; non autem contra Ecclesiæ præceptum: unde non habet locum reservatio, quia afficit comestionem carniū præcepti Ecclesiastici violativam. Si vero moniales te-

neantur ex vi voti, & regulæ abstinere a carnibus die Veneris, & Festum Natalis Domini incidat tali die, tunc comedendo carnes incidunt in casum reservatum, quia adhuc viget præceptum respectu eorum, qui in tali die tenentur ex vi voti vel regulæ a carnibus abstinere, ut habetur *ex c. final. de observ. ieiun.*

Quæst. 12. An Episcopus ut Sedis Apostolicæ delegatus possit reservare casus circa clausuram in ordine ad moniales exemptas, v. g. ne cum sæcularibus loquantur in ostio aperto &c.

Resp. Posse. Ita Baucius; quia ex vi delegationis factæ Episcopo circa clausuram tam materiale, quam formale, ut videbimus suo loco; cessat in illis quoad clausuram privilegium exemptionis, atque adeo quoad hoc etiam illæ subduntur Episcopo sicut ceteræ moniales; ratione igitur istius subjectionis poterit Episcopus reservare casum ad materiam clausuræ spectantem, quia suæ jurisdictionis limites non excedit. Ex quo sequitur, quod in casu contraventionis, moniales sunt absolvendæ ab Episcopo, non autem a proprio Prælato, idque ex decreto Clementis VIII. expresse prohibente omnibus Regularibus, ne absolvant vi cujuscunque privilegii ipsis concessi a casibus Ordinario specialiter reservatis: quod decretum, cum loquatur indefinite, utique comprehendit etiam reservata monialibus; juxta regulam generalem. Lex generaliter loquens generaliter debet intelligi. Scio, Pasqualigum, quem sequitur Diana t. 7. in opere coord. tract. 1. res. 317. n. 2. negativæ sententiæ adhærere, quia putant dicti Doctores, quod delegatio concessa Episcopis a Tridentino in ordine ad clausuram monialium exemptarum sit solum in foro
exter-

externo, quod probare prætendunt ex verbis ipsius Concilii *sess. 25. de Regular.* Ego tamen a priori sententia non recedo.

Quar. 13. An moniales subdantur Episcopo quoad officialium monasterii electionem.

Resp. Negative, sed electionem spectare vel ad Abbatissam, vel ad Conventum, juxta ipsarum Constitutiones. Constat ex Sacre Congr. decreto relato a Pasquali *in Lauret. n. 770.* Officiales hujusmodi ad nutum Abbatissæ vel Conventus possunt amoveri, ut ex Concilio Trident. *sess. 25. c. 2.* notant Bordon. Sigism. & Donat. qui addunt, posse etiam sine causa amoveri, hoc enim est esse ad nutum amovibiles; nam si requireretur causa, essent solum amovibiles ex causa, non ad nutum. Immo quod monialium procurator de triennio in triennium mutari debeat, extat speciale decretum Sac. Congr. *sub die 31. Junii 1615.* ut refert Aldan. *in comp. canonic. resol. lib. 4. tit. 2. n. 10.* Procedit autem non de procuratore ad lites, sed de procuratore administrante bona monialium, nam inhæret decreto Concilii *d. sess. 25.* quod procedit tantum de administrante bona temporalia. Pasquali *ubi supra.* Advertendum ex declaratione Sac. Congr. Episc. *sub die 22. Augusti 1605.* non posse religiosos cujusunque gradus eligi in administratores bonorum monialium.

Quar. 14. An moniales, etiam exemptæ, subdantur Ordinario loci quoad bonorum suorum administrationem.

Resp. Subjacere in eo, quod potest Ordinarius ex causa rationabili monere Prælatos regulares, ut amoveant ab administrandis bonis monialium eos, qui ad tale munus deputati sunt, ipsisque Prælatis id facere detrectantibus.

nibus, aut negligentibus, ipsemet Ordinarius amovere potest quoties, & quando opus esse judicaverit. Subduntur etiam in eo, quod singulis annis, adhibitis etiam Prælati regularibus, potest a præfatis administratoribus exigere rationem administrationis, & ad id eos compellere juris remediis, ac, si forte delinquentes circa administrationem reperti fuerint, tanquam Sedis Apostolicæ delegatus punire. Patet expresse ex Bulla Greg. XV. *Inscrutabili*.

Quar. 15. An Regulares concionaturi monialibus exemptis ad crates teneantur benedictionem petere ab Ordinario.

Resp. In rigore loquendo videri, quod non. Quia Concilium Trident. *sess. 5. c. 2. de reform.* & *sess. 24. c. 4.* & Bulla Gregorii XV. *de privilegiis exempt.* loquuntur de concionatoribus, & de prædicatione in Ecclesiis, atque adeo de publicis concionibus, seu sermonibus, quales non sunt sermones, qui fiunt apud moniales januis clausis; nam sunt potius privatæ adhortationes, & ideo non videntur sub his dispositionibus includi. Pasqual. *ubi supra* n. 625. qui citat Cespedit. & Lezan. Quod etiam videtur sentire Bordon. *in cons. regul. res. 7. n. 33.* etiam si moniales, apud quas habentur prædicti sermones, non sint exemptæ. Nihilominus petendam esse benedictionem ab Ordinario, siue concio habenda sit ad crates monialium exemptarum, siue non exemptarum, etiam januis clausis, & nullo sæcularium audiente; expresse decernitur in Constit. Clem. X. quæ incipit *Superna*.

Qualiter autem moniales, etiam exemptæ, subjiciantur Ordinariis quoad puellarum educandarum, & novitiarum receptionem, professionis emissionem, Confessariorum approbationem, festorum, jejuniorum, censuræ.

140 *De subjeet. erga Prælatum Reg.*
iuratum, interdicti, & clausuræ observan-
tiam, suis in locis refertur.

§. III.

De Monialium subiectione erga Prælatum Regularem.

Quar. 1. **A**N potestas Prælati Regularis in
moniales sibi subditas sit or-
dinaria, vel delegata.

Resp. Else ordinariam; quia illi competit
ex officio, & est perpetua, quæ duo consti-
tuunt potestatem in esse potestatis ordinariæ,
ut notant communiter Doctores. Ex quo fit,
quod sit etiam delegabilis, ut firmat in termi-
nis Rodriq. l. 1. q. 17. art. 10. Illa vero, quæ
competit Prælato locali reputatur communi-
ter delegata; nam ex officio competit Genera-
li, aut Provincialibus Ordinis. Superioribus
vero localibus committitur per delegationem;
ut in casibus frequentius occurrentibus pos-
sint opportune providere. Unde juxta hanc
sententiam non possunt locales Prælati Re-
gulares talem facultatem alteri committere,
quia delegatus non potest subdelegare.

Quar. 2. In quibus moniales exemptæ sub-
dantur suo Prælato Regulari.

Resp. Subdi fere in omnia, in quibus
subduntur Ordinario moniales ipsi subiectæ;
unde de utrisque proportionaliter discurren-
dum. Et insuper subduntur in omnibus, in
quibus subduntur viri religiosi, quantum
tamen patitur conditio sexus foeminei, &
quantum ad ea, quæ statui monialium else
possunt proportionata.

Quar. 3. An Prælati Regularis habeat in
mo-

moniales subditas potestatem non solum directivam, sed etiam coercitivam, & judicialem.

Resp. Affirmative. Patet ex usu, & suadetur ratione; nam omnis communitas, ut sit ordinata, debet posse dirigi in suum finem per congrua media, ut Theologi communiter cum D. Thom. 1. 2. q. 92. art. 2. Ergo debet in Prælato Regulari residere potestas coactiva, & judicialis, tanquam medium congruum, & principale dirigendi monialium communitatem in regularem observantiam; attenta enim humanæ conditionis imbecillitate, parum esset hortari moniales verbo, nisi cogerentur imperio. Ita Suar. t. 4. de relig. tr. 8. lib. 2. cap. 9. n. 1. docens postea, quod, quamvis Prælatus religionis ex vi talis status habeat solum potestatem coercendi modo paterno, & juxta limites regulæ; ratione tamen jurisdictionis Ecclesiasticæ habet potestatem coercitivam Episcopalem, idque ex usu, & privilegiis omnium religionum exemptarum. In usu tamen hujus jurisdictionis habenda est ratio consuetudinis, cum vi illius possit contingere, quod tota jurisdictio sit in Prælato religioso quoad omnia delicta, vel quod aliqua sint Episcopo reservata, vel quod in utrisque sit cumulative.

Quær. 4. An moniales Regularibus subiectæ subdantur casibus in religione reservatis.

Resp. Quod sic; tum quia sunt pars ejusdem Ordinis, & subduntur Prælato Regulari tanquam capiti, sicuti subduntur cæteri religiosi; tum quia moniales subjiciuntur omnibus constitutionibus, & ordinationibus factis a Prælatis Regularibus; quando monialibus earum materia potest accommodari: Mirand.

142 *De subjecl. erga Prælatum Reg.*
rand. q. 5. art. 3. de Monial. Ergo etiam subjiciuntur casuum reservationi. Celsed. & Bord. *conf. regul. res. 37. n. 43. & 44.* ubi etiam advertit, & probat ex decreto Clementis VIII. & declaratione Sac. Congr. 7. Julii 1617. quod, sicuti Prælati Regulares quoad religiosos non possunt sibi reservare casus, neque censuras nisi de consensu Capituli, ita neque poterunt sine prædicto Capituli consensu casum aliquem, aut censuram reservare quoad moniales subditas; quia sicuti istæ eodem modo ipsis subjiciuntur ac viri, ita eodem modo debent ligari.

Quar. 5. An Prælatus Regularis de bonis monialium sibi subditarum possit disponere in casibus alias permissis, etiam contradicentibus monialibus.

Resp. In contractibus gravioris momenti non posse; si enim Abbatisa, cui immediate bonorum monasterii cura incumbit, indiget in his casibus proprii Capituli consensu, a fortiori indigebit Prælatus Regularis, cui minus proxime præfatorum bonorum incumbit administratio. Maxime quia hujusmodi consensus inductus est favore monasterii, atque adeo favore publico; quando autem consensus respicit favorem publicum, requiritur pro forma actus, ut tradunt communiter scribentes in *l. si quis mihi §. iussum de acquir. hered.*

Quar. 6. An Abbates habentes usum baldachini possint illud erigere in Ecclesiis monialium sibi subjectarum iis vicibus, quibus conceditur.

Resp. Quod sic; nec possunt ab Episcopis impediri. Ita Celsed. & Squillan. quos refert, & sequitur Pasqualig. *ubi supra n. 396.*
Quia declaratio Sacræ Congregationis habet,
quod

quod possint uti in suis Ecclesiis propriis: Ecclesiæ autem monialium subjectarum sunt propriæ ipsorum, cum ibi habeant jurisdictionem; unde non extenditur jus baldachini extra locum jurisdictionis.

§. IV.

De subjectione quoad canonicam Visitationem.

Quar. 1. **A**N Prælati monialium teneantur eas visitare, & quando.

Resp. Teneri, & quidem singulis annis; patet ex *Clement. 2. Attendentes de stat. monac.* ubi statuitur, quod monasteria monialium Papæ immediate subjectarum visitari debeant ab Ordinario loci Apostolica auctoritate; non exempta a proprio Ordinario, sed propria potestate, exempta vero a propriis Prælatibus Regularibus. Hæc facultas competit per speciale mandatum etiam Vicario generali, nec non Capitulo, Sede vacante, quia, ut superius diximus, in his, in quibus moniales subijci possunt, possunt pariter visitari.

Quar. 2. Quid observare, quid cavere debeant Prælati in monialium visitatione.

Resp. Quàm maximè attendere debent, ut omnia paterna charitate fiant, suaviter curando ipsarum vulneribus mederi, & vitia omnia ab illis dulciter evelli, quod habetur in *cap. licet plerunque dist. 5.* Item debent de tempore visitationis præmonere moniales, ne eas imparatas invadant, nisi aliud suadeat necessitas, vel rationabilis causa.

Jo: Andr. & Fusch. *de visit. lib. 1. c. 4. num. 4.*

Abstineant à juramento exigendo (nisi ex particularibus religionum statutis aliud servetur)

144 *De subiectione quoad canon. Visit.*
 vetur) *cap. Romana Ecclesia, §. sane de Cens.* Ad-
 vertunt tamen Spatharius, & Resta in *direct.*
Visitat. quod, ubi opus fuerit, poterunt mo-
 niales præcepto, & excommunicationis poena
 ad aperiendam veritatem compelli. Crimina
 occulta nullatenus interroganda, nisi de illis
 infamia aliqua, vel probabilis suspicio præce-
 dat. Non prohibetur tamen de meritis, seu
 demeritis monialium, qui eligi possunt in Ab-
 batissas, perquirere, etiam nulla præcedente
 infamia. Caveant insuper, ne ex his, quæ in
 hac generali inquisitione deferuntur, proce-
 dant ad poenam, sed tantum delinquentes mo-
 neant, ut corrigantur; terreant minis, ut
 cautius agant; quia in hoc casu Prælati non
 se habent tanquam iudices ut puniant, sed tan-
 quam Patres ut corrigant; & fructus visitatio-
 nis est potius emendatio, quam punitio, ut
 notatur in *cap. inquisitoribus de accus.* & ex
 Angelo norat Lezana *qq. regular. t. 1. cap. 27.*
num. 3. Ingredientes ad visitandam clausuram
 non introducant sæculares extra necessitatem
 in monasteria, *cap. ut iuxta de offic. ordin.* mu-
 nera quantumvis minima nec ipsi, nec suo-
 rum quisquam recipiant. Trident. *sess. 24. de*
reform. cap. 3. a quibus abstinere etiam debent
 finita visitatione, dum à monasteriis visita-
 tis discedunt. Genuens. *cap. 35. na. 5.*

Quar. 3. An moniales exemptæ possint re-
 sistere Ordinario loci volenti eas quoad clau-
 suram visitare.

Resp. Non posse. Ita ex communi praxi
 colligitur, & habetur ex decisione, quam ex
 Galletto adducit Barbosa *de offic. Episc. allegat.*
172. nu. 7. Immo potest Ordinarius non tan-
 tum visitare moniales exemptas quoad clausu-
 ram, quoties expedire judicaverit, sed etiam
 illas

illas de spectantibus ad clausuram interrogare. Sac. Congr. 25. Februarii 1583. Nec possunt ipsi Regulares, quibus subsunt moniales, impedire, etiam si alias monasterium illud nunquam fuerit visitatum. Eadem Sac. Congr. 24. Novembris 1617. Ita quod monialibus, aut Regularibus visitationi obstantibus potest Episcopus resistere frangendo fores monasterii, & vim vi repellendo. Fuscus *lib. 2. de visitat. cap. 19.* Immo tam moniales, quam alii impediētes incidunt in excommunicationem latam in d. Clement. *Attendentes*. Ad eam tamen incurrendam requiritur præsumptio, cum in textu adhibeatur verbum *presumpserint*, & præcedere debet monitio ex vi dicti textus, ibi, *Nisi moniti resipiscant*. Nec sufficit, quod dicta monitio fiat antequam apponatur impedimentum, sed debet ipsum subsequi. Bonac. *disput. 2. de cens. particular. quest. 2. part. 2. num. 4.* monens num. 2. requiri triplicem monitionem, vel unam pro triplici, quia hoc est de stylo juris canonici, nisi aliud necessitas suadeat. Et talis monitio fieri debet ab ipso monialium visitatore, qui impeditur, ut ab ejus Superiore, quia debet esse juridica. Supradicta excommunicatio afficit etiam impediētes visitationem a Prælati Regularibus intentatam.

Quær. 4. An Episcopus possit visitare sæculares, seu regulares exercentes curam animarum personarum sæcularium in Ecclesiis monialium exemptarum.

Resp. Posse juxta decretum Concilii Trident. *sess. 24. de regular. cap. 11.* & Gregorii XV. *constitut. de exemp. privil.* in iis enim, quæ ad curam spectant animarum, vel in dependentibus ab illa, subsunt Episcopo; ut docent

Confess. Monial.

G

Cam-

Campanil. & Barbosa; unde si, dum Episcopus ingredi voluerit ob causam prædictæ visitationis, renuant exempti, vel exemptæ moniales ostium claudendo, licebit illi ostium infringere. Innoc. Abbas, Campanil. & Fuscus; & contra hujusmodi impediētes in actu illatæ violentiæ, nulla præmissa monitione, excommunicationem ferre. Genuen. Campanil.

Quær. 5. An moniales in actu visitationis de regulari observantia a Prælato interrogatæ teneantur sub mortali respondere.

Resp. Teneri ex Texeda relato a Diana in opere coord. t. 7. rr. 1. ref. 302. Quia Prælatus in visitatione tenetur sub mortali culpa interrogare de Constitutionum observantia, quia tenetur sub mortali promovere bonum commune, ad quod promovendum prædicta observantia est maxime necessaria. Tenebuntur igitur eodem modo etiam moniales veritatem Prælato interroganti aperire, quia ad ipsas quoque spectat bonum commune promovere, cum tanquam partes teneantur bono totius cooperari.

Neque valet, quod regulæ, & Constitutionum transgressio est quid leve, quia ut plurimum regulæ, & Constitutiones vel ad nihil obligant, vel tantum obligant ad veniale; quare moniales celando hujusmodi transgressiones Prælato, quamvis juridice interroganti, non peccabunt mortaliter: mentiuntur enim in re levi. Respondeo, quod licet regulæ, & Constitutionum transgressiones in se sumptæ leves sint, attamen si spectentur in ordine ad bonum commune, dicendæ sunt graves, quia gravitas culpæ non semper, & absolute a gravitate, & nobilitate materiæ
me.

metienda est, sed etiam a gravi, & necessaria exigentia finis pensanda.

Quer. 6. In quibus casibus excusentur moniales a criminibus in visitatione generali denunciandis.

Resp. Excusari, quando peccatum est emendatum, quia delictum non quæritur, nisi ad delinquentis emendam, qua interveniente, cessat finis denunciationis. Ex quo sequitur non esse denuncianda delicta a multis annis commissa, quia ex lapsu multi temporis, quale est spatium trium annorum, ex Mascardo, præsumitur emendatio, nisi aliunde constet de reincidentia. Item excusantur, si criminum notitia sit ex auditu a levibus personis, quia talis notitia nullam generat fidem. Neque tenentur cum proprio, vel personæ denunciandæ detrimento in casibus, in quibus lex naturalis excusat ab obedientia; neque si sciant sub secreto naturali, nisi delictum in publicam monasterii perniciem vergeret; neque si ipsis constet, vel quod Prælatus nullum apponet remedium, quia nemo tenetur ad opus inutile, vel quod alii, a quibus audierunt delictum, denunciaverint; quia cessat finis denunciationis; neque si delictum sit occultum, & nulla præcedat vel suspicio probabilis, vel infamia, quia sicut Prælatus non potest inrerrogare, neque moniales tenentur denunciare, nisi velint manifestare peccatum Prælato ut Patri secreta, ad emendationem. semper tamen præmittenda est correctio fraterna, si sit opportunitas, & spes emendæ, quia illa est de jure divino. *Lezana q. regular. r. 1. cap. 27. num. 2.*

§. V.

De subiectione quoad pœnas.

Quar. 1. **A**N moniales subjiçiantur pœnis jure communi latis contra Regulares, seu religiosos ecclesiasticos.

Resp. Subjacere in materia ipsis monialibus proportionata, quia sub sexu masculino comprehenditur fœmininus, etiam in materia odiosa, & pœnali, ut aliis relatis probat Sanch. *in decal. lib. 6. cap. 16. nu. 89.* Quod si moniales sint exemptæ, subjacent etiam pœnis latis contra religiosos Ordinis, siue pœnæ latæ sint jure Pontificio, siue jure Ordinis proprio, quia vere sunt subditæ, & membra illius. Non tamen subjacent pœnis latis ab Ordinario, quia sunt extra sphæram ejusdem jurisdictionis, nisi dictas pœnas ferat tanquam sedis Apostolicæ delegatus, & ex speciali facultate ad hunc effectum commissa.

Quar. 2. Quibus excommunicationibus, & quibus in casibus subjiçiantur.

Resp. Subjiçiantur excommunicationi majori Pontifici servatæ appellantes ad judices incompetentes, siue ad competentes in casu non permissio, *ex Bulla Clementis VIII. in ordine 110.* Apostatantes a religione, ex specialibus Ordinum privilegiis, *ex Bulla S. Pii V. anno 1563.* Procurantes abortum *ex Constit. Sixti V.* siue abortum alterius procurent, siue etiam proprium, contra Avilam, Naldum, & alios. Inducentes aliquem ad promittendam electionem sepulturæ apud ipsas, *ex Clement. cupientes de pœnis.* Petere, vel exigere quoquo modo præsumentes in novitiarum receptione, siue
ante,

ante, five post prandia, seu jocalia, aut alia, etiam ad usum pium deputata, vel deputanda, *ex extravag. sane de Simon.* se invicem percutientes, *ex can. si quis suadente diabol.* 17. q. 4. idque five sint professæ, five novitiæ, five conversæ, & etiam si se ipsas injuriose, & ex ira percutiant, secundum aliquos, quod negant alii cum Navar. *cap. 27. n. 78.*

Item subduntur excommunicationi majori, non tamen reservatæ, cogentes foeminam ad ingressum religionis, aut ab ipso retrahentes, *ex Concil. Trident. sess. 29. de regular. cap. 18.* Temere habitum deponentes, *ex cap. ut periculosa ne cler. vel monach. in 6.* Violantes interdictum, aut cessationem a divinis, *ex Clem. 1. de sent. excom. in 6.* Indebite sibi usurpantes decimas, earumve solutionem impediētes, *ex Clement. 1. de decimis,* oppositum sentit Bonacina *de censur. in part. disp. 2. q. 8. p. 11. n. 8.* Post professionem matrimonium contrahentes, *ex Clement. 1. de consang. & affinit.* Recipientes novos Conventus sine licentia Pape, aut receptos alienantes, *ex cap. unic. de excess. pralat. in 6.* Indebite alienantes bona monasterii prohibita alienari, *ex Bulla Pauli 11. Ambitiosa.* In electionibus non abstinētes ab iis, quæ gignere possunt discordias, *ex cap. indemnitatibus de elect. in 6.*

Item subduntur excommunicationi ferendæ vacantes negotiationi jure communi Ecclesiasticis prohibitæ, *ex cap. secundum ne cler. vel monach.* & insuper amittunt privilegium immunitatis ab oneribus in se, & bonis propriis, exemptionem scilicet a tributis, & gabellis, *ex cap. fin. de vis. & hon. cler.* Quod tamen non habet locum, nisi post trinam monitionem ex Silvestro, & solum

quândi u non desistitur a negotiatione. Neque supradictis pœnis subjacent exercentes semel, aut iterum negotiationem, parvitate materiæ excusante; neque exercentes per alios, quia cessat periculum peccandi, quod est ratio prohibitionis, ex Tabiena; Armilla & aliis penes Filliucium, qui sentit oppositum, nisi paupertatis, aut necessitatis ratio excuset.

Quar. 3. An moniales subjacent suspensionibus, & quando.

Resp. Subjacere, non quidem quibuscunque, sed illis tantum; quæ juxta conditionem status, & sexus possunt ipsis adaptari. Quare suspenduntur ab officio ad arbitrium Ordinarii Abbatis, ipsum de professione faciendâ a novitiâ non præmonentes, ex *Concil. Trid. d. sess. 25. cap. 17.* Suspenduntur pariter ab officio Præsidentes monasterio concedentes bona Conventus ad vitam dantis, aut recipientis, vel ad certum tempus, ex *Clemen. 1. de reb. eccl. non alien.* Suspenduntur ab omni actu capitulari recipientes aliquid ex pacto, & capitulariter pro professione, ex *extrav. sane de Simon.* Item suspenduntur a receptione religiosarum in eodem Ordine admittentes ad professionem anno probationis nondum expleto, ex *cap. non solum de regul. in 6.*

Quar. 4. Quibus aliis pœnis subjaceant.

Resp. Subjici, privationi vocis ad biennium, si contra Concilium Tridentinum delinquant circa paupertatem, ex *eod. Conc. d. sess. 26. c. 2.* & si sint proprietariæ, privantur Ecclesiastica sepultura, ex *c. ad monasterium de statu monachi* & communione altaris, ex *c. monachi eodem tit.* Subjacent privationi vocis & aliis pœnis, si dent expectativam loci primo vacaturi puellæ ad religionem recipiendæ. *Sacr.*

Con-

Congreg. decreto relato a Quaranta in Bullar. part. 462. Privantur officiis, & dignitatibus, si indebite alienent, ex extravag. Ambitiosa. Puniantur item poena perpetui carceris, si post religiosam professionem permittant se violari, ex c. impudicas 27. q. 1.

§. VI.

De subiectione quoad Confessarium.

Quar. 1. **A** Quo monialium Confessarii eligi debeant, & approbari.

Resp. Nequaquam posse eligi ab Universitate, neque ab ipsis monialibus, sed electionem, & approbationem ad Episcopum spectare. *Sacra Congreg. in Laureana 20. Septemb. 1602. in Tusculana 25. Octobr. 1601.* Approbatio debet esse specialis pro monialibus, ita quod generaliter approbari non possint vigore illius approbationis confessiones monialium audire, sed egent speciali approbatione; & approbatus ad audiendas confessiones monialium unius monasterii non potest audire confessiones monialium alterius monasterii, *Sac. Congregat. apud Pignatell. 1. 6. conf. 85. nu. 238.*

Quar. 2. A quo debeant eligi, & approbari monialium exemptarum Confessarii.

Resp. Confessarios monialium exemptarum proponendos, & præsentandos esse a propriis Prælatiis Episcopo, vel Ordinario, *Tamburin. de jure Abbatiss. disp. 16. q. 3. n. 3.* approbandos vero esse ab eodem Episcopo, vel Ordinario, alias Confessio est nulla *ex Constitut. Gregorii XV. Inscrutabili, cum declarat. Sacra Congregat. Concil.* Ino quod

neque Generalis possit confessiones monialium sui Ordinis audire absque Episcopi speciali deputatione, censuit eadem Sac. Congregat. 13. Novemb. 1627. quæ pariter interrogata a nonnullis regularium superioribus, an stante dicta Constitutione Gregorii XV. Prælati Regularis, cui monialium cura commissæ est, possit aliquibus ex ipsis monialibus facultatem concedere ad plures annos, seu indeterminate duraturam, confitendi Sacramentaliter peccata sua Sacerdoti, qui ordinarius, seu extraordinarius non sit totius monasterii? Item an stante d. Constitutione quælibet monialium Regularibus subiecta, sentiens se non gravatam mortali culpa, possit de venialibus valide confiteri cuicumque Sacerdoti, etiam non approbato ab Ordinario, & hoc absque licentia, immo & renuente Superiore ejusdem monialis? respondit *Non posse in utroque casu, die 9. Junii 1657.*

Quar. 3. Ad quot annos eligi debeant monialium Confessarii.

Resp. Ad triennium, quo elapso non possunt amplius audire confessiones in eodem monasterio per aliud triennium absque licentia Sacræ Congregationis, alias declarantur suspensi ab audiendis confessionibus. Eadem Sac. Congr. in *Comensi* 4. Martii 1591. in *Ragusina* 2. Octob. 1626. & die 27. Martii 1647. Quod habet locum etiam in Confessario conservatori puellarum, vel aliarum quarumcunque mulierum. Eadem Sac. Congr. 18. Martii 1649. Confessarii vero Dominicani, vel Cassinenses non possunt durare in hujusmodi officio audiendi confessiones monialium nisi per biennium ex eorum Constitutionibus. Eadem Sac. Congregat. 17. Novemb. 1645. Si con-

tin.

tingat, quod quis deputeretur in Confessarium ordinarium monialium ad aliquot menses per modum supplementi, is poterit in generali deputatione Confessariorum, quæ postea fiet, ab Ordinario eligi in Confessarium ejusdem monasterii ad integrum triennium, quia prohibitio Sacræ Congregationis de non eligendo monialium Confessarium ultra triennium, cum sit odiosa, benigne, & in mitiorem partem est interpretanda, ita ut intelligatur de electione Confessarii ordinaria, non autem de ea, quæ fit per modum supplementi.

Quar. 4. An, si expleto triennio Confessarius ex dispensatione eligatur ad aliud triennium, possit rursus expleto secundo triennio absque alia dispensatione eligi ad tertium triennium.

Resp. Videri posse ex Diana, Naldo, Bordonio, & aliis, quia interstitium vacationis intelligendum est via ordinaria, sicut jure ordinario præscriptum est; nam statuta, & leges non comprehendunt ea, quæ raro contingunt, & per accidens, *l. nam ad ea, ff. de legib.* Sicque privilegium in præsentī casu intercipientis vacationem non est spectandum, sed vacatio fingitur habere suum effectum. Oppositum nihilominus sustinendum puto. Quia gratia, & privilegium concedit quidem id, quod alias Confessarius non posset habere; nam ex prohibitione Sacræ Congreg. expleto triennio non potest amplius eligi in Confessarium: at non alterat naturam rei concessæ; & ideo cum munus Confessarii, quando est expletum, requirat vacationem ab officio, dum conceditur pro tempore, in quo non posset conferri, censetur concessum absque alteratione suæ naturæ, & ideo cum fuerit exple-

154 *De subiect. quoad Confessarium.*
tum, requirit, quod subsequatur vacatio. Ad-
vertendum tamen, Ordinarios in aliquibus lo-
cis sinere, Confessarios aliquorum monaste-
riorum durare ultra triennium, & quidem ad
plures annos, necessitate id suadente, quia
valde difficile est, Confessarios idoneos pro-
talibus monasteriis reperire.

Quar. 5. An moniales possint recusare Con-
fessarium sibi ab Episcopo, vel Prælato Re-
gulari deputatum.

Resp. Posse, iusta causa interveniente, Bord.
in miscell. dec. 166. Quia is comparatur Paro-
cho, quem ex iusta causa populus recusare po-
test, *arg. eorum, qua dicuntur, c. ut circa electio-
nes 4. de elect. in 6.* Causæ legitimæ repellendi
esse possunt, si sint expertæ, Confessarium esse
nimis rigidum, pervertisse moniales, quibus
ingerit diversos scrupulos, si non sinat eas con-
fiteri suo modo, sed præcipiat, ut paucis, &
præcipitanter se expediant, si sit inimicus con-
sanguineorum aliquarum monialium &c.

Quar. 6. Quinam prohibeantur eligi in
Confessarios monialium ordinarios.

Resp. Prohiberi Vicarium generalem, quia
moniales de ipso non confiderent, Sac. Congr.
in Sorana 23. Julii 1887. Neque Curatum, si
exinde cura notabiliter pateretur, eadem Sac.
Congr. *In Venetiarum 26. Julii 1594. & in Par-
mensi 7. Maji 1652.* Neque Minores Conven-
tuales, quia id prohibitum fuit à S. Pio V. ea-
dem Sac. Congr. *in Otonensi 30. Junii 1599.*
Neque Observatores Provinciæ reformatæ
S. Antonii Lusitanæ, quibus prohibitum fuit
à Sac. Congregat. *die 7. Novemb. 1653.* &
generaliter Regulares non solum non pos-
sunt esse Confessarii ordinarii, sed neque ca-
pellani monialium Ordinario subiectarum.

Sac.

Sac. Congregat. in *Pistoriensi* 16. *Maji* 1653.

Quar. 7. An Canonicus Pœnitentiarius possit eligi in ordinarium Confessorem.

Resp. Regulariter loquendo non posse. Quia, licet remittatur arbitrio Episcopi, quo tempore interesse debeat fidelium confessionibus excipiendis, ut tradit Ugolin. *de off. Episc.* c. 33. n. 6. cum aliis; attamen controverti non potest, quod audiendo monialium confessiones diebus festis solemnioribus, admodum difficile, & forsan impossibile est, posse eodem tempore confessiones audire in Ecclesia Cathedrali, dum illa multitudo confluit hora Missarum, & divini officii, sicut ex suo munere tenetur, ut per Garz. *de benef.* p. 5. c. 4. nn. 112. ubi refert declarationem Sac. Congreg. Concil. Dixi regulariter loquendo non posse eligi, secus autem si Episcopus aliter judicaverit. Nam revera Canonicus Pœnitentiarius nullam habet prohibitionem à jure subeundi munus Confessarii monialium; & propterea id solum considerandum est, an valeat utrique muneri satisfacere.

Quar. 8. Ex quo loco debeant Confessarii monialium audire confessiones.

Resp. Ex sede confessionalis collocata non quidem in Sacristia, aut alio simili loco, sed in ipsa Ecclesia exteriori; habetur ex declaratione Sac. Congr. 7. *Martii* 1617. his verbis; Confessionalia monialium e Sacristiis, & locis occultis amoveantur, ac in exterioribus Ecclesiis collocentur. Ex necessitate tamen licitum erit audire confessiones etiam ex alio loco, ita tamen disposito, ut mutuus Confessarii, & monialis vitetur aspectus.

Quar. 9. Quale stipendium tradi debeat Confessariis monialium.

Resp. Confessario ordinario non esse subministrandum victum dietim, nec utensilia, vel lineam supellectilem, sed tantummodo annuam provisionem. Sac. Congr. in Bononien. 19. Junii 1601. in Ravennas. 19. Apr. 1624. Quæ non excedat duos julios pro quolibet die. Eadem Sac. Congreg. in Neapolitana 27. Septemb. 1652. Quæ merces non solvitur ex capitalibus, sed ex fructibus, in Narnien. 27. Septemb. 1652. Nec pro ea sequestrandi fructus omnes, sed accipienda paukatim, in Assisien. 6. Septembr. 1652. Ultra prædictum stipendium nihil aliud subministraretur. Eadem Sac. Congreg. 29. Novemb. 1615. Hoc tamen decretum non videtur esse in usu, quia praxis est in contrarium. Unde Scotia, & Diana in opere coord. t. 7. tract. 3. res. 50. asserunt, quod si Confessarius serviat cum magna charitate, patientia, & assiduitate, potest illi Abbatissa aliquid ultra taxatum stipendium subministrare, quia hoc non est proprie donum, sed beneficii remuneratio, & laboris compensatio.

S. VII.

De officio Confessarii Monialium.

Quar. I. **Q**uomodo se gerere debeat monialium Confessarius in confessionibus excipiendis.

Resp. Omisiss, quæ de hac materia tradunt Polaccus, & Tamburinus de jur. Abbatiss. disp. 16. quest. 9. quia apud ipsos videri possunt; curabit Confessarius, ut in suo munere patientiæ, charitatis, mansuetudinis, & humilitatis exempla adhibeat. Nugas, inepta, & importuna vitabit. Omnibus idem erit, nullo

nullo habito discrimine, nisi aliqua majori indigeat auxilio. Dum monialis narrat superflua, aut suas querelas, aut negotia domestica, Confessarius perite sermonem divertat. Quando aliquid grave, & reprehensione dignum occurrit, monialem non statim arguat, nec signum præbeat admirationis, antequam confessio compleatur, ne monialis turbata, aut territa, reliqua peccata vel præ rubore, vel præ confusione sileat. Si monialis absque necessitate attingat aliarum graviora crimina, discrete illam moneat, ut sileat, & sua tantum peccata exponat. Si interroganda sit in materia luxuriae, utendum verbis honestis, ac pudicis, paulatim a cogitationibus ad verba, a verbis ad actus progrediendo; ne monialis ex Confessario ea peccata discat, quæ ante ignorabat.

Quæst. 2. Quomodo se gerere debeat Confessarius cum moniali, quæ pridie alicujus magni die festi, in quo omnes aliæ solent communicare, accedit ad Confessarium onusta maximis delictis, quæ ad eundem fere diem se perpetrasse confitetur; & nisi communice, nullam justum impedimenti excusationem prætereendere valens, manifestam honoris jacturam incurreret. Et e contra Confessarius valde ambigit, an illam tunc absolvere possit, cum probabiliter existimet, illam facile, ac illico peracta communione, in eadem delicta esse relapsuram, etiam si firmiter proponat, ac spondeat se non amplius peccare, de quo tamen etiam ipsa dubitat, attenta consuetudine, & occasione proxima.

Resp. Si concurrant aliqua requisita; scilicet vera poenitudo præteritorum, verum propositum non peccandi, cum se invenerit in occasione, & aliqua rationabilis causa non se
sepa-

separandi ab ea, potest illam absolvere, etiam tertia, & quarta vice, juxta illud *Non septies tantum, sed & septuagies septies*. Navar. in *Manu. cap. 3. n. 15*. Sed si vicibus prædictis nulla emendatio, neque inchoatio ejus existat; & ex concurrentibus circumstantiis nulla speretur correctio, non est absolvenda. Ita Nav. *ubi supra*, Nald. *Annot. pract. Jur. Pontif. pag. 82*. Extra occasionem proximam, loquendo de sola consuetudine peccandi inveterata, neque est absolvenda, non præcedentibus signis veræ poenitentiae, & emendationis vitæ, quia Sacramentum Poenitentiae esset ejusmodi moniali non remedium, & salus, sed mors, & perditio.

Quer. 3. An Confessarius possit absolvere monialem pertinaciter existentem in occasione proxima peccandi, si ex concurrentibus circumstantiis conjiciat, illam quoad hoc esse in bona fide, quia invincibiliter credit, permanentiam in dicta occasione non esse peccaminosam, & alias idem Confessarius moraliter certus sit, præfatam monialem ex propria fragilitate non recessuram a dicta occasione, si id ei præcipiat, sicque se nullum emendationis fructum consecuturam ex tali admonitione, immo potius ei injecturum laqueum novi peccati.

Resp. Dubium hoc movet Pellizar. *de Monial. cap. 10. sect. 3. num. 191*. ubi affirmative concludit, motus doctrina Theologorum sustinentium, quod si Confessarius inveniat suum poenitentem laborare ignorantia invincibili sive facti, sive juris tam humani, quam divini, aut naturalis, & alioquin prævideat, ignorantiam ablatam redundare debere in novum peccatum ipsius poenitentis, qui prosequetur facere cum peccato, id quod antea licite facie-

debat, debet dissimulare, dummodo non interrogetur, non autem auferre ei præfatam ignorantiam. Ego vero absolute censeo, dictam monialem non esse absolvendam, quia non potest prudenter præsumi propositum efficax non peccandi cum volitione libera, & pertinaci manendi in occasione proxima peccandi; quia eo ipso quod aliquis vult esse, vult etiam id, quod consequitur ad esse; atque adeo monialis, quæ libere vult occasionem proximam peccandi, vult etiam peccatum, quod consequitur ad occasionem. Licet enim permanentia in occasione, utpote conjuncta cum bona fide, & invincibili ignorantia obligationis deferendi occasionem, desinat esse in se formaliter culpabilis, non tamen desinit esse libere volita, & per consequens non potest conjungi cum proposito non peccandi. Unde optime ait Dicastil. *de Pœnit. disp. 6. dub. 16. n. 336.* quod vix crederet alicui quantumvis affirmanti propositum, & magnum dolorem, si simul cum possit, nolit a tanto periculo se liberare, nec dignus est cui credatur. Et ita censent plerique docentes, eum, qui vult manere in periculo morali labendi, non censi habere verum propositum.

Quar. 4. Quomodo se gerere debeat Confessarius, qui reperit monialem in præteritis confessionibus coram ipso factis invalide fuisse confessam.

Resp. Sive confessiones fuerint invalidæ ex defectu doloris, sive examinis, sive quia aliquod peccatum sacrilege tacitum est, semper debet Confessarius admonere monialem, ut eas confessiones repetat saltem in genere, ita quod aliquam peccatorum cognitionem habere possit; cum enim Confessarius sit iudex, quæ poenam injungere debet pro peccatis invalidarum

darum confessionum & iudicium ferre de illis in hac posteriori confessione, quia illæ priores fuerunt nullæ, debet habere illarum notitiam saltem confusam, ut rectum iudicium formare possit. Ita Paludan. Divus Antonin. & alii, quos citat Faustus *de Sac. Pœnit.* t. 1. l. 4. q. 22. Quod si Confessarius notitiam aliquam habeat in confuso, sufficit, quod monialis dicat, Accuso me de peccatis in illis prioribus confessionibus recensitis; supplendo defectum contritionis, v. g. vel accusando se de peccato voluntarie emisso. Ratio est, quia jam Confessor hoc modo resumere potest distinctam cognitionem status pœnitentis, & ex vi hujus distinctæ cognitionis jam factæ sacramentalis absolvere.

Non desinam adnotare, quod Diana *part. 4. tract. 14. res. 51.* probabilem putat sententiam Granadi asserentis, satis esse, monialem in tali casu se accusare generatim de peccatis eidem Confessario alias confessis, & de sacrilegiis commissis in confessionibus invalidis, & tunc Confessarium valide, & licite illam absolvere posse, quamvis nec confusam notitiam habeat, nec pœnitentiæ recordetur. Ratio est, quia nulla ratio nos cogit ad imponendum tam grave onus moniali in materia adeo difficili, qualis est ad confessionem accessus, qui, quantum fieri potest, facilis reddi debet. Patet assumptum, quia illæ repetitio in specie non requiritur ad hoc, ut verum sit, monialem omnia peccata confessam esse; nam supponitur jam confessa in præteritis confessionibus, ex quibus, quamvis invalidis, Confessarius habuit illorum notitiam. Neque requiritur, ut Confessarius pœnitentiam proportionatam injungat, quia pœnitentia non est cum tanto rigore proportionanda

pec-

peccatis, ut non possit rationabiliter minui; ut certe suadet ratio in hoc casu, ne confessio reddatur tam onerosa; maxime quia poenitentiae impropertio per consecutionem alicujus Indulgentiae plenariae suppleri potest. An hæc sententia sit tuta, videant alii.

Quar. 5. Quomodo se gerere debeat Confessarius cum moniali, quæ aliam contumeliis affecit.

Resp. Examine dignitatem personæ conviciantis, & conviciatæ, imo & qualitatem contumeliæ. Quia licet contumelia ex suo genere peccatum mortale sit, eo quod honorem intendit deprimere, nihilominus ex circumstantiis potest esse tantum veniale; & sic tale erit quandoque ex levitate materiæ se tenentis ex parte honoris, si non intendat nisi parum inhonorare, & modicum credit, aliam contristandam; aliquando ex parte intentionis, ut si ex nimia loquacitate, aut ira prorumpit in verbum contumeliosum, non ex intentione, & consensu dehonoriandi; aliquando ex dignitate personæ conviciantis; si enim Abbatissa appellet monialem obstinatam, duram, torvam &c. non multum illam lædit; non enim intendit illam dehonoriare, sed carpere.

E contra levis contumelia potest fieri gravis ratione personæ offensæ, ut si tendat ad inhonorandam Abbatissam, vel alium Superiorem; & in tali casu induit etiam novam malitiæ speciem contra virtutem observantiæ Superioribus debitæ. Ad inducendam tamen novā speciem requiritur non quæcunque gravis culpa, sed illa quæ fit contra Superiorem, ut Superior est. Tamb. *Method. Confess. lib. 2. c. 6. § 2. n. 11.*

His prudenter examinatis, Confessarius obligabit monialem ad reparandum honorem

per

per contumelias ablatum, quod ex Doctoribus potest pluribus modis præstari; nempe per reverentiæ exhibitionem, extraordinariæ benevolentiae ostensionem, honorabilem salutationem, vel per veniæ petitionem; hic tamen modus necessarius non est, nisi quando aliter non potest fieri compensatio. Ita Ledesma, Cajet. Less. Bonac. & alii; qui omnes asserunt non esse obligandam Abbatissam, quæ contumeliis subditas affecit, ad veniam illis petendam; idem dicendum de magistræ respectu discipularum, & de monialibus velatis respectu conversarum; quia alio modo ex supra enumeratis arbitrio prudentis Confessarii possunt suæ satisfacere obligationi.

Potest tamen contingere, quod moniales excusentur ab honoris læsi, vel etiâ famæ reparatione; ut, si duæ se invicem cõviciis affecerunt, vel infamarunt; quia quando jura sunt æqualia, censetur utraque pars satisfacta, & tacite se invicem compensasse. Less. Silvest. & Malder. apud Dian. p. 3. r. 5. resol. 30. Altera tamen restituyente, tenetur altera restituere, & si infamiæ fuerunt inæquales notabiliter, excessus debet ab altera eo meliori modo, quæ potest, cõpensari.

Quar. 4. An Confessarius possit absolvere monialem, quæ injuriam passa ab alia consore illam recusat salutare, dum omnes sibi occurrentes salutat.

Resp. Negant fere omnes Doctores, quia talis omissio est lethaliter peccaminosa, cum salutatio sit signû aliquod commune charitatis, quod tuta conscientia negari non potest. Ita Sylvest. in sum. v. *Charitas* q. 6. Filiuc. Azor. & alii, qui a fortiori tradunt, teneri in conscientia adversariam resalutare, si ab hac in salutatione præveniatur. Nam non resalutando adversariâ,

præ-

præbet occasionem existimandi, velle illam contemnere, ac gravi injuria afficere, præcipue spectata circumstantia temporis, loci, ac personarum; adeoque mortaliter peccat, cum ex hoc regulariter sequi soleat grave scandalum.

Oppositum sustinet Lorca, Valer. & alii relati a Diana in *oper. coord. t. 7. tract. 5. ref. 31.* Quia omissis salutationibus, aut resalutationibus, etiam debitis titulo honoris per se, secluso odio, & contemptu formali, non est regulariter peccatum mortale, cum opponatur affabilitati, quæ non est tantæ obligationis, nisi forte ex circumstantia personæ, & aliis cederet in magnam injuriam, vel propter scandalum; quod tamen raro fit, quia non tam de facili suspicandum est inter personas religiosas odia foveri. Tum quia talis ommissio fieri potest non in odium, sed in significationem proprii gravaminis, & injuriæ, quod non est lethale.

Poterit igitur Confessarius impendere absolutionem moniali salutationem, aut resalutationem exhibere recusanti, dummodo gnoscat, nullam ex tali omissione foveri causam odii ex parte offensæ, nullamque præberi occasionem inflammationis odii ex parte adversariæ, & cessare præterea in consorciis rationem scandali. Reginal. in *praxi l. 17. n. 125.* Ubi etiam notat, posse Abbatissam in poenam monialis delinquentis, & in exemplum aliarum, illam non alloqui quantum temporis juxta concurrentes circumstantias videtur expedire. Non tamen per hoc potest hujusmodi poenam quantum voluerit extendere; & si ex nimia austeritate nimio temporis spatio alloqui nollet, non esset absolvenda, quia cum aliarum scandalo præberet motivum suspicandi, odium, rancoresque fovere.

Quæst.

Quær. 7. Quomodo se gerere debeat Confessarius cum moniali, quam deprehendit scripsisse Superioribus contra aliquem literas cæcas.

Resp. Interroget monialem contra quem literas scripserit, quia si fuerint scriptæ contra Abbatissam, nova inducitur species malitiæ contra virtutem observantiæ, ut diximus supra. Item an illas malo animo scripserit; & dicitur malus animus, quando directe animo infamandi fecit, vel quando advertit id, quod scribit, tendere in alterius infamiam, & nihilo minus non desistit. *Sot. l. 3. de iust. & iur. q. 10. art. 2.* Rursum an vera scripserit, an falsa; & hoc ratione reservationis, quæ huiusmodi literarum scriptioni in aliquibus diœcesibus solet esse annexa, quando continent falsa crimina.

Licet monialis prædicta graviter peccaverit, non videtur tamen ad restitutionem famæ obliganda. Quia tam ex Doctorum sententia, quam ex jure civili, & canonico *in c. Inquisit. §. Ad hac accus.* nec non ex stylo Romanæ Curia; de quo testatur Peyrin. *Formul. Præl. lit. P. cap. 16. n. 19.* nulla fides talibus literis est adhibenda. Cum igitur literæ huiusmodi tales sint, ut nullo modo reputentur idoneæ fidem facere, nullus omnino consurgit ex his effectus infamiæ, ut habetur expresse *in l. unica in fin. C. de lib. fam. c. fin. §. q. 1.* ubi Geminianus asserit tales literas nullam lædere opinionem eorum, contra quos fiunt. Si ergo nulla oritur infamia, nulla quoque oritur restituendæ famæ obligatio, ut de infamatore nullius fidei communiter fatentur Doctores.

Et hoc verum est, etiam si monialis malo animo eas scripserit, quia restitutionis obligatio oritur ex facto, non ex nocendi intentione; sicut fur non tenetur ad restitutionem, quan-

tum

tuncunque conetur ad furtum, nisi de facto sequatur. Quod si fortasse Superior fidem aliquam adhibuerit, adhuc monialis a restitutione videtur libera, quia causa infamiae non fuit litera cæca, sed imprudens Superioris credulitas, & injusta. Lefs. & Tambur. in decl. l. 9. c. 2. §. 2. n. 5. & quidem quænam major imprudentia, & injustitia, quam fidem utcunque minimam præstare talium literarum scriptoribus, qui infames reputantur, & intestabiles? per *text.* & *glos.* in cap. 1. §. 9. 1.

At non possum dictam monialem a famæ restitutione excusare, si Superior fidem adhibuit literæ cæcæ. Licet enim læsio ortum habuerit a Superioris credulitate, non per hoc tollitur, quod litera cæca non dederit causam hujusmodi imprudentiæ, atque adeo læsionis famæ ex ipsa secutæ; quidquid enim est causa causæ, est causa causati, l. *manumissione ff. de just. & jur.* Maxime quia talis læsio fuit directæ, & ex proposito intenta, cum ad hunc finem ordinata fuerit litera cæca. Tenetur ergo restituere, quod præstare debet, scribendo aliam literam prioris retractativam. Ita ex Sylvest. Grassius de casib. reserv. lib. 1. c. 19. n. 30. & quidem eodem caractere conscriptam, ut Superior ex characteris identitate possit se certificare, quod idem fuerit detractor, & retractor detractionis.

Quar. 8. Quomodo se gerere debeat Confessarius, qui ex aliarum monialium confessionibus novit, aliquam monialem tale crimen perpetrasse, ipsa autem interrogata negat; habenda ne erit fides aliis, vel moniali pœnitenti.

Resp. Habendam esse fidem moniali, quia in hoc judicio creditur pœnitenti pro se, & contra se. Quod si aliunde constaret evidenter

ter confessario, talem monialem delictum commisisse, neque alieno confessam esse, tunc non debet absolvere; quia clare ipsi constat, non esse rite dispositam. Sed quia rarissime contingere potest, quod adsit huiusmodi indispositionis evidentia; nam contingere potest, quod monialis habeat tacendi causam rationabilem, ad evitandum, v. g. suum, vel alterius damnum, vel habeat opinionem aliquam probabilem pro se, suaeque actione, ideo regulariter absolvenda. *Megala 1. p. lib. 1. cap. 2. n. 12.*

Quar. 9. An monialis, quæ proprio Confessario confiteri non potest, sine salutis, vel famæ periculo, si petat licentiam confitendi cum alio Sacerdote, & injuste denegetur, possit, hoc non obstante, valide, & licite confiteri.

Resp. Affirmativam sententiam tradunt Paludan. & sex alii, quos refert Diana *in opere coord. t. 2. sr. 3. res. 39. n. 3.* Quia licentia jure petita, & injuste denegata, videtur jure concessa, & defectum Episcopi negantis suppleri ipso jure, aut ex præsumpta Summi Pontificis voluntate. Sed hæc sententia omnino est repellenda, quia remanet damnata in propositione tertiadecima in ordine inter proscriptas ab Alexandro VII. & clare desumitur *in ex cap. omnis utriusque sexus*, ubi habetur, quod, si quis alieno Sacerdoti voluerit iusta de causa confiteri peccata, licentiam prius postulet, & obtineat, cum aliter illum non possit absolvere. Et ita tenet Layman. *in Theol. moral. lib. 5. tract. 6. c. 13. n. 3.* ubi citat Alensem, Sotum, & alios. Ut autem licentia injuste negata habeatur pro concessa, necessarium est, quod supponat facultatem, seu potentiam ad actum faciendum, & quod pro executione tantum requiratur licentia, at quando licentia non

non supponit facultatem, sed tribuit, si negetur, non habetur pro concessa. Pignatell. *ro. 6. consult. 98. n. 41.* In præsentī autem casu non supponitur facultas absolvendi, cum hæc dependeat a conditione approbationis Episcopi. Monialis igitur in hac circumstantia potest se gerere, ac si non haberet copiam Confessarii, quare vel se conterat, & communiter, ut notat Villalob. relatus a Diana *ubi supra*, vel confiteatur aliquā leviora peccata, ita ut directe absolvatur ab illis, indirecte vero a cæteris, semper tamen cum onere subdendi clavibus nondum directe absoluta, data opportunitate, ut volunt alii apud Tamburinum.

Quar. 10. An monialium Confessarius possit illis injungere sub pœnitentia opera alias debita ex regula.

Resp. Posse. Ita Turrian. Suar. Vasq. & alii relati a Diana, quia illud opus ut impositum a Confessario elevatur, ut sit satisfactio. Immo expedit aliquando opus aliquod debitum ex regula monialibus injungere, ut majorem diligentiam in tali opere exequendo teneantur adhibere.

Quar. 11. An abstinentiam a communione possit Confessarius sub pœnitentia monialibus injungere.

Resp. Cum Serio, Leandro, Lugo, & Diana contra Baucium, & Sancium, posse injungere, quia Eucharistiæ privatio est delicti punitiva, unde a jure canonico quibusdam in casibus in pœnam prohibetur communio, ut videre est in *cap. Latorem, cap. admonere 33. q. 2. & alius.*

Quar. 12. Quam communionis frequentiam possint, & debeant Confessarii suis monialibus indulgere.

Resp.

Resp. Bis, vel ter in hebdomada, & etiam frequentius juxta devotionis mensuram. Favet Concil. Trid. *sess. 22. de sacrif. Missæ c. 6.* Consonat textus *in cap. quotidie de consecrat. dist. 1. & cap. non iste, de consecrat. dist. 2.* Hortantur Sancti Patres videndi apud Nogueiram *disp. 1. de Sacram. q. 4.* Et suadet ratio. Nam laici curis sæcularibus implicati possunt octavo quoque die ad communionem admitti, ex communi Theologorum apud Dianam *t. 2. in opere coord. tract. 2. res. 37.* Ergo monialibus a mundo sejunctis, & Deo sacris poterit frequentius, & sic bis, vel ter in hebdomada Eucharistia indulgeri. Si enim Sacræ Virgines ratione sui status tenentur tendere in ultimum finem specialiori modo, indigent pariter frequentius quam laici hujus cibi spiritualis auxilio, quia per ipsum nutrita anima augmento gratiæ magis in suum finem elevatur; sicut enim gratia est promotio, & elevatio in finem supernaturalem, ita gratiæ augmentum est major promotio, & elevatio.

§. VIII.

De Confessario quoad absolutionem a reservatis.

Quar. 1. **A**N monialium Confessarius possit eas, utpote perpetuo impeditas, a casibus Papæ reservatis absolvere.

Resp. Affirmativam sententiam tradi ab Henriquez, Soto, & aliis relatis, & approbatis a Pasqualig. *in Lauret. nu. 1468.* & in terminis de monialibus Layman *lib. 5. tract. 6. cap. 12. n. 15.* Quia in jure impedimentum perpetuum & articulus mortis æquiparantur. Textus est *in c. ea nos de sent. excom. in 6.* & tradunt Dica-Ril.

Stil. Bertrand. Loth. & alii. Negativæ tamen sententiæ adhæreo cum Ugolino, Vasq. Bonacina, & Duardo. Quia in decreto Clementis VIII. *de casib. reserv.* expresse statuitur, quod Sacerdotes inferiores non possint absolvere *nullo casu etiam necessitatis, vel impedimenti, nisi in articulo mortis*. Et Doctores pro affirmativa adducti contendunt, Decretum Clementis procedere de absolutione absoluta, quæ tollitur omnis obligatio, quæ confurgit ex reservatione; non autem de sola absolutione a peccato, relicta obligatione comparendi: nihilominus quia verba Decreti sunt clara, & absoluta, non est recedendū a sententia negativa.

Quar. 2. A quo in prædictis casibus debeat Confessarius impetrare facultatem absolvendi moniales.

Resp. Communiter Doctores, quorum triginta enumerat Verricel. *de Mission. tract. 9. qu. 146.* affirmant, absolute posse impeditos, atque adeo moniales, a casibus Pontifici reservatis absolvi per Episcopum; etiam si Episcopus sit tantum electus, & confirmatus, quamvis non consecratus, neque Sacerdos, Diana *part. 7. tract. 2. res. 1.* Rasleus *de pœnit. cap. 7. num. 22.* quia Episcopus non consecratus, neque Sacerdos dicitur verus Episcopus, quoad omnia, quæ pertinent ad potestatem jurisdictionis. Et hoc potest præstare, licet adsit Nuncius, vel alias pol- lens facultate absolvendi, quia existente impedimento recurrendi ad Pontif. restituitur Episcopo ordinaria potestas, quæ ex Sanch. *in decal. lib. 2. cap. 11. num. 4.* transit etiam in Capitulum, Sede vacante, quia hæc competit Episcopis ex generali facultate a jure ipsis concessa, ut colligitur *ex cap. ea nos, cap.*

Confess. Monial.

H

quod

170 *De Confess. quoad absol. a reserv.*
quod de his de sent. excom. in 6. & tradum
communiter Doctores.

Quar. 3. An moniales ratione perpetui impedimenti possint etiam a casibus Bullæ Coenæ per Episcopum absolvi.

Resp. Posse; Non quidem ex vi Tridentini sess. 24. de reformat. cap. 6. cum tali privilegio per dictam Bullam ut derogatum, sed ex facultate Episcopis competente ex vi juris communis per textus supra citatos, qui a pluribus Doctoribus, teste Gobat. t. 1. tract. 7. nu. 385. extenduntur etiam ad casus contentos in Bulla Coenæ, quia jura ob identitatem rationis, præsertim quando continent favorem, trahuntur ad casus similes, in quibus militat eadem ratio, cap. cum dilecta, ubi Abbas, & Decius, de confirmat. utilit. vel inutil. Neque repugnat, quod facultas una via negata, altera concedatur, quando oritur a diversa causa, ut in casu nostro; nam facultas concessa per jus commune ratione perpetui impedimenti oritur a necessitate, ne quis perpetuo in excommunicatione permaneat, & contingat inabsolutum decedere. Facultas vero concessa per Tridentinum non datur ex necessitate, sed ex privilegio dignitatis Episcopalis; vel quia delictum mitiori poena censetur dignum.

Quar. 4. An Episcopus in vim supradictæ facultatis possit absolvere moniales etiam ab hæresi occulta.

Resp. Absolute non posse, contra Mallett. Pellicion. & Verricel. & hoc propter hæresis gravitatem, & rigorosam ipsius reservationem. Unde non venit in generali concessione absolvendi omnes casus contentos in Bulla Coenæ, quia est speciali nota digna, ut docent viginti Doctores relati a Diana

z. 9. in opere coord. tract. 7. ref. 158. & tollitur omnis dubitatio per declarationes Gregorii XV. Clementis VIII. & Urbani VIII. ac Innocentii X. qui omnes declaraverunt, in Jubilæis, concessa facultate in omnes casus Bullæ Coenæ, non censi comprehensam facultatem absolvendi a crimine hæresis, nisi expresse, & specificè declaretur.

Quar. 5. An monialibus Regularibus subiectæ possint per suos Prælatos absolvi a casibus occultis, contentis in Bulla Coenæ.

Resp. Negative cum Sigismundo a Bona, Tamburino, Naldo, & aliis relatis a Diana *z. 7. tract. 1. ref. 299.* contra Suarez, Rodriq. Peyrin. Portel. Vega, & alios. Ratio est, quia fundamentum sententiæ affirmatiæ innititur privilegio S. Pii V. tribuenti Prioribus Dominicanis, ac proinde omnium Religiosorum Prælati erga suos subditos in foro conscientiæ tantum, & per se ipsos omnem facultatem absolvendi, & dispensandi, quam habent Episcopi vigore Tridentini; Cum ergo Episcopi, ut vidimus supra, nullam habeant facultatem in casibus Bullæ Coenæ erga suos subditos, nullam pariter habebunt Prælati Regulares in prædictis casibus erga suos. Quod modo tanquam indubitatum tenet Diana *par. 8. tract. 7. ref. 50.* stante Decreto Sac. Cong. *sub die 17. Novembris 1628.* Urbano VIII. approbante, in quo revocantur in ampla forma omnium Regularium privilegia absolvendi a casibus Bullæ Coenæ. Et licet contendat Bordonus ex Peyrino, decretum loqui tantum de Regularibus in ordine ad pœnitentes sæculares, hoc tamen est falsum, attenta generalitate verborum ipsius decreti, quod ita habet: *Nec intra, nec extra Italiam &c.*

172 *De Confess. quoad absol. a reserv.*
posse quenquam absolvere ab iisdem casibus Bul-
la Cæna. Virtus enim dictionis quenquam est
universalis omnia comprehendens, etiam quæ
alias non venirent. Aymo in cons. 294. nu. 1.
& ideo in præsentī casu facit, ut comprehen-
dantur sub prohibitionē etiam subditi reli-
giosi. Quare facultas absolvendi moniales ab
aliquo ex dictis criminibus, erit impetranda
vel a Sacra Pœnitentiaria, ut vult Thesau-
rus de pœnis par. 1. cap. 24. ampliat. 3. vel a
Legato, aut ab Episcopo, ut tradunt San-
chez & alii apud Dianam:

Quar. 6. An moniales fruantur aliquo privi-
legio quoad absolutionem a reservatis Papæ.

Resp. Si moniales subsint immediate jurisdi-
ctioni Prælatorum Regularium Ordinis, tunc
possunt absolvi ab omnibus iis reservatis, a
quibus possunt viri religiosi ejusdem Ordinis
vigore suorum privilegiorum. Quare poterunt
præcipue absolvi a quinque casibus specialiter
reservatis a Clemente VIII. in decreto edito
9. Januarii 1601. si vera est declaratio illa Sac.
Congreg. quam admittunt Bordon. Vecchius
& Naldus in Sum. v. reservatio, scilicet, quod
per supradictum decretum adimatur facultas
Regularibus respectu sæcularium pœniten-
tium tantum, non Regularium in quinque
casibus supradictis. Si vero subsint immediate
Ordinario, & immediate confiteantur apud
Sacerdotes non Regulares, inspicendum est
an concessio privilegiativa sit facta Regulari-
bus tanquam pœnitentibus vel tanquam Con-
fessariis: si primo modo, possunt absolvi a
quocunque ad earum confessiones deputato;
secus autem si secundo modo. Nullatenus ta-
men moniales sive exemptæ sint, sive non,
uti possunt quoad absolutionem a reservatis
pri-

privilegio Bullæ Cruciatæ, ut constat ex variis summorum Pontificum declarationibus adductis a Pasqual. *in Lauret. nu.* 1456. & præcipue ex motu proprio Urb. VIII. *dec.* 19. *Julii* 1630.

Quar. 7. An moniales, utpote impeditæ adire Episcopum, possint per proprios Confessarios absolvi a casibus Episcopo reservatis, non impetrata ad id peculiari facultate.

Resp. Affirmant plures, & quidem graves Doctores, quos refert, & sequitur Pasqual. *ubi supra n.* 1466. & tanquam probabile admittunt Dicastil. & Diana. Quia si ratione impedimenti adeundi Pontificem pro absolutione, descendit facultas absolvendi in inferiores, scilicet in Episcopos; ratione pariter impedimenti adeundi Episcopum pro absolutione descendet facultas absolvendi a reservatis Episcopo in inferiores, scilicet in monialium Confessarios. Non enim debet strictius obligare Episcopus in suis reservationibus, cum debeat conformari intentioni Ecclesiæ, quæ non intendit obligare ad moraliter impossibile, ut constat ex rationibus, ob quas conceditur, impeditas absolvi posse ab Episcopo. Neque tenentur mittere Confessarium pro impetranda facultate, quia, ut notant Sanchez, Castropalao & Tambur. *in Merod. expedit. confess. lib.* 3. *cap.* 9. §. 4. *nu.* 17. reservatio est onus poenitentis, non Confessarii. Unde Tridentinum *sess.* 13. *c.* 17. admonet Sacerdotes, ut *id unum persuadere nitantur, ut ad Superiorem, & legitimos judices pro beneficio absolutionis accedant.* Non dicit, quod Confessarii accedant Superiorem pro facultate, sed quod suadeant poenitentibus accessum pro absolutione. Tum quia irretitus aliquo crimine Pontifici reser-

vato non tenetur mittere nuncium, vel epistolam pro impetranda facultate, ut observant Navar. Enriquez, Ugolin. & alii, quia impedimentum restituit Episcopo jurisdictionem, quæ fuerat per reservationem ablata; ergo neque moniales tenebuntur mittere Confessarium, sed impedimentum etiam ipsi Confessario restituet facultatem, quæ fuerat per reservationem adempta.

Cæterum opposita sententia tanquam tuitior, & probabilior in praxi est sequenda cum Alterio, Filliucio, & Vasquez, quos adducit, sed non sequitur Pasqual. *loc. cit.* Etenim Concilium Tridentinum *sess. 14. cap. 7.* statuit, Sacerdotes inferiores extra mortis articulum nihil posse in reservata, exceptio autem firmat regulam in aliis casibus. Neque est eadem ratio de reservatis Papæ, quia de his sunt jura concedentia hanc facultatem Episcopis, cum non potest Pontifex adiri; quod in casibus Episcopo reservatis non invenitur, cum recursus ad Episcopum sit facilior, quam ad Pontificem. Erit igitur onus Confessarii obtinere a Superiore facultatem, cum enim sit monialium Parochus, tenetur ex officio earum spiritualibus indigentis providere, atque adeo pro facultate ad recte suum munus exequendum necessaria Superiorem adire, sicuti, casu denunciationis occurrente, tenetur ipse hujusmodi oneri se subicere.

Quær. 8. An Confessarius possit a reservatis absolvere monialem ignaram reservationis.

Resp. Affirmant plures Doctores, relati, & approbati a Philippino *de Privit. ignor. n. 158.* quia omnis reservatio est poena, ut asserit aliis relatis Diana *part. 6. res. 52.* & odiosam illam vocat Sanch. *in Sum. l. 1. r. 10. n. 74.* Nulla
autem

autem poena incurritur ab ignorante. Navar. Sylvest. & alii apud Sanch. *de matrim. lib. 9. disp. 32. n. 20.* Quare excusari etiam a reservatione invincibiliter inadvertentem ad reservationem tradit Quarti *de cas. reserv. sect. 2. cap. 3. q. 6. vers. Colligitur* 1. cum ignorantia, & inadvertentia æquiparentur in jure. Ad resolvendum censeo, nullatenus ignorantiam, aut inadvertentiam a reservatione excusare. Nam reservatio non est poena poenitentis, sed limitatio jurisdictionis; quod patet, quia reservatio est talis naturæ, ut resistat absolutioni non solum subditi illius Superioris, per quem est inducta, sed etiam advenæ. Sic expresse habetur ex Constitutione Clementis X. *Superna*. Non potest autem resistere absolutioni quatenus poena poenitentis, quia sub hac ratione non potest afficere advenam; lex enim non afficit nisi subditos, *cap. a nobis de sent. excomm.* Resistit ergo absolutioni quatenus limitatio jurisdictionis, cum sub hac tantum ratione afficiat subditum, ipsum scilicet Confessarium.

Imo dato etiam, quod reservatio esset poena, vel medicina poenitentis, adhuc afficeret ignorantem. Quia ex allegata Constitutione reservatio diœcesis, in qua Confessarius debet impendere absolutionem, ligat etiam confluentes ex alia diœcesi, & tamen ipsis non innotescit, cum ipsis non fuerit promulgata. Ergo ex mente Pontificis reservatio quocunque modo sumpta semper afficit ignorantem. Et ideo hanc sententiam tenent communiter Doctores, quos refert Gobat. *tom. 1. de Sacr. tr. 7. num. 360.* ubi admittit ignorantiam solos illos casus a reservatione excusare, qui annexam habent reservatam excommunicationem; quia, dicit ipse, tunc intelligi-

176 *De Confess. quoad absol. & reserv.*
tur, reservationem in poenam delicti esse
impositam.

Quar. 9. An Confessarius dubius de reservatione peccati, vel censuræ possit monialem absolvere.

Resp. Posse; quia reservatio est odiosa, atque adeo ad casus, & censuras certas tantum restringenda. Ita Sanch. Trullenc. & alii, quibus subscribit Anton. a Spiritu Sancto direct. Conf. tom. 1. tract. 5. disp. 15. sect. 7. n. 943. qui pariter sect. 8. n. 46. cum Leandro, Lugo, & Dicastil. docet, monialem cum dubio supradicto a Confessario absolutam, si postea deprehendat, peccatum illud certo fuisse reservatum, non teneri iterum subdere Sacerdoti habenti facultatem circa reservata; quia stante tunc tali debito fuit directe per Confessarium absoluta; nam dubium reservationis non adimit jurisdictionem absolventi, cum reservatio, ut diximus, solum ad casus, & censuras certas extendatur.

Quar. 10. An in aliquo casu possit valide, & licite Confessarius monialem absolvere a reservatis.

Resp. Quando concurrat necessitas communicandi, ita ut absque nota infamiae, & gravi periculo scandalı communio non possit omitti, tunc Confessarius non solum potest, sed etiam debet absolvere, directe quidem a non reservatis, indirecte vero a reservatis; quia positiva lex de confessionis integritate cedit juri naturali tuendi famam propriam, & præcepto charitatis vitandi scandalum. Ita Doctores adducti a Layman lib. 5. tit. 6. c. 12. n. 10. ubi addit, idem esse dicendum, etiam si excommunicatio sit annexa reservationi. Et n. 12. ampliat conclusionem, asserens, quod Confessarius ingres-

sus

sus ad audiendam confessionem monialis infirmæ, si inveniatur illam reservato crimine irritam, poterit supradicto modo absolvere, quamvis in probabili mortis periculo non existat; partim quia aliqualis urget necessitas, si quidem monialis ægro animo ferret privationem absolutionis, cum ex sua parte bene sit disposita; partim quia graves Doctores absolute docent, quod Sacerdos pœnitentem, qui peccata reservata habet, absolvere possit cum onere, ut ea sola Superiori postea confiteatur; & ab aliis directe absolvatur. Interim tamen debet Confessarius in supradictis casibus procurare facultatem reservatorum a legitimo Superiore, ut vigore illius monialem modo dicto absolutam, directe a reservatis absolvat.

Quær. 11. An Confessarius obtinens licentiam absolvendi certam monialem a reservato, possit uti pro alia.

Resp. Negative cum Bordon. in *Miscell. dec. 146.* & Beja p. 3. casu 10. contra Moronum. Quia Superior licentiam concedens intendit gratiam facere juxta petitionem; nam Princeps, aut Superior solet se accommodare precibus porrectis, *can. inter dilectas, §. ceterum de fid. instrum.* ubi Gloss. v. *petitio* ait, responsum conformari petitioni. Cum ergo petitio fuerit pro una moniali præcise determinata, pro illa tantum censetur concessa. Sed quid dicendum, si monialis pro qua obtenta fuit facultas absolvendi illam a reservato, & fuit ab alio absoluta, si, inquam, iterum incidat in illum casum, absolvi ne poterit virtute illius prioris facultatis, qua pro illa usus non fuit Confessarius in prima vice? Non potest; quia facultas illa ex mente concedentis, & intentione petentis emanavit limitate pro casu incurso, non incurrendo.

Quar. 12. An, quo jure, & quando moniales possint absolvi a reservatis etiam non obtenta, immo negata facultate a proprio earum Prælato.

Resp. Si moniales sunt exemptæ, & subduntur Prælato Regulari, possunt absolvi licentia non obtenta, dummodo tamen fuerit petita, idque ex indulto Clementis VIII. Regularibus facta, & per Urbanum VIII. postea innovato, quod sic habet: *Quod si Regularium Confessariis casus alicujus facultatem petentibus Superior dare noluerit, possint nihilominus Confessarii illa vice pœnitentes Regulares absolvere, etiam non obtenta a Superiore facultate.* Ubi duo notanda. Primum, quod possunt absolvi, etiam si licentia fuerit juste negata, quia Pontifex loquitur universaliter, nec distinguit de negatione licentiæ justa, vel injusta. Juniper. a Drepano p. 1. disp. 7. q. 8. c. 2. n. 10. Secundum, quod *ly illa vice* non facit sensum, quod semel tantum possint absolvere; nam non esset sufficienter Religiosorum conscientis provisum, cum sæpius in eadem peccata prolabi possint, sed facit sensum, quod facultas absolvendi transeat in Confessarios limitate, & pro illa tantum vice, ita ut, concurrente iterum casu, non possit in vim primæ petitionis negatæ absolvere, sed debeat iterum petere; quod si fuerit quoque negata facultas, poterit etiam pro illa secunda tantum vice absolvere, & sic deinceps. Colligitur hæc doctrina ex iis, quæ tradunt Alphonsus de Leone, Diana, & Naldus, v. *Indulgentia* n. 4.

Si vero moniales subdantur immediate Episcopo, non possunt absolvi, licentia non obtenta; quia prædictum decretum, utpote emanatum occasione casuum a Superioribus Regularibus reservatorum, declarat, de quibus

bus Superioribus Pontifex loquatur, & proinde coarctat usum talis privilegii ad casum, in quo licentia fuerit negata a Superiore Regulari, juxta doctrinam Surdi *dec.* 124. n. 8. Unde non est extendenda concessio ad casum facultatis negatæ ab Episcopo, quia juri Episcopali præjudicaret, & gratia Papæ semper ita est intelligenda, ut alteri præjudicium non inferat; ut communiter Doctores.

§. IX.

De Confessario Monialium quoad sigillum Confessionis.

Quar. 1. **Q**ua diligentia debeat confessionis sigillum a Monialium Confessario custodiri.

Resp. In sigilli custodia major a Monialium Confessario diligentia, quam in sæcularium confessionibus excipiendis, est adhibenda; cum enim moniales sint ex sexus fragilitate suspicissimæ, & ob familiarem, ac diuturnam inter seipsas consuetudinē cujusque genium, mores, & defectus agnoscant, facillime ex minimo etiam nutu, gestu, aut verbo, quæ inter sæculares essent indifferentia, possunt peccata ab aliis confessa deprehendere. Confessarius igitur fedulo, ac diligenter advertat, ne suo dicto, aut facto ostendat aliquid, ex quo sive directe, sive indirecte possit contingere fractio sigilli.

Quar. 2. Quænam cadant sub sigillo.

Resp. Cadere ea omnia, ex quorum revelatione potest reddi onerosum, & odiosum Sacramentum. Quare celari debent hoc sigillo non tantum mortalia, sed etiam venialia; cum hac tamen differentia, quod mor-

talia nec in genere, nec in particulari sunt manifestanda; venialia vero, licet in particulari manifestari non possint, ne unum quidem quantumvis minimum, quia ex communi Doctorum sententia materia hujus sigilli parvitatem non admittit; possunt tamen in genere, & sic non frangit sigillum Confessarius, si dicat talem monialem confessam esse venialia; nam sine his non potest impertiri absolutio. Secus si dicat, monialem plura, vel gravia peccata venialia fuisse confessam, quia occultum est, illam plura, vel gravia venialia perpetrasse. Hurrad. *de pœnit. disp. 12. diff. 4.* Malder. *de sigil. c. 12.*

Cadunt pariter sub sigillo non solum peccatorum circumstantiæ, & quæ utilia sunt, & conducunt ad explicanda peccata, verum etiam ea, quæ nec utilia sunt, nec necessaria, ut sunt defectus, qui ad famam pœnitentis pertinent, ut se esse illegitimam, rudem, hebetis ingenii &c. dummodo a pœnitente ad peccata explicanda ordinentur. Diana *p. 5. tr. 11. res. 6.* Imo etiam si non ordinentur, sed referantur incidenter. Granad. & Malder. Quod non admittit Hurt. *loc. cit.* quamvis consulat ab illarum manifestatione abstinere: nisi sint hujusmodi defectus passim noti.

Item cadit sub sigillo pœnitentia imposita, si illa sit signum culpæ mortalis certæ, aut dubiæ, aut peccatorum venialium specialium quoad numerum, vel quoad speciem. Secus si pœnitentia sit ita levis, ut ex illa colligi nequeat, nisi pœnitens confessa sit venialia. Granad. 2. 2. *contr. 7. tract. 11. disp. 6. nu. 5.*

Dona vero, & virtutes alicujus monialis, sicuti etiam propositum alicujus puellæ educandæ de religione capeßenda, vel matrimonio incedendo, non spectare ad religionem sigilli

docet

docet Malderus; quia quasi nunquam manifestantur ad explicationem peccati; potest tamen poenitens ad hæc celanda sub naturali sigillo Confessarium obligare.

Quar. 3. Quibus locutionibus possit frangi sigillum.

Resp. Frangi, si Confessarius dicat, se audivisse in monasterio peccatum grave, etiam si non nominet monialem: vel sæpe recurrere ad Superiorem pro reservatorum facultate. Diana *loc. cit. res. 35.* Item si dicat non absolvisse monialem aliquam, nihil addendo. Imo etiam si addat non absolvisse ob confessionem nondum perfectam propter superveniens impedimentum. Granad. Fagund. & alii relati a Diana *loc. cit.* Nam tales locutiones statim offendunt audientium aures, & malam opinionem de statu monialis ingerunt, nisi alioqui probatur ac perfectæ virtutis esset, & conscientiæ.

Item frangit sigillum, si dicat non absolvisse monialem de peccato certe cognito ab illis cum quibus loquitur, quia obligatio sigilli est per se, scientia vero aliarum est per accidens; quod a fortiori dicendum est, si addat, non absolvisse de peccato publico, & notorio, quia scandalo publico non satisfecit. Quia peccatum quidem publicum est, sed quod accesserit ad confessionem sine vera poenitentia, quod certe indicat factum negatæ absolutionis, aliis non innotescit. Diana *ubi sup. res. 42.* Hinc fit, quod Confessarius, dum audivit confessionem alicujus monialis, cui non debuit absolutionem impertiri, si interrogetur a Sacristana, utrum præparare debeat fenestellam pro illius communione, debet respondere, quod interroget poenitentem, an debeat communicare. Henricus, & Trull. *in praxi Sacr. lib. 4. c. 8. dub. 4. n. 2.*

FRAN-

Frangit insuper sigillum dicendo talem monialem sibi occulte & extemporanee fuisse confessam, quia clandestina, & extemporanea confessio ingerit gravioris criminis suspicionem. Reginal. Navar. & Mercer. apud Dianam *loc. cit.* qui pariter asserit cum Lugo, Granado, & aliis, frangi sigillum, si dicat, monialem suis impertinentis, & nœniis sibi caput obtundere, vel esse scrupulosam, simplicem, irresolutam, obstinatam &c. si hujusmodi defectus solum cognovit ex confessione. Potest enim hæc manifestatio Confessarii moniali displicere, & aliquando obesse, ne eligatur in Prælatam, vel ad alia officia, ut optime advertit Tamburinus.

Quæ. 4. An per omissionem possit frangi sigillum Confessionis.

Resp. Affirmative ex Sancio, Bassæo, & Antonio a Spiritu Sancto de *Sacram. Pœnit. tract. 5. disp. 19. sect. 6. n. 1646.* Nam in aliquibus circumstantiis ex omissione dicti alicujus, vel facti potest oriri vel suspicio de mala conscientia pœnitentis, vel ipsius confusio, aut verecundia. Unde frangit sigillum Confessarius si interrogatus, an absolverit monialem criminofam, non respondeat: an monialis aliqua sit honestæ vitæ & digna quæ eligatur in Abbatissam, & taceat. Quia ex taciturnitate Confessarii arguitur in primo casu eam non absolvisse, adeoque modo quodam confuso datur intelligi status dictæ monialis, in secundo vero ingeritur gravis suspicio de illius honestate, ac probitate. Ita Doctor. citati. Item frangit, si ex pluribus monialibus sibi confessis alias laudet de bona conscientia, alias vero non. Præbet enim occasionem suspicandi, istas tam bonam conscientiam non habuisse. Perez *disp. 4. num. 3.* Tamburin.

Method. expedit. confes. lib. 5. cap. 3. §. 1. num. 2.
 Secus dicendum, si de aliquibus seorsum lo-
 quatur, quia tunc nulla videtur fieri compa-
 ratio, aut exclusio aliarum, de quibus non
 occurrit tunc occasio loquendi. Tancredi
tract. 1. disp. 4. q. 11. Antonius a Spiritu Sancto
loc. cit. nu. 1522. qui pariter sustinet *nu. 1574.*
 frangi sigillum, si Confessarius, qui semel,
 aut iterum monialem inabsolutam dimisit, vo-
 catus tertio ire nolit, ne ultra tempus cum
 illa insumat, dummodo tamen poenitens ad
 priores confessiones accesserit animo confi-
 tendi peccata, licet indisposita, quia v. g.
 ab occasione proxima, quam tenetur, & potest
 dimittere, non vult abstinere. Si vero priores
 confessiones instituit animo tantum simulandi,
 ut satisfaceret præcepto Prælati, vel ad remo-
 vendum scandalum, non frangitur sigillum,
 quia ex illis confessionibus non fuit orta obli-
 gatio sigilli, cum neutra illarum confessio fue-
 rit, sed confessionis simulatio, cui Confessarius
 cooperari non debet. Hinc neque fractor sigil-
 li dicendus est si vocatus, non pergat ad au-
 diendam monialem, quæ in priori confessione
 eum sollicitavit ad turpia, quia provocatio illa
 ad malum non est sub sigillo, cum non sit pec-
 catum, quod poenitens confiteatur, sed quod
 committit in illa confessione. Lugo *disp. 23.*
n. 116. Perez *disp. 54. sect. 13. n. 11.* Dicastill.
disp. 12. n. 171. docens, Confessarium delin-
 quere contra sigillum, si omittat consueta hu-
 manitatis, & charitatis officia erga monialem,
 quæ illi confessa est, & murmuratiorem ali-
 quam contra ipsum, multo magis si se durio-
 rem, & asperiores exhibeat, quia in utroque
 casu sequeretur confusio, & displicentia poe-
 nitenti. Graff. Reginald. Trullenc. & alii re-
 lati

lati a Christophoro a S. Joseph. v. *Confessio in append. ad 3. part. de sigil. dub. 5. n. 14.*

Quar. 5. An sine fractione sigilli possit Confessarius extra confessionem cum moniali loqui de errore in confessione commisso.

Resp. De poenitentis licentia posse, sine licentia non posse. Ita communiter Doctores, quorum aliqui limitando sustinent, licentiam non requiri, quando Confessarius advertit errorem statim post impertitam absolutionem, antequam monialis surgat; censetur enim moraliter perseverare eadem confessio, dum adhuc monialis est genuflexa. Dicastil. *cit. disp. nu. 95.* qui addit, in sequenti etiam confessione de errore in præcedenti commisso posse loqui sine licentia; necessarium enim est ad meliorem instructionem, nec poenitens conqueri potest, cum locutio sit intra idem Sacramentum, & sub eodem sigillo.

In cæteris casibus ad loquendum sive cum poenitente, sive cum alio semper requiritur licentia, quæ debet esse formalis, & expressa; nam præsumpta, tacita, interpretativa, aut virtualis, etiam in bonum ipsius poenitentis, non sufficit, Fagund. *p. 2. lib. 6.* Sicuti neque sufficit, quod sit quocunque modo obtenta, sed requiritur libera, ac spontanea, non vi, dolo, injuria, vel per preces importunas, aut metum reverentialem ipsius Confessarii extorta. Henr. & Fagund. *loc. cit.* Non est opus quod semper ea licentia detur verbo, sed sufficit, quod detur facto, v. g. quod poenitens extra confessionem incipiat loqui cum Confessario de dictis in confessione, tunc enim Confessarius potest prosequi, quia factum æquivalet expressæ concessioni. Aversa, Trull. & Tamb. admonens cum Vasq. contra Suar. licentiam poeni-

tentis ad loquendum cum alio extra confessionem non se extendere ad corripiendum complicem, quamvis ad hunc effectum fuisset expresse concessa; quia sigillum non tam est in favorem pœnitentis, quam complicitis, & sic universa causa, quæ examinatur in confessionis tribunali, est strictissimo sigillo absolvenda. Neque confessio est instituta ad redargutionem complicitis, sed ad correctionem pœnitentis.

Quær. 6. Utrum Confessarius uti possit scientia habita in confessione ad bonum finem.

Resp. Negative, quoties periculum est revelationis directæ, vel indirectæ, tam alicujus peccati in confessione auditi, quam eorum, ex quibus pudor, aut damnum pœnitenti resulter. Ita Doctores, quos plena manu congerit Anton. a Spir. Sancto, *loc. cit.* n. 1548. Si enim hoc intelligeretur esse possibile, redderetur pœnitentiæ Sacramentum omnibus formidabile, & daretur animabus occasio amittendi spirituale solatium, minus fidenter, ac frequenter ad confessionem accedendo. Hinc sequitur, non posse monialium Confessarium ex scientia confessionis dicere, monialem aliquam pro tali officio non esse aptam, nec puellam pro admissione ad habitum, nec Novitiam pro professione. Neque monere Prælatum, aut Abbatissam, ut mutet claves, attollat muros, fenestras claudat, ad crates invigilet &c. etiam si hoc esset in bonum pœnitentis, quatenus scilicet ex clavium mutatione, & parietis elevatione tolleretur ipsi occasio ruinæ spiritualis. Fagun. p. 3. l. 6. c. 3. n. 9. Neque suggerere Concionatori, ut vitium aliquod in particulari reprehendat, multo minus ipse in exercitiis spiritualibus reprehendere. Malder. *de sigil.* c. 24. Neque colloqui cum Confessario extraordinario

de

de peccatis alicujus monialis, quæ utcumque ex confessione cognovit, etiam si hoc ordinaretur ad bonum regimen animæ monialis prædictæ. Bassæus v. *concessio*, 7. nu. 20. Ratio horum omnium est, quia hujusmodi locutionibus conjiceretur, eum loqui ex notitia confessionis; quod est contra sigillum.

Hoc tamen non violaretur, si Confessarius speciali humanitate, & solertiori cura adjuvaret monialem, quam ex scientia in confessione habita deprehendit, tacuisse peccatum aliquod in præteritis confessionibus propter ruborem, & pusillanimitatem. Quia præcipua ratio sigilli est, ne confessio difficilior, & gravior reddatur poenitenti, quod non accidit in hoc casu; nam monialis ægre ferre non potest, quod humaniter excipitur. Perez *supra* n. 7. Trullenc, Lugo, Bassæus, & alii.

Quar. 7. An poenitens teneatur ad sigillum.

Resp. Negative, sed tantum teneri sub secreto naturali non revelare aliquid de confessione, quo se sine justa causa infamet, vel Confessarii bonæ exultimationi detrahat, vel aliud damnum accidat. Anton. a Spiritu Sancto *loc. cit.* n. 1517. Unde non licet moniali dicere suo amasio, sibi a Confessario interdictam fuisse cum eo amicitiam, & familiaritatem, quando Sacerdoti inde crearetur periculum. Hinc quando est periculum alicujus talis incommodi ex parte monialis, potest ab illa Confessarius exigere secretum, ut cum ipsa in negotiis suæ conscientiæ liberius valeat tractare. Ita cum Maldero, Fagundez, Sylvest. & aliis Bassæus *sup.* n. 11. ubi cum Suario, Soto, & Henriquez contra Palud. & Navarr. docet teneri tantum sub secreto naturali observare ea, quæ Confessarius sub tali secreto ei aperuit.

§. X.

De Confessario quoad sollicitationem.

Quar. 1. **A**N monialis teneatur, Confessarium sollicitantem Episcopo, vel Inquisitori denunciare.

Resp. Teneri ex Constit. Gregorii XV. quæ incipit *Universi*, etiam si sollicitationi consenserit; ita tamen, ut sollicitationem, ac verba, & actus turpes Confessarii denunciaret, taceat vero suum consensum, quem non tenetur propalare, neque respondere, licet super hoc esset ab Episcopo, vel Inquisitore interrogata. Quod si dubitet, consensum posse propalari, monenda est Confessorem de hoc interrogari non posse; sicque id ex se fateatur, nullatenus esse scribendum.

Quar. 2. An monialis sollicitata satisfaciatur denunciando per epistolam ad Episcopum, vel Inquisitorem missam.

Resp. Videri quod sic; quia cum sit impedita personaliter adire, denunciando per epistolam, facit quantum in se est. Nihilominus cum communi Doctorum oppositum tenendum est, ex declaratione Urbani VIII. in literis ad Cardinalem Borromæum datis 27. Septemb. 1624. in quibus traditur forma servanda, scilicet quod denunciaret per Confessarium, qui de licentia, & juridica commissione Ordinarii, vel Inquisitoris extra confessionem medio juramento iuridice recipiet in scriptis talem denunciationem, expresso nomine, & cognomine tam personæ sollicitatæ, quam Confessarii sollicitantis, & eam mittet ad iudicem, a quo prius licentiam recipiendi talem denunciationem obti-

obtinuerat. Hodie tamen in similibus casibus consultitur Sac. Congr. Generalis Inquisitionis, quæ licentiam concedit recipiendi prædictam denunciationem sine Notario: ita vidi observatum in praxi. Instructio Confessarii pro recipiendis hujusmodi denunciationibus exhibetur a Pignateli, *t. 1. consuls. 104.*

Quer. 3. Quomodo se gerere debeat Confessarius cum moniali recusante denunciare.

Resp. Admoneat de obligatione, quæ illi incumbit, denunciandi, & quidem sub mortali, nec non de majori excommunicatione, in quam incidit omittendo denunciationem, immo quod toties in idem peccatum mortale, eandemque incidit excommunicationem, quoties moraliter potens, negligit denunciare. Lupus ex Bonacina. Ante oculos exhibeat grave animæ periculum, in quo versatur, & explicet, quibus & quot bonis privetur innodata excommunicatione. Ostendat Inquisitorum prudentiam, & dexteritatem in excipiendo denunciationem, sigillum secreti in retinendo denunciante, & benignitatem in puniendo denunciatum. Suadeat, quod denunciationis finis nihil aliud est, quam salus ipsius delinquentis, & zelus catholicæ Religionis, pro qua tuenda non tam ruborem, humanosque respectus tenemur vincere, quam sanguinem ipsum, si opus sit, effundere. Hæc, & his similia suggerat Confessarius, prout muneris sui partes, monialis imbecillitas, & charitatis ratio videbuntur postulare.

Quer. 4. An supradictæ moniali denunciare recusanti possit Confessarius protrahere terminum ultra tempus vi edicti præfixum ad denunciandum.

Resp. Non posse, quia nullam habet jurisdictionem.

ditionem super legem Superiorum, ad quorum prudentiam spectat examinare protractionis necessitatem. Putant tamen Sayrus, Freitas, Achuna, & alii apud Dianam *par. 1. tr. 4. ref. 27.* solummodo posse concedi tempus consulendi peritiores, quod tamen præstetur absque longa temporis dilatione, & interim, data fide denunciandi, absolvi posse; sicuti enim qui ob legitimam causam differt restituere, aut se judici præsentare, potest pro illa saltem vice absolvi, supposito firmo proposito restituendi, vel se præsentandi, ut primum poterit: ita a pari discurrunt citati Doctores.

Quer. 5. An Confessarius sollicitatus a moniali sit denunciandus, si in sollicitationem consentiat.

Resp. Negant Peyrin, Bonac, Portel, Castrop, Hurtad. & alii apud Leand. *tract. 5. de pœnit. disp. 13. qu. 20.* quibus assentitur Bord. Bos. Delben & probabile putat Diana *par. 1. tr. 4. ref. 10.* Primo, quia Constitutiones Pontificum loquuntur de Confessariis sollicitantibus, unde tanquam odiosæ non sunt extendendæ ad casum Confessarii sollicitati. Secundo, quia in præsentī hypothēsī cessat præsumptio, in qua fundantur dictæ Constitutiones, scilicet quod Confessarius male sentiat de fide; cum enim mulieris activa sollicitatio efficacissima sit ad inducendum in lapsum, ex factō ipso confurgit evidens argumentum, quod ex fragilitate potius, quam ex mala credentiā consenserit. Tercio, quia cum raro contingat casus mulieris sollicitantis, de hoc non censetur a Pontificibus dispositum, quia leges humanæ de his, quæ frequenter accidunt, tantum disponunt.

Neque dici potest de hoc esse aperte dispositum in Constitutione Gregorii XV. per illam clau-

clausulam, aut cum eis illicitos, & inhonestos sermones, siue tractatus habuerint. Confessarius enim consentiens sollicitationi, proprie dicitur habere inhonestos sermones, seu tractatus prætextu confessionis. Nam responderi potest, quod, cum verba illa, aut cum eis illicitos sermones, seu tractatus habuerint, subsequantur immediate ad verba sollicitare vel provocare tentaverint, ab his debent recipere interpretationem, l. Hares palam, §. sed si notam, ff. de testam. & notant Gloss. Bartol. Surd. & Mantica. quos refert, & sequitur Pasqual. in q. moral. jurid. q. 217. n. 8. Cum igitur verba illa sollicitare & provocare importent inductionem, & provocationem activam, verba quoque subsequencia, scilicet sermones, & tractatus inhonesti debent intelligi cum inductione, & provocatione activa, unde non possunt adaptari ad casum Confessarii sollicitati, & potius fuerunt addita ad maiorem explicationem, quam ad diversificandam dispositionem; quia dictio alternativa aut posita post genus, non inducit dispositionem diversam a priori, sed resolvitur in expositivam, seu declarativam. Rota part. 1. decis. 300. num. 26. recent.

His tamen non obstantibus sentio cum Leandro loc. cit. Fagundez, & aliis dictum Confessarium esse denunciandum tanquam expresse comprehensum sub clausula illa, aut cum eis illicitos, & inhonestos sermones, siue tractatus habuerint: Ita interpretante consuetudine, & praxi Tribunalis S. Inquisitionis punientis hujusmodi Confessarios, cui interpretationi standum est, quia interpretatio ex subsequuta observantia magis attenditur quam quælibet alia; sicuti pluries firmavit Rota apud Pignatell. tom. 1. consult. 82. nu. 18. Ita pari-

pariter suadente ratione; nam consensus ille expressus illicitus est, & inhonesti tractatus complementum.

Quar. 6. An in prædicto casu sit denunciandus Confessarius, si ad monialis sollicitationem nihil respondeat.

Resp. Si nullum signum approbationis exhibeat non esse denunciandum, quia tacens neque assentiri, neque dissentiri videtur *ex regul. jur. 44. in 6.* Imo in odiosis, & præjudicialibus taciturnitas habetur pro dissensu. *Flor. l. invitum de ser. urb. prad. Sicul. in c. cura de jur. pat.* Neque potest inferri consensus per hoc, quod ex officio, & ex circumstantiis loci, & actus Sacramentalis, quem exercet, teneatur monialem reprehendere, non vero tacere. Nam illa taciturnitas potest oriri vel a timore, vel a pusillanimitate, vel ab horrore, vel a confusione, quod sufficit ad excludendam præsumptionem consensus in sollicitationem; quia in conflictu boni & mali lex favet exclusioni delicti, & in dubio possibilis honesti, & possibilis inhonesti, semper capienda est interpretatio possibilis honesti, per tradita a Sperel. *dec. 175. n. 1. decis. 174. nu. 46.*

Eoque magis cessat in moniali obligatio denunciandi, quia per necesse cogeretur suam turpitudinem detegere. Cum enim, ad hoc ut iudex possit iudicium suum efformare, debeat monialis allegare in denunciatione dictum aliquod, vel factum, aut signum inductivum sollicitationis, in præsentī nihil aliud esset allegabile nisi sola taciturnitas Confessarii. Hæc autem non potest inducere sollicitationem, aut aliquod inhonestum præcise, & de per se considerata, cum sit indifferens, sed tantum ut conjuncta cum prævia monialis sollicitatione; unde ad effectum
pro-

procedendi contra Confessarium deponi deberet cum hac qualitate, quia sub hac tantum ratione esset criminosa. Ad hoc autē non tenetur monialis, quia non tenetur se ipsā prodere, *cum debeat, de elect. in 6. & DD. communiter.*

Quar. 7. An monialis monasterii Regularibus subiecti teneatur denunciare suum Generalem, si ab ipso fuerit sollicitata.

Resp. Videri, quod non; quia in delictis inferētibz suspicionem hæresis non tenetur filius patrem denunciare. Bordon. *in manual. Consultor. sect. 18. n. 40.* alios referens. Ergo neque monialis suum Generalem, qui patri æquiparatur in iure; & ideo pari punitur pœna subditus delinquens in proprium Superiorem, ac filius delinquens in patrem naturalem. *authent. ut cum de appellat. cognosc. §. causas autem vers. vita parentum.* Quare optime procedit argumentum a patre ad Superiorem, per ea quæ tradit Gratian. *discept. 436. n. 2.* Imo fortius urget, quia parentes spirituales magis venerandi sunt, quam carnales, *c. ita diligere, & c. Piracium 30. qn. 3. ubi Gloss. versu multo magis.* Rursus cessat in conjuncto obligatio denunciandi conjunctum suspectum de hæresi, si exinde notabile familiæ damnum vel in bonis, vel in honore timeretur. Ita citati a Carena *p. 2. tit. 9. nu. 12.* Cessabit igitur etiam in moniali, quia denunciatio cederet in gravissimum dedecus non unius tantum familiæ, sed universi Ordinis, cujus monialis est membrum, si caput ejusdem detegeretur tale crimen perpetrasse.

Hæ tamen futiles, & inanes rationes facile corruunt, si attendantur Constitutiones Gregorii XV. & Alexandri VII: in quarum prima expresse disponitur esse denunciandos *Regulares cujuscunque dignitatis, & præminentia,*

AUS

aut quovis privilegio munitos. In secunda vero statuit, religiosos teneri, & obligatos esse accedere ad denunciandum Ordinariis, vel Inquisitoribus locorum quoscunque, etiam Confratres, ac Superiores, etiam primarios suos ejusdem ordinis, & religionis, quos noverint esse de fide quomodolibet, etiam leviter suspectos. Unde monialis prædicta ad suum Generalem denunciandum absolute est obliganda.

Solum a Doctoribus controversitur a quo iudice sit procedendum in causa. Bordonus in *Sac. Tribun. c. 27. n. 27.* innixus dispositioni *Cap. Inquisitores 16. in 6.* sustinet, accepta denunciatione, non posse Inquisitores ad ulteriora procedere, sed admonita Apostolica Sede expectandum esse quid decernat. Posse vero absolute procedere docent alii cum Freita, & colligunt ex *Constitut. Gregorii XV.* Media via incedit Diana, concedit posse, sed non debere nisi Supremo Tribunalis prius consulto.

Quar. 8. An sit denunciandus Confessarius, qui confessionis prætextu intra clausuram vocatus a moniali se infirmam simulante, & provocatus ad turpia sollicitationi restitit; & sollicitantem objurgavit; sed quia monialis minata fuit se exclamaturam vim sibi inferri, nisi consentiret, infamiae metu consensit.

Resp. Affirmat Carena *part. 2. tit. 7. §. 19. nu. 24.* Quia vere habuit tractatus inhonestos occasione confessionis; neque considerandus est timor, quia levis est, utpote illatus a foemina. Negant absolute Sancius, Acugna, Peyrin. Trullenc. Freita, quos refert, & sequitur Leander *loc. cit. quæst. 23.* quibus subscribit Januar. *de cas. reserv. ref. 38.* Ratio est, quia consensus ad inhonesta non fuit voluntarius, sed infamiae metu extortus; hic autem

Confess. Monial.

I

me-

metus gravis est, nam viro probo gravior est ipsa morte honoris jactura, ex allegatis a Sanchez *lib. 4. de matrim. disp. 15. n. 11.* & cadit in constantem virum, licet sit illatus a foemina, quia quando agitur de minis exequendis per verba, mulier promptior, & efficacior est ipso viro. Bordon. *loc. cit. num. 245.* Neque obstat, quod sicut metus non excusat a peccato, ita nec a poena; ut habetur in *cap. sacris de iis, qua vi metusve causa.* Nam hoc procedit in foro poli, in quo quis necem potius tenetur subire, quam peccatum admittere, ut per Gloss. & Doctores in *cit. cap. Sacris.* Secus autem est in foro fori, & respectu poenae temporalis, ut distinguendo advertit Menoch. *de arbitr. jud. causa 354. n. 18. & 21.*

Censeo nihilominus cum Diana *part. 10. tr. 14. res. 40.* denunciandum esse, sed absque abjuratione dimittendum extraordinaria poena imposita, quia metus attenuat quidem culpam, sed non prorsus excludit, ut in *d. cap. Sacris*, adeoque licet excuset a quota poena, non excusat tamen a tota. Thesaur. *qq. forens. lib. 3. qu. 46. nu. 4.*

Quar. 9. An Confessarius sollicitans monialem in confessionario, sed extra confessionem, neque occasione confessionis, & sine pretextu, aut simulatione confessionis, sit denunciandus.

Resp. Divisos esse de more in hac difficultate Doctores. Negant Lupus, Bonacina, Lezana, & Bordon. in *Miscel. decis. 422.* quia extra occasionem confessionis in quovis loco, ut Confessarius sit denunciandus, necessaria est simulatio confessionis, ut colligitur ex verbis Bullae Gregorianae, ibi: *Sive extra occasionem confessionis in confessionario, aut in loco quocunque, ubi sacramentales confessiones audiuntur.*

diuntur, seu ad confessionem audiendam electo, simulantes ibidem confessiones audire. Nam hæc ultima clausula *simulantes ibidem confessiones audire* refertur ad quemcunque locum, sive sit confessionale ordinarium, sive deputatum, aut electum pro confessione, ut probatur ex generali regula, quod clausula ultimo loco posita refertur ad omnia præcedentia, *cap. inquisitioni 7. de appell.* Maxime quia si clausulæ præcedentes regulantur ab eodem verbo *audire*, debent quoque cadere sub eadem dispositione simulationis. Affirmant alii, præcipue Delbene *de off. Inquisit. dub. 137. sect. 11. in Petit. nu. 5.* Bordonus *in Manual Consult. sect. 25. nu. 49.* ubi priorem sententiam retractavit, & Naldus *in Summa v. sollicitatio in fin.* ubi testatur sic servari in sanctissima Generali Urbis Inquisitione. Alii vero media via procedentes distinguunt. Si confessionale differens sit tam ad urbane loquendum, & de aliis tractandum, quam ad excipiendas confessiones, ut moris est in pluribus monasteriis, tunc Confessarius sollicitans in tali loco indifferenti non est denunciandus ob rationes prioris sententiæ, dummodo tamen absit confessionis simulatio. Si vero confessionale nullatenus, nisi ad confessionis finem aperiatur, vel si etiam ob alium finem solet aperi, sollicitatio tamen fiat in diebus pro confessione designatis, tunc est denunciandus, quia semper ex circumstantiis intervenit confessionis simulatio, licet in Confessario desit animus simulandi. Ita Sancius *in sect. disp. 11. n. 68. in fine.*

Nihilominus a secunda sententia non est recedendum, stante Sacræ Congregat. decreto de mandato Pauli V. emanato 10. Julii 1614. quod ita habet: *Falsa relatione, quod mulier Con-*

196 *De Confess. quoad Monial. scrup.*
Confessarii tractant cum mulieribus in confessionali
extra occasionem confessionis de rebus inhonestis,
decrevit, ut contra huiusmodi Confessarios pro-
cedatur in sancto Officio. Neque valet, quod
ait Bonac. de matrim. q. 4. punct. 16. prop. 5. sci-
licet, decretum intelligendum esse ex præsum-
ptione fori externi præsumptis ex loci cir-
cumstantia sollicitationem factam esse in con-
fessionario confessionum audiendarum occa-
sione; neque quod prædictum decretum utpo-
te ante Constitutionem Gregorii emanatum
explicari debeat juxta terminos ejusdem Con-
stitutionis requirentis simulationem concessio-
nis; decretum absolute loquitur, & ideo abso-
lute intelligendum, & quatenus etiam versa-
remur in dubio, possessio stat pro decreto.
Præter quam quod etiam Constitutio Grego-
rii comprehendit huiusmodi casum, ut adver-
tit Bordon. in Manual. loc. cit. Advertit tamen
ex Eminentissimo Albicio Dandinus de suspect.
de har. c. 3. sect. 3. subiect. 5. n. 5. quod ex so-
licitatione in confessionario, vel alio loco ad
confessiones audiendas deputato, extra occa-
sionem, & simulationem confessionis, non
oritur, nisi suspicio de levi, etiam attentata
praxi Sanctæ Romanæ Inquisitionis, quia in
tali casu non intervenit veri Sacramenti abu-
sus, ut notat Hurt. resol. moral. tr. 4. c. 8. res. 34.

§. XI.

De Confessario quoad Moniales scrupulosas.

Quær. 1. **Q**uid generaliter observare de-
 beat confessarius cum monia-
 libus scrupulosis.

Resp. Attuefaciat illas, ut sibi tanquam Di-
 rectori pareant obedientia cæca, & firmiger
 cre-

credant, etiam contra gravissima, quæ habere possunt, argumenta peccandi. Sit unica earum ratio auctoritas Confessarii docentis. Nec est necesse conscientiam scrupulosam deponere, cum conscientia proprie non sit, sed vana quædam apprehensio; sed satis est quod putent, se, etiam stante suo iudicio, non peccare; & certe de facto coram Deo non peccant, quia sequentes sui Confessarii dictamen, quod probabile est, sequuntur, atque adeo prudenter operantur, Vasquez, Less. Coninch. & alii.

Dubitationes illarum in mitiorem partem semper interpretentur. Interrogationes minutiores, & fortasse necessarias pro aliis ad cognoscendas species peccatorum, non inculcet. Unde expedit aliquando, cum illis Confessarium pactum inire, ut nihil ex se confiteantur, sed tantum respondeant interrogationibus faciendis ab ipso Confessario, qui eas interrogare poterit de his, in quibus secundum earum statum potuerunt peccare, & ipsæ moniales per *est* vel *non est* respondere.

Non permittat suos scrupulos tanquam peccata confiteri, neque confessiones generales instituere, nisi certissime constet de necessitate; quia experientia compertum est, hoc esse mentem potius turbare, quam conscientie fluctus componere. Quare suadeat, ut a peccatorum præteritorum memoria perinde ac a dæmonum suggestionibus abhorreant. Si aliquando quosdam scrupulos audire velit Confessarius, iudicans id ad curationem, & illarum consolationem conferre, id faciat, protestando tamen se non ad confessionem, sed ad consilium audire.

Consulat, ut nihil iudicet esse mortale, nisi manifeste, & absque formidine cognoscat, &

aliquando etiam nisi jurare possit esse mortale. Valsq. p. 2. disp. 67. cap. 72. nn. 8. & alii. Immo hæc regula fallit in aliquibus ita scrupulosis, ut quidquid eis in mentem venit, etiam medio juramento judicent admisisse. Unde efficacior medicina erit, secundum aliquos Neotericos apud Bassæum u. *conscientia* n. 32. nulla peccata interiora habenda esse a scrupulosis ut talia, nisi quando prodeunt in actum externum, cum pro illis favorabilis est præsumptio, ipsas cogitare in crimen consensisse, cum longe a commitiendo distabant.

Quær. 2. Quas Doctorum opinionem ad sedandam conscientiam scrupulosam possit eligere.

Resp. Ex Navar. Man. cap. 27. nn. 287. Meroll. t. 1. disp. 3. cap. 3. n. 385. posse eligere quamcunque opinionem probabilem benigniorem, & favorabiliorem. Exempli gratia, Vota dubia an sint emissa, & præcepta an sint imposita non obligare, quamvis major sit in obligationis partem propensio. Sanch. Rebel. Caltrop. Confessiones absque dolore sufficienti non ex industria factas, vel dimidiatas, non esse repetendas. Merol. *loc. cit.* Non peccare eum, qui legem observat juxta communem sensum bonorum, licet is sensus laxior videatur. Leges civiles de facto, vel raro, vel certe non frequenter obligare sub mortali; ecclesiasticas item nec multo frequenter. Non enim debet existimari legislator tam rigidus, ut hominibus bonæ voluntatis peccata adscribat, poenamve decernat; neque Deum, aut Ecclesiam suis præceptis efficere velle, ut homo in stultitiam cadat, quod scrupulosis facile contingere potest. Ita ex S. Antonin. Layman lib. 1. tit. 1. cap. 6. §. 4. peccata dubia pro scrupulosis

consensenda non esse peccata . Lugo de *Pœnit.* atque adeo non esse sub obligatione Confessario aperienda, multo minus numerum dubium, vel dubias circumstantias. Suar. & Granada.

Quar. 3. Quomodo se gerere debeat Confessarius cum moniali scrupulosa dubitante præteritas confessiones integras non fecisse.

Resp. Prohibeat omnino, ne confiteatur peccata ante ultimam confessionem commissæ, quia scrupulus hoc illi ingerit, & præsumendum est, omnia peccata fuisse confessæ; tum quia, ne ipsius scrupuli foveantur, a tali confessione est excusanda, ut post Gerson. Tambur. & Reginald. *lib. 2. num. 128.* de qua re iterum *n. 131.* ubi advertit, debere Confessarium in hoc insistere, ut dictam scrupulosam capacem reddat, quod sufficit mediocris diligentia in conscientia examinanda, qua adhibita, non debet aliud metuere, cum in diligentiori examine adsit periculum faciendi odiosam confessionem, tum periculum damni ipsius poenitentis, tum summa difficultas, quæ est moralis impossibilitas; unde præstat, aliqua potius omitti, quam intolerabilia hæc damna subire. Tamburin. *in Method. expedit. confess. lib. 2. cap. 10. §. 1. nu. 22.* Immo, si sæpe solet confiteri, debet injungere, ut nullum conscientia examen præmittat; tum quia, si peccasset realiter, ob oculos certe peccatum semper haberet; tum quia tota scrupulorum vita conscientia examen est. Molina *tract. 4. disp. 13. in fin.*

Quar. 4. Quomodo se gerere debeat Confessarius cum moniali scrupulosa, quæ semper hæsitat, an in præcedentibus confessionibus, vel in præsentī habuerit verum dolorem, firmumque propositum non peccandi.

Resp. Suadeat, dolorem sufficientem in

instanti haberi posse. Laym. *lib. 5. tr. 4. cap. 4.*
 & satis esse in quolibet gradu, etiam remis-
 so. Suar. & Layman *ibidem*, nec requiri cor-
 dis quandam teneritudinem, aut lacrymarum
 compunctionem, vel dolorem alium sensibi-
 lem. Gerson, quem sequitur Reginaldus *loc.*
cir. n. 127. Item sufficere in scrupulosis deside-
 rium doloris, vel dolorem de non habendo
 dolore; quia in illis desiderium intensioris
 doloris est indicium veri doloris. Layman, *loc.*
cir. Quo ad propositum vero adimoneat, non
 necessario requiri explicitum, sed implicitum
 satis esse, hoc est illud, quod involvitur in
 ipso actu detestationis, & displicentiæ; non
 enim quis vult committere, quod ipse displi-
 cet. At quia etiam scrupulis angere potest, an
 hoc propositum habeat, quia prævidet, immo
 certo sibi persuadet, se propter fragilitatem
 suam relapsuram, munus Confessarii erit ani-
 mum illius erigere, ostendendo, quod potest
 consistere dubium, ac prævidentia relapsus in
 peccatum cum firmo proposito non peccandi;
 quia illud est actus intellectus, hoc autem po-
 steriorius est voluntatis. Sylvest. *v. confess. 1. q. 21.*
 Insuper, ut quantum fieri potest, omnis scrupu-
 li occasio tollatur, quando prædicta monialis
 non habet mortalia, eam in absolutam dimit-
 tat, & communionis sumptionem præcipiat.

Quar. 5. Quomodo se gerere debeat Con-
 fessarius cum moniali infidelitatis, & blas-
 phemiæ scrupulis vexata.

Resp. Scrupulos huiusmodi minus esse me-
 tuendos, magisque contemnendos. Granad.
1. 2. tract. 12. disp. 5. nu. 8. quia malum il-
 lud, in quod prolabi distamus, minus timo-
 ris incutere consuevit. Unde infidelitas, &
 blasphemia, sicuti utpote spiritum respi-
 cien-

cientes non tantum delectant, ita minus periculi ingerunt. Monialem igitur scrupulis hujusmodi vexatam exprobrare expediet, quod parum fidat, divinam potentiam præesse omnibus nolentibus fidem deferere. Moneat, quod tantum abest, ut ex rebus divinis dubitationem nec minimam concipiat, quin potius ex angoribus animi, & voluntatis reluctantis afflictione desumatur violenta præsumptio firmitatis fidei in ipsa.

Quar. 6. Quomodo se gerere debeat Confessarius cum moniali scrupulosa, quæ dubitat, consensum cogitationibus inhonestis præstitisse.

Resp. Suadeat, ut cum talibus cogitationibus non disputet, nihil illis respondeat, illasque despiciat; horror enim erga illas, & displicentia sunt sufficienter argumentum, consensum non præstitisse. Quare non sinat monialem nimis descendere ad particularia, neque permittat de istis cogitationibus confiteri, nisi ut supra diximus, adeo certa sit de consensu, ut etiam jurare possit. Caveat Confessarius moniali hujusmodi imponere, ut, quando a dictis cogitationibus agitur, signo crucis in corde, capitis agitatione, tunctione pectoris, vel alio corporis gestu illas conetur depellere, quia experientia docuit, talium actuum frequentiam plurimas ad insaniam, nullas vero ad conscientie tranquillitatem adduxisse. Unde consultius erit, ut diximus, quod parvipendat. Ad quod obtinendum juvabit, modo asperis, modo blandis verbis suadere monialem, ut firmiter credat, quod Confessarius, qui rationem de ea reddere debet, non parvipenderet, si illas gravia esse peccata cognosceret.

Quar. 7. Quomodo se gerere debeat Confessarius cum moniali scrupulosa in horarum canonicarum recitatione.

Resp. Jubeat absolute, ut abstineat a reiteratione officii, vel aliquam ejus partem, quam reliquisse putat, etiam si hic scrupulus obrepat, dum recitat officium, sed audacter ad sequentia pergat. Navar. & Reginal. quia semper minor illi tranquillitas ex secunda, & tertia recitatione, quam ex prima. Suggestat, ne sit nimis circa attentionem sollicita, quia ipsa attentio ad distractionem vitandam, distractionem parit. Nam ut optime advertit Cajet. 2.2. q. 83. art. 17. dum scrupulosi volunt esse attentii, habent potius attentionem ad intentionem habendam, taliter quod intentio sit objectum tantum suæ attentionis, quam ad verba distincte, & reverenter dicenda. Doceat itaque attentionem externam satis esse, unde & posse voluntarie distrahi. Coninch. Layman. Hurtad. & alii. Quod si ista non juvant, sed adhuc scrupulis, & anxietatibus premitur, potest Confessarius præcipere, ut ab officii recitatione tantisper supersedeat, donec a suis anxietatibus sit libera. Gobat. t. 1. tract. 9. cas. 23. sect. 2. nu. 714. Quia graves scrupuli juncti magnis anxietatibus sunt revera magnum malum, tam animi, quam corporis, & vere majus quam nonnullæ ex iis infirmitatibus, quas magni nominis Doctores admittunt pro excusantibus.

Quar. 8. Quomodo se gerere debeat Confessarius cum moniali scrupulosa reconfitente peccata venialia.

Resp. Ex Gerson. & Rodriq. optimum remedium esse, quod non curret, peccata hæc saltem particulariter confiteri, nisi aliqua
quæ

quæ videntur graviora, reliqua omnia breviter, & succincte in confessione aperiat. Nimia enim talium peccatorum sollicitudo animam turbat, non sedat; ideo melius est dimittere conscientiam suam in pace super his, recogitando, quod in præsentī statu naturæ lapsæ, secundum communem Theologorum sententiam, moraliter impossibile est, sine speciali gratiæ privilegio omnia peccata venialia vitare. Prædicta igitur monialis bono animo sit; attendat suam vilitatem, & miseriam, attendat simul & pietatem Dei, atque immensam misericordiam, quæ animæ vere pœnitenti, & ab omni peccato plene averſæ non potest non succurrere, atque ignoscere.

Quar. 9. Quomodo se gerere debeat Confessarius cum moniali scrupulosa pluries ad ipsum revertente priusquam ad communionem accedat.

Resp. Moneat, quod tam anxiosa sollicitudo versuria diaboli est, qui, dum suggerit sæpius reverti, distrahit animam a devotione; & sub majoris munditiæ prætextu surripit tempus illud, quod ad tanti Sacramenti præparationem deberet impendi. Quare talis anxietas, & inquietudo, ne dum non juvat, sed impedit Dei in nobis operationem per suam gratiam; nam, ut recte notat Gerson. *in tr. de divers. diab. tentat. lit. B.* immoderata illa puritatis cura, ac peccati nimius timor ei non placet, quia quandiu Deum ita timemus, non videmur eum satis diligere, habentes illum de nimia severitate suspectum. Unde fit, ut inani metu concepto minuatur fiducia accedendi ad communionem nobis tantopere necessariam.

Ostendat igitur moniali, majorem pro Eucharistia suscipienda dispositionem oriri man-

dati Confessarii obediendo, quam in scrupulosa suae conscientiae repurgatione immorando. Nemo enim per suam diligentiam quantumvis summam absque speciali Dei revelatione potest eo pertingere, ut certo sciat quod sit in gratia. Unde ad Sacramentum illud omni veneratione dignissimum fructuose sumendum sufficit certitudo moralis seu quod tantam diligentiam impenderit in repurganda conscientia, quantam adhibuisset in opere faciendo, ex quo maximum lucram speraret. Item exponitur, quod ex repetito ad Confessarium accessu non solum non fit animus quietior, sed ut ipsa experitur, magis, ac magis perturbatur.

Quare Confessarius monialem hanc graviter arguat, & revertentem expellet; & si forte asserat peccata venialia habere, quae clavibus subdat, salutare erit proponere quod ex Conc. Trid. *sess. 14. c. 5.* venialia taceri possent in confessione sine culpa, neque impediunt effectum gratiae Sacramentalis, ut testantur plurimi cum D. Thom. 3. p. qu. 79. art. 8; Præterquam quod possunt multis aliis modis extra confessionem deleri, nempe digna Eucharistiae sumptione, aquae benedictae asperzione, orationis Dominicae recitatione, & devota pectoris unctione. Hostien. in *summit. de Poenit. & remis. §. de quibus peccatis.*

Quar. 10. Quomodo se gerere debeat Confessarius cum moniali dubitante de sua salute, quia se carere dulcedine spirituali in omnibus actibus experitur.

Resp. Ostendat Confessarius, quod dulcedo spiritualis, & sensibilis cordis mollities non sunt efficacia, & infallibilia signa charitatis, ut quae reddunt hominem perfectiorem. Multoties motus naturæ sunt, & proinde etiam in pec-

peccatoribus reperiuntur. Neque e contrarietas signum peccati est, aut reprobationis argumentum. Item, quamvis dulcedo illa, sensibilisque devotio jubent ad bonum, & perfectionem; tamen propter nostram fragilitatem saepe sunt occasiones periculi, & presumptionis; ariditas vero animam collocando in spiritu humilitatis, Deo, qui humilia respicit, magis approximat. Immo gravior est illi anima in tali desolatione, quam si magna devotione affluaret; quia in pressura non ita facile quis se ipsum, vel sua querere potest, sicut in sensibili devotione. In hac nanque saepe se natura immisceet, & dum immodice anima delectatur, maculam contrahit.

§. XII.

De Confessario quoad Moniales habentes visiones, revelationes, & apprehensiones supernaturales.

Quar. 1. **Q**uomodo se gerere debeat Confessarius cum moniali dictos favores experiente.

Resp. Benigne illam excipiat, ne austeritate occasionem tacendi præbeat, patienter audiat, & solerter interroget, ut bene, & exacte spiritum illius, omnesque cordis affectus valeat penetrare. Non per hoc quod videt in illa aliquam imperfectionem, statim eam de malo spiritu condemnent, ut advertunt S. Theresia *mans. 6. cap. 1.* & *Planes in exam. revelat. lib. 3. cap. 23. §. 1.* Neque tamen revelationes, aut visiones statim approbet. Jubeat potius, quod de talibus favoribus non curet; ostendendo illi, quod virtus in his non consistit, sed in operibus bonis, & in augmento gratiae, & charitatis. *Quia*

revelat.

revelatio aliquando facta est malis hominibus, ut Balaam, Caiphæ, & aliis; augmentum vero gratiæ solis justis conceditur.

Quare ostendere debet, se propter tales favores illam non æstimare, nec reputare ut Sanctam; imo potius ex quacunque levi occasione eam reprehendat, & humiliter, adeo ut concipiat directorem illam parvi pendere, & de suo spiritu dubitare. *Planes loc. cit. §. 5.* Prudenter tamen in hoc se gerat Confessarius, ne nimiam afflictionem moniali ingeneret, & ne ad desperationem adducat, juxta monitum Pauli ad *Thesalonic. 5. Spiritum nolite extinguere: prophetias nolite spernere: quod bonum est, tenete.*

Quar. 2. Quomodo possit distinguere revelationes, & visiones veras a falsis.

Resp. Ad orationem recurrat, & fidenter gratiam discretionis spirituum a Deo petat, qui maxime solet illam concedere his, quibus ex officii, & dignitatis ratione animarum incumbit cura. Delrius *disq. magic. lib. 4. q. 3. sect. 1. lit. E.* Assiduis precibus piam diligentemque Sacræ Scripturæ considerationem adjungat; ex illa enim effulget cognitio discernendi a falsis veras visiones, & prophetias. SS. PP. quoque, & historiæ Ecclesiasticæ lectio plurimum conferet. Humilitas præ omnibus directori est necessaria, quia Deus abscondit hæc a sapientibus, & prudentibus, & revelat ea parvulis. Denique prudenti, & multiplici mentis scrutinio res tota examinanda. Ad quod juvabit sequentia perpendere, scilicet; personam revelantem; qualitates monialis, cui fiunt revelationes, & visiones; res revelatas; & effectus ex revelationibus, & visionibus resultantes.

Quar. 3. Quid examinare debeat ex parte personæ revelantis.

Resp.

Resp. Examine quos motus causet in anima, quia bonus Angelus in principio hortatur ad bona, & perseverat in eis; sed malus in principio tendit in bonum, sed postea instigat ad malum. Ita D. Thom. *ad 2. Epist. D. Pauli ad Corinth. c. 11.* Item bonus Angelus quamvis in principio terreat, statim consolatur, & confortat; malus autem stupefacit, & desolatum relinquit. Perpendat insuper, in qua figura appareat; quia si se exhibet in forma bestiarum, & monstruosa, vel si apparet in forma humana, aliqua tamen præferat vel curiosa vel deformia, ut si corpus sit atrum, foetens, gibbosum, nares simæ, aut nimium aquilinæ, oculi inflammantes, & similia, tunc Angelus malus est judicandus.

Quar. 4. Quid examinare debeat ex parte monialis, cui fiunt revelationes, vel visiones.

Resp. Examinandam esse corporis constitutionem, an redundet atra bili, vel melancholia, quia talibus humoribus laborantes solent vehementer esse imaginativæ, atque adeo eorum mentes multis, & fixis phantasmatibus figillantur. Considerandum, quam valetudine gaudeat, an corporis habitus sit plus æquum media difformatus, an cerebro læsa, an imaginationis turbida, quia similes ex nativa læsione, vel ab extrinseco accidenti hujusmodi visa experiri possunt, quod solet phreneticis, & epilepticis accidere; ætatis quoque consideratio habenda; nam si senex, suspicari possumus a capitis debilitate delirium; si juvenis, a cordis levitate periculum.

Juvabit etiam inclinationem bene scrutari; quia, ut ait S. Leo, *diabolus causas quarit nocendi, ubi quæque viderit occupari.* Unde si monialis, cui accidunt hujusmodi visiones,

aff-

affecta sit ad has apprehensiones, regulariter procedunt vel a se ipsa, vel a dæmone; quod ut dignoscatur, debet Confessarius ei præcipere, ut de talibus non curet; nam si hoc mandato tristatur, & in Confessarium invenitur, signum est vel a se ipsa, vel a dæmone visiones hujusmodi esse confictas; qui enim Spiritu Dei aguntur, non tristantur ex Directoris mandato, sed conformantur.

Refert insuper considerare qualis sit, ac fuerit dicta monialis, qualiter erudita, quibus assueta, cum quibus conversata, quibus delectata; an singularia quædam affectet poenitentiae, ac devotionis signa, per Superiores Ecclesiasticos non approbata; utrum sit in spiritali exercitatione veterana, an vero novitia tantum; quia, ut ait Gerson, novitius fervor cito fallitur, si caruerit regente, præsertim in adolescentibus, & sceminis, quarum est ardor nimis avidus, varius, effrenus, ideoque suspectus. Unde attendendum est, an si adhuc imperfecta & adhuc in via purgativa, præcipitet se per unitivam, aut statim ac orare incipit, sine præparatione idonea præsumat se habere tantum passive, nihilque ex sua parte operans influxum divinum expectet.

Observandum præcipue, an obediens sit suo Superiori, Confessario, ac Directori; si enim in hoc deficit, exponit se manifesto periculo errandi, quia separat se a gubernio capitis sui, & impedit medium, per quod Deus vult suam lucem communicare. Item, an suas revelationes, aliaque dona revelet pluribus, an suo Confessario tantum intra Sacramentum confessionis; nam si eas divulgat, signum est non dari ibi Spiritum Dei, sed spiritum vanitatis, & superbiæ. *Planes lib. 3. c. 16. §. 2.* Item, si cum

fr cum Confessario, vel Directore continuis colloctionibus intendat sub prætextu nunc crebræ confessionis, nunc longæ narrationis visionum, & apprehensionum suarum, nunc alterius cujuslibet confabulationis. Expertis credite, nominatim Augustino, & Bonaventuræ, inquit Gerson, vix est altera pestis vel efficacior ad nocendum, vel insanabilior.

Quæ. 5. Quid examinare debeat ex parte ipsius revelationis.

Resp. Examinare debet primo, an aliquid contineat falsitatis; si enim aliquid habuerit quantumvis minimum, non est Dei revelatio, sed dæmonis, vel a propria imaginatione conficta. Quia in Spiritu veritatis non datur locus alicui, etiam minimæ falsitati. Ad cognoscendum autem, an veritas integra in revelatione reluceat, videndum est, an sit conformis Sacræ Scripturæ, an contineat aliquid contra fidem, aut bonos mores, & veram Theologiam, traditiones Ecclesiæ, & doctrinam communem SS. PP. Nam si in aliquo ex his contraverit, talis revelatio falsa, & illusio. *Plan. cit. c. 10. §. 1.* Secundo ponderandum, an talis revelatio sit necessaria, & de materia gravi; quia revelationes quæ docent res inutiles, leves, & quæ non sunt ad rem, sunt illusiones. Debet etiam adverti, an afferat verba adulationis, quia Spiritus Dei adulator non est. Tercio revelatio quæ detegit culpas, & peccata proximi est valde suspecta, præcipue si aliqua vox sive interior, sive exterior prædicta peccata propalans audiatur: quæ jubet reprehendere delinquentem, si inde persona, cui fit revelatio, concipiat despectum illius, de qua facta est revelatio, maxime si reprehensio fieri debeat alicui Prælato, vel Sacerdoti, aut personæ, cui
spe

specialis debetur reverentia. *Planes lib. 3. c. 11.* qui pariter valde suspectam reputat revelationem, quæ exhortatur ad rem aliquam in se quidem bonam, sed singularem, ut si suaderet monialem ad quotidie in communitate jejunandum in pane, & aqua; singularitas enim illa non posset transire sine scandalo; nisi tamen accederet Superioris, aut Confessarii approbatio. Idem asserit de revelatione suadente opus bonum, quod esset alterius melioris boni impeditivum.

Quar. 4. Quid observare debeat Confessarius ex parte affectuum resultantium ex ipsis visionibus, & revelationibus.

Resp. Inspiciat, an hujusmodi communicationes excitent in anima facilitatem ad virtutem, & bona opera, desiderium efficax, & determinationem patiendi pro Christo, propositum dimittendi consolationes sæculi, contemptum sui, & cognitionem propriæ miseriæ. Quando enim Deus alicui communicatur, magis homo cognoscit suam nihilitatem, & miseriam. Quamvis etiam aliquando diabolus falsam inspiret humilitatem, & aliquando lacrymas excitet sensibilis devotionis, ut postea suos imprimat perniciosos effectus, qui certe dignosci possunt, si moveant voluntatem ad hujusmodi internas communicationes plurimi æstimandas, eis tenaciter adhærendo.

Item, an relinquat pacem, lucem, & certitudinem; nam malus spiritus, licet a principio causet certitudinem, hæc statim perit, & intrat turbatio. An post hujusmodi favores Dei amorem cum summa ipsius reverentia experia-
tur. Si enim hæc in se sentit, signum est esse a Deo; secus si anima inveniat arida, & ad vanitatem propensa. Discutiat insuper an hæc do-

na sint cum cruce, & mortificatione conjuncta, vel antecedenter, vel concomitanter, vel consequenter. Nam donantur ad manifestationem fidei, & utilitatem Ecclesiæ; fides autem manifestatur in mortificatione, & patientia christiana; his enim crescit maxime christiana religio.

Denique inspiciat, an occupet animam magnus Dei timor, & tremor, quo mediante roboretur, ne in aliquo etiam minimo delinquat, & fiat cautior, & vigilantior circa proprias obligationes, ne Deo displiceat. Hic optimus effectus est, quia conformis illi monito Apostoli ad Philip. 2. *In timore, & tremore, salutem vestram operamini.* Econtra vero si consurgat magna fiducia, & facilitas absque circumspeditione, & timore, a malo spiritu est operatio; malus enim spiritus aufert ab anima timorem Dei, ut ad peccatum inducat, prout egit cum Eva illis verbis, *Nequaquam morte moriemini.*

Quær. 7. An ad experiendum prædictæ monialis spiritum possit Confessarius illam Eucharistiam petentem, decipere, porrigendo hostiam non consecratam pro consecrata.

Resp. Negative per tradita a Suarez, Pace Jord. Regin. & aliis apud Dian. in opere coord. 2. 2. tr. 2. resol. 31. & desumitur ex c. de homine de celebrat. missar. ubi Pontifex loquens de Presbytero ad evitandum scandalum celebrante, & fecte consecrante, decernit, *falsa esse abjicienda remedia, qua veris sunt periculis graviora.* Et quidem in nostro casu fieret periculum idololatriæ; si enim monialis esset fortasse bono spiritu destituta, crederet hostiam sibi porrigi consecratam, adeoque panî puro exhiberet cultum debitum soli Deo. Et quamvis respectu monialis, ratione ignorantiae, idololatria illa esset materialis, respectu ta-

men

212 *De Confessario extraordinario.*
 men Confessarii esset formalis, quia prævifa,
 & voluntaria; sicuti esset formale, & culpabi-
 le homicidium respectu aliquem inebriantis,
 si prævidisset ebrium exponendum esse proba-
 bili periculo illud perpetrandi, quamvis ex
 parte ipsius ebrii esset tantum materiale. Qua-
 re prædictam fictionem non esse licitam, ab-
 solute sustinendum, maxime stante Decreto
 Innoc. XI. damnantis in propositione quin-
 quagesima simulatam Sacramentorum admi-
 nistrationem, adeoque simulationem in admi-
 nistratione Sacramenti Eucharistiæ, prout ad-
 vertit Cardenas, *ad prop. 50. disert. 20. c. 3. n. 27.*

§. XIII.

De Confessario Monialium extraordinario.

Quæst. 1. **A** Quo eligi, & approbari de-
 beat Confessarius extraordi-
 narius monialium, etiam Regularibus subje-
 ctarum.

Resp. Confessarius extraordinarius pro mo-
 nialibus Episcopo subjectis, ab eodem Episco-
 po eligitur, & approbatur. Et toties appro-
 bari debet, quoties deputatur, nec sufficit,
 quod sit semel approbatus, nisi pro iis, quæ
 obtinuerit indultum S. Pœnitentiariæ eligen-
 di ex approbatis pro monialibus semel tan-
 tum. Pro monialibus vero Regularibus sub-
 jectis approbatur ab Ordinario juxta resolu-
 tiones dubiorum Sac. Congreg. super Con-
 stitutione Gregorii XV. attamen deputatio,
 regulariter loquendo, debet fieri a Superio-
 re Regulari; nam Tridentinum *sess. 15. c. 10.
 de regular.* statuit deputandos esse ab Episco-
 po, & aliis Superioribus respective ad mo-
 nasteria sibi subjecta. Nec per Constitutionem
 Gre-

Gregorii XV. aut aliunde est ipsis talis facultas adempta; & ideo si Episcopus absque iusta causa non approbaret, peccaret mortaliter. Pasq. in *Lauret.* n. 39. quia indirecte jurisdictionem Regularium impediret. Non per hoc tamen Confessarius sic injuste reprobatus posset confessiones monialium audire, ut habetur ex propositione 23. in ordine inter damnatas ab Alexandro VII.

Dixi deputationem in monasteriis exemptis fieri debere a Superiore Regulari *regulariter loquendo*, quia in aliquibus casibus potest Episcopus deputare Confessarium Sæcularem, & Regularem, etiam alterius religionis, monialibus exemptis; quando scilicet nulla ratione induci possunt, ut peccata sua Regularibus confiteantur, Sac. Congreg. in *Regien.* apud Pignat. t. 8. *consult.* 53. n. 5. vel si injuste denegetur Confessarius a proprio Prælato Regulari, eadem Sac. Congr. ex Naldo, v. *Episcopus* n. 13. Verum advertit Pignat. *loc. cit.* debere Episcopum uti prædicta facultate cum magna discretionem, & ubi de animarum periculo agitur, ne detur causa monialibus liberius agendi contra suos Superiores.

Quær. 2. Quot vicibus in anno debeat concedi monialibus Confessarius extraordinarius.

Resp. Ex Trident. *loc. cit.* bis, aut ter in anno debet offerri. Et hoc etiam si occasione alicujus Jubilæi fuerit alia vice concessus, quia privilegium, & gratia Principis debet aliquid operari; nihil autem operaretur, si in illis tribus vicibus computaretur concessio facta virtute Jubilæi. Neque Prælatus in alicujus criminis poenam potest pro prædictis tribus vicibus Confessarium denegare, cum hoc illis competit virtute Tridentini; privilegium autem a
Supe-

Superiore concessum non potest per inferiore[m] neque tolli, neque restringi, nisi de ipsius Superioris interpretativa voluntate, quæ in præsentî casu non potest præsumi; tum quia non desunt aliæ poenæ, quibus monialium delicta corrigantur; tum quia, ordinarie loquendo, non omnes solent esse in delicto participes, atque adeo delinquentium poenam portare non debent insontes.

Quer. 3. An Episcopus possit per plures vices, quam ter in anno, Confessarium extraordinarium monialibus concedere.

Resp. Ex Bordon. & Diana p. 7. tr. 8. ref. 28. posse. Quia omne id censetur concessum, quod non reperitur expresse prohibitum, maxime quando versamur in materia animæ favorabili, c. *consultis*, 2. qu. 5. Neque Tridentinum statuendo quod bis vel ter in anno offeratur Confessarius extraordinarius, limitat ad tres vices tantum Superioris facultatem, sed tantum indicat, quod per pauciores non possit.

Quer. 4. An Episcopus possit deputare Confessarium extraordinarium pro moniali particulari.

Resp. Universaliter loquendo non posse. Sac. Congr. Episcop. in *Panormitana* 27. Maji 1603. Neque perpetuum, neque ad tempus; eadem Sac. Congr. in *Jannensi* 27. April. 1657. Nisi per Sacram Pœnitentiarîam pro una vice tantum, vel de licentia Sac. Congr. ut declaravit die 1. Sept. 1645. Verum Bord. in *Miscel. dec.* 254. sustinet debere quandoque Episcopum concedere certæ moniali petitem Confessarium, ut liberius suæ conscientiæ possit consulere, maxime si monialis rarissime illum petit, & petitus Confessarius est vitæ spectatæ. Censetur enim justa causa expurgatio propriæ con-

conscientiæ cum majori libertate, quod præcipue attendendum est respectu monialium, quæ ex verecundia solent sæpe ea peccata reticere, quæ sine verecundia commiserunt. Hinc colligit idem Bord. *dec. 47.* posse a fortiori concedere specialem Confessarium moniali laboranti in extremis, quia, cum in tali periculo animarum salutis omnibus mediis sit succurrendum, talis ingressus est rationabilis, juxta exigentiam *c. uni de statu Regul. ia 6.* & necessarius, juxta *Trid. sess. 25. c. 5.* Immo potest concedere, etiam si monialis illum petat, non pro peccatorum confessione, sed pro animæ suæ solatio, quia tale periculum consolatione indiget.

Quar. 5. An moniales possint recusare Confessarium extraordinarium a Superiore oblatum.

Resp. Si loco ipsius alium petant, non possunt recusare, nisi allegata causa recusationis, ut diximus, cum de Confessario ordinario; Si vero illum recusent, nullum alium loco ipsius petendo, possunt sine causa recusare, quia Confessarius extraordinarius inductus est in earum favorem, quisque autem juri suo potest sine causa renunciare. Bordon. *ubi sup. dec. 166.* Hinc sequitur, non teneri singulas moniales eidem confiteri, cum verba illa Concilii, *qui omnium Confessiones audire debeat*, non imponant obligationem; nam verbum *debet*, quando respicit personam, de cujus favore agitur, non importat necessitatem, ut notant Felin. & Tusch. relati a Pasqual. *loc. cit.* solummodo prædicta verba innuunt, quod extraordinarius non possit deputari pro aliquibus, & non pro cæteris, sed pro omnibus sit deputandus, ita ut omnes, si velint, possint confiteri. Ex præcepto tamen Sac. Congreg.

greg. Episc. tenetur omnes coram Confessario extraordinario se præsentare, ne discerni possit, quænam sint, quæ ipso indigent, & quæ non.

Quar. 6. An moniales tempore Jubilæi possint eligere in Confessarium Sacerdotem non approbatum in specie ad audiendas monialium confessiones.

Resp. Non posse, firmanr Molfesius, Alphons. de Leon, Faustus, & Polac. quos refert, sed non sequitur Bordon. *Miscel. dec.* 21. Ratio est, quia vigore Jubilæi non possunt eligi ad confessiones monialium, nisi approbati ab Ordinario; sed qui generaliter approbati sunt ad confessiones sæcularium, nequaquam censentur approbati ab Ordinario ad confessionem monialium, ut expresse statuitur in *Const. Clem. X.* quæ incipit, *Superna*: Ergo qui generaliter sunt approbati ad confessiones sæcularium, non possunt virtute Jubilæi eligi ob confessiones monialium; quod patet etiam ex declaratione Sac. Congreg. missa ad Episcopum Abulensem anno 1593. & relata ab Arauxo in *Select. tract.* 1. q. 8. *sect.* 3. nu. 15. in qua habetur, quod approbatus ad audiendas confessiones certi generis personarum, vel in certa Ecclesia, non censetur approbatus simpliciter, ac proinde quod non potest virtute Jubilæi eligi ad audiendas confessiones aliarum personarum, aut extra Ecclesias ipsi designatas.

Quar. 7. An monialibus, quæ ratione infirmitatis Confessarium extraordinarium adire non potuerunt, ubi convaluerint, teneatur Episcopus Confessarium extraordinarium concedere.

Resp. Non teneri, contra Pellizarium; quia Concilium nihil aliqd disponit, nisi quod confess-

fessarius extraordinarius omnibus offeratur:
 quotiescunque autem exhibetur communi-
 tati, quæ omnes moniales repræsentat, pro
 omnibus exhibetur. Neque obstat, quod
 prædicta dispositio non possit sortiri suum
 effectum quoad infirmas, utpote adire Con-
 fessarium impeditas. Nam finis Concilii fuit
 consulere quidem singulis monialibus, sed
 non uti singulis, & divisive, sed ut unum cor-
 pus constituentibus, & collective. Cum enim
 verba illa, *qui omnium confessiones audire de-
 beat*, ita debeant accipi, ut Confessarius sit
 deputandus pro omnibus, non pro singulis, ut
 ex Pasqualig. supra retulimus, clare patet,
 quod mens Concilii fuit providere pro omni-
 bus collective, non divisive. Quod etiam de-
 claratur ex praxi; nullibi enim, quod ego vi-
 derim, pro huiusmodi monialibus, ubi con-
 valuerint, Confessarius extraordinarius depu-
 tatur, praxis autem est optima cujusvis dispo-
 sitionis interpret, *l. si de interpretatione, ff.
 de legab.* Mantica & alii apud Gonz. *super Regul.
 Cancell.* §. 1. n. 40. Præter quam quod dispo-
 sitio potest sortiri suum effectum etiam quoad
 infirmas, quia infirmitatis impedimentum
 est rationabilis, & necessaria causa conce-
 dendi Confessario ingressum in clausuram.

Quar. 8. Quibus temporibus, & ad quot
 dies Prælati monialium debeant Confessa-
 rium extraordinarium deputare.

Resp. Cum Tridentin. nihil determinet ne-
 que circa tempora, in quibus fieri debet depu-
 tatio, neque circa dies pro audiendis confes-
 sionibus concedendos, utrūque a Prælatorum
 pendet arbitrio. Praxis tamen fere communis
 quoad primum est, ut dicta deputatio fiat in
 unoquoque quadrimestri, quare cujusque diœ-

cessis servanda consuetudo, cum hæc vim habeat legis. Ex quo fit, quod si moniales tribus primis mensibus anni peterent Confessarium extraordinarium pro illis vicibus, quibus conceditur a Concilio, non tenentur Prælati illarum annuere petitioni. Quoad secundum vero non una in omnibus diocesis servatur regula; nam alicubi determinantur quindecim dies, alibi laxior dierum indulgetur mensura, & aliquibus in locis nulla fit temporis præfinitio. In hoc, crederem, monasteriorum habendam esse rationem, & juxta perfectionem, & regularum observantiam, nec non majorem, vel minorem monialium numerum, tempus esse indulgendum, ad hoc ut Confessarius majori diligentia, & monialium utilitate possit suum munus obire.

Quær. 9. Antepus, v. g. quindecim dierum concessum ad audiendas monialium confessiones incipiat currere a die expeditæ licentiæ, vel a die incepti exercitii confessionum; & an illi quindecim dies debeant esse continui, vel possint sumi interpolati.

Resp. Quando non obstat vel consuetudo, vel statutum aliquod particulare, incipere a die coepti exercitii. Quia tempus respiciens actum incipit cum ipso actu, ut tradunt Gloss. in c. *Anteriorum init.* II. q. 6. Imola, Baldus, & alii. Unde cum tempus quindecim dierum respiciat exercitium confessionum, debet incipere ab ipso exercitio. Non tamen per hoc quindecim dies debent sumi interpolati, sed continui; quia, licet concessio sit facta quoad exercitium, attamen quo ad durationem coarctat exercitium tali tempori; unde exercitium semel inchoatum sequitur naturam temporis; tempus autem de sui natura dicit continuitatem,

tem, præcipue quando est determinatum a lege, vel statuto, *l. Genero, & de his, qui not. infam.* & observant Lupus, Albert. Vella, & Bord. Verum quidem est, quod tempus quindecim dierum non est ita stricte sumendum, ut ad decem, & septem non possit extendi, ob regulam illam juris communiter receptam, dies termini non computantur in termino, quæ in præsentī materia, utpote favorabili animæ, est admittenda.

Quar. 10. An Confessarius extraordinarius elapso termino possit absque nova licentia audire monialis confessionem tempore habili incoeptam, quæ vel ratione alicujus casus reservati, vel ratione majoris discussionis, non potuit intra præfixum tempus compleri.

Resp. Posse, & ita tenere debent Henriq. Rodriq. Sanch. Bossius, & alii relati a Pasq. *de Jejun. dec. 160. nu. 5.* quatenus asserunt, quod, quando durante Jubilæo confessio Sacramentalis est incoepta, si Confessarius non potuit absolvere poenitentem, quia habet casus indigentes discussione, potest absolvere a reservatis elapso Jubilæo, etiam si prius non abstulerit reservationem; quia, quando causa est coepta, partes acquirunt jus ad terminationem ipsius, non obstante, quod deberet expirare jurisdictio delegati, *c. licet undique, c. gratum, c. relaxum, de offic. deleg.* & notat Sanctarel. *de jubil. c. 8. dub. 7.* alios citans. Cum igitur etiam in nostro casu acquisitum sit jus ad confessionem complendam, eo ipso, quod est incoepta debito tempore, poterit compleri, quia censetur prorogari tempus, donec confessio compleatur. Quod etiam potest præsumi ex benigna Superioris voluntate.

Quar. 9. An Confessarius extraordinarius

possit absque speciali licentia celebrare in Ecclesia monialium, ad quarum confessiones audiendas est deputatus. Immo & iis ministrare Eucharistiam, & concionari, durante facultate ad confessiones.

Resp. Videri, quod sic; quia cum Confessarius ordinarius monialium sit illarum Parochus, & earum Ecclesia dicatur quasi Parochialis, Bordon. *Miscel. dec.* 129. Confessarius quoque extraordinarius, durante illius munere, censendus erit pro illo tempore Parochus, cum succedat in locum, & jurisdictionem Ordinarii. Unde poterit in monialium Ecclesia, tanquam in sua Parochiali, celebrare, Eucharistiam ministrare, nec non coram illis concionem habere, cum hæc omnia ad munus pastorale pertineant. Nihilominus, nisi concurrat consuetudo, & ex circumstantiis possit præsumi voluntas Superioris, oppositum sustinendum puto, quia celebrationis, communionis, & concionis actus sunt diversi ab exercitio confessionis; a diversis autem non fit illatio. Et hoc præcipue attendi debet quoad actum concionandi, ut optime advertit Tambur. *de iur. Abbat. disp.* 16. q. 9. n. 1. Tum quia praxis communis est in contrarium, tum quia ex reprehensione facta alicujus defectus inter concionandum, alicui moniali minus prudenti, & plus æquo suspicari potest suspicionem ingerere, se loqui ex notitia habita in confessione, cujus rei cavenda est etiam qualibet remotissima suspicio, ne moniales neque in minimo possint diffidere de sigillo. Vide Pignatel. *t. 8. consult.* 62. n. 33.

CAPUT VII.

De Monialium obligatione
quoad Clausuram.

§. I.

De Clausura in communi.

Quar. I. **Q**uid veniat appellatione clausuræ.

Resp. Venire totum illud spatium monasterii, ad quod liber est accessus ipsis monialibus, & non sæcularibus personis. Clausura consistit in indivisibili; quare si monialis ad unum, vel duos pedes exeat, quamvis statim regrediatur, clausuram violat. Item si ambobus pedibus se transferat extra januam limites clausuræ terminantem, etiam si sit intra illius spatium, quod est intra monasterii portam clausam, & inter aliam sæcularibus patentem. Ita Rodriq. & Sanch. in *Sum. c. 15. n. 7. l. 6.* Item si appenso fune ex liminari ostii clausuræ monasterii, eaque manibus apprehensa se toto corpore a terra elevatam agitet motu reciproco, modo intra clausuram, modo extra. Item si ascendat arborem positam in horto monasterii, & procedat ad ramum omnino prominentem extra murum clausuræ. Neque excusari potest præfata monialis ratione parvitatis materiæ, quia clausura, ut diximus, certis terminis definitur, quos æque excedit is, qui a monasterio longe recedit, ac qui ad duos pedes egreditur. Ita Bonac. *tr. de Claus. q. 1. pun. 4. n. 2.* Contrarium docent Naldus, *v. clausura, n. 1.* Grassius, &

Merolla, quod non admittit Sanch. *lib. 6. c. 16. n. 30.* ubi tantum concedit materiæ parvitatem in ingressu, vel egressu semipleno, nempe quando pars corporis est intra, pars extra, ita ut non referat, si major pars sit intra, aut extra; nam cum totum corpus non est intra, aut extra, perfectus egressus, aut ingressus non datur. Quare non violat clausuram monialis si ascendat murum monasterii, eique virili more quasi equitans insideat.

Quar. 2. An limen ostii sit intra, vel extra clausuram.

Resp. Afferunt aliqui apud Sanch. *loc. cit.* esse intra clausuram. Negant alii, quia limen ostii partim est intra, partim extra clausuram. Distinguunt alii, si clauso ostio limen remaneat intra, erit comprehensum in clausura, si vero extra remaneat, dicetur extra clausuram, ut per Bart. *in l. 1. ff. de clonac. dec. 402. n. 11.* Eodem modo aliqui discurrunt de rota; unde monialem, quæ se ponens in rota eam volvit ad partem exteriorem, ad quam accedunt sæculares, non tamen egrediendo e rota, alii absolvunt, alii condemnant, præcipue Comitok. apud Bonac. *loc. cit.* ubi advertit, quod monialis forte graviter peccat ratione alicujus periculi moralis.

Quar. 3. An tectum sit extra clausuram.

Resp. Negat Diana, & cum illo plures alii *p. 5. r. 13. res. 88.* At affirmative respondit Sac. Congregat. dum mandavit absolvi cum poenitentiis salutaribus quasdam moniales, quæ bona fide ascenderant supra tectum ad siccanda frumenta, & pastas ab ipsis elaboratas, sive ad videndum quoddam festum, cum speciali prohibitione illuc ultra ascendendi propter quamcunque causam. Ita

in Comensi 18. *Sept.* 1609. & *in Lycien.* 16. *Septemb. ejusdem anni.* Bonac. vero, & Sanch. *loc. cit.* distinguendo sustinent, quod si tectum monasterii corraspondeat spatio extra clausuram, censetur extra clausuram; secus vero si spatio intra clausuram corraspondeat: quia tunc reputatur quædam pars monasterii.

Quar. 4. An monialis urbanitatis, vel curiositatis gratia egrediens e proprio monasterio, & in aliud contiguum ingrediens, violat clausuram.

Resp. Non videtur violare formaliter, sed tantum materialiter; clausura enim est locus ille, qui janua clausa continetur, ad quem sæcularibus non patet accessus, ut ex Gregorii XIII. Constit. colligunt Sanch. *in decal. lib. 7. c. 15. n. 6.* Donat. *t. 3. tr. 3. q. 1. n. 5.* & Mendo v. *monast. n. 3.* Unde clausura duo dicit de suo formali, nempe quod sit locus, qui janua clausa continuatur, & quod sit locus, ad quem sæcularibus non pateat accessus; adeoque violatio formalis, & perfecta est egressus e loco, qui janua clausa continetur, ad locum, ad quem sæcularibus pateat accessus. Hujusmodi autem non est egressus monialis ad monasterium immediate contiguum, quia est egressus de clausura ad clausuram. At violare formaliter clausuram censeo cum Pelliz. & Bord. quia monialis non proficitur clausuram in communi, sed propriam sui monasterii. Tum quia sicut unum monasterium constituit diversam communitatem ab alio, nec cum alio communicat in regimine; sic etiam constituit diversum locum, juxta ea, quæ notant Abbas *in c. nimis de jure jur.* Card. *in Clem. 2. §. 1. q. 4.* & consequenter cum alio non communicat in clausura. Quare monialis prædicta est rea violatæ formaliter clausuræ, &

quidem dupliciter, sunt enim duo actus, egressus videlicet, & ingressus, unde etiam duplicem contrahit excommunicationem, prout rescripsit Sac. Congr. Archiepiscopo Panormitano 21. Augusti & 14. Septemb. 1699.

Quar. 5. An Clausura sit juris naturalis, divini, vel humani positivi.

Resp. Esse juris humani positivi, constat ex pluribus decretis, & Constitutionibus summorum Pontificum, ut videre est apud Nald. v. *clausur. n. 4.* & Cherubin. Et expresse clausuram istam imposuit Tridentinum *sess. 25. c. 5. de regular.* Cum igitur clausura sit juris humani positivi, sequitur, quod a clausuræ legibus excusabuntur moniales in iis locis, ubi præcepta clausuram indicentia non sunt recepta, vel ubi contraria consuetudine sunt legitime abrogata. Azor. & Sanchez, quos refert, & sequitur Bon. 9. 1. *pun. 3. n. 2.* Quod tamen non procedit quoad illas moniales, quæ sub expresso voto se obligant ad clausuram.

Quar. 4. Quibusnam competat monialium clausuram tam formalem, quam materiale custodire.

Resp. Jus cogendi moniales Episcopo subiectas ad observantiam clausuræ spectare ad ipsum Episcopum auctoritate ordinaria. In monasteriis vero sedi Apostolicæ immediate subiectis spectare ad Episcopum auctoritate delegata. Quoad moniales autem Regularibus subiectas, certum est, Episcopum nullum jus habere auctoritate ordinaria; ideo enim vocantur exemptæ, quia non subduntur jurisdictioni Episcoporum ordinariæ.

Quar. 7. An saltem competat Episcopis custodire clausuram in monasteriis exemptis auctoritate delegata.

Resp.

Resp. Auctores Regulares rationibus, & auctoritatibus Doctorum ducti mordicus sustinent, nullam Episcopis esse delegatam jurisdictionem super moniales exemptas etiam in ordine ad clausuram. Ita Navar. Sanch. Tamburin. Miranda, Pellizar. & alii, & hanc sententiam probabilem putat Thom. Delbene *de Immunit. c. 14. dub. 22. n. 20.* Nihilominus certissime tenendum est, competere Episcopis auctoritate delegata monialium exemptarum clausuram tam materiale, quam formale custodire. Clare habetur ex Constitutione Gregorii XV. quæ incipit *Inscrutabili*, & Sacra Congreg. pluries censuit, *licere Episcopo quoties opus esse judicaverit, monasteria monialium Regularibus subiectarum quoad clausuram visitare, monialesque ipsas in his, quæ ad clausuram pertinent alloqui, & examini subicere absque Regularium interventu, & ipsis inconsultis, & scribens Archiepiscopo Mediolanensi dixit: Episcopus visitans clausuram monialium Regularibus subiectarum potest ipsas examinare in his, quæ pertinent ad clausuram, & potest etiam sermonem habere ad moniales intra, vel extra ad crates, & Sacramenta ministrare, die 23. Martii 1578. & die 24. Aprilis 1579.*

Quod autem custodia clausuræ in monasteriis exemptis demandata sit etiam formaliter, habetur ex Sac. Congreg. Episc. & Regular. quæ censuit, quod *moniales Regularibus licet subiectas alloqui nemo possit absque licentia Episcopi vel ejus deputati, die 24. Augusti 1594. quod censuit etiam in Urbinat. die 13. Martii 1663.* Cum enim quæreretur, *an in edicto, quod nemo ingrediatur monasteria monialium, vel cum ipsis loquatur sine licentia Archiepiscopi, possint comprehendi moniales Sanctæ Clara*

*exempta a iurisdictione Archiepiscopali, Sacra
C. respondit affirmative.* Demum hoc de-
claravit Sacra Congreg. Concil. approbante
Clem. IX. die 11. Maii 1669. quod Decretum
confirmatum etiam fuit ab Innoc. XI.

Quær. 8. An prædicta facultas competat
locorum Ordinariis cumulative quoad Supe-
riores Regulares, vel privative.

Resp. Spectare cumulative. Ita Sac. Con-
greg. Episc. in *Fossanen.* 31. Augusti 1658. inde-
pendenter tamen a Superioribus Regularibus;
ita quod Superior Regularis non possit præ-
tendere visitare velle clausuram monialium
sibi subjectarum simul cum Episcopo, vel
assistere ejus visitationi. Eadem Sac. Con-
gregat. in *Fulginaten.* 10. Januarii 1648.

Quær. 9. An, si aliquod monasterium ha-
beat privilegium, quod non possit nisi semel
ab Episcopo visitari, hoc tamen non obstante
visitari possit, si occurrat aliquod fortuitum,
ratione cujus probabiliter timeri possit, quod
clausura falsa sit aliquod detrimentum.

Resp. Posse visitari. Ita Pasquali in Lau-
ret. num. 29. Quia privilegium, quod possit
tantum semel visitari, non excludit casus ex-
traordinarios, pro quibus visitatio clausuræ
est moraliter necessaria. Cum enim valde in-
ter sit monasterio, & utilitati singularum mo-
nialium perfecta observantia clausuræ, ver-
geret in detrimentum monasterii, si non
posset applicari remedium, quod a Concilio
institutum est pro tali observantia; & ideo
talis applicatio non excluditur a privilegio,
quod cum sit concessam in commodum, &
favorem monasterii, non debet effectum con-
trarium operari, juxta regulam juris, l. *Nul-
la jurisd. ff. de legib.*

Quær.

Quar. 10. Quomodo monialium clausura debeat custodiri.

Resp. Monialium clausura ita debet custodiri, ut sit circumsepta altis mœniis, ne a vicinis, quicumque isti sint, & ex eorum ædibus monasteria inspiciantur. Et ideo pro opportuno remedio potest Episcopus extollere murum viridarii Regularium, sumptibus, cui de jure, Sac. Congreg. Concil. in *Urbinate*, 10. Martii 1663. & claudere fenestras saltem vitreis speculis, si non respondeant in clausuram, ita ut non possint aperiri. Ita etiam fenestræ omnes, quævis, & quævis alia foramina Regularium respicientia in hortum, & clausuram monialium, omnino claudenda sunt. Sac. Congr. Episc. in *Amerina* 23. Decemb. 1603. nulloque modo debet esse prospectus in monasteria monialium, & e contra, ne quidem a fenestris turris campanariæ alicujus Ecclesiæ vicinæ, ut in *Portugalen*, 16. Aprilis 1605. sed pleno muro fenestræ debent obstrui, ut in *Aquitana* 31. Julii 1612. etiam illæ, quæ sunt in monasterio monialium per quas videre possunt, ac videri, ut in *Parmensi* 28. Novembris 1636. Quinimo prohibetur monialibus sub gravibus poenis usus telescopii, seu conspiciilli tabulati longioris, ut in *Anconitana* 1. Octobris 1647. Nec alicui debet permitti ædificium tollere, si per illud habeatur prospectus in monasterium, ut in *Interamnensi* 15. Maji 1612. suntque demolendæ mansiones constructæ in viculo intermedio, & claudendum est ambulacrum, quod a recto monasterii imminet, eique prædominat, ut in *Affisien*. 11. Junii 1653. non obstante qualibet appellatione, vel recurso, ut in *Conversanen*. 8. Augusti 1653.

Quar. 9. Quænam veniant nomine monialium, quæ clausuram servare debeant.

Resp. Venire omnes illas foeminas, quæ professionem emittunt in religione approbata & in congregatione vivunt, cujuscunque Ordinis sint. Unde si aliqua foemina solemnem professionem faceret hac conditione, ut in domo propria manerent, non tenerentur ad clausuram, quia jura obligant ad clausuram moniales in congregatione viventes. Contrarium dicendum est de illis, quæ in Congregatione vivunt, quamvis tempore professionis habuerint animum non se obligandi ad clausuram, cum onus clausuræ non oriatur a voluntate monialium, sed ex dispositione summorum Pontificum moniales professas ad clausuram obligantium. Videatur *Miranda tract. de monial. q. 1. art. 4. concl. 5.* Foeminae vero, quæ non sunt veræ moniales, quamvis aliqua vota simplicia emittant, clausuræ legibus non ligantur, etiam si vivant collegialiter, atque sub obedientia vel spontanea, vel etiam privato voto, aut pacto promissa, nisi tamen habuerint statum ab Ecclesia pro religioso approbatum, & in eo tria vota substantialia emisserint. Solummodo tenentur ad observantiam Constitutionis S. Pii V.

§. II.

De Licentia ad ingrediendam clausuram requisitam.

Quar. 1. **C**uinam competat concedere licentiam ad ingrediendam clausuram.

Resp. Soli Episcopo competere jus concedendi licentiam ad ingressum auctoritate qui-

quidem propria in monasteria sibi subiecta, auctoritate vero delegata in iis, quæ Romano Pontifici immediate subsunt. Quoad monasteria vero exempta, & Regularibus subiecta, licet Franciscus Leo, Quaranta, & alii, immo & Sac. Congreg. Concil. antiquitus tenuerint ad Superiores Regulares spectare licentiam huiusmodi concedere, nihilominus eadem Sac. Congreg. sub die 13. Novemb. 1610. statuit, & decrevit, ut, *doinceps intra huiusmodi septa nemini ingredi, nec alloqui liceat, nisi licentia concedenda in casibus necessariis, quæ moniales respiciant, ne dum a Superioribus Regularibus dictorum monasteriorum, sed etiam a locorum Ordinariis obtenta fuerint, non obstantibus quibuscunque contrariis, legibus, statutis, & consuetudinis immemorabilibus.* Immo eadem Sac. Congr. sub die 21. Maii 1630. Urbano VIII. approbante, statuit, & decrevit, in illis locis, in quibus adest consuetudo, ut licentiæ huiusmodi ab Episcopis tantum concedantur, talem consuetudinem esse observandam, & ipsorum Episcoporum tantummodo licentias sufficere etiam privative quoad ipsos Regulares. Idem fuit resolutum in *Auximana die 15. Julii, & in Perusina die 12. Augusti 1645.*

Quer. 2. Quinam alii possint prædictam licentiam concedere.

Resp. Posse Vicarium Generalem, si ad hoc habeat speciale mandatum; non enim sufficit generalis facultas, ut declaravit Sac. Congreg. teste Suarez de Relig. t. 4. tract. 8. lib. 1. cap. 10. nu. 11. Capitulum quoque, Sede vacante, ejusque Vicarium etiam quoad monasteria exempta, quia succedit etiam in jurisdictione delegata, quando hæc est in perpetuum commissæ muneris Episcopali, ut di-

xinus

ximus c. 6. §. 2. qu. 2. Item Episcopum electum, & confirmatum, quamvis non consecratum, cum possit jurisdictionem exercere; *cap. transmissam de elect.* tum Abbates sæculares, tum similes Abbates inferiores habentes jurisdictionem quasi Episcopalem, si habeant monasteria sibi subiecta, *Cassian. a S. Elia v. Clausura n. 114.* Ubi viget consuetudo, quod Superiores Regulares concedant dictam licentiã pro monialibus sibi subiectis, pollent hac facultate Provinciales, quia veniunt nomine Superiorum, cum sint veluti Episcopi quoad jurisdictionem respectu suorum subditorum, non vero veniunt Prælati locales. Poterunt tamen Generales, vel Provinciales committere hanc facultatem alicui Prælato locali; qui item sit Prælatus localis monialium; secus non possent committere, ut advertit *Suar. loc. cit. cap. 10. n. 14.* quia Tridentinum vult, solis Superioribus hanc facultatem competere, tales autem simpliciter dicuntur illi, qui sunt in capite. Oppositum sustinet *Pasqual. in Lauret. n. 31. Quar. 3.* An Abbatisa possit dictam licentiam concedere.

Resp. De jure ordinario non potest. Ita *Monach. cap. periculosus n. 1. & 2. de statu regular. in 6. Dominic. num. 10. Franc. num. 5. & alii*, quia illius est licentiam dare, cujus est clausuram indicere; potest tamen ei competere per delegationem Superioris, *ex cap. 1. de stat. regular. in 6.* & tradunt *Navar. Graff. & Manuel*, quos refert, & sequitur *Sanchez loc. cit.* Nunquam tamen ex natura rei excluditur Abbatisa, aut monasterii consensus ultra Superioris facultatem ad ingrediendam clausuram, quamvis sit dabilis casus, quod Prælatus possit licentiam concedere, ac cogere, ne mo-

nia

niales ingressum impediunt, & hoc pendet ex modo jurisdictionis: & causæ hic, & nunc occurrentis. *Cassian. sup. nu. 105.*

Quer. 4. An licentia ingrediendi monasteria monialium debeat esse in scriptis.

Resp. Affirmative. Constat ex illis verbis Concilii, *Licentia in scriptis obtenta*. Et proinde deficiente scriptura, licentia erit nulla, quia non servabitur forma in concessione a Concilio præscripta; ablativum enim absolutum importat conditionem, *l. a testatore, ff. de condit. & demonstr.* & notant communiter Doctores; & proinde importat etiam formam. *Bald. in Auth. Marri & Avia. Surd. cons. 371. n. 69.* & ideo in forma specifica impleri debet; ita ut si non impleatur, actus sit nullus. *Merlin. dec. 247. n. 10.* Hinc si Superior generalem licentiam ingrediendi concedat omnibus illis, quos Abbatisa, vel Confessarius necessarium esse judicaverit, debet in scriptis hanc concessionem facere, quia illa concessio est vera licentia pro ingressu. Ita *Sanch. & Castrop. p. 3. disp. 49. 10. §. 2. nu. 6.* Verum si quis ingrediatur coenobia monialium cum licentia oretenus tantum concessa, non peccare mortaliter, nec poenas incurrere, sentire videtur *Sousa*, quia defectus scripturæ censetur levis. Immo *Homobonus, & Bellochius*, quos refert, & non rejicit *Diana p. 3. tr. 2. res. 129.* docent absolute non requiri licentiâ in scriptis, nisi quoad forum exterius; nam in interiori animæ foro, in quo veritas attenditur, sufficit, ut consensus jure naturali requisitus interveniat. Quod admittit etiam *Lamas in Methodo curat. in append. §. 6.* quando causa est clara, ut in ingressu Confessoriorum, Medici, Chirurghi, & aliorum hujusmodi Confessoriorum monialibus, quia omnes isti excipiuntur.

tur in cap. periculoso, juxta Gloss. v. causa de stat. Regular. in 6. Attamen illas excipi, negat Sanch. ubi supra nu. 33. quia Concilium absque ulla exceptione licentiam in scriptis requirit.

Quar. 5. An hujusmodi licentia debeat esse specialis.

Resp. Affirmative, ita ut non sufficiat, si facultas alicui concedatur ad quoscunque actus, quos Superior potest concedere, habetur expresse in d. cap. periculoso, nisi speciali licentia. Non tamen per hoc est invalida licentia generalis, ut omnes Medici, Chirurghi, bajuli, alique similes ingrediantur; quia licet sit generalis quoad personas, tamen est specialis quoad licentiam ingressus. *Miranda de Monial. q. 2. art. 4.*

Quar. 6. An in aliquo casu possit quis ingredi clausuram sine licentia nec in scriptis, nec oretenus concessa.

Resp. Posse, quotiescunque ex dictæ licentiæ expectatione grave damnum immineret. Non enim lex humana obligat cum eo rigore. Navar. Graff. & communiter. Unde si contingat, quod aliquis Sacerdos simplex sive Regularis, sive Sæcularis vocetur ad ingrediendam clausuram, ut confessionem monialis ex inopinato casu morientis audiat, vel extremam unctionem administret, potest, & tenetur ingredi, confessionem excipere, ac extremam unctionem ministrare. Similiter in casu incendii, ruinæ monasterii, violentiæ illatæ, & similium eventuum, licitum est monasteria ingredi absque licentia.

Quar. 7. An saltem in prædicto casu postulanda sit licentia ab Abbatisa.

Resp. Si Abbatisæ commissa sit facultas licentiam concedendi, certum est ab Abbatisa

tiffa esse expostulandum. Si vero talis facultas non sit commissa, variant Doctores, an ejus sit postulandus consensus. Affirmant Rodriq. & Sanchez, quia credendum est, Prælatum pro his casibus urgentibus quibus consuli non potest, vices suas Abbatissæ commisisse, ut sic majori cum decencia ingressus fiat, & quoad fieri potest, lex de præmittenda licentia observetur. Sed cur in his casibus sustineri non potest, Superiorem, immo & Papam immediate licentiam impertiri cuicunque alteri ad occurrendum monasterii indigentis necessario? Ideo non esse postulandum ab Abbatissa talem licentiam, docent Navar. Graff. & plures alii.

Quar. 8. An licentia absolute, & indefinite concessa extinguatur prima vice.

Resp. Castropal. *loc. cit.* & alii putant pro una vice tantum valere, tum quia est dispensatio in lege, & ideo stricti juris, tum quia sermo simpliciter prolatus præsertim in odiosis intelligitur de unica vice, l. *Boves*, §. *hoc sermone*, ff. *de verb. significat.* Contrarium sustinent alii, præsertim Januar. *de casib. reserv. res.* 28. quia sermo indefinitus æquivalet universali. Censeo cum Pasqual. *in Laurent. n. 31.* §. *est etiam*, quod inspicienda sit causa, quæ moveat ad concedendam illam licentiam, quia accipit declarationem ab ipsa; quare si causa requirit plures actus, eandem extensionem recipiet etiam licentia. Hec tamen doctrina non habet locum in licentiis concessis a Papa, quia ut plurimum non respiciunt indigentiam monasterii, sicuti respiciunt licentiæ concessæ ab Episcopo, vel aliis Superioribus, quæ concedi non possunt nisi ex causa necessaria, unde illæ debent strictè interpretari. Quare si Pontifex concedat alicui,

234 *De Causa concedendi licentiam.*
cui, quod tribus vicibus ingredi possit tria monasteria, non poterit ingredi tribus vicibus singula monasteria, sed semel tantum, quia numerus trium respondebit numero monasteriorum. Ita declaravit Paulus V. in Constitut. quæ incipit *Facultatum* sub die 1. Sept. 1608.

S. III.

De Causa requisita ad concedendam dictam licentiam.

Quar. 1. **Q**Uænam causa requisita ad hoc, ut dicta licentia concedi possit.

Resp. Debet esse causa necessaria, ut habet Concilium, quæ deficiente licentia erit nulla ex defectu potestatis, quia conceditur solum pro casibus necessariis. Ista autem necessitas, non est necessarium, quod sit absoluta, sed sufficit quæcunque necessitas, quæ, attentis circumstantiis, exhibeat rationabilem causam. Quia decretum Concilii sumit declarationem a jure communi; de jure autem communi sufficit rationabilis causa, quæ debet esse manifesta, ut *in cit. cap. periculoso*; & ita cum aliis notat Tamburin. *disp. 24. q. 1. nu. 1.* & Barbof. *loc. cit. nu. 48.* Sufficit tamen quod sit manifesta soli Prælato, quia solius Prælati est justitiæ causæ judicare. Ita cum Lezana, Bonac. & Rodriquez, Delbene *de immunit. c. 19. dub. 39. n. 3.* ubi addit sufficere quod sit manifesta soli Prælato moraliter, idest quod probabiliter judicet, esse justam, quia in moralibus probabilitas sufficit ad recte operandum; secus si causa fuerit tantum dubia. Sanch. Tamburin. & Barb. *loc. cit.* ubi dicit minorem causam requiri pro ingressu foeminarum, quam viro-
rum.

rum, & pro Ingressu diurno, quam nocturno, quia minus est indecens; & pro ingressu matris, aut sororis, vel alterius consanguineæ, quam extraneæ, quia magis pietatem concernit; & pro ingressu in priora receptacula, quam in officinas interiores, & cubicula, quia minus clausuram offendit. Hoc tamen non placet Bonac. *de claus.* q. 4. *punct.* 4. n. 2. Quia monialium clausura formaliter violatur tam ingressu sociinarum, quam virorum, & tam ingressu ad loca prope januam, quam ad longe remota.

Quar. 2. An necessitas, quæ requiritur ad concedendam licentiam, debeat se tenere ex parte monasterii, vel sufficiat, quod se teneat ex parte extraneorum.

Resp. Necessitatem debere se tenere ex parte monasterii, nulloque modo sufficere, quod sit ex parte extraneorum. Bonac. *loc. cit.* n. 8. Quia ingressus in monasterium tantummodo permixtus videtur ob monasterii utilitatem, seu necessitatem, nisi jus naturale, aut divinum aliud suadeat. Sac. Congreg. in *Ravennaten.* 9. *Septemb.* 1611. Unde non licet Episcopis licentiam concedere, vel permittere mulieribus ex causa litium matrimonialium, vel adulteriorum, aut dissensionum inter viros, & uxores, ut securitatis gratia sequestrentur apud monasteria monialium. Immo ingredienti etiam ex tali causa, & cum huiusmodi permissione, vel licentia incidere in excommunicationem a Concilio impositam, tradit ex Sac. Congr. in *Salamantina*, Diana *par.* 3. *tr.* 2. *res.* 30. quam licentiam Sacra Congregatio raro, & cum difficultate concedit. Pro casibus tamen repentinis præcisæ necessitatis consuevit ab Ordinariis, & Legatis anticipari licentiam obtinendo pro aliquo parvo numero

mero, *in d. Ravennat.* Neque talis licentia concedi potest ad effectum collocandi in monasterio virginum aliquam mulierem, ne revertatur ad vomitum, *in Mediolanen.* 18. *Aug.* 1588. Neque ad docendum aliquam artem, puta serici, vel texturæ, nisi cum conversa perita non poterit reperiri, *in Mediolan.* 11. *Martii* 1586. *ac alibi.* Neque regulariter ad conficiendum panem, *in Ravenn.* 15. *Julii* & 19. *Augusti* 1603. Neque aquam inferendi gratia, ingredientium, & egredientium mulierum continua conversatio permittenda est, sed intus accommodentur cisternæ, *in Alatren.* 3. *Maji* 1603. Multo minus videndi comedias, vel repræsentationes recitatas a monialibus, neque de licentia Ordinarii, *in Anconitana* 4. *Septemb.* 1627. Possunt tamen Ordinarii jure proprio, puellas, de quibus controvertitur, in monasteriis collocare ad tempus, donec lites finiantur. Pignatell. 7. 8. *conf.* 47. *num.* 42. *ex Sac. Congreg.*

Quar. 3. An qui licentiam ingrediendi obtinuit ex justa causa, quæ suberat tempore concessionis licentiæ, sed tempore ingressus cessavit, tutus sit in conscientia ingrediendo.

Resp. Ex Bonacina *loc. cit.* *num.* 19. negative, quia cessante causa dispensationis, cessat dispensatio. Neque pariter est tutus in conscientia ingrediens cum licentia ex falsa causa concessa, licet tempore ingressus justa causa superveniat; quia cum hujusmodi licentia ob defectum causæ fuerit nulla, superveniente causa non validatur; quod enim ab initio nullum est, tractu temporis non convalescit. Neque licitus est ingressus, si Superior conscius nullitatis causæ, nihilominus licentiam concedat. Quia ad validitatem licentiæ non sufficit libera voluntas concedentis, sed volun-

luntas prudentis arbitrio accommodata, ut bene Menoch. *lib. 1. de arbit. q. 8. n. 45. c. 49.* Tum quia talis licentia est irrita, quia deficit conditio, scilicet iusta, &urgens causa, sub qua conceditur Episcopis facultas tales licentias concedendi, *ut in cit. c. periculoso*, deficiente autem conditione deficit concessio. Menoch. *cons. 134. n. 30.* Si tamen, qui licentiam obtinuit ingrediendi sine iusta causa, bona fide ingressus est, excusatur a peccato, & a censuris; quia bona fides ab humanarum legum transgressione excusare solet.

Quær. 4. An qui clausuram ingressus est cum iusta causa, & licentia, peccet contra obligationem clausuræ, & censuris afficiatur, si finito ministerio, cujus causa ingressus est, statim non egrediatur.

Resp. Aliqui, inter quos Bordon. *ref 76. n. 74.* Sanchez, & Zerola, docent, non violare clausuram, etiam si ibi multum immoretur, quia clausura non violatur, nisi quando quis sine debita licentia ingrediatur: Alii vero peccare censent mortaliter, quia, finito ministerio, cessat finis concessionis, & dispensationis præcepti; addunt tamen, non incurrere censuram aliquam, seu pœnam, quia ista est imposita ingredientibus sine legitima licentia, & iusta causa. Miranda, Rodriq. Barbof. *loc. cit. n. 56.* & alii, qui volunt, hoc non esse ita strictè intelligendum, ut quælibet brevis mora peccatum mortale constituat; quia hæc præcepta morali, & non metaphysico modo sunt intelligenda. Immo Diana *p. 3. tr. 2. ref. 51.* cum aliis excusat etiam a veniali breviter immanentem ex motivo curiositatis, aliquantisper divertendo ad invisendas officinas. Brevis autem mora censetur esse, quæ non excedit quæ-

238 *De Claus. quoad ingress. Pralat.*
quadrantem horæ. Sic Villalob. in *sum. 2. 28*
tract. 35. diff. 49. num. 1.

Quar. 5. An ingrediens cum legitima licentia ex causa necessaria, sed simul habens intentionem turpiter loquendi, vel congregandi cum moniali, delinquat contra præceptum clausuræ.

Resp. Graviter quidem peccare, sed contra præceptum clausuræ non delinquere, quia prava intentio non tollit priorem causam ingrediendi, ob quam Superior licentiam concessit. Ita videntur sentire Zerola, Sanchez, & Rodriq. apud Bonacinam *loc. cit.* ubi addit, quod non improbabiler dici potest, peccare etiam contra præceptum clausuræ, quia licet ingressus non sit illicitus ex priori causa, est tamen talis ex posteriori.

§. IV.

In Clausura quoad ingressum Pralatorum.

Quar. 1. **I**N quibus casibus possint Episcopi, vel Superiores ingredi monialium clausuram.

Resp. Visitationis gratia, seu alterius rei necessariæ ingredi possunt monasteria monialium sibi subjectarum; similiter ut visitent officinas, dormitorium, cellas, supellectilem, aut ad ædificium construendum, vel ruinam minans. Et tandem in iis casibus necessariis, & urgentibus, in quibus licentiam aliis dare possunt; si enim possunt in his dispensare cum aliis, cur etiam non poterunt cum se ipsis? Miranda de Monial. *qu. 2. ar. 14. concl. 11.*

Quar. 2. An possint ingredi clausuram sub
præ-

prætextu interveniendi electioni Abbatissæ,
aut examinandi moniales particulares.

Resp. Non posse sub pœnis a sacris Canonibus, & Constitutionibus Pontificiis latis, præsertim Greg. XIII. *const.* 8. & *const.* 27. incipien. *Deo Sacris*. Ratio est, quia prædicta peragi possunt ad monasteriorum crates. Sac. Congreg. Concil. in *Siracusana* 16. Octob. 1600. Barbof. v. *monialium clausura circa ingressum* n. 2. Limita tamen cum Lantusca in *Theatr. Regul. v. Clausura monial.* n. 1. nisi Prælati prudenter judicent, non posse dictam electionem canonice fieri ipsis non intrantibus, ob inquietudinem monialium, & suspicionem subornationis votorum inter ipsas subortæ, aut ob alias causas justas a Superioribus prudenter examinandas. Ita etiam Barbofa *de jur. Eccles. lib.* 1. c. 44. n. 171. ubi fatetur, Sac. Congreg. die 13. Novemb. 1583. decrevisse, non posse ingredi Superiores monialium monasteria sibi subjecta prætextu dandi habitum Novitiis, vel illas ad professionem recipiendi, aut Abbatissas consecrandi, vel solemniter velum concedendi monialibus. Ex quibus deducit Sanchez, non esse integrum Episcopis ingredi, ad Sacramentum Confirmationis ministrandum alicui moniali, nisi in periculo mortis.

Quær. 3. An Cardinales, & Episcopi ordinarii locorum ingredi possint clausuram monialium sibi non subditarum in eorum dioecesi sub aliquo prætextu etiam visitandæ clausuræ.

Resp. Non posse; quod probatur *ex cap. periculoso*, & ex Conc. Trident. *sess.* 25. *de reform. cap.* 5. Et signanter de Episcopis resolvit Barbof. *de Potest. Episc. alleg.* 102. n. 42. cum ibi adductis, & Aldan. in *compend. can. resol. lib.* 3. tit. 20. n. 8. testatur sic resolutum in una

Januen. 10. Maji 1631. Neque Cardinales Legati habent potestatem visitandi moniales, & ingrediendi clausuram, *ut in Bononien. 30. Septemb. 1650.* approbante Innocentio X. Neque Vicelegatus potest ingredi sine Episcopi licentia, *ut declaravit Sac. Congr. Episc. 9. Martii 1604.* Neque Inquisitores, nisi ex causa S. Officii, ex Congr. S. Officii 16. *Februarii 1628.* Neque Magistratus, & deputati ad curam monialium debent ingredi cum Episcopo, nisi eos elegerit; ex eadem Sac. Congr. 1. *Martii 1581.* Neque permittere debet Episcopus deputari a Civitatibus aliquos, qui comitentur Visitatores Monialium Regularibus etiam subjectarum, prout decrevit eadem Sac. Cong. 12. *Jan. 1616.*

Quar. 4. Quibus in casibus Generales, Provinciales, & Visitatores possint intrare monasteria monialium sibi subditarum.

Resp. Extat circa hoc Const. Alexandri VII. quæ incipit *Felici*, in qua sic habetur. *Infra fines Italia, & Insularum adjacentium Generalibus, Provincialibus, Abbatibus, & quibuscunque aliis Superioribus Regularibus alioqui cura, & regimen monasteriorum Sanctimonialium quovis modo incumbit; intra septa eorundem monasteriorum nullatenus ingredi liceat, nisi ex causa Visitationis localis, & hoc semel tantum in anno, ita ut in anno, in quo unus ex memoratis Superioribus visitaverit, alius Superior a Visitatione hujusmodi se omnino abstineat. Quod si ob clausuram, quæ a Sancta Tridencina Synodo, etiam in monasteriis exemptis, cura, & vigilantia Episcopi in primis committitur, aut ob aliam urgentem, ac necessariam causam oportuerit Superiorem Regularem eodem anno pluries ingredi septa monasterii; tunc non aliter ingrediatur; quam cum presentia Episcopi*

scopi Diœcesani, vel alterius persona Ecclesiastica saculari boni exempli, ac matura ætatis ab ipso Episcopo ad hoc specialiter deputata. Visitet autem Superior Regularis interiorem clausuram per se ipsum, non autem per alium, etiam si fuerit legitime impeditus; quo casu differatur visitatio in aliud tempus, quo cessaverit impedimentum, & visitationem celeriter, & unica die, debita tamen cum diligentia absolvat, nec post occasionem protrahat, neque ipse Visitator, neque ejus Socii ullam sumant in monasterio refectionem.

Hinc clare deducitur, non posse Generalem Ministrum Fratrum Minorum ingredi monasteria monialium S. Claræ, quando ibidem celebrare voluerit, vel proponere Sororibus verbum Dei. Quod etiam adnotavit Barbosa *d. delegat. 102. nu. 45.* tum ex Gregorii XIII. *cit. Constit.* in qua revocantur omnia privilegia, tum quia celebrationem, aut prædicationem verbi Dei intra monasteria fieri non est necessarium, siquidem per fenestellam videre, audire possunt ipsæ moniales. Ingressus autem non conceditur nisi ex causa necessaria: quare Superiores ingredientes incurrerent pœnas, de quibus *in d. Constit.*

Quar. 5. Quot personas secum possint ducere Prælati Regulares in actu visitationis monasteriorum Sanctimonialium.

Resp. Ex cit. Constit. Alexandri VII. Si visitet Generalis, potest secum habere duos Socios sui ordinis; si alius à Generali, unum tantum, exclusis omnibus aliis etiam ratione officii. Qui quidem Socii assumantur exemplares, & maturæ ætatis, & in actu visitationis a Visitatore nunquam separentur, sed eum aspicere, & ab ipso aspici semper possint. Ac præterea Visitatori assistant quatuor

Confess. Monial.

L

mo-

242 *De Claus. quoad ingressum Præl.*
moniales ex senioribus monasterii, quæ simili-
liter, visitatione durante, nunquam separen-
tur a Visitatore, & sociis.

Quar. 6. Quot, & quales personas con-
ducere debeant Episcopi, & alii monialium
Prælati, quando in casibus permixtis ingre-
diuntur clausuram.

Resp. Gregorii XIII. in sua cit. Constitut. in
qua decernit, Episcopos, & Prælatos monia-
lium debere ingredi clausuram cum comitatu,
nullum verbum facit de numero personarum
comitantium, sed paucos debere esse statuit,
a paucis, iisque senioribus, ac religiosis personis
comitari. Miranda ad tres socios extendit. Vi-
ctorellus vero, & Bonacina quatuor, vel quin-
que socios seniores, & religiosos comites ad-
mittunt, & addunt, quod si ratione ædificii
construendi cum Episcopo, vel alio Superiori
monialium architectus, vel alius operarius ne-
grediatur, dictis tamen senioribus, & religiosis
comitibus uti debent Episcopi, vel Superiores,
quia architectus, vel alius operarius non ingre-
diuntur tanquam comites, sed ut artifices.

Quar. 7. Quinam veniant nomine perso-
narum religiosarum, quas possunt Episcopi,
& alii Superiores assumere in comites.

Resp. Non tantum venire Regulares votis
religionis adstrictos, sed etiam sæculares re-
ligiosis moribus, & christiana pietate deco-
ratos. Non veniunt tamen matronæ senio-
res christianis virtutibus insignes, licet verba
personis comitari sint apta comprehendere
etiam scæminas; nullibi enim usu receptum
est, quod matronæ quamvis sanctimonia cla-
ræ in comitatum adhibeantur. Ita ex Victo-
rello Tamburinus *disp. 24. quæst. 10. num. 4.*
qui quæst. 5. num. 6. asserit prædictos Prælatos
in

in casibus concessis ingredientes, si ducant personas non religiosas, nec senes, & plures quam quinque, aut si soli ingrediantur, non affici excommunicatione lata in prædicta Gregoriana, quia poenæ hujus Bullæ extenduntur tantum ad ingredientes in casibus non necessariis.

§. V.

De Clausura quoad Officialium, aliorumque ingressum.

Quar. 1. **A**N, & quando Medicus, alii que monasterio inservientes possint ingredi clausuram.

Resp. In omnibus casibus necessariis posse ingredi, servatis servandis, juxta dicenda, cum debita Superioris licentia, quæ singulis quibusque trimestribus debet renovari ex decreto Sac. Congreg. Regularium 27. Martii 1588. & in Placentina 6. Junii 1614. Medicus debet associari a duobus, vel tribus monialibus antiquioribus, debetque ingredi sine socio, aut alio Medico, nisi morbus sit valde gravis, quia in tali casu possunt etiam plures intrare ad invisendam decumbentem. Barbof. *loc. cit.* nu. 57. Nomine Medici non venit tantum graduatus, sed quilibet peritus in arte ad effectum, ob quem ingreditur. Ita ex Miranda notat Barbof. nu. 53. quia Medicus dicitur non a dignitate, sed a medendo. Unde si aliqua foemina prægnans clausuram ingrediat de licentia Prælati, poterit de licentia ejusdem ingredi obstetrix, ad illam juvandam in partu. Portel. Tamburin. *disp.* 24. q. 1. n. 5. & alii.

Quar. 2. An Medicus sub initium quadra-

gesimæ possit ingredi, ad cognoscendum, quæ moniales possint, ac debeant dispensari super jejuniis, & esu ciborum quadragesimalium.

Resp. Non posse; cessat enim in hoc casu necessitas, quia hoc præstari potest ad crates. Posset tamen ingredi ad iuvendam monialem decumbentem in lecto, quæ de propria valetudine dubitat, ut ex ictu pulsus veritatem exploret, quamvis sine magno salutis damno ipsa posset ad cratam descendere, tamen si ex sola erubescencia hoc faciat. Bonac. Tamb. *q. 6. n. 2.*

Quær. 3. An Medicus extraordinarius possit ad libitum monialium loco Medici ordinarii ingredi clausuram.

Resp. Non posse, quia licentia limitata limitatum parit effectum; unde cum licentia Medici extraordinarii sit concessa tantum in defectum Medici ordinarii, & quando simul cum ordinario est habendū collegium, cessante tali causa cessat licentia. Barchius in *Spec. Mon. c. 8.*

Quær. 4. An, & quando Chirurgus, & Pharmacopola possint ingredi clausuram.

Resp. Posse Chirurghum ingredi ad minuendum sanguinem, quia est officium infirmæ satis necessarium, nec illud valent moniales exercere; non debent tamen ingredi nisi cum hoc Medicus opus esse judicaverit, aut si aliqua monialis consuevit ad præcavendum morbum se aliquoties minuere, quod tamen fieri debet ex consilio Præfectæ, & Discretarum monasterii. Barbof. *loc. cit. num. 54.* Pharmacopolæ autem raro licet ingressus, cum possit potionem extra clausuram præparare, & mediis monialibus infirmæ porrigere. Si tamen aliquando opus sit moniales docere, quomodo medicamenta aliqua sint præparanda, idque non possit extra clausuram præstari, posset clau-

clausuram ingredi, quia est moralis necessitas. Sanchez *lib. 6. cap. 16. nu. 59.*

Quar. 5. An Oeconomus, Factores, Syndici, & Notarii possint ingredi clausuram.

Resp. Posse, quotiescunque necessitas urget, cui aliter consuli nequeat. Huiusmodi necessitas est, si querendum esset aliquod instrumentum in Archivio adeo scripturis variis pleno, ut ad crates eas deferre pro recognitione moniales non possent sine notabili incommodo, & sufficiente ad dispensandum in legem. Idem erit in casu magnæ necessitatis, puta ad iudicandum de imminente periculo, ac ruina ædificii &c. Ita Sanch. & alii. Item si contingat, Novitiam, aut puellam intra clausuram commorantē infirmari, ideoque velit per testamentum de suis bonis disponere, debita obtenta licentia, poterit Notarius cum necessariis testibus ingredi. Nald. *v. Monialis n. 14.* & Gavant. qui testatur ita declarare Sac. Congr. de an. 1595.

Quar. 6. Quid dicendum de aliis operariis ad monialium servitium necessariis.

Resp. De legitimi Superioris licentia possunt ingredi clausuram ad exercenda suæ artis opera, quæ commode extra monasterium exerceri non possunt. Sic possunt ingredi fabricatores, hortulani, fabri lignarii, putearii, putatores, molitores, & similes artifices. Advertendum tamen cum Tamburino *cir. qu. 6. nu. 9.* habentem licentiam ingredi pro uno servitio, non posse ingredi ad aliud servitium præstandum; cum licentia non se extendat ultra opera suæ artis. Item ingredi possunt rustici ad deferenda ea, quæ ferri non possunt à monialibus. Item pictor ad pingendam scenam in monasterio constructam; cum enim ex consuetudine permittantur

monialibus aliquæ piæ repræsentationes, consequenter debent etiam concedi ea, quæ ad illas sunt necessaria, ut est in præsentî casu opera pictoris, supposita scena jam constructa; alias posset scena per partes pingi extra clausuram, antequam simul componatur, & ita debet communiter observari. Cassianus v. *Clausura* num. 80. Marchet. in *Prax. Vic. Cap. p. 2. tit. 16. n. 24. & 25.* De sutoribus, & sartoribus dubitant Doctores, an possint ingredi clausuram; communis opinio sustinet, non posse, quia suæ artis opera commode ad monasterii januam valent præstare. Hoc non approbat Sanch. *loc. cit. n. 3.* quoad sartores, quia putat monialis vestes commode aptari non posse, nisi immediate corpus dimetiantur, quod extra clausuram æque bene præstari nequit; quæ opinio non improbabilis videtur. Cassianus *loc. cit.* si talis sit usus, sciente, & consentiente Superiore; quod tamen nullatenus placet Castropal. *disp. 4. p. 3. punct. 10. §. 3. n. 11.*

Quer. 7. An loco bajuli deputati ad ferenda onera, quæ a monialibus gestari nequeunt, possit alius intrare monasterium.

Resp. Juxta Tambürini, Barchii, & Pollacchi sententiam non posse; oppositum tamen deducitur ex Sanchez *cap. 16. nu. 16.* casu quo in licentia data, ut bajulus ingredi possit, hic aut ille bajulus non exprimitur. Ratio est, quia licentia indeterminata quoad personas, & determinata quoad ministerium, non afficit personas, sed ministerium, quia conceditur ob causam, quæ militat in tali ministerio: unde exercentes tale ministerium ut qualificatum tali licentia, trahunt etiam talem licentiam; sicuti inhabilitantes locum qualificatum aliquo privilegio, trahunt

hunt etiam ipsi illud privilegium. Unde Sanchez *loc. cit.* excusat foeminam, quæ cum sit nobilis, nihilominus cum licentia ingreditur ad exercenda ea, quæ sunt propria vilioris famulæ, sed monialibus necessaria, & re ipsa occupatur in illis, ut sic videre possit curiose monasterium. Si vero talem prætextum assumeret sine animo exequendi dictum officium, nec de facto intenderet illud præstare, illicite ingrederetur, & violaret præceptum, quia sic non haberet justam causam a jure petitam, sed in fraudem faceret dicti præcepti.

Quar. 8. An si artifici concedatur licentia ingrediendi cum famulo, iste intrare possit sine domino.

Resp. Negative; quia famulus participat licentiam dependenter a domino, & ratione attinentiæ ad illum. Ita Barch. in *Speculo*, cap. 8. qui limitat, quando ex impedimento occurrente dominus non posset ingredi, aut ingressus cogeretur egredi, dummodo non omnino deserat opus assumptum, aut abesse non debeat pro majori parte diei. Opposita sententia, quam refert, nec rejicit Cassianus *loc. cit. num. 76.* non improbabilis videtur; nam dictio illa *cum* posita in tenore licentia, æquivalet dictioni, &. Bartol. in *l. si quis Actio de usufr. acc. & not. in l. triticum de verb. sign.* Dictio autem, &, facit copulatos æqualiter admitti ad participationem licentiæ, juxta ea, quæ notant *per text. leg. reos, §. cum in tabulis, ff. de duobus reis.* Gomez *var. resol. cap. 11. num. 19. t. 2.* Gonzal. *ad regul. 8. Cancell. gloss. 3. nu. 16.* Cened. *Singul. 50. num. 20.* Et ideo dominus, & famulus tanquam æqualiter participantes poterunt uti licentia absque dependentia ad invicem;

& solum erit discrimen, quod dominus participabit licentiam independentem a famulo tam quoad concessionem, quam quoad usum; famulus vero participabit dependentem a domino quoad concessionem, independentem vero quoad usum.

Quar. 9. An si deficiat, qui habet licentiam deferendi onera intra clausuram, & dictorum onerum gestatio non possit æque bene differri, liceat absque superioris venia alium substituere.

Resp. Non licere; quia ex una parte sumus in materia zelosa, periculosa, & delicata, & ex alia parte non videtur subesse justa causa utendi Epicheja, præsertim in re, ad quam jura requirunt licentiam in scriptis.

Quar. 10. An ad expellendum malfactorem possit judex, & quilibet aliter ingredi clausuram.

Resp. Posse; dedecet enim, illum in virginum societate manere, & ex alia parte monialibus non suppetunt vires ad expellendum. Ita Sanch. Tambur. & Bonac. cum Rodriq. qui addit, quod si periculum sit in mora, non erit in tali casu necesse recurrere ad Superiorem longe absentem, sed Abbatissæ, & Discretarum consensus sufficiet. Advertit tamen Tamburinus, quod si præfatus reus extractus a monasterio gaudeat immunitate, reponendus erit in Ecclesia, neque spoliandus suo jure.

Quar. 11. An infantes nondum doli capaces, & amentes possint admitti in clausuram.

Resp. Quoad infantes affirmat Barbos. *allegat. 102. nu. 32.* ubi quindecim alios Doctores adducit pro sua sententia. Ratio est, quia prohibitio monialibus facta est accessoria prohibitioni ingredientium, ut manifeste colligitur

ex

ex Tridentino dicente, nemini licere intra septa monasterii ingredi. Dum ergo hi infantes nulla ingressus afficiantur prohibitione, quia nullius præcepti sunt capaces, neque moniales tenentur eos non admittere. Nihilominus moniales introducentes infantes cujuscvis sexus, vel ætatis incurrere in censuras violatæ clausuræ, sæpius declaravit Sac. Congr. præcipue in *Tudertina* 7. Aprilis 1679. in *Neapolitana* 22. Maji 1580. in *Taurinensi* 10. Junii 1650. Unde tolerari non debet, quod puellæ licet parvulæ ingrediantur, & egrediantur ad libitum, in *Pistorien.* 24. Februarii 1579. Et Abbatissa, quæ hoc permittit privatur officio, voceque passiva, S. *Severi* 8. Maji 1595. Amentes vero nullatenus sunt admittendi, quia ad peccatum movere possunt; unde in *c. periculoso* dictum est, nulli inhonestæ, vel honestæ personæ ingressus patet, ut sic non tam libere ingredientes, quam etiã permittentes ingressum comprehenderentur; & quidem manifestum est, sub persona honesta, vel inhonesta hos amentes intelligi, qui & monasteria perturbare possunt, & vanis locutionibus ad malum provocare. Ita Nav. Barbof. *loc. cit.* Rodriq. & alii.

§. VI.

De Clausura quoad ingressum Confessarii.

Quar. 1. **I**N quibus casibus possit Confessarius ingredi clausuram.

Resp. In pluribus, quorum aliquos in hoc paragrapho recensebimus. Poterit igitur ingredi, si moniali ægrotanti ministrandum est Sacramentum Confessionis, Eucharistiæ, vel Extremæ Unctionis. Et quidem si est pe-

riculum mortis, nemini est dubium, licere ingredi etiam de nocte, immo Superiorem ad eum ingressum obligari, si non posset aliter ea Sacramenta subditis monialibus ministrare. Seclusa vero hac extrema necessitate, licitus est ingressus ob ministrandum infirmæ Sacramentum Confessionis, & Eucharistiæ, quoties ex præscripto regulæ aliis monialibus ministratur, quia ob infirmitatem deterioris conditionis esse non debet, cum eo tempore magis indigeat. Item illis temporibus, quibus solita erat, Sacramenta supradicta frequentare, quia æquum non est, eo subsidio tempore majoris necessitatis privari. Sic Rodriq. Miranda, Sanch. & Barb. *loc. cit. nu. 49. Sac. Congr. Concil. 13. Septemb. 1587.*

Quar. 2. Quid observare debeat Confessarius ingrediens in supradictis casibus clausuræ.

Resp. Debet ingredi superpelliceo, & stola indutus, & ita debet ibi morari. Barbos. *loc. cit.* Absque diverticulo eat, & redeat, nec ad aliam monasterii partem divagetur, etiam occasione visitandi alias infirmas, quibus Sacramentorum administratio minime est necessaria. Sine socio ingrediatur tam in administratione Sacramen. poenitentiae, quam Eucharistiæ & Extremæ. Unctionis. Ita ex Sac. Congr. Pignatellus *t. 6. consult. 85. num. 231.* At oppositum de Confessario regulari statuit Alexander VII. in *cit. Const.* ubi habet: *Nunquam egrediatur nisi cum socio, qui sit probata vita, & matura ætatis, semperque maneat in ea parte monasterii, quia Confessorem videre, & ab eo videre semper possit.* Quod præstare etiam debent comitatrices. Unde dum Confessarius audit infirmarum confessiones, cellæ janua remanere debet aperta, & ambæ comitatri-

ratrices ad eandem cellæ januam; ita ut ibi manentes Confessarium, & infirmam commodè cernere possint, audire tamen non possint. Si infirma ad confessionale Ecclesiæ accedere commodè potest, nullo modo audeat Confessarius monasterium ingredi, ut ei Sacramentum Pœnitentiæ administret. Sacra Congreg. 13. Septemb. 1583.

Quar. 3. An possit ingredi ad assistendum morienti, ejusque animam rite Deo commendandam.

Resp. Posse. Tanta est enim necessitas existentium in articulo mortis, ut ei nulla diligentia par esse possit. Sac. Congreg. Episc. in *Lucen. 29. Martii 1589. & 22. Decemb. 1620.* Ad quem effectum, cum aliqua monialis laborat in extremis, conceditur Confessario pernoctatio in sua solita mansione extra clausuram, ut ingruente necessitate illico præsto esse possit, Eadem Sac. Cong. 22. Dec. 1592. Potest sæpius ingredi, si moniali superveniant plura symptomata, per quæ probabiliter creditur mox moritura, & iis cessantibus tempus agonix ulterius protrahatur; & potest diuturniori tempore continuato, etiam per integram noctem assistere, si judicio medici credatur brevi moritura.

Quar. 4. An Confessarius ad exequias peragendas possit ingredi clausuram.

Resp. Hanc esse justam causam ingressus, docent Sanch. Portel. & Tamburin. *disp. 24. qu. 5.* Attamen Pignatel. *r. 6. consule. 85. n. 234.* refert Sac. Congreg. declarasse, non licere Confessario, neque Regularibus ingredi monasterium sub prætextu tradendi sepulturæ cadaver alicujus monialis, aut officia funeralia peragendi; sed hoc officium, si intra clausuram peragendum est, ab aliis mo-

nialibus, vel a duobus operariis ab Ordinario approbandis peragi debere, vel si in exteriori Ecclesia humana sit, cadaver ad portam clausuræ esse deferendum, receptumque a Regularibus ibi sepeliendum. Quod si in aliquibus locis inducta est consuetudo, scientibus, & consentientibus Ordinariis, ut Confessarius ingrediatur, censet Tambur. *loc. cit.* esse servandam, quia habet vim legis, & est maxime rationabilis, & hæc consuetudo attendi debet etiam quoad secum ducendum socium, vel plures alios. Et hoc praticari in Gallia, & Portugallia tradunt Portell. & Victor.

Quær. 5. An Confessarius possit ingredi clausuram ad effectum exorcizandi monialem energumenam.

Resp. Sacram Congreg. sub die 10. Novembris 1582. rescripsisse Episcopo Viterbien. quod Sacerdos timorata conscientia, & probata vitæ posset ingredi clausuram ad hunc effectum præcise exorcizandi monialem. Postea sub die 1. Julii 1606. statuit, quod nulla monialis energumena intra monasterii septa a quocunque Presbytero sæculari, vel Regulari, etiam Confessario, exorcizetur, sed ad Ecclesiam exteriorem ejusdem monasterii (obtentâ prius a Sac. Congreg. licentia) ea de causa deducatur, vel transferatur. In translatione autem hujusmodi, sicut & in actu exorcizationis, honestæ personæ consanguineæ, vel aliæ mulieres provectæ ætatis, ac probæ conversationis energumenam comitentur. Exorcista sit ad actum hujusmodi ab Ordinario approbatus. Exorcizatio minori, quo fieri potest, fiat strepitu. Ecclesiæ janua occlusa remaneat, quousque exorcizatione completa, ad monasterium
ener-

energumena reducatur. Cæterum tam in re-
ditu, quam in accessu ad Ecclesiam, & mo-
nasterium respective recta, & sine diverti-
culo tendatur.

Quar. 6. An Confessarius possit ingredi
clausuram, ad ibi celebrandum coram infir-
mis, aut convalescentibus.

Resp. Affirmant Rodriquez, Mirand. & Bo-
nac. *q. 4. de claus. p. 4. n. 4.* saltem si diebus, in
quibus tenentur ex præcepto audire Missam,
quod præcipue habet locum, ut notat Barbof.
l. c. n. 49. in illis festivitatis, in quibus monia-
les ex regula tenentur communicare; major
enim resultat decentia, & reverentia Eucharis-
tiæ, dum Sacerdos celebrans eodem loco
communicat infirmas, quam si ex alio loco de-
sumat, & clausuram associatus, ut decet, ingre-
diatur. In tali casu debere ingredi cum socio,
tenet Bonac. *l. c.* quia non decet foeminam ad
altare accedere, & celebranti inservire. At non
posse Confessarium ob Missam celebrandam
ingredi clausuram, Sac. Congr. pluries decla-
ravit, præcipue in *Lancianensi*, & *Pistoriensi*
16. Julii 1585. & in *Bononien.* 2. Januarii 1601,
Et in hoc Sac. Congreg. regulariter dispen-
sare non solet, in *Mantuanæ* 13. Junii 1591.

Quar. 7. An Confessarius possit ingredi
clausuram ad sumendam particulam conse-
cratam, ipsi, in actu communicandi monia-
les in Ecclesiam interiorem, elapsam.

Resp. Tradit negativam sententiam Bissus in
Hierurg. Sac. t. 2. v. Particula n. 45. §. 12. qui
vult, particulam esse colligendam a moniali-
bus, vel Abbatissa, & Sacerdoti porrigen-
dam. Idem tradit Castaldus, cui adhæret
Quartus in *Rubr. Miss. p. 2. tit. 10. sect. 3. dub. 3.*
diff. 4. hac ratione ductus, quod ingressus

in monasterium strictius prohibetur, quam tectus hostiæ consecratæ in casu necessitatis. Nihilominus oppositam sententiam docent alii, inter quos novissime Clericatus *de Euch. Sacram. dec. 44.* Quia strictius obligat reverentia erga Sanctissimum hoc Sacramentum, quam clausura; hæc enim habetur ex præcepto Ecclesiastico, illa vero ex præcepto divino, ut ex D. Thom. 3. *part. qu. 83. art. 3.* Tum quia si foeminae excluduntur a servitio sacrificii, ut tradunt communiter Doctores, multo magis excludentur a contactu Corporis Christi, quod offertur in Sacrificio. Hoc solum admitti posset cum dicto Clericato, & Quarto *loc. cit.* quod si unica particula caderet in terram intra clausuram, & præsens esset monialis communicanda, posset ipsa genuflectere, ac reverenter eam sumere, & sic communicare.

Quar. 8. An Confessarius ingredi possit ad benedicendum monasterium a spiritibus infestatum.

Resp. Põsse, obtenta tamen ad hoc speciali facultate, cum non comprehendatur hic casus in generali licentia. Si enim potest quilibet ingredi ad expellendũ malefactorẽ, qui virgines sacras turbare potest; cur non cõsebitur licitus, & rationabilis ingressus ad expellẽdos generis humani hostes, quietem monialium perturbantes? Non est tamen justa causa ingressus ad aspergendum monasterium aqua lustrali in Sabato Sancto, ex Sac. Congr. decreto 4. *Septemb. 1596.* teste Gavanto, & Naldo, v. *Clausura.*

Quar. 9. An Confessarius ingressus clausuram ad excipiendam monialis infirmæ confessionem, possit ea occasione ibi præstare aliquod munus, pro quo præcise exercendo ingredi non potuisset.

Resp.

Resp. Affirmative, & sic posse benedicere ædificium recens constructum, deferre moniali infirmæ insignem reliquiam alicujus Sancti, quam summa devotione prosequitur, & his familiæ; quia sicuti ex superius dictis, & Doctõribus ibi citatis, potest quis expleto opere, ad quod ex justa causa est ingressus, brevi tempore immorari invisendo officinas ob curiositatem; a fortiori poterit Confessarius expleto suo munere ibi aliquantisper insistere ad opus pium, licet minus necessarium, exequendum. Immo poterit monialis ad hunc effectum advocare Confessarium sub prætextu confessionis faciendæ, etiam si alias non faceret, dummodo tamen vere confiteatur. Quia monialis habet jus faciendi confessionem, & sic vocandi ad talem effectum Confessarium. Neque hoc est in fraudem legis, quia non dicitur operari in fraudem, qui utitur jure suo. Unde ob hanc rationem potest modo dicto advocare Confessarium etiam animo tractandi cum eo de aliquo negotio temporali, dummodo vere intendat confiteri.

Quar. 10. An Confessarius extraordinarius ingressus monasterium cum licentia pro una vice ad audiendam confessionem monialis infirmæ, possit absque nova licentia iterum ingredi, si prima vice reperit monialem morbi vehementia ex improvviso ita correptam, ut non potuerit pro tunc ullo modo confiteri.

Resp. Negant aliqui contra Pelliz. cap. 10. n. 264. Quia Confessarius extraordinarius non indiget speciali facultate audiendi confessionem monialis infirmæ, cum enim sit deputatus in extraordinarium totius monasterii, est approbatus pro omnibus monialibus, & consequenter etiam pro infirmis, & ideo, si ingredi-

tur cum licentia ad audiendam confessionem unius monialis infirmæ, potest aliam quoque monialem infirmam audire. Indiget ergo tantum licentia pro ingressu clausuræ ad effectum removendi impedimentum, quod obstat exercitio prædictæ facultatis respectu monialis infirmæ. Cum igitur licentia sit ad unicam vicem limitata, per primum ingressum est adimpleta, & consumpta; præsertim quia talis licentia, tanquam legis vulnerativa, est stricte interpretanda, ut tradunt communiter Doctores. Et sic Confessarius remanet in eo statu, in quo erat ante prædictam licentiam. Adeoque sicut in priori illo statu ad exercitium suæ facultatis pro moniali infirma indigebat licentia ad ingressum, indigebit etiam in posteriori. Secus tamen dicendum si licentia fuisset concessa copulative quo ad ingressum, & quo ad facultatem audiendi confessionem, quia in tali casu non esset plene consumpta.

Alii nihilominus absolute affirmant. Quia causa motiva Superioris ad concedendum ingressum in clausuram, fuit confessio instituenta a moniali infirma: hæc autem causa non cessavit, quia confessio non fuit effectum sortita; ergo neque cessavit licentia; subsistente enim causa motiva, licentia quoque censetur subsistere, & in suo robore perseverare. *Glos. in cap. decet v. debet de reg. iur. in 6. Dinus, & Rolland. alios citans conf. 52. n. 55. vol. 2.*

Hinc deducunt, quod, si monialis infirma, coepta jam confessione cogatur illam ex morbi vehementia interrompere, vel si instituat confessionem generalem, quia unica vice non potest absolvere, aut si Confessarius, ubi coepit audire confessionem, ex urgentissima causa revocetur extra monasterium, potest
in

in his casibus sine nova licentia iterum ingredi ad perficiendam confessionem. Idem asserunt, si monialis confessa, & absoluta statim revocet Confessarium jam egressum & clausura, ad manifestandum ei peccatum oblitum, quia illud peccatum spectat ad complementum prioris iudicii; & cum hoc fiat incontinenti, moraliter reputatur unus ingressus.

§. VII.

De Clausura quoad Mulierum ingressum.

Quar. 1. **A**N, si monasterium careat monialibus conversis, possint intromitti foeminae, quae monialibus inserviant.

Resp. Affirmat contra Suar. Bonac. *de claus.* 9.3. punct. 4. n. 10. quia moniales choro deputatae, si ad huiusmodi famulatum adstringerentur, ad durum onus, & ab earum professione alienum obligarentur, ex quo confurgit iusta causa dictas foeminas introducendi. Verum pluries Sac. Congr. praecipue *sub die 12. Augusti 1605.* censuit loco ancillarum saecularium potius intus introducendas esse conversas; nec posse Ordinarium concedere, ut mulieres saeculares inserviant intra dicta monasteria; imo Sedem Apostolicam talem licentiam denegare, testatur Nicolius *in Flosc. Ancillan.* 2. docens postea n. 6. ex aliis decretis, posse concedi ancillam moniali seni, & infirmam, si una ex conversis monasterii applicari non posset. Non conceditur tamen per Ordinarium, sed per Sac. Congr. quae *in Abulen.* 20. Februarii, decrevit, dictis ancillis, durante servitio, prohibito suo ingredi, & egredi non licere.

Quar. 2. An, si Sac. Congregatio concedat

cedat nobili foeminæ ingressum in monasterium monialium, & ibi degat cum una famula, & ista semel electa velit post tempus exire, possit domina aliam loco primæ cum iisdem qualitatibus substituere.

Resp. Posse, dummodo licentia non fuerit limitata ad certam numero personam, & hoc procedit, etiam si talis famula dimittatur invitata, eo quod minus bene munus suum impleat; & hoc toties, quoties oportuerit, secluso tamen quocunque dolo. Ratio est, quia sic præsumi potest de mente Sac. Congreg. dum illimitate concessit unam famulam, cum huiusmodi famulæ mercenariæ soleant mutare voluntatem, & resilire; quod utique censetur non ignorasse Sac. Congregationem. Nec obstat, quod licentia indefinite concessa extinguatur prima vice, quia fallit hæc regula, quando ex primo actu non est satisfactum menti disponentis, ut in casu nostro. *Cassian. loc. cit. nu. 81.* ubi addit, dictas famulas quoadusque perseverant in famulatu teneri e monasterio non egredi, & si egrediantur, non posse absque nova Superioris licentia introire.

Quar. 3. An Regina & Imperatrices possint monialium ingredi monasteria.

Resp. Negat Bonacina *loc. cit. num. 4.* quia *cap. periculoso*, & Tridentinum generaliter, & absolute loquuntur de personis cujuscunque generis, & conditionis. Sed posse Reginas, & Reges, Imperatrices, & Imperatores eorumque filias, & filios ingredi monialium monasteria, docent Sanch. Rodriq. & Bordon. *variar. res. p. 2. res. 26. n. 35.* eo quia huiusmodi personæ ratione excellentiæ, & dignitatis non comprehenduntur in dispositionibus odiosis, nisi exprimantur, & idem est de illarum filiis.

Quar.

Quar. 6. An Fundatrices possint monasterium ingredi monasteria.

Resp. Affirmat Gibalin. *de claus. disq.* 1. c. 3. §. 2. & probat, quia si ex probabili sententia licet Fundatricibus, per hoc quod fundatrices sunt, ingredi monasteria virorum, licebit pariter & mulierum; cum enim in utroque casu reperiatur eadem qualitas privilegiativa, debet in utroque casu eundem effectum operari. Tum quia nusquam talis ingressus reperitur Fundatricibus prohibitus. Tum etiam quia monasteria ab ipsis erecta sortiuntur quodammodo naturam jurispatronatus, quod est maxime privilegiatum in jure, & Fundatrices sunt quasi Dominæ; unde ratione istius prærogativæ, & excellentiæ sunt speciali nota dignæ, atque adeo sub prohibitione generali non comprehensæ, sicuti de formis regni stirpis ob eandem rationem diximus supra.

His non obstantibus, censeo non posse ingredi; nam, ut notat Manuel. relatus, & approbatus a Sanch. *in Sum. lib. 6. c. 17. nu. 7.* ideo Pius V. in prohibitione signanter expressit Ducissas, & similes, quia hæ solent esse Fundatrices. Unde Pontifex arcendo Ducissas ab ingressu clausuræ ex eo præfertim respectu, quod solent esse Fundatrices, aperte prohibuit, ne sub titulo foundationis prætendi possit facultas ingrediendi.

Neque urgent rationes oppositæ; nam quoad primam, admissa etiam opinione, quod Fundatrices possint virorum ingredi monasteria, non tenet illatio; quia cum versemur in materia relaxandæ clausuræ, quæ est strictæ obligationis, cum sit odiosa, non fit extensio de casu ad casum, neque ob majoritatem rationis. Sylvest. Caputaq. & Surd. *dec.* 268.

nn. 20. ubi alios cumulat. Tum etiam quia strictius prohibetur ingressus in monialium monasteria, quam in virorum coenobia; in hæc enim ex levioribus causis permittitur, scilicet causa processione, Missæ, funeris defuncti, vel alterius officii, Sanch. *loc. cit.*

nn. 22. Secus autem in priora, ad quorum ingressum causa requiritur rationabilis, & necessaria. Ad secundam, & tertiam rationem patet responsio; diximus enim, Fundatrices in motu proprio Pii V. venire sub nomine Ducissarum, & similium appellatione: unde, quatenus etiam essent speciali nota dignæ, per prædictam clausulam signanter, & non generaliter sub prohibitione dicuntur comprehensæ.

Quar. 5. An aliæ nobiles foeminae possint admitti intra monasteria monialium ad conversandum, immo etiam pro certis vicibus ad refectionem corporalem sumendam.

Resp. Posse, sed de licentia Papæ, & non alterius, quam ille non solet concedere nisi cum certis limitationibus, videlicet quod foemina licentiata non ingrediatur nisi associata a tribus modesto, ac decenti habitu indutis, quas semel electas, nec variare, nec mutare possit, nisi alicujus earum obitu eveniente. Requiritur insuper consensus monialium capitulariter, & per secreta suffragia præstandus, & pariter Superiorum. Prohibetur ingredi festivis, aut vigiliarum diebus, Quadragesimæ, vel Adventus temporibus; visitare monialium cellas, præter eas, quarum causa monasteriū ingreditur, nec non ibi pernoctare.

Quar. 4. Circa prædictæ concessionis intelligentiam, an foemina modo supradicto licentiata possit matronas semel electas mutare.

Resp. Non posse, quia verba privilegii

ca-

casum mortis tantum exprimunt, unde alii excluduntur; maxime quia casus mortis inducit necessitatem mutationis, quod non faciunt alii casus. Ita Bord. in *Miscell. decis.* 85. & Diana in *opere coord.* t. 7. tr. 1. ref. 321. n. 3. Oppositum tradit Peyrin. in *Formul. lit. M.* c. 3. n. 4. ubi docet, fieri posse mutationem, quando aliqua ex electis est absens, aut ægrotata, aut nolens, quia privilegium favorabile est late interpretandum, ac proinde excluditur tantum mutatio voluntaria, non necessaria, per quam dicendum est potius loco alicujus ex sociabus aliam supplere, quam mutari.

Quer. 7. An fœmina supradicta possit cum duabus tantum matronis ingredi.

Resp. Non posse, quia rescriptum exprimit, tres matronas de necessitate assumendas, aliter non servata illius forma ingressus est malitiosus, & fœmina sic ingrediens incurrit poenas contra ingredientiæ clausuram monialium sine licentia; cum rescriptum non servata forma sit nullum, quia fines mandati, & rescripti sunt diligenter observandi, aliter factum non tenet. Cap. cum dilecta 22. de *rescript.* & tradit Bordon. in *Miscell. dec.* 87.

Quer. 8. An monialis, quæ ex uno ad aliud monasterium transfertur, si in via accedat ad locum, in quo existit monialium monasterium, possit ibi hospitio recipi.

Resp. Affirmat Llamas in *Meth. curat. in append.* §. 11. in fine, quia sic ingrediens servat clausuram eo modo, quo potest, & recipientes fovent hanc observationem; neque credendum est, Pontificem hunc ingressum ita honestati monialis convenientem interdixisse. Distinguit Sanchez lib. 6. *Sum. cap.* 6. num. 10. posse ingredi, si monasterium sit ejusdem

Or-

Ordinis, & habitus; secus si diversi, quia lex clausuræ excludit extraneam; monialis autem ejusdem Ordinis, & habitus non est extranea a Conventu, sed moraliter propria illius. Negat absolute Castrop. *p. 3. disp. 4. p. 10. n. 4.* siue monasterium sit ejusdem Ordinis, siue diversi, quia unum monasterium non communicat cum alio in clausura. Quod est de mente Sac. Congreg. quæ consulta, an moniales advenæ essent admittendæ intra clausuram, respondit negative in *Pistorien. 16. Julii 1585.* Concedit tamen citatus Castropal. de Superioris licentia posse ingredi, si in eo loco non adsit hospitium, in quo commode noctem ducere possit, quia eo casu honestati monialis, & decentiæ religiosi habitus consulitur, ac proinde consurgit legitima causa concedendi.

Quar. 9. An viduæ ingredi possint monasterium, ut ibi vitam degant honestam, & a sæcularibus separatam.

Resp. De Episcopi, vel Prælati Monasterii licentia tantum non posse, sed requiri Pontificis concessionem. Quia casus hic non necessitatis est, sed utilitatis, & proinde sub potestate Episcopi, vel monasterii non cadit. Ita referunt decisum a Sac. Congreg. Miranda, Campan. Homobon. & Barbos. *alleg. 102. num. 67.* Sicuti pariter dicti Doctores referunt decisum ab eadem Sac. Congreg. non posse matribus concedi licentiam ingrediendi clausuram ad invisendas proprias filias morti proximas, quia talis ingressus non est medium adeo necessarium ad medendum ægrotantibus filiabus, quibus matrum præsentia præ amoris teneritudine posset esse nociva.

§. VIII.

De Clausura quoad Puellas in educationem recipiendas.

Quar. 1. **A**N puellæ educationis causa possint recipi in monialium monasteria.

Resp. Admitti posse, ut censuit Sac. Regularium Congregatio, sed cum his legibus, videlicet, quod accedat Superioris, nec non monialium consensus capitulariter præstandus, & insuper ejusdem Sac. Congregationis licentia reponenda in registris Cancellariæ Episcopalis, alias invalida redderetur. Ita eadem Sac. Congreg. 27. *Maji* 1603. Quod Monasterium soleat hujusmodi educandas habere, quare monasteria mulierum poenitentium, vulgo Convertitarum, puellas ad educationem recipere neque solent, neque possunt. Sac. Congreg. 12. *Maji* 1619. Puella ingrediat sola absque ullo famulatu; sit major septem annis, minor vero viginti quinque; habitu, cultuque utatur modesto, sine jocalibus, auro, vel serico; servet locutorium, & clausuræ leges, & quidquid pro suis sumptibus monasterio erogandum erit; principio cujuslibet semestris elargiatur, & pro tali solutione debet idonea securitas constitui. Sanch. & Barbosa. nec debet permitti, victum dietim a parentibus, vel consanguineis subministrari. Sit in novitiatu cellula pro ea vacua, & numerus puellarum in eo monasterio educandarum non sit expletus, a quo monasterio puella ipsa nunquam exeat animo revertendi, nisi habitum monachalem ibi susceptura.

Quar. 2. An sit peccatum cogere puellas
ad

264 *De Claus. quoad Puellas educand.*
ad ingressum monasterii causa solius educa-
tionis.

Resp. Si coactio est illata puellis a non ha-
bentibus in illas potestatem dominativam,
eerte est peccatum lethale, quia graviter in-
juriosa. *Suar. l. 3. de relig. lib. 5. c. 6. n. 4.* Si vero
sint illata a parentibus, vel tutoribus, & puel-
læ sint impuberes, nullum est peccatum, quia
utuntur jure quod habent in filias in illa ætate.
Si vero sint puberes, talem coactionem a pec-
cato non excusat cum aliis *Diana p. 2. tract. 15.*
res. 56. Quia ut observat *Suar. loc. cit.* cum
puellæ majoris ætatis sint sui juris in omnibus
his, quæ pertinent ad statum animæ suæ, non
possunt licite, & sine peccato a parentibus cogi
ad tam arctam custodiam, & rigidam clausu-
ram, etiam temporalem; secus si ad aliquod
tempus talis ingressus censeatur moraliter ne-
cessarius ad decentiam, & custodiam ipsarum.

Quar. 3. An prædicta coactio; quando est
peccaminosa, inducat excommunicationem
latam a Concilio Trident. *sess. 25. c. 28.*

Resp. Affirmant plures, & graves Doctores
relati, & approbati a *Diana loc. cit.* Quia Con-
cilium anathematizando cogentes aliquam
Virginem ad ingrediendum monasterium, vel ad
suscipiendum habitum, vel ad emittendam profes-
sionem, tres prohibet coactiones, unam scilicet
ad ingressum, alteram ad susceptionem pro-
fessionis; & quidem inter se distinctas, prout
declarat dictio illa *vel*, quæ stat alternative, &
disjungit sensum, & verba *Bartol. in l. si is,*
qui ducent a n. 2. ff. de reb. dub. Natt. conf. 625.
vol. 4. Paris. 91. n. 29. lib. 2. Adeoque ad con-
trahendam prædictam excommunicationem
sufficit sola coactio ad ingressum, quia in al-
ternativis sufficit alterum adimpleri, *c. in al-*
ter-

ternativum de regul. iur. in 6. Rota dec. 566. n. 2. p. 1. recens.

Cum distinctione procedit Sanch. *in Sum. lib. 4. c. 4. n. 12.* Concedit contrahi excommunicationem, si coactio ad ingressum ordinetur ad susceptionem habitus, & professionis emissionem; nam cum tali tantum qualitate derogat libertati, quam Concilium intendit conservare in puellis ad religionem admittendis. Negat vero, si ordinetur tantum ad educationem, donec nuptui tradantur.

Quer. 4. An inductio dictarum puellarum ad ingressum monasterii educationis gratia, ut postea suscipiant habitum, subjaceat excommunicationi, si fiat ex metu reverentiali.

Resp. Cum distinctione superius allata c. 2. §. 2. q. 9. quamvis cum Riccio Portell. *in addit. ad dub. regul. v. monialis n. 11.* absolute deceat, taliter inducentes non affici excommunicatione, etiam si manifestent puellis statum monachalem illis convenire, eo quod non habeant dotem pro matrimonio, vel eo quod non illis securum erit, absque matrimonio, & monachatu permanere in sæculo. Et addit hanc esse praxim in tota fere Ecclesia, juxta quam facientes parentes nemo credit illos excommunicatos; & idem asserit de suadentibus ad ingressum per preces importunas, quia suasio importuna non est coactio. Verius tamē est preces importunas haberi loco coactionis, & compulsionis, ut ex crebriori sententia testatur Sperel. *dec. 150. n. 26.*

Nihilominus sententiam Portel. tradit etiam Villal. *in sum. p. 1. tr. 17. dub. 31. n. 11.* Ubi pariter observat, Cardinalium Congr. declarasse, non incurrere hanc censuram illum, qui filiam instituit heredem cum pacto, ut aliquod monasterium ingrediatur, quod si renaverit

Confess. Monial.

M

ipsum

ipsum monasterium hæredem reliquit, & filiæ solum assignat alimenta necessaria. Quia illa non est coactio, nec inductio per vim, sed potius per modum concupiscentiæ.

Quær. 5. An puella educanda exiens e monasterio absque Superioris licentia, incidat in excommunicationem.

Resp. Non incidere, quia Bulla S. Pii V. loquitur de professis. Ita Lugo, & Giball. *de claus. disp. 1. c. 8. n. 4.* qui debent intelligi de excommunicatione Papali, secus de imposita ab Episcopo, in quam profecto incidit, si exeat absque licentia: in hoc sensu, ut advertit Clericatus *de Sacr. Euch. dec. 18. n. 25.* intelligendi sunt Pollac. & Tamb. docentes, supradictas puellas egredientes absque licentia e monasterio excommunicationem incurrere. Si tamen educationis gratia idem, vel aliud monasterium ingredi cupiat, licentiam novam a Sac. Congreg. petere debet, exprimendo se prius extitisse in eodem, vel alio monasterio eadem educationis causâ; quia pariter licentia indiget quælibet alia, quæ valetudinis gratia ad balnea egressa reverti velit in clausuram, teste Tambur. *disp. 1. q. 2. n. 15.*

Quær. 6. An annus septimus requisitus in puella ad educationem recipienda, debeat esse completus.

Resp. Quod sic, quia in licentiis a Sac. Congr. pro puellarum educandarum receptione expediri solitis præscribitur, quod puella sit major septem annis; hic autem modus loquendi requirit excessum supra annum septimum, qui proinde debet necessario esse completus. Neque in hoc possunt dispensare locorum Ordinarii, quia nullus inferior in lege Superioris quidquam potest. Sicuti ob eandem cau-

causam neque possunt dispensare, quod puella commoretur ultra annum ætatis vigesimum quintum completum intra monasterium, licet agatur non de ingrediendo, sed de permanendo post ingressum, sed debent constituere præfixum terminum, sive ad exeundum a monasterio, sive ad religiosum habitum suscipiendum. Qualis autem debeat esse hic terminus, arbitrio Ordinariorum relinquitur ex æquo, & bono secundum subjectam materiam. *Gloss. in c. quicumque v. statim d. 77.* Per hoc tamen quod puella non statim egreditur, non incurrit excommunicationem commorando intra clausuram, sicut nec eam incurrunt Abbatisæ monasteriorum illam post dictum tempus retinentes; quia excommunicatio ligat illicite ingredienti, aut detinentes illicite ingressam.

Quar. 7. An dictæ puellæ manentes in monasteriis exemptis subiaceant Episcopo.

Resp. Negativam sententiam docet *Cespedes* cum aliis ab ipso relatis *de dub. Regul. c. 33. dub. 337.* exceptis tamen casibus, in quibus moniales exemptæ subduntur Episcopo. Ratio fundamentalis est, quia locus exemptus, & extra diocesim æquiparantur, *Gloss. in Clem. 1. de foro compet.* Et juxta hanc doctrinam sustinent prædicti Doctores, non subjacere casibus reservatis Ordinario: quod desumitur etiam ex *c. 1. de privileg. in 6.* ubi delictum in loco exempto commissum supponitur extra jurisdictionem Ordinarii. Attamen absolute sustineo, dictas puellas quoad casus reservatos subjectas esse Episcopo loci, ubi habitant. Colligitur ex *Diana par. 7. cr. 12. res. 14.* & tenet in terminis *Nogueira q. singular. disp. 1. q. 8. n. 8.* cujus fundamentum est, quia non subjacent monialium reservatis, cum non sint

Religiosæ, nec cum approbatis tantum a Superiore Regulari conficere possunt, nec sunt personaliter privilegiatæ, quia non sunt proprie commensales, cum ex suis vivant; ut recte docet Diana *loc. cit.*

Quar. 8. An saltem si aliqua ex his puellis sit capitulariter admissa, & de proximo in monasterium exemptum ingressura possit per Prælatos sui Ordinis a reservatis Episcopo absolvi.

Resp. Affirmant Vecchius, Peyrin. Diana, & Lezana in *mari magno Minorum* nu. 36. ubi addit ira declarasse Clemen. 4. Assentitur cum Delbene, Antonius a Spiritu S. in *Direct. regul. sr. 2. sect. 5. n. 226.* Quia cum parata existat ad ingressum, reputari debet tanquam ingressa, *argum. leg. penul. de milit. testam.* Ubi proxime accingendus habetur pro accincto. Negantem sententiam veriore censeo; quia puella de proximo ingressura adhuc dicitur secularis, neque per solam acceptationem ad religionem dici potest Deo dicata, quia per solam acceptationem non constituitur cum effectu, neque proxime in via ad religionem, cum non constituatur in anno probationis, qui ducit proxime ad religionem, & ratione cujus Novitiæ dicuntur proximæ in via. Palq. in *dec. moral. dec. 424. n. 5.* Quod confirmatur ex eo, quod puella de proximo ingressura, non gaudet privilegio canonis, licet versemur in materia favorabili, non alia ratione, nisi quia habitu religionis nondum assumpto, nec anno probationis inchoato non dicitur religiosa, sed secularis *per cap. religioso de sent. excomm. in 6.* Ergo ob eandem rationem neque gaudebit privilegio absolutionis a reservatis.

Neque in præsentī locum habet ratio deducta

Etā ex l. penul. ff. de milit. testam. quia innititur duplici fictioni; quarum prima est, quod actualiter ingressæ fruuntur monialium privilegiis, non jure proprio, cum non sint vere religiosæ, ut ex cit. c. religioso, sed jure alieno, & per quandam extensionem, quatenus scilicet per fictionem juris, cum sint de proximo professuræ, habentur ut professæ. Secunda vero, quod puella capitulariter admissa trahitur ad participationem eorundem privilegiorum, quia per fictionem pariter juris cum sit parata ad ingressum habetur pro ingressa. Et una quidem ex his duabus fictionibus fundatur in alia; quia fictio quod puella parata ad ingressum habeatur pro ingressa ad effectum gaudendi monialium privilegiis, fundatur in fictione, quod actualiter ingressæ in ordine ad eundem effectum habeantur ut professæ. Concursum autem duarum fictionum ita ut una fundetur in alia, non permittitur in jure, l. 1. C. de dot. premis. ubi Bald. & ceteri Doctores.

Quar. 9. An puellæ quoad usque causa educationis morantur in monasteriis, gaudeant privilegio fori.

Resp. Non gaudere neque ratione personæ, cum non sint Deo dicatæ, juxta cap. quisquis 17. q. 4. neque ratione familiaritatis, aut comensalitatis, quia, ut diximus, vivunt ex propriis. Non per hoc tamen, si delinquant puniri debent a iudice laico, sed ab Episcopo. Quoniam explorati juris est, delinquentes puniendos esse ab Ordinario illius loci, in quo delictum fuit commissum, c. 1. in fin. q. 6. l. si cui §. Imperator. Rota Avenion. dec. 114. n. 2. Menoch. conf. 466. n. 17. An autem, si delictum sit atrox, possint extrahi a monasterio non obstante immunitatis privilegio, videbimus infra, c. 10. q. 12.

Quær. 10. An dictæ puellæ, quæ in monasteriis exemptis educationis gratia degunt, si contingat eas mori, nulla electa sepultura, debeant in Ecclesia monialium, an in Parochia, in qua domicilium retinent, sepeliri.

Resp. Esse in monialium Ecclesia sepeliendas, sustinet acriter Bord. in *Miscel. dec.* 128. Tum quia partes sunt ejusdem corporis monastici, licet imperfectæ, consequenter eodem jure censendæ sunt; tum quia id colligitur ex *Trid. sess. 24. c. 11. & sess. 25. c. 11.* in quibus locis personæ commensales actu Regularium, apud quos domicilium, & habitationem contraxerunt, gaudent eorum juribus, & privilegiis. Immo addit idem Bord. quod si dictæ puellæ eligerent in aliena Ecclesia sepulturam, funus esset ducendum a Confessario, non a Parrocho, quia ad illum spectat funus perficere, ad quem pertinet ejusdem funeris inchoatio; ad solum autem Confessarium spectat initium funeris, & cadaveris levatio ex monasterio, quia nemo præter ipsum ibi jus habet, cum locus sit omnino exemptus a jure Parochiali. Quare Confessario etiam debetur quarta funeralis, quæ datur propter onus, quod sustinetur in administratione Sacramentorum ex officio, *c. 1. Relatum c. de his de sepult.* Unde cum Confessarius non minus administret Sacramenta suis monialibus, mulieribus, & puellis existentibus intra clausuram, ac faciat Parochus quivis respectu suarum ovium, eidem pari ratione debetur quarta funeralium.

Oppositam sententiam tuetur mordicus Pignatellus *c. 7. consult. 65.* Probat, quia puellæ, quæ ad tempus causa educationis sunt hospites in monasterio, dicuntur peregrinantes, desumitur ex *l. 1. §. hoc autem de his, qui*

deje-

disjecerint ibi: Tantum autem interest inter habitatorem, & hospitem, quantum interest inter habitatorem, & peregrinantem. Si igitur sunt peregrinantes, non amittunt Parochiam, & ideo si contingat eas mori in monasterio, non electa vel a se ipsis, vel a parentibus sepultura, debent in propria Ecclesia Parochiali sepeliri. Immo si dictæ puellæ nullum in aliqua Parochia retinent domicilium, jus sepulturæ spectat ad Parochum illius Parochiæ, in qua situm est monasterium; quia si contingat celebrari illarum puellarum matrimonia, Parochus dictæ Parochiæ interest illorum celebrationi; ergo interesse debet & funeri, quia jus illius funerandi competit ei eodem jure, quo ei competit jus celebrandi matrimonia; utrumque enim est jus Parochiale.

§. IX.

De Clausura quoad Menialium egressum.

Quar. 1. **O**B quas causas possint moniales egredi e monasterio.

Resp. Causas legitimas, ob quas moniales exire possunt, declaravit S. Pius V. & ad tres reduxit in sua *Constit.* quæ incipit, *Decoris*; edita Kal. Februarii 1569. nempe grave incendium, lepram, & epidemiam. Nomine magni incendii communiter Doctores intelligunt incendium, cui succurri non potest absque periculo pereundi moniales, si intra claustra commorentur. Casus incendii non respicit tantum communitatem, ut communitas est, sed etiam omnes ejus personas ut singulas, atque adeo si una tantum periclitetur, cui aliter succurri non possit, erit licitus egressus &

clausura. Ita Suar. *t. 4. de relig. tr. 8. l. 1. c. 9. n. 1.* Sub lepræ nomine venit infirmitas contagiosa, ob quam ea infectus a communi omnium consortio separatur. Non erit tamen legitima causa exeundi, si monasterium sit ita capax, ac ea sit medendi eidem infirmitati commoditas, ut nullum immineat aliis monialibus periculum. Quia in hoc casu cessat exeundi necessitas, quæ hujus concessionis est causa, ut cum alijs notat Sanch. *lib. 6. c. 15. n. 32.* Nomine epidemiæ non venit morbus popularis de facili sanabilis, sed infectio pestilentialis malignam qualitatem præferens, quæ facile ad alios diffunditur cum manifesto mortis periculo. Zachias *lib. 8. tit. 3. q. 1. n. 7. & seqq.* & Doctores apud Nav. in *Summa Bullar. p. 2. com. 37.*

Quer. 2. An possint moniales exire ob alijs causas similes expressas a S. Pio V.

Resp. Affirmant sexdecim Doctores, quos refert, & approbat Pasqual. in *Lauret. n. 30.* Quia licet Pontifex utatur dictione *Nisi*, quæ videtur excludere omnes alias causas; verum hæc dictio non excludit casus similes, ut in *d. si mora v. duntaxat ff. soluto matrim.* ubi Castren. *nn. 9.* Jason. *n. 5.* & alii; ideo nec etiam in præsentī casu excludet. Neque obstat quædam declaratio Sac. Congr. quæ habet, *nomine epidemia eam tantum epidemiam intelligere, quæ est vera, & realis pestis, ita ut ob alias infirmitates huic aliquo pacto consimiles, sed tamen benigniores, etiam si epidemia nomine nuncupentur, nullo pacto monialibus professis ex monasterio exire liceat.* In qua declaratione notandum est, quod non dicit absolute *similes*, sed *aliquo pacto consimiles*; quod est valde diversum; & proinde dum declarat, quod Constit. S. Pii V. non se extendit ad infirmitates ali-

aliquo pacto similes, non sequitur, quod non se extendat ad similes; in similibus enim militat ratio finalis legis, & ideo ipsa quoque lex locum habet. At in aliquo pacto similibus non militat absolute ratio legis; quia non sufficit aliqualis similitudo ad trahendam rationem legis. Ad casus formaliter similes reducuntur imminens bellum, fluminis inundatio, ædificiorum ruina. Navar. Barb. Bonac. relati a Pasqual.

Quar. 3. An sit licitus egressus e monasterio, si monialis laboret morbo ita periculoso, ut desperetur ipsius salus, nisi e monasterio egrediatur.

Resp. Affirmant aliqui penes Pasqual. *loc. cit.* Tum quia casus iste est urgentior expressis in Constitutione Piana; tum quia lex ecclesiastica, qualis est hæc de monialius clausura, cum periculo vitæ non obligat. Negant alii; quia hic casus est valde dissimilis illis tribus expressis in citata Constitutione. In illis enim solum communis boni aliarum monialium ratio habetur; præsens autem casus solum respicit utilitatem monialis particularis, atque adeo casus excepti in dicta Constitutione cum dictione taxativa ratione boni communis non sunt extendendi ad casum utilitatis privatæ. Ita Sanch. Guttier. Barbof. & alii relati a Pignatel. *l. 9. conf. 190. n. 10.* ubi etiam *n. 5.* addit, quod cum in Sacr. Congreg. Concil. effet dubitatum, an monasterium situm in loco paludoso, propter quem aer sit insalubris, & periculosæ infirmitates moniales invadant, comprehendatur in Constit. S. Pii V. adeo ut moniales exire non possint ad curandas dictas infirmitates, Sacr. Congreg. censuit comprehendendi, casum tamen esse dignum provisione speciali.

Quar. 4. An in prædictis casibus requiratur ad egrediendum licentia Superioris, & cujus.

Resp. Requirit, & patet ex Concil. *sess. 25. de Regular. c. 6.* & ex superius cit. Constit. S. Pii V. Probatio causæ, & licentiæ concessio spectat ad Episcopum in monasteriis sibi subjectis; in monasteriis vero sub Regularium cura debent causæ probari, & licentia concedi ab Episcopo, & monialium Superioribus conjunctim, ut constat ex dictione illa *& simul* posita in citata Constitut. ita enim habet, *Sicque causa hac cognita, probata, atque etiam in scripturis expressa per Superiores, & simul per Ordinarium.* Hæc enim dictio importat similitudinem, & conjunctionem, juxta ea, quæ habent Bald. & Rolland. & ideo, si aut Superiores, aut Ordinarius dissentiant, nec putent causam sufficientem, non poterit concedi licentia, quæ debet esse in scriptis, ut ex cit. Constit. *in scriptis expressa.* Nomine Episcopi, qui approbare causam debet, venit Vicarius Generalis, non vero Foraneus, quia non hic, sed ille est vere Ordinarius, & unum cum Episcopo tribunal constituit. Barbof. *cit. allegat. n. 29.* Sanch. & Bonac. qui etiam extendunt ad Vicarium Capitularem, Sede vacante, si ei a Capitulo expresse hæc potestas sit demandata, etiam quoad monasteria exempta; ut superius diximus *cap. 6. §. 2. q. 2.*

Quar. 5. An stante causa legitima egresfus, possit monialis absque licentia exire, si nolit Episcopus, vel Prælatus eam licentiam concedere.

Resp. Posse, si constet evidenter de causæ legitimitate, siue teneatur ad clausuram ex sola lege ecclesiastica, siue ex voto, quia neque lex ecclesiastica, neque votum, quod ejus obli-

obligationem imitatur, censetur per se obligare cum gravi detrimento propriæ vitæ, & boni communis. Sanch. *lib. 6. cap. 15. nu. 51.* & Layman. Si vero legitimitas causæ sit dubia, Superioris iudicio standum est, atque adeo ex se non poterit; quod pariter asserendum casu, quo ex egressu orirentur scandalum, & religionis infamia, ut frequenter contingit ex resistantia Prælato facta. Suar. *1. 4. de Relig. tract. 8. lib. 1. c. 9. n. 12.*

Quar. 6. An dentur aliæ causæ, ob quas moniales possint absque licentia egredi e clausura.

Resp. Quod sic; scilicet, si monialis esset injuste damnata ad perpetuum carcerem; secus vero si esset iuste detenta; nam tunc teneretur proprii delicti subire poenam, nisi forte adeo male tractaretur a custode, ut denegaretur cibus, vestitus, aut ignis, seu necessaria ad vitam sustentandam. Ita Doctores citati a Sanch. *l. 6. c. 8. nu. 14.* Vel nisi ageretur de vitanda mutilatione, aut morte violenta infligenda, vel per iudicis sententiam, ut de seculari asserunt Lessius, & alii cum D. Thoma, vel per injustam hostis aggressionem, ut in puncto firmant Sanch. & Tamb. *disp. 20. q. 7. n. 2.* qui pariter docet *disp. 19. q. 5. ad 8.* esse licitum egressum, si periculum vitæ certo immineat moniali ob graves molestias, & vexationes, quas injuste patitur, & habere non potest Episcopum, aut Superiorem, à quo sublevetur, quia hoc est veluti ab extrinseco occidi; & hoc extendit etiam ad casum, in quo monialis effecta gravis timeret cum famæ propriæ, ac monasterii, etiam vitæ jacturam. Ratio in omnibus prædictis casibus est, quia jus naturæ cuique competens ad conservandam

vitam nullo religiosorum voto abdicatur. Huic doctrinæ subscribit etiam Delbene *de Immunit. Eccles. t. 2. c. 19. dub. 17.* ubi n. 7. assignat discrimen, quare licitus sit egressus, quando periculum vitæ est ab extrinseco, non autem ab intrinseco, nam in primo casu periculum facile vitatur per fugam, non sic in secundo; cum enim sit intrinsecum, comitatur ipsam monialem, & sic per fugam non cessat, unde viget semper obligatio certa de clausura.

Quæst. 7. An monialis possit egredi ad habendam curam nepotum omni auxilio carentium.

Resp. Non posse, nisi summi Pontificis licentia interveniente. Sac. Congr. apud Armend. in *Addit. lib. 2. tit. 10. lib. 7. de Relig. num. 105.* Neque ad habendam curam consanguineorum infirmorum. Tamb. & Bonac. *ubi supra.* Neque ad succurrendum in extrema necessitate parentibus, aut filiis; & si alii contrarium sentiant, cum in tali casu quam maxime urgeat jus naturæ, & obligatio charitatis. Ita Delbene *loc. cit. dub. 21.* advertit, quod in casibus monialis egreditur sine licentia, tenetur postea id Superiori significare. Quod intellige, si possit, & duret egressus; quia egressu adhuc durante, potest Superior illum emendare, si causam, cujus cognitio pertinet ad ipsum, non approbat. At non tenetur, si jam egressus cessavit. Vide Bonac. *de claus. q. 1. punct. 8.* ubi notat, monialem ad tempus legitime egressam teneri statim redire, finito negotio, ad quod exivit, quia cessante causa concessionis egressus, cessat concessio. Hoc autem præceptum de statim redeundo, cum finis in moralibus, moraliter est intelligendum, ita ut monialis illud non violet, si per unum, vel alterum diem alicubi moretur, vel ad clau-

clausuram rediens in itinere alio divertat ad
visenda imaginem sacram, cognatam, vel ami-
cam. Ita Delbene *loc. cit. dub. 20. n. 4.* alios citans.

Quar. 8. An monialis possit egredi, ut sit
Abbatissa alicujus monasterii, & ob alias
similes causas. .

Resp. Ex communi Doctorum affirmative;
discrepant tamen in hoc, quod eorum aliqui
censent licitum esse egressum cum sola Ordini-
narii, & Prælati Regularis approbatione, &
consensu, nulla Sedis Apostolicæ, & Sac.
Congregat. interveniente facultate; quia hic
etiam, sicut in casibus in cit. Constit. S. Pii V.
expressis, militat ratio boni communis Reli-
gionis, ad quam spectat bonam Prælatam præ-
ficere. Requirit tamen, quod iste transitus
fiat ad monasterium ejusdem Ordinis, & habi-
tus. Et ita tenent decem & septem Doctores
apud Delbene *loc. cit. dub. 14.* qui ad eandem
rationem asserunt, posse concedi moniali
egressum, ut sit Magistra Novitiarum, quin, &
ut præsit portæ, vel rotæ in alio monasterio
similiter ejusdem Ordinis, & habitus; immo
ad novum monasterium ejusdem Ordinis fun-
dandum, vel etiam reformandum. Alii vero
sustinent in supradictis casibus non licere
egressum absque Sedis Apostolicæ, vel Sa-
cræ Congregationis licentiâ; & ita docent
Savar. Zerola, Barbos. Tamburin. & Dia-
na ex pluribus Sac. Congregat. declaratio-
nibus, & ita absolute est observandum, præ-
cipue ex Decreto Pauli V. *sub die 27. De-
cemb. 1617.* publicato, & generalibus Or-
dinum Procuratoribus intimato. Unde ne-
que causa correctionis sine tali licentiâ
possunt transferri de uno monasterio ad
aliud, quanvis in primo corrigi non pos-
sint

sint cognatorum timore, vel alia simili causa. Quod si aliqua monialis sit adeo incorrigibilis, ut in nullo monasterio correctio sperari possit, non per hoc erit ejicienda, saltem inconsulto Pontifice, utpote quid novum, & inusitatum, atque adeo scandalum generans: quapropter in tali casu carceri potius, ne alias inficiat, includi debet, quam cum tanto scandalo, & præjudicio boni communis monasterii expelli, idque ex Sac. Congr. in una Rodonen. 1617. & altera 1603. sentiunt Barbos. Gavant. Lezan. & Riciul. qui advertunt, quod monialis, causa foundationis, reformationis &c. egressa possit de consensu utriusque monasterii finito negotio ad primum monasterium redire, etiam si focia, cum qua egressa fuit, redire nolit.

Quar. 9. An moniali concedi possit egressus ad strictius monasterium.

Resp. Posse; & hoc ex declarationibus Sac. Congreg. quæ in una Nanaten. 1613. & in una Rodonen. 1617. expresse decernit, quod non obstante rigorosa clausura monialium, possit adhuc monialis, servatis servandis, transire de una religione ad aliam, at in casu, quo transeat, debeat in Religione, ad quam transit, Novitiatum facere, & professionem emittere. Ad talem egressum requiritur Ordinarii, & Superiorum licentia, quæ sufficit si sit petita, licet non obtenta, sicuti de religiosis viris dicitur. Ita Delbene ubi supra dub. 19. nu. 7. Quod tamen non videtur admittendum, quia hic non agitur de egressu simpliciter, sed de egressu qualificato obligatione clausuræ, ad quam requiritur dispensatio, & licentia, quæ licet possit concedi ab Episcopo, consultius tamen est, ut petatur a Sac. Congr. ut advertit Barb. de jur. Eccles. lib. 1. cap. 44. n. 76.

In hujusmodi translatione sequentes sunt observandæ conditiones, videlicet, quod antequam monialis e primo monasterio egrediatur, aliud sit paratum, in quo benevolas habeat receptrices, & etiam capitulariter, & per secreta suffragia recipiatur; deinde ut dotem solitam ab aliis præstari solvat, & spes illi auferatur ad primum monasterium redeundi; insuper quod translatio fiat comitantibus matronis consanguineis gravibus ab uno ad aliud monasterium, recta via, absque diverticulo, ac nullibi pernoctetur, nisi causa hospitii, idque nonnisi apud honestas personas, ut pluries fuit observatum ab eadem Sac. Congr. & præcipue in una Nanaten. 16. Januarii 1615.

Quær. 10. An monialis, quæ a monasterio aufugit, timens juste, ac probabiliter a monialibus sui monasterii mortem sibi veneno inferendam, possit transire ad aliud monasterium diversæ regulæ, etiam laxioris.

Resp. Affirmative. Nam cum in præfato monasterio tute manere non possit propter odia, & persecutiones, neque minus in monasteriis ejusdem Ordinis absque modestia vivere queat propter infamiam, & pudorem, quo continuo suffunderetur, cumque in aliis monasteriis diversi Ordinis tranquillam cum ingenti bono, & augmento spirituali vitam absque animi solitudine ducere possit, utique licita est translatio etiam ad Ordinem laxiorem, ob majus bonum spirituale, quod præcipue attendi debet. Ita D. Thom. 2. 2. q. 189. art. 8. & cum eo Suarez. Quare injuncta prius moniali poenitentia salutari, cum obligatione relinquendi dotem priori monasterio, & solvendi novam secundo, hujusmodi translatio indulgentia videtur. Atque ita resolvit Sac. Congr. Episc.

280. *De Claus. quoad Monial. egress.*
Episc. in una Messanen. 29. Aprilis 1603. &
in una Casaragustana transitus 1636. teste Pi-
gnatel. t. 1. consult. 120.

Quar. 11. An casu, quo totum aliquod mo-
nasterium transferri debeat in aliud monaste-
rium de novo constructum, talis translatio
fieri possit, inconsulta Sede Apostolica.

Resp. Non posse, & hoc ex praxi Sacre Con-
gregat. quæ in hujusmodi casibus solet expres-
se hanc facultatem concedere, ut cum aliis
observat Cassianus v. *Clausura* n. 197. Nihilo-
minus non defunt oppositum sentientes ex
Barb. alleg. 102. n. 27. cum ibi relatis, & colli-
gunt ex declaratione Sac. Congr. edita 17. Julii
1615. in qua habetur, quod auctoritas Sedis
Apostolicæ requiritur tantum ad constructio-
nem novi monasterii, non vero in monialium
translatione; unde eo ipso quod intervenit in
constructione, non est opus alia facultate in
translatione, quia hæc consequitur ad constru-
ctionem; quare subintrat regula, quod con-
cesso principali, conceduntur ea omnia, quæ
veniunt in consequentiam ad ipsum. C. *pruden-
tiam*, §. *si vero de off. deleg.* Hoc autem est con-
forme dispositioni Concilii *sess. 25. de Regul. c. 5.*
ubi statuit, quod monasteria Sanctimonialium
extra mœnia urbis, vel oppidi, curent Episco-
pi, vel alii Superiores, si ita videbitur expe-
dire, ut ad nova vel antiqua monasteria in-
tra urbes, vel oppida reducantur. Hæc autem
translatio, nisi nova monasteria erigantur,
fieri debet ad monasteria ejusdem Ordinis,
applicatis ipsis redditibus monasterii transla-
ti, ut refert decisum Zerola *part. 1. Praxis, v.*
Monialis. An autem Episcopi possint monaste-
ria exempta transferre, affirmat Vveims, *con-*
stit. 15. n. 47. quia etiam ipsa quoad clausuram
sub-

subduntur Episcopo tanquam Sedis Apostolicæ delegato.

Quar. 12. An monialis cum licentia egressa ad curandam infirmitatem, & intra domum privatam inclusa, violet clausuram, si huc, & illuc vagetur.

Resp. Non violare. Ita Navar. Sanch. & Tamburin. quia monialis non ligatur lege clausuræ nisi intra proprium monasterium. & cum obligatio clausuræ sit odiosa, ultra limites monasterii non est extendenda. Si tamen Superior moniali in domo privata commoranti præscribat clausuram, tunc eam tenetur etiam in privata domo servare, quia tale præceptum est a Superiore potente clausuram indicare.

Quar. 13. An liceat mittere extra clausuram moniales conversas ad quæritandas elemosynas.

Resp. Doctorum alios concedere, alios negare, ut videre est apud Donatum *reg. Regular. tom. 4. tract. 3. quæst. 18.* Consuetudini standum esse non dubito, observatis tamen conditionibus per Sac. Congregationem præscriptis, nimirum. Quod Conversæ extra casum quæstuandi non egrediantur, neque ad alia monasterii negotia peragenda. Saltem binæ simul incedant, si sint ætatis non minus annorum quadraginta, & vitæ exemplaris, bonæque ædificationis. Extra monasterium nullo modo pernoctent, neque extra Civitatem, terras, & loca, in quibus monasteria consistunt, egrediantur; nisi ex loci angustia, & paupertate secus Episcopo vel ministro provinciali visum fuerit esse necessarium. Quod si hac de causa necesse eis fuerit extra monasterium pernoctare, non nisi in domibus personarum probatæ vitæ, & famæ hospitentur.

§. X.

*De Clausura quoad accessum
Extraneorum.*

Quar. 1. **Q**uid importet de suo formali accessus ad monasteria interdictus.

Resp. Duo copulative importare, videlicet locum, ad quem fit accessus, & collocationem. Ita ex Januario *de calib. eserv. ref. 29. n. 15.* & Pace Jordano *tom. 2. lib. 7. tit. 12. n. 57.* & desumitur ex Sac. Congregationis decretis editis jussu Sixti V. *anno 1590.* & Urbani VIII. *anno 1623.* in quibus de accessu, & colloquio semper copulative fit mentio. Neque valet, quod accessus ad monasteria non prohibetur per se, sed tantum ut medium ad locutionem; unde tota ratio prohibitionis consistit formaliter in sola locutione, atque adeo, id, quod formaliter prohibetur, est sola locutio. Nam falsum est, quod accessus ad monasteria non prohibeatur per se, sed tantum ut medium, quia non tam ex accessu possunt oriri verba turpia, quæ spectant ad locutionem, quam ex colloquio tactus inhonesti, qui pertinent ad accessum. Cum igitur finis Sac. Congregationis fuerit utrumque præcavere, dicendum est, utrumque per se prohibuisse; sed quia prohibuit copulative, ideo utrumque ad violandam legem, utpote poenalem, necesse est intervenire.

Hinc est, quod qui tantum accedit, sed non loquitur, vel tantum loquitur sine accessu, non facit contra legem, nec poenas incurrit, quia ad has contrahendas debent concurrere omnes qualitates a decretis requisitæ, *c. 1. de homi-*

homicidio in 6. & notant Jo. Andreas ibid. per illum textum, Jul. Clar. lib. 3 §. fin. q. 83. n. 9. Quare locutio cum monialibus in domibus propinquis non comprehenditur sub prohibitione. Diana p. 3. tract. 2. res. 48. Tamburin. Lezana, Januar. contra Merol. & Pasqual. in Lauret. nu. 1124. Neque vi dictæ prohibitionis est interdictum scribere monialibus, non quia scribere non sit formaliter loqui, sed quia deficit ratio accessus. Ita Ricius, Barb. Januar. Tambur. & alii. E contra vero contra prohibitionem facit, qui loquitur per nutus, & signa; quia ex una parte adest ratio accessus, & ex alia intervenit etiam locutio; nam vere explicat moniali suos internos conceptus, in qua manifestatione consistit formaliter locutio, in nullo refragante, quod talis manifestatio fiat per nutus, non vero per verba, quia differentia se tenet penes modum, non penes substantiam. Ita Grassius, & plures alii, quos refert, & sequitur Philippin. de Privil. ignorant. in Append. ad c. 4. nu. 284.

Rursus non facit contra prohibitionem, qui loquitur cum moniali idiomate ab ipsa non percepto, quia deficit collocutio; non enim dicitur loqui cum moniali, sed loqui coram ipsa; nam locutio, ut sit completa, debet transmittere conceptus loquentis ad audientem, & eos illi communicare, quo secluso, non habetur formaliter locutio. Ita Merol. Pasqual. n. 1120. & Januar. qui addit, quod si quis loquatur per intermediam personam, non facit contra prohibitionem; nam tunc explicat suos conceptus alteri, & hic moniali. Hoc tamen non approbat idem Pasqualig. quia si locutio esset directa ad monialem, vere ipsam alloqueretur, & fines ipsius esset communicare
suos

suos sensus moniali, & solum esset facere fraudem legis, & proinde legem violare. Ita Graff. & Lezana in *Sum. v. Moniales* 20. Quod pariter dicendum est de eo, qui loqueretur cum moniali, ipsa nihil respondente, quia finis legis est tollere commercium locutionis, quod habetur, siue monialis respondeat, siue non; secus dicendum, si monialis loqueretur, Religiosus vero nihil responderet, quia non est prohibita auditio, sed locutio. Pasqual. *loc. cit. n. 1123.*

Quar. 2. An alloquentes cum monialibus sine licentia peccent mortaliter.

Resp. Attentis tantum antiquis juribus, de quibus infra 9.4. & præcisa particulari Episcopi prohibitione, Clericos, & laicos sine justa causa, & legitima licentia semel aut iterum accedentes ad colloquendum, peccare venialiter, docent Llamas, Manuel, Navarr. & Sanch. in *sum. lib. 6. cap. 16. n. 119.* mortaliter, vero si frequentent, dummodo tamen præcesserit monitio Episcopi præceptiva, qua deficiente, sicut cessat contumacia, ita deficit etiam peccatum, nisi ex tali frequentia consurgat scandalum, aut finis aliquis turpis admisceatur, quæ circumstantiæ difficillime possunt a frequentia separari. Et ideo frequentem colloquutionem adolescentis cum moniali raro a mortali excusat. Castropal. *par. 3. de vot. relig. obed. disp. 4. pun. 11. n. 9.*

Verum tam Clericos, quam laicos mortaliter peccare absolute, & sine ulla distinctione sustinent Rodriq. Miranda, Bonac. *part. 3. n. 1. q. 3. de claus.* & alii. Qui a fortiori idem asserunt de Regularibus contra Bordon. in *Conf. Regul. ref. 7. nu. 81.* Delbene t. 1. *de immunit. c. 14. dub. 5. n. 25.* Siquidem Sac. Congr. prohibet tanquam aliquid grave, & imponit trans-

transgressoribus poenam valde gravem; quæ non solet imponi nisi pro peccato mortali, ut notant communiter Doctores. Unde hanc sententiam sustinent Merol. Coriolan. Nald. & alii penes Pasqual. *loc. cit.* n. 1117. Quod etiam declaravit Sac. Congr. *sub die 1. Julii 1606.* teste Duar. *lib. 3.* in Bulla Cœnæ §. 8 q. 2. n. 47. Et hoc habet locum, etiã si locutio sit de rebus indifferentibus, quia finis legis est tollere commercium præsentiale propter pericula, quæ inde oriri possunt; hoc autem commercium exercetur in quacunque locutione, de quacunque materia sit, & proinde militat semper eadem ratio finalis. Neque valet quod lex ista, utpote fundata in præsumptione colloquii ad malum finem, & in periculis annexis tali colloquutioni, cesset obligare, cessantibus periculis, & prædicta præsumptione. Lex enim semper obligat, quamvis in aliquo casu non adsit periculum, quod intendit vitare, quia non cessat finis adæquatus ipsius. Unde matrimonium clandestinum semper est invalidum, quia in modo illo contrahendi præsumitur, seu judicatur periculum esse fraudis, esto quod in hoc, vel illo casu particulari nullum sit hujusmodi periculum; semper enim verum est dicere, talem contractum sic factum esset periculosum.

Quær. 3. An detur parvitas materiæ, seu collocutio ad breve tempus excusans a peccato mortali.

Resp. Quamplures Doctores parti affirmativæ adhærere, inter quos Graff. & Diana. Siquidem non magis obligat lex humana, quam obliget lex divina; si igitur in transgressione legis divinæ datur parvitas materiæ excusans a mortali, debet etiam admitti in transgressione legis humanæ. Discrepant

tamen in assignando, quænam in hoc casu censenda sit parva materia. Grassius putat, transeunter monialem salutare, & parum colloqui esse parvitatem materiæ. Quartus quadrantem horæ. Diana spatium unius Miserere in materia parva constituunt. Hæc tamen sententia de parvitate materiæ omnino est rejicienda, sicut eam rejecit speciali suo decreto Sac. Congregatio Concilii, Clemente IX. approbante, estque tenoris sequentis.

Die 1. Maji 1669. Sac. Congreg. Eminentissimorum Sanctæ Romanæ Ecclesiæ Cardinalium Concilii Tridentini interpretum. Habita notitia, quod nonnulli Regulares absque licentia crates monasteriorum monialium adire, & frequentare non dubitent, prætendentes non esse interdictum per breve tempus, etiam usque ad quadrantem hora cum dimidio, quod horologio arenario aliquando metiuntur, moniales, aliasque personas intra clausuram existentes alloqui, & hanc opinionem tanquam veram affirmant, disseminant & forsitan etiam evulgant, proprias graviter illaqueantes conscientias, scandala confoventes, ad hujusmodi perniciosos errores eliminandos, opinionem prædictam improbens, rejiciens, ac damnans declaravit: Regulares cujuscunque Ordinis, Militiæ, Societatis, Congregationis, & Instituti, etiam de quibus specialis mentio foret habenda, qui ad monasteria monialium, quamvis ab Ordinarii jurisdictione quomodolibet exempta, & etiam ipsis Regularibus subiecta, vel alias speciali mentione digna, absque legitima facultate accedunt, colloquendo etiam per quodcunque modicum temporis spatium cum monialibus, aut aliis intra clausuram degentibus, peccare mortaliter, eosque sub excommunicationis, privationis vocis activæ, & passivæ, aliisque contra Regulares accedentes
sine

finē licentia ad monasteria monialium, statutis poenis, posse ab Ordinario, tanquam Sedis Apostolica delegato coerceri. Et die 7. Junii ejusdem anni facta relatione SS. Domino Nostro, Sanctitas sua presentem declarationem approbavit, ac typis dari, servarique iussit.

Non desunt tamen Doctores aliqui recentiores, inter quos Amænus, oppositum docentes etiam post dictam declarationem, moti hac ratione, quod, cum finis legis colloquium prohibentis sit pericula, & scandala præcavere, ut clare desumitur ex illis verbis *scandala confoventes*, tunc solummodò colloquium, etiam intra modicum temporis spatium, erit prohibitum sub gravi, quando graviter adversabitur fini intento a lege, atque adeo tunc solummodò erit peccatum mortale quando connectetur cum periculis, & scandalis, quæ ex ipso, etiam intra modicum tempus, possunt oriri.

Totum hoc confirmant paritate rationis. Nam quando lex prohibet incedere noctu cum armis per civitatem: non prohibetur incessio noctu præcise, sed incessio cum armorum delatione conjuncta, quia sub illa tantum ratione adversatur fini intento a lege; ergo pariter quando prohibetur collocutio etiam ad modicum tempus, non prohibetur collocutio præcise, sed quatenus connectitur cum periculis, & scandalis, quia sub hac tantum ratione adversatur graviter fini legis.

At prædicti Doctores nullatenus sunt audiendi. Cum enim Sac. Congregatio in aliis declarationibus, præcipue in declaratione infra referenda, declaraverit, Regularibus promunere prædicationis obeūdo missis ad crates prohibitū esse sub mortali, nec non censuris, & poenis, immediate post cum monialibus immiscere

scere sermones cum questionibus, & dubiis spiritualibus, aut materiis ipsius concionis, in quibus nulla ratio scandali, aut periculi reperitur, signum est, quod collocutio non est prohibita tantummodo ex suppositione periculi, vel scandali, sed absolute, quia lex intendit omnino tollere commercium præsentiale, quod per quamcunque collocationem etiam ad modicum temporis spatium exercetur. Tum quia non spectatur, quale scandalum, aut periculum sequatur, uno contraveniente; sed quale si a multis, & communiter fiat. Sanch. in Sum. lib. 1. c. 4. n. 8.

Quar 4. Quo jure siue sæcularibus, siue Regularibus prohibeatur accessus ad monasteria monialium.

Resp. Else prohibitum jure antiquo. *Cap. Monasteria de vita, & honest. Cleric. & Cap. periculoso de statu Regular. in 6.* Idem specialiter prohibetur Religiosis. *Cap. definivimus 18. qu. 2.* & extant duo decreta, unum sub Sixto V. *Nonis Maji 1590.* alterum sub Urbano VIII. *duodecimo Kal. Decemb. 1623.* Advertendum tamen est, quod prohibitio colloquendi moniales non solet comprehendere sæculares conjunctos in primo, vel secundo gradu, *Perusina 18. Januarii 1618. Menopolitana 6. Maji 1625.* excepto casu, in quo ex constitutionibus monasterii, vel speciali Episcopo decreto prohiberentur etiã conjuncti in primo gradu moniales alloqui sine licentia, quæ tamen, nisi aliud obstat, ipsi concedi debet ad annum pro alloquendis monialibus sibi conjunctis semel in mense, *Verulana 10. Februarii 1599.* Concessa licentia semel in mense, non est necesse, quod inter unam, & aliam visitationem transeat mensis integer, sed poterit accedere v. gr. die 27. Aprilis, deinde die secunda Maji, dummodo

modo nec in Aprili, nec in Majo, alia vice accedat. Sanchez.

Quar. 5. An prohibitio alloquendi moniales extendatur ad Abbatissam.

Resp. Doctores aliquos negare. Ita Lezana, Tamb. Januar. & Zambel. poenes Pasqual. *loc. cit.* Cum enim sit lex odiosa, nomine monialium non venit Abbatissa, & quidem rationaliter; quia, cum Abbatissa sit persona gravis, propectæ ætatis, & probatæ vitæ, cessant quoad ipsam illa pericula, propter quæ est facta prohibitio. Oppositum tamen tenendum cum Merol. Megalio, & Squillant. præcipue ob decretum supracitatum Sixti V. in quo prohibetur allocutio non solum cum monialibus, sed etiam cum qualibet alia persona intra claustra degente. Dictio *qualibet* est universalis, & omnes comprehendit, etiam illos qui alias non comprehenderentur, ut per Seraph. *dec. 980. n. 8.* & censuit Rota *diversor. dec. 791. n. 10. p. 1.* etiam in materia odiosa, & stricte interpretanda. Calderin. *cons. 1. de consanguin. & affinis.* Aym. *cons. 118. n. 12.* Rota *divers. dec. 233. n. 9. & 28. p. 1.* Consequenter comprehenditur etiam Abbatissa. Quod expressius habetur ex Constitutione Alexandri VII. *Sacro sancti*, in qua aperte declarat, quod sub nomine monialium in hac materia locutionis veniunt *Abbatissa, Priorissa, aut Officiales monasterii.*

Nec subiungit responsio Potestat. in *exam. confess. t. 1. p. 2. nu. 1477.* scilicet, quod dicta Constitutio utpote edita pro quiete monialium Urbis, prohibet tantum allocutionem cum Abbatissis, Priorissis, & officialibus monasteriorum ejusdem Urbis, extra quam non est extendenda, cum sit odiosa. Nam responderetur, quod, licet specialiter dispo-

Confess. Monial.

N

nat

nat de monialibus Urbis, attamen, quia materia de qua, scilicet collocutio, & finis ob quem disponit, scilicet quies monialium, est communis tam monialibus Urbis, quam extra Urbem, utraque comprehendit. Nam communitas materię, & ratio legis facit, quod dispositio specialis efficiatur generalis, *l. regula, §. si quis, ff. de iur. & fac. ignor.* & notant Bart. *ibid.* Alex. *in l. si pupil. ff. de verb. oblig.* Decius *conf. 451. in fin.* Cravet. *conf. 273. nu. 3.* Surd. *conf. 53. n. 6.* etiam in odiosis, & poenalibus per extensionem comprehensivam, ut docent Imol. *in cap. 1. de temp. ord. in 6.* Gemin. *ibid.* Panorm. *in cap. fin. nu. 10. de rescript.* & alii apud Sanch. *de matrim. lib. 3. disp. 42. n. 4.* Quar. 6. An dicta prohibitio afficiat Episcopos extra suam diocesim commorantes.

Resp. Si loquamur de prohibitione facta in Constit. Bonifacii VIII. relata *in c. periculoso*, & innovata per Concil. Trident. *sess. 25. de Regular. cap. 5.* dicendum est, afficere etiam Episcopos, & Prælatos, immo etiam Cardinales, extra diocesim commorantes, ut probat Donatus *in Praxi t. 4. tract. 5. qu. 21. & 24.* ubi tamen subdit, quod prædicti loquendo cum monialibus sine licentia, ex tacita, seu præsumpta licentia Ordinarii scientis, & non contradicentis, possunt excusari. Si vero loquamur de prohibitione Ordinarii contra alloquentes cum monialibus subiectis, non subjici tali prohibitioni, neque poenis in ipsa contentis, defendunt Graff. & Diana, quia dicti Episcopi, & Prælati sunt exempti ab omni jurisdictione Episcopi loci, ad quem divertunt. Nihilominus probabilius est oppositum, tutius in conscientia, & in praxi servandum. Ita Doctores relati, & appro-

approbati a Philippin. *de Priv. ignor. in append. cap. 4. n. 269.* Quia Episcopus, & Archiepiscopus in alieno territorio censentur ut privatæ personæ; ex Panor. Anchar. Hostien. & aliis; unde tenentur, sicut quælibet alia persona, locorum leges servare, & sic tenentur ad jejunia, ac festa, aliaque omnia pro bono communi, & salute animarum ab aliis Episcopis in eorum dioecesibus indicta. Præterquam quod Episcopus dioecesanus in casibus concernentibus monialium clausuram quoad personas exemptas, procedit ut Sedis Apostolicæ delegatus, unde ejus auctoritas extenditur ad omnes personas quovis titulo in sua dioecesi repertas. Quod autentice fuit declaratum a Sac. Congr. in *Baren. 20. Maji 1619.* quam declarationem per extensum refert Navar. *sum. Bull. p. 1. com. 43. n. 10.*

Quar. 7. An Prælati Regulares tuta conscientia possint accedere ad loquendum cum monialibus, etiam non subditis.

Resp. Affirmativam sententiam sustineri ab Antonio a Spiritu Sanct. in *direct. regul. tract. 4. disp. 4. sect. 1. n. 20.* hac ratione, quod talis accessus nullibi est prohibitus Prælati Regularibus; nam neque *Cap. periculoſo de statu regul. in 6.* neque Tridentinum *sess. 25. c. 5. de reg.* neque Decretum Sixti V. loquuntur de Prælati, sed de religiosis particularibus. Et *Cap. Monasterium de vita & honestate Clericorum* loquitur de Clericis, quorum nomine in odioſis non veniunt Prælati. Negative tamen resolvendum, quia Prælati Regulares respectu monialium sibi non subditarum censentur ut privatæ personæ, sicut de Episcopis, & Archiepiscopis in alieno territorio supra notavimus; cadunt ergo sub prohibitione generali sicut quilibet Religiosus privatus.

Quar. 8. An Ecclesiæ Cathedralis Canonici cum monialibus colloquentes afficiantur censuris, & aliis pœnis latis ab Episcopo, si illi in edicto non sint specialiter expressi.

Resp. Videtur quod non; quia Canonici Ecclesiæ Cathedralis sunt personæ speciali nota dignæ; vocantur enim Clerici primi gradus. Innocen. in cap. sedes num. 2. de rescript. & dicuntur pars corporis Episcopi, & Ecclesiæ, cap. novit, & cap. quanto de his, quæ sunt a Prælat. sine cons. Caput. Et in pluribus æquiparantur dignitatem obtinentibus, ut in c. statutum in princ. de rescript. in 6. Neque carent honore, & præeminentia, c. quamvis, §. quanquam de præb. lib. 6. Et proinde non comprehenduntur sub prohibitione, nisi in specie exprimantur.

Quod a fortiori procedit in Canonicis Capituli exempti, ut ex Marco Vidal in Arca vital. de monial. inquisit. 2. nu. 29. ubi ex alio capite illos liberat a censurarum incurso, videlicet ratione exemptionis a jurisdictione coercitiva Episcopi. Nam ex Trident. sess. 25. c. 6. de reform. Episcopus sine Capitularibus adjunctis non potest juridice procedere contra Canonicos exemptos quoad pœnas propter delicta infligendas.

At resolvendum affirmative; quia Canonici uti singuli sunt personæ privatz, nec dici possunt in dignitate constituti, ut tradit Bald. in cap. pastoralis sub n. 3. versic. canonici autem de offic. deleg. cum aliis adductis per Pacian, de probat. lib. 3. cap. 27. nu. 101. atque adeo non sunt speciali nota digni. Et quatenus etiam tales essent, & proinde fruerentur privilegio, ut non comprehenderentur sub clausulis generalibus quantum ad odia, & rigores,

res, adhuc in præfenti dicerentur comprehenfi, ut in terminis allocutionis firmat Sperel. *decif. 21. n. 58.* Quia, quoties agitur de animarum præjudicio, etiam in pœnalibus, & odiosis admittitur extenfio. Panor. *in cap. ex tenore n. 6.* Jafon. Craver. Rota, Quaranta, & alii relati a Sperel. *loc. cit.* Et quia Epifcopus, ut fupra innuimus, in hac materia procedit ut Sedis Apoftolicæ delegatus, omnes fibi fubjicit, etiam privilegiatos, & exemptos.

Quar. 9. An in illis diocefibus, in quibus collocutio prohibetur fub excommunicatione Ordinario refervata, pueri, & puellæ impuberes tali pœna afficiantur.

Refp. Affirmat Graffius, dummodo fint doli capaces; quia ficut poffunt mortaliter peccare, fic etiam poffunt cenfura puniri, quæ fertur in pœnam delicti. Negant probabilius Bonacina, Diana, & alii, quia refpectu eorum, qui annos pubertatis nondum attigerunt, ceffat caufa finalis prohibitionis, quæ eft, ut vitetur occasio luxuriandi, quod non poteft habere locum in impuberibus, ut exprefse colligitur *ex cap. Pueris 1. de delict. pueror.* An autem pueri in dubio, an ætatem expleverint, peccent colloquendo cum monialibus, & excommunicatione ligentur, negant Diana, & Quartus, quia in dubio melior eft poffidentis conditio, pro libertate autem pueri ftat poffeffio.

Quar. 10. An Advenæ, & Peregrini ligentur excommunicatione lata ab Ordinario contra hujufmodi alloquentes.

Refp. Negant Diana, Januarius, & Delbene, quia Peregrini, & Advenæ non fubjiciuntur jurifdiictioni, & legibus loci, in quo obiter reperiuntur, & per quem tranfeunt,

quod patet ex *Cap. a nobis 1. de sent. excomm.* ubi habetur, exteros furantes in diœcesi, in qua furtum est prohibitum sub pœna excommunicationis ipso facto &c. in hanc non incidere, cum non sint de iurisdictione Episcopi excommunicantis. Distinguit Donatus in *Praxi tom. 4. tit. de accessu ad Monial. tr. 6. q. 22. x. 8.* & admittit hanc opinionem quoad monasteria immediate Episcopo subjecta, non vero quoad exempta; quia quoad prima Episcopus procedit potestate ordinaria, cui non subduntur Advenæ, & Peregrini; quoad secunda vero procedit auctoritate Apostolica delegata, secundum quam sibi subijcit etiam Advenas, & Peregrinos, quia edicta condita ab Episcopo cum tali facultate censentur condita ab ipso Pontifice, cui omnes Christi fideles in his, quæ spectant ad bonum animæ, tenentur ubique obedire. Ego absolute, & sine limitatione censeo, Advenas, & Peregrinos ligari excommunicatione lata ab Ordinario contra hujusmodi alloquentes, sive in monasteriis exemptis, ob rationes adductas a Donato, sive in immediate subjectis, quia Episcopus non tantum procedit auctoritate Apostolica delegata quoad loca, sed etiam quoad personas, ut patet ex declaratione Sac. Congr. in *Baren. 10. Maji*, superius adducta. Unde ratione talis potestatis subijcit sibi personas independentes a loco, & per consequens ligantur excommunicatione. Adde, quod etiam si non recurratur ad potestatem delegatam, Peregrini, & Advenæ subduntur legibus loci, ut habetur in *cap. consilium de observ. jejun.* & *Gloss. ibi*, & docent Pontius, Meroll. Molfesius, alique permulti.

Quar. 11. An afficiantur supradicta ex-
com-

communicatione sæculares colloquentes cum monialibus exemptis.

Resp. Visum est aliquibus, non affici, quia locus exemptus, & locus extra diocesim æquiparantur. Nihilominus oppositum asserendum; siue in edicto fiat mentio de monasteriis exemptis, ut tenent Rolland. Genuen. & Belloch. siue nulla fiat mentio, ut tenet Bariola. Quia, ut diximus in Superiori responsione, Episcopus in ordine ad clausuram exemptarum procedit ut Sedis Apostolicæ delegatus. Vide Dianam p. 10. tr. 14. res. 50. ubi utranque sententiam vocat probabilem; at verior est secunda, quod novissime declaravit Sac. Congr. in *Urbinate*. die 10. Maji 1663. & in *Viterbien.* quam referemus in responsione sequenti.

Quar. 12. An Regulares, & moniales exemptæ, si de ipsis mentio fiat, afficiantur censuris, & poenis ab Episcopo indictis contra alloquentes sine licentia.

Resp. Affici; habetur in *Viterbien.* die 26. Junii 1627. his verbis: *Sacra Congregatio &c. sapins censuit, Episcopum ad clausuram custodiendam etiam in monasteriis Regularibus subiectis posse excommunicationis lata sententia poenam sibi reservata imponere circa aperitionem ostii clausura extra casus indigentia, nec non circa accessus, & colloquia cum monialibus, ac dictam excommunicationem ligare nedum Regulares accedentes, verum etiam moniales, si de ipsis mentio fiat, adeo ut Superior Regularis ab eadem excommunicatione absolvere nequeat.* Cap. *Monasteria de vita, & honestat. cleric.* Limitant hanc responsionem Sanchez, Barbof. & Tamburin. *disput. 25. quest. 9.* & volunt, affici Regulares exemptos, sed non privilegiatos; non vero exemptos simul, & privile-

giatos; & pro hujus distinctionis fundamento afferunt quandam declarationem Sac. Congregat. 9. Aprilis 1583. quæ sic habet: *Regulares adeuntes monasteria monialium sine licentia Episcopi incidunt in pœnam excommunicationis, quam Episcopus suo edicto proposuit, nisi Regulares illi habeant ex privilegio, quod non possint excommunicari, & tunc debent puniri a Superioribus alia pœna.*

Quar. 13. An eadem censura afficiatur, qui consulit; vel cooperatur, aut jubet aliterius accessum.

Resp. Negative; quia pœna lata est contra accedentes, & cum simus in odiosis, non est extendenda ad consulentes &c. Famulus tamen missus, quia proprie accedit, censuram incurrit, nisi forte ipsi immineat grave damnum, si non obtemperet domino præcipienti, quia in tali casu ratione metus cadentis in constantem virum non incideret in excommunicationem, quia leges ecclesiasticæ non obligant cum tanto rigore; non tamen excusaretur a culpa contra jus naturale. Ita Diana, & Delbene t. 2. c. 14. dub. 5. sect. 3. n. 4. ubi concludit quod fortasse esset absolvendus ad cautelam.

Quar. 14. An dicta censura afficiantur pauperes ostiatim mendicantes accedentes ad moniales causa quærendi eleemosynam.

Resp. Non affici, quia rationabiliter præsumi potest Ordinariorum licentia, cum in tali casu non militent rationes, ob quas indicta est præfata prohibitio. Et ob hanc rationem excusari fortasse possunt famuli, & famulæ accedentes ad moniales, ut ipsis deferant consanguineorum munuscula, maxime quoad illa monasteria, in quibus non perfecte

feſte ſervatur vita communis, cum enim di-
ctæ moniales multis indigeant, opus illis eſt
extra quærere, & recipere, quod tam fre-
quenter habere non poſſunt per proprios in-
ſervientes; unde præſumendum eſt, Præla-
tos tacite conſentire, quod per exteros hoc
præſtetur. Attamen inſpicienda eſt cujuſcun-
que loci conſuetudo; & ſervanda.

Quar. 15. Ad quem ſpectet concedere li-
centiam accedendi ad moniales tam exem-
ptas, quam non exemptas.

Reſp. Videantur quæ diximus ſupra *hoc*
capite §. 2. q. 1. ubi etiam diſſeruimus, an
licentia indefinite conceſſa extingatur pri-
ma vice q. 8. Non eſſe hanc licentiam allo-
quendi de neceſſitate in ſcriptis conceden-
dam, aſſerunt Doctores, quos citat, & ſe-
quitur Diana p. 3. *traſt.* 3. *reſ.* 129. oppoſi-
tum ſentiunt Suarez, & Sanchez.

Quar. 16. An Episcopos poſſint prædictam
licentiam Regularibus concedere.

Reſp. Poſſe Episcopos concedere Regulari-
bus, ut quater ad ſummum in anno alloqui
poſſint moniales conſanguineas in primo, &
ſecundo tantum gradu. Sac. Congr. anno 1623.
Urbano VIII. annuente, cum his tamen limi-
tationibus, ſcilicet, quod non alloquantur in
Feſtis, Adventu, Quadrageſima, Feria ſex-
ta, Sabbato, & Vigiliis, præſente Confeſſa-
rio, dataque licentia pro die, & hora, quæ in
libris Episcopos notentur. Nomine feſtivorum
dierum veniunt Dominicæ, & alia feſta ex
præcepto abſtinendi a ſervilibus, & non alia.
Sub nomine Vigiliarum veniunt etiam Qua-
tuor tempora; ita Diana contra Bord. Sub
nomine Adventus venit Romanus, non Am-
broſianus. Quadrageſima vero incidit a die

cineram. Sub nomine Religiosi, cui Episcopus non potest concedere facultatem alloquendi nisi quater in anno, non venit Novitius, quia in odiosis habetur adinstar secularis. Portel. & Squillante apud Cassian. *Colloqui nu. 13.*

Quar. 17. An Episcopus denegare possit licentiam, quam concedere potest Regularibus juxta formam supradicti decreti.

Resp. Posse, ex Bordon. in *Miscel. decis. 222.* Ducitur, quia in dicto decreto dicitur, quod Episcopi possint, non vero quod debeant. Verbum autem possint importat actum voluntarium, non necessitatis, Bartol. in *l. Galus, ff. de liber. & posth. n. 4.* Negat Pasqual. loc. cit. n. 1134. posse Episcopum licentiam sine causa denegare, quia agitur de gratia solita concedi; gratia autem concedi solita non potest sine injuria denegari, arg. ex *l. r. §. pen. de aqua quorid.* & notant Bart. Gabriel. Puteus. Concludit tamen, ex causa rationabili posse denegare, & subdit ex Bordon. cit. quod si urgeat aliqua necessitas alloquendi monialem nullo gradu conjunctam, ut esset celebratio alicujus contractus, aut alia similis, potest Ordinarius concedere licentiam toties, quoties necessitas urgebit, quia non prohibetur collocutio necessaria, sed tantum vitiosa, ut colligitur ex *cap. Monast. de honest. Cler.*

Quar. 18. An Regularis habens licentiam alloquendi monialem pro certa die, si alloquatur alia die a præscripta, peccet mortaliter, & incidat in poenas decreti.

Resp. Bordon. Pasqualig. & Dianam *l. 9. pralt. 7. res. 33.* excusare a peccato, quia manet licentia quoad substantiam, & varia-

tur

cur tantum quoad modum . Hinc infert idem Diana *loc. citat. res.* 34. neque peccare, si colloquatur absentibus auscultatricibus, & Confessario, quia hæ circumstantiæ sunt extrinsecæ, & secundum has non videtur decretum Urbani usu receptum . Ubi tamen hæc laudabilis viget consuetudo, omnimodo servanda .

Quar. 19. An Regularibus ex Prælati licentia missis ad crates monialium pro munere prædicationis obeundo, prohibitum sit sub peccato mortali, censuris, & pœnis, immediate post cum ipsis monialibus, absque expressa licentia ad colloquendum, immiscere sermones, cum quæstionibus, vel dubiis spiritualibus, aut materiis ipsius concionis.

Resp. Sac. Congreg. Concil. *die 21. Maji* 1678. respondit affirmative, tam de colloctione cum aliquibus monialibus, quam cum una tantum (omnibus tamen audientibus) immediate post concionem.

Quar. 20. An licentia concessa Regulari ad colloquendum, extendatur ad socium .

Resp. Cum Diana, Delbene, & aliis negative, contra Riccium, Tambur. & Peyrin. qui partem affirmativam defendunt hac ratione, quia nimirum in connexis idem est iudicium, & sic quod conceditur Regulari, concessum censetur etiam socio . Sed falluntur; quia illud principium de connexis desumptum *ex cap. translato*, locum habet, si connexa se habeant inseparabiliter, non sic si separabiliter. Ita communiter Doctores. Regularis autem, & socius non sunt connexi in ordine ad locutionem, si quidem unus loqui potest, altero nihil loquente .

§. XI.

De Pœnis, quibus subjiciuntur violantes Clausuram.

Quar. 1. **Q**uas poenas incurrant Prælati ingredientibus monasteria monialium ultra casus necessitatis.

Resp. Prælati Sæculares Pontificali dignitate præditi pro prima vice incurrunt interdictum ab ingressu Ecclesiæ; pro secunda contrahunt suspensionem a munere Pontificali, & a divinis; pro tertia vero vice, & deinceps afficiuntur excommunicatione nemini reservata. Prælati Regulares incurrunt excommunicationem, & simul privationem omnis officii, & ministerii, & quidem toties, quoties ultra casus necessitatis ingrediuntur, ut notat Sanch. ex motu Gregorii XIII. *sub die 23. Decemb. 1581.* Juxta Constit. vero Alexandri VII. quæ incipit *Sacrarum Virginum*, ipso facto poenam excommunicationis, & privationis omnium officiorum, quæ obtinent, ac perpetuæ inhabilitatis ad illa, vel alia in posterum obtinenda, vocisque activæ, & passivæ absque alia declaratione incurrunt, & ab Episcopo loci tanquam ad hoc Sedis Apostolicæ delegato, quando, & quoties opus fuerit corrigi, & puniri valent.

Quar. 2. Quenam poenæ impositæ sint ingredientibus clausuram sine licentia.

Resp. Per Concilium Tridentinum imposita est excommunicatio ingredientibus sine licentia in scriptis; idem dicendum de ingredientibus cum licentia vi, dolo, aut ex falsa causa impetrata. Excommunicatio hæc nemini reservatur, nisi fiat ad malum finem; nam in hoc casu reservatur Pontifici, & nemo vir-
tute

tute privilegiorum potest absolvere; prout declaravit Sac. Congreg. Alia excommunicatio Papæ reservata lata est a Gregorio XIII. in sua Constit. quæ incipit *Ubi gratia*, contra quasunque personas, etiam Comitissas, Marchionissas, aut Comites, Marchiones, Duces ingredientes clausuram monialium prætextu facultatum ibi revocatorum, siue tales facultates concessæ fuerint ab ipso Pontifice, siue a Legatis, siue ab Episcopis, vel aliis. Excommunicatio quoque simili tenore lata est a Paulo V. & licet hæ Constitutiones videntur loqui de ingredientibus tantum prætextu dictarum facultatum, tamen ex stylo Curie intelliguntur generaliter etiam de intrantibus sine tali prætextu. Ita Navar. Beja, Villagut. Azor. & Graff. etsi contrarium sentiant Suar. Sayrus, & Sanch.

Unde in Excommunicationem Papæ reservatam incidunt, qui sine necessaria licentia intrant in clausuram, licet id faciant propria auctoritate, & sine prætextu privilegiorum, ut declaravit Sac. Congr. Episc. in *Comen. 15. Septemb. 1578.* & in *Mediolanen. 19. Maji 1579.* & etiam cum licetia in casibus non necessariis, puta ad visitandas moniales consanguineas, etiam infirmas; & illæ mulieres, seu viri, qui cum uno faxo vel ligno, vel qualibet alia re intrant sub prætextu deferendi necessaria pro fabrica; & moniales, quæ tales introducunt, 11. Junii 1583. & qui licentiam habet ingrediendi pro uno servitio, si postea intret pro alio, 6. Augusti 1601. & 14. Junii 1630. Puella vero, vel vidua, quæ temere ingreditur ad suscipiendum habitum, & Abbatisa recipiens incidunt in censuras. Hæcque debet graviter puniri, illa expelli, nec amplius admitti sine licen-

licentia speciali Sacræ Congregationis, 8. *Novemb.* 1661. & 3. *Februarii* 1649. Si tamen ingressa fuit non ad malum finem, postquam exiit, absolvitur cum pœnitentia salutaris absque ulla pœna pecuniaria. 20. *Novemb.* 1654. Inredientes peculiaria monasteria monialium contrahunt etiam alias antiquiores excommunicationes, scilicet Gregorii IX. & Eugenii IV. præsumentes ingredi monasteria S. Claræ; Bonifacii IX. præsumentes ingredi monasteria ordinis Prædicatorum; & Julii II. ingredientes monasteria Conceptionis.

Quar. 3. Quibus pœnis afficiantur moniales, seu alii exterum introducentes, vel intrare permittentes in clausuram sine licentia legitima.

Resp. Nullam incurrunt excommunicationem ex vi decreti Concilii Tridentini, quia de iis nulla est facta mentio, sed tantum de intrantibus. Verum ex Bulla Gregorii VIII. *Ubi gratia* fertur excommunicatio Papæ reservata, & pœna privationis dignitatum, beneficiorum, officiorum, & inhabilitatis ad hujusmodi contra Abbatissas, Abbates Conventus, & alios Superiores utriusque sexus monasteriorum, & personas quocunque nomine vocentur, si quenquam prætextu licentiarum, quas ibi revocaverat Papa, ingredi faciant, vel permittant; & omnes istæ pœnæ sunt latæ sententiæ. Item ex Bulla Pauli V. *Monialium* fertur excommunicatio Papæ reservata, & privatio officiorum, ac inhabilitas contra monialium Abbatissas, Priorissas, & Superiores alias, si quenquam prætextu licentiarum ibi revocatarum, introducere, admittere, vel admissum quocunque modo detinere ausæ fuerint, aut præsumpserint.

Quar.

Quar. 4. An dictas poenas incurrant solum Superiores viri, vel foeminae introducetes, an aliae etiam personae religiosae particulares masculi, aut foeminae.

Resp. Superiores tantum, non vero privatas personas affici dictis poenis, asserunt Sanchez, Miranda, Roderic. & Dian. t. I. res. 33. & 34. quia illam particulam & *personas quocunque nomine vocentur* in Bulla Gregorii positam, putant, intelligi de personis eorum Superiorum; in Bulla vero Pauli solum Superiores foeminae exprimuntur. Nihilominus tenendum est, etiam moniales particulares subdi praedictis poenis extraneos admittendo in clausuram; patet ex motu Gregorii; nam clausula illa & *personas quocunque nomine vocentur* utpote universalis comprehendit etiam moniales particulares, maxime quia Pontifex in antecedentibus de Superioribus sufficienter disposuerat. Et ita tenent Llamas apud Sanch. & Filliucius, quam sententiam videtur sequi Sac. Congr. in *Affisien. 4. Augusti 1602. & in Cremon. 17. Septemb. ejusdem anni.*

Quar. 5. Quid veniat nomine admissionis in monasteria, ut moniales admittere praesumes, dicantur incidere in poenas in supradicto motu Gregorii inflictas.

Resp. Venire cooperationem tantum sive directam, sive indirectam ad ingressum; quatenus scilicet exercet actionem positivam, vel negative se habet ad ingressum, quem impedire tenentur ex officio, quia alterutro modo tantum censetur admittere ad ingressum. Suarez, Miranda, Coriolanus, Bonacina, & alii. Ita ut monialis, si ad ipsam non spectet impedire ex officio, v. g. non sit Praelata monasterii, nec praestit

tæ, non incurrat dictas pœnas non impediens, etiam impedire cum possit; quia in tali casu nec directe, nec indirecte censetur cooperari ad ingressum. Ita Delbene *t. 2. de immunit. c. 19. dub. 67. ubi n. 5.* addit, monialem confabulantem, vel concomitantem personas illicite ingressas, non affici dictis pœnis, etiamsi colloquendo sit causa, quod illæ diutius immorentur; quod sustinet etiam Sanchez, quia vere non dicitur admittere ad ingressum, cum jam sint ingressæ; tamen licet non subjiciatur pœnis ipsa monialis, peccat contra obligationem clausuræ. Ita Bonacina, qui censet, Prælatam, vel aliam, cui incumbit onus impediendi ingressum, subjici præfatis pœnis, non solum si sua locutione detineat diutius ingressum, verum etiam si non expellat, cum possit.

Quær. 4. Quas pœnas incurrant moniales illicite egredientes e monasterio.

Resp. Moniales clausuram violantes, sive parum, sive multum, dummodo egressus sit completus, peccare graviter, & ipso facto contrahere excommunicationem Papæ reservatam ex Constit. Pii V. quæ incipit, *Decoris*, quam excommunicationem contrahunt etiam licentiam egressus quomodocunque concedentes aliter, quam in Constitutione permissam est. Item lata est excommunicatione adversus concomitantes, ac illarum receptatrices personas laicas, sive Ecclesiasticas, consanguineas, vel non. Insuper adversus egressas, & Superiores licentiam concedentes statuit Pontifex privationem dignitatum, officiorum, & administrationum, quæ eo tempore obtinent, redditque inhabiles ad ea, & alia in posterum obtinenda.

Quær.

Quer. 7. Quinam comitatus, & receptio necessarii sint, ut comitantes, & recipientes monialem inique egressam excommunicationis censuram incurrant.

Resp. Debere esse comitatum, vel receptionem, quæ cum egressum, vel illius perseverantiam foveant, alias non est formalis comitatus, vel receptio monialis e monasterio egressæ. Ita Delbene *loc. cit.* Quare poenas non incurrunt monialem comitantes, vel recipientes post egressum illicitum, ut ejus honori, & honestati consulant, immo ob solam urbanitatem, amicitiam, aut cognationem, dummodo non faveant illicito egressui, nec perseverantiæ in illo. Llamas, Rodriq. & alii.

Quer. 8. An prædictæ poenæ afficiant monialem legitimo titulo egressam, sed cessante egressus causa, inique extra claustra commorantem.

Resp. Negat Sanchez *lib. 6. c. 15. num. 70.* Quia Pontifex has poenas indixit egredientibus aliter, ac ipse disposuerat; hæc autem monialis non aliter egressa est, esto aliter post egressum commoretur. Oppositum docent Llamas, & Castropal. quia Pontifex imponens prædictas poenas non usus est verbo *egredientes*, sed *egressas*, ut tacite innueret spectare non physicum egressum tantum, sed etiam moralem, & continuatum.

Quer. 9. Quibus poenis afficiantur accedentes ad colloquendum cum monialibus sine licentia.

Resp. Contra laicum, & Clericum monasteria frequentantes, & præmissa Episcopi monitione ab accessu non desistentes, *in cap. monasteria, & cap. ut Clerici de vita, & honest. Cleric.*

Cleric. statuitur pœna. Ille debet excommunicari; iste vero non tantum excommunicari, sed etiam ab officio suspendi, & deponi. Contra utrumque procedere potest Episcopus, si post præmissam monitionem semel tantum accedant, quia sunt sufficienter contumaces, & semel tantum accedendo dicuntur non desistere. Bonac. *de claus.* q. 3. *part.* 4. Per quot autem actus inducatur frequentia accessus, discrepant de more Doctores. Per duas vices sultinent in terminis Cosm. & Gratian. quibus assentitur Lamas, si fiant una die, vel duobus diebus continuis; negat tamen de toto mense. Per trinum accessum tribus diebus continuis frequentiam haberi defendunt Manuel, & Navarrus, quibus adhæret Sanchez, qui addit, unicum etiam accessum singulis mensibus frequentiam nuncupari. Placet sententia Barbosa *alleg.* 102. n. 70. hoc relinquendum esse prudentis arbitrio.

Contra Regulares vero ad monialium monasteria accedentes imposita est pœna privationis officiorum, vocis activæ, & passivæ ipso facto incurrenda, ut patet ex decretis Sac. Congreg. jussu Sixti V. & Urbani VIII. editis, & ex Constitutionibus Gregorii XV. & Alexandri VII. Possunt quoque ab Episcopo excommunicari, ut ex Sac. Congreg. Decreto approbante Clemente IX. & etiam carcerari, ut tradunt Boer. & Guid. Pap. quos refert, sed impugnat Pasqual. *loc. cit.* n. 1139. & prædictis pœnis subduntur Regulares etiam ob unicum accessum, quia de accedentibus, non de frequentantibus loquuntur decreta, sub quibus etiam Equites Hierosolymitani ex ejusdem Sac. Congreg. declaratione comprehenduntur.

Quar.

Quar. 10. An prædictæ poenæ obligent in conscientia ante iudicis declarationem.

Resp. Excepta excommunicatione, alias poenas non obligare in conscientia, affirmat Suar. *t. 4. de relig. lib. 1. c. 7. in fin.* qui de magis communi testatur, quamvis alii doceant, poenam inhabilitatis obligare ante declaratoriam criminis commissi, quia hæc poena est pure privativa non requirens factum hominis positivum ad sui executionem. Cajetanus, & plures alii adducti a Sanchez *lib. 2. cap. 39. n. ult.* Alii vero distinguunt; Si poena inhabilitatis apponatur simul cum aliis poenis, quæ non obligant in conscientia ante declaratoriam, tunc neque hæc obligabit; alias secus, si ponatur per se, vel cum aliis mere privativis. Covar. & Filiuc. Media tamen sententia ex stylo Curix magis recepta sustinet, dictam privationis officiorum poenam obligare in conscientia, quando casus est manifestus, quia tunc Superioris acta incipiunt esse nulla cessante; at quandiu privatio est occulta, non videtur obligare in conscientia, quia ejus acta ratione publici officii sunt valida, manente titulo colorato.

Quar. 11. Quinam a prædictis censuris, & poenis possint absolvere.

Resp. Ab excommunicatione, quam incurruntingredientes sine necessitate, & licentia in scriptis ex decreto Tridentini, cum nulli sit reservata, jure ordinario Episcopi, & Prælati suos subditos, & omnes Confessarii approbati suos poenitentes, *Cap. nuper de sens. excomm.* Ab excommunicatione vero contracta in terminis Constit. Gregorii XIII. utpote reservata Pontifici, ipse solus potest absolvere, & ejus Poenitentarii, & (si casus sit occultus) etiam Episcopi, & Prælati, qui

ha-

habent privilegiunt absolvendi suos subditos a casibus Papalibus occultis; Regulares quoque virtute privilegiorum suæ religionis. Limitandum tamen, nisi ingressus fuerit ad malum finem, scilicet ad malum finem luxuriæ: sic responsum Romæ, ut testatur Delbene; nam in hoc casu, licet occulto, quoad Episcopos derogatum fuisse decreto Tridentini *sess. 24. de reform. c. 6.* tradit Sanctarel. *in tr. de hæresi c. 5. dub. 1. nu. 1.* ubi affert decretum Sac. Congreg. quæ censuit approbante Gregor. XIII. Bullam Pii V. etiam in occultis procedere; & oppositum sentit cum Bonacina Delbene, qui de tali declaratione asserit, authentice non constare. Quoad Regulares vero ex decreto Sac. Congr. sub Clemente VIII. revocata sunt privilegia, Intelligunt tamen quoad poenitentes sæculares tantum, non vero Regulares. Naldus *v. reservatio*, Vecchius, & Bordonus, qui quandam Sac. Congr. declarationem adducunt.

In reliquis autem censuris, & poenis infligendis, vel contra Prælatos illicite monasteria ingredientes, vel contra cæteros, de quibus dictum est supra, potest, si occultæ sint, Episcopus absolvere, & respective dispensare; hæc enim facultas ei competit quoad suos subditos ex Trident. *sess. cit.* sicuti etiam competit Superiori religionis, etiam locali, ex privilegio circa suos Religiosos, cum hic quoque circa prædictos jurisdictionem quasi Episcopalem exerceat. Non potest tamen in inhabilitatibus in foro externo dispensare, cum nullum circa hoc appareat privilegium, ut probabilius contra Rodriq. sentiunt Lezana, Peyrinus, & Bonacina; quod a fortiori tenendum est, si fuerit iudicis sententia sub-

subsecuta. Quomodo supradicta facultas competat etiam Confessariis Regularibus, qui vigore suorum privilegiorum possunt absolvere toties quoties ab omnibus casibus, & censuris, ac pœnis consurgentibus ex eis, præterquam a contentis in Bulla Cœnæ, & Decreto Clementis VIII. & a specialiter reservatis ab Ordinario, videatur Delbene *l. 2. de Immunit. c. 15. dub. 81. n. 3.*

Quæst. 12. An contraveniens edicto Episcopi in materia clausuræ possit ab excommunicatione inflicta, & Episcopo edicenti reservata absolvi a Metropolitano, vel a quocunque alio Episcopo.

Resp. Quoad utrumque negative, & quidem quoad Metropolitanum, quia non est iudex, aut Ordinarius suorum suffraganeorum, ac proinde nec eos excommunicare, nec ab excommunicatione absolvere valet extraneum appellationis, ut in *cap. Romana*, & *cap. Venerabilibus §. excommunicatos vero*; traditque Hostien. in *sum. lib. 5. de sent. excom. nu. 2.* Astensis, Paludan. & alii, quos sequitur Sayr. de *censur lib. 2. cap. 20. nu. 17.* quidquid dicat Sanch. *lib. 3. conf. cap. un. dub. 35.* Quoad alios Episcopos probatur ex regula generali, quam tradunt Doctores, quod scilicet, qui excommunicationis, aut alterius censuræ sententiam tulit, solus ipse absolvat. Quod habetur ex *cap. prudentiam §. Sexta de off. deleg.* Alioquin destrueretur disciplina Ecclesiastica, præsertim in materia clausuræ monialium peculiari juri Ordinariorum a Tridentino summopere commissarum. Et ita declaravit quo ad utrumque Sac. Congreg. Concil. in *Bituntina die 13. Septemb. 1675.*

CAPUT VIII.

De præcipuis Monialium obligationibus.

§. I.

De Horarum Canonicarum obligatione.

Quar. 1. **A**N moniales teneantur publice officium divinum in Choro persolvere.

Resp. Teneri, tum ex antiqua Ecclesiæ consuetudine. tum ex statutis fere omnium Religionum, tum ex *Clement. 1. de celebrat. Missar.* tum ex communi Doctorum, & talis obligatio est sub mortali, præcipue respectu Abbatisæ, quia, quando obligatio cadit in corpus mysticum alicujus communitatis, ad caput talis corporis pertinet præcipue curare hujusmodi oneris solutionem. Obligantur quoque moniales collective sumptæ, quia hæc obligatio afficit communitatem, quam ipsæ constituunt; divisivè tamen acceptæ non tenentur; nisi magnam jacturam officium pateretur; quia ad interessendum in choro obligantur juxta mensuram regulæ, quæ ad pœnam tantummodo obligat, non ad culpam saltem mortalem, & est communis sententia. Immo Emmanuel. Rodriq. t. 3. qq. regul. q. 6. art. 6. affert privilegium Leonis X. qui indulgit, & decrevit moniales etiam sanas, Sanctæ Claræ non teneri officium divinum semper in choro persolvere; ac discretionis Abbatisarum commisit, ut, quando, & quomodo, siye cum quibus hæc
re-

remissio sit toleranda, solerter invigilent, & prudenter concedant. Sustinet tamen Peregr. *in comment. ad constit. sui ordinis, p. 1. lit. b.* §. 3. moniales peccare mortaliter, si a choro absint ex consuetudine, etiamsi privatim officium divinum persolvant.

Quar. 2. An moniales teneantur recitare in choro officium parvum B. Virginis, & Defunctorum, septem Psalmos Poenitentiales, ac Graduales, quando a rubricis præscribuntur.

Resp. Officium parvum B. Virginis in iis Ecclesiis, quæ illud ante Breviarium Pii V. recitabant ex consuetudine, non debet omitti in recitatione publica, cum hæc consuetudo expresse fuerit præservata; aliis vero Ecclesiis proponitur tantum de consilio. Ad officium Defunctorum singulis mensibus, Psalmos Poenitentiales, & Graduales non tenentur neque ex vi regulæ, quæ, ut suppono, non obligat in conscientia, neque ex Breviarii rubricis, quia Summus Pontifex admonet, sed non obligat. Suarez, Rodriquez, & Bonacina. In die vero secunda Novembris, in Festo S. Marci, & Rogationibus tenentur in choro, vel, si a choro absint, privatim recitare ex præcepto Officium Defunctorum, & Litanias, quia sunt pars Officii illius diei. Ita Doctores communiter, licet non desint aliqui apud Molfesum *tom. 1. tract. 5. cap. 1. nu. 57.* oppositum sentientes; alii vero, quos refert, & rejicit Diana, putant, omittentem die secunda Novembris utrumque officium, Defunctorum scilicet, & Octavæ, unicum tantum peccatum committere, cum illa duo Officia per modum unius præcipi videantur.

Quar. 3. An moniales canentes in choro
satis.

satisfaciant obligationi, si partem suā recitent, ad partem autem alterius chori non attendant.

Resp. Non satisfacere, quia in tali casu habentur ut absentes; nam præsens non dicitur, qui licet sit præsens corpore, ad aliud tamen attendit, *l. coram Titio 209. ff. de verb. signific.* Ita Tambur. *lib. 2. in decal. cap. 5. §. 4.* ubi pro opposita sententia adducit Caramuel. Filliuc. & Tancredi. Concedunt tamen Navar. Sanch. & Lezana, satisfacere monialem, quæ dum in choro recitatur divinum officium, occupatur in aliquo necessario ad ipsum, ut prævidendo lectiones, &c. quia, cum chorus reputetur unum corpus, quod dixit unus, censetur dictum ab alio, qui detentus fuit occupatione necessaria ad ipsum chorum; quod intellige quando ante officium talem occupationem prævenire vel non potuit, vel non debuit. Similiter satisfacit monialis, quæ, quantum moraliter potest, attendit, quamvis propter culpam chori nihil percipiat ex iis, quæ aliæ recitant, quia hoc modo præstat id, quod potest, nec per ipsam stat, quin audiat; quare per recitationem suæ partis, addita assistentia ad chorum, & sua attentione pro alia parte, satis sibi communem in re moralis facit eam chori orationem. Quod dicendum est ob eandem rationem de moniali surdastra, & cæca, quæ possunt suam partem recitare, & eam recitant, ad aliam vero, quantum possunt, attendunt. Non sic de omnino surda, quæ nihil percipit, neque cæca, quæ nihil recitat, dum choro assistunt. Tambur. *loc. cit.* qui docet, teneri assistentes in choro submissa voce recitare ea, quæ organum, vel instrumenta musica pulsant, quia organi sola pulsatio non est oratio: quod negant Sanchez, & alii,

& alii, quia tali sonus habetur ab Ecclesia
ut pars divini officii.

Monialis, quæ ad chorum pergit hora jam
cœpta, potest cum aliis cantando pergere, imo
debet, ne sua privata recitatione alias distra-
hat; postea vero, quæ omissa sunt, suppleat, sic
ut ex communi docet Sà v. *hora n. 8.* Quinim-
mo Henricus, & Major, quos sequitur Layman,
probabiliter docent, nihil supplendum esse, si
non multum in choro processum est; quia, sic-
ut in missæ auditione, ita in officio canonico
omissio modici æstimari non solet, præsertim
cum propter societatis vinculum alii cantan-
tes unius defectum supplere teneantur.

Quær. 4. An attentio, quam diximus requiri,
debeat esse interna, an vero sufficiat externa.

Resp. Externam sufficere, dummodo ta-
men sit cum externa reverentia conjuncta,
ita ut actus religionis dici possit. Ita ex Duar-
do, Sylvestr. Lessio, Medina, & aliis, Dia-
na *part. 2. tract. 32. res. 2.* Ratio est, quia,
licet admittatur, Ecclesiam posse præcipere
actus internos concomitanter, ac per conse-
quens internam attentionem in hac recita-
tione, non constat tamen illam de facto præ-
cepisse. Unde cum versemur in materia obli-
gationis, quæ est stricti juris, minus exten-
denda est quam fieri potest, *leg. obligationum
substantia, & l. Arianus ff. de act. & obligat.*
& notant Bald. Fulgos. & Calder. Quare obli-
gatio recitandi horas canonicas cum attentio-
ne non est extendenda ad attentionem inter-
nam, præsertim quia salvatur ratio orationis
in attentione externa a nobis explicata, prout
enim includit actum religionis, includit vir-
tualem intentionem colendi Deum; ac proin-
de mens virtualiter elevatur in Deum, in quo

Confess. Menial.

O

con-

consistit vera, & formalis ratio orationis. Ita Castropal. p. 2. disp. 1. punct. 7. n. 2. cum Valentia, & Suar. qui t. 2. de relig. tr. 4. lib. 3. c. 4. n. 11. neque agnoscit in hoc culpam venialem: cum enim voluntaria distractio relinquat attentionem necessariam, nec ulla adsit obligatio ponendi meliorem attentionem, voluntas nolens illam ponere non est mala, quia est voluntas faciendi, quod sub nulla cadit obligatione.

Quar. 5. An moniales teneantur ad privatam horarum canonicarum recitationem sub mortali.

Resp. Negant duodecim Doctores relati, & approbati a Philippin. de Privil. ignorant. Append. cap. 4. num. 192. Ratio est, quia moniales non tenentur ad horas canonicas ex aliquo voto, neque ex vi suæ professionis, ut passim fatentur Doctores, neque ex aliquo Ecclesiæ præcepto, neque ex vi alicujus statuti, aut regulæ, sed solum consuetudine, ex communi Doctorum. De hac autem consuetudine non constat, an sit inducta animo obligandi ad culpam; potuit enim induci vel ex errore, vel ex devotione, vel ad præscriptum regulæ, vel animo obligandi tantum ad poenam; unde stante hoc dubio favendum est possessioni libertatis, quæ consuetudinem dubiam præcedit, & sic tenendum non obligare. Maxime quia moniales, sicuti non possunt condere legem ex defectu potestatis in foemina, sic neque introducere consuetudinem, quæ vim habeat obligandi. Ita Bartol. conf. 136. n. 12. & Rolland. qui testantur de communi conf. 5. num. 74.

Contra hanc sententiam reclamant communiter Doctores, & merito, atque adeo peccare mortaliter moniales privatam horarum cano-

nica-

nicarum recitationem omittentes, defendunt præcipue Malderus, Gavant. Beloch. & Portel. Quia cum in vetustis sciri non possit, à quo sit orta consuetudo, *l. si arbiter 28. ff. de prob. attendenda est observantia*, quæ declarat ejusmodi consuetudinem obligare; immo potest observantia constituere jus, & facere, quod id obliget, quod de se non obligat, *l. de quibus*, & *l. nulli ff. quod cuiusque univers.* Unde licet non constet, an consuetudo prædicta recitandi horas canonicas sit introducta animo obligandi, obligat nihilominus, quia observantia ita declarat, & decernit. Neque valet, quod moniales non possint introducere consuetudinem, quia, ut notat Montefin. *p. 2. r. 2. disp. 23. q. 13. n. 220.* quamvis verum sit, quod mulieres regulariter non possunt introducere consuetudinem generalem, obligantem omnes etiam viros, sicuti regulariter non sunt habiles ad condendas leges: potest tamen per mulieres introduci consuetudo, quæ vim habeat legis obligantis ipsas, non viros, maxime acceptante, & approbante superiore, ut notat Villalob. & concedunt Suar. Castropal. Salas & alii.

Quær. 6. An monialis cæca teneatur recitare horas canonicas, memoriter illas dicendo si memoria retineat.

Resp. Videtur quod non. Quia per accidens est, quod memoriter sciat, lex autem respicit non quod per accidens, sed quod contingit ut plurimum, *l. nam ad ea ff. de legibus*. Tum quia quando lex non est posita pro aliquo genere personarum, neminem obligat de illo genere licet adsit aliquis, qui alioquin posset obligari & obligaretur si esset de alio genere personarum. Pasqual. *de jejun. dec. 490. n. 4.* Cum igitur lex imponens recitationem officii non obliget cæ-

cos, quia sunt impotētes, neque obligabit hunc, vel alterum cæcum memoriter scientem horas canonicas, licet posset obligari, & obligaretur non extante cæcitate. Ideo hanc sententiā tradunt sine ulla distinctione Tolet. *lib. 2. c. 14.* & Henriq. *99. rr. sect. 35. q. 21.* Tanquam probabile admittunt Sotus, & alii Magistri docti, de quibus testatur Sanch. *c. 2. conf. lib. 7. c. 2. dub. 46.*

Verum pro opposita communiter concludunt Doctores; quia qui memoriter scit, potest commodè implere præceptum, quod non requirit ut necessariam conditionem potestatem legendi per librum. In nullo refragante accidentarium esse, quod officium memoriter teneat, quia posito illo accidenti cessat impedimentum, quod resistit adimpletionem præcepti. Ita Diana *tom. 3. tract. 6. ref. 34.* & alii ab ipso citati, quorum aliqui limitando sustinent monialem cæcam non teneri sociam adhibere, si habeat, etiam si fuisset solita recitare cum socia, neque officium memoriæ mandare, si commodè possit, neque Choro assistere, ut alternatim divinum officium persolvat, quia nullum istorum est sub præcepto, nec monialibus sub mortali, ut supponunt dicti Doctores, ex vi regulæ Choro præcipitur interesse. Ita Escobar. *de hor. can. q. 6. n. 38.* aliis relatis. Neque teneri recitare officium quod memoriter scit, pro officio quod memoriter nescit; multo minus loco ipsius substituere alias preces, quia obligatio recitandi fertur in officium currentis diei. Diana *loc. cit. ref. 96.* ubi addit, monialem cæcam, quæ scit tantum Psalmos, non vero Lectiones, Orationem, & Capitula, ad nihil teneri, quia Psalmi ut sic non sunt hora canonica, ad quam monialis est obligata. Quod tamen absolute non approbo; cum enim præ-

ceptum ita obliget ad horas canonicas omnes; ut obliget etiam ad singulas divisive; ita pariter obligabit ad singulas horas, ut obliget etiam ad singulos Psalmos divisive.

Quar. 7. An monialis, quæ non recordatur an recitaverit aliquem Psalmum, vel horam, teneatur repetere.

Resp. Non teneri, modo non meminerit se non dixisse, & conjecturam justam habeat credendi quod dixerit, qualem habere videtur si sciat communiter se non errare in tali hora; poterit a fortiori juste credere, se totum dixisse, & ultra progredi, si recordatur se incepisse talem Psalmum, vel horam, & postea non data opera distracta invenit se in fine talis horæ, vel dicendo per librum, vel memoriter recitando ea, in quibus communiter non solet errare. Navar. Major. Angles & Sandoval. quos sequitur Sanch. *loc. cit. dub.* 34. admonens, non solum non teneri repetere, sed repetendo male agere, quia viam aperit scrupulis; & acquirit habitum repetendi; unde Confessarius injungat, quod a repetitione omnino absteineat.

Quar. 8. An peccent moniales anticipando, vel retardando privatam horarum canonicarum recitationem.

Resp. Non peccare mortaliter, docent communiter, si ve totum officium recitent mane, si ve totum recitent in fine diei, qui desinit in media nocte. Venialem tantum in hoc agnoscit culpam, aliis relatis, Tancredi *tract.* 3. *lib.* 4. *disp.* 14. *n.* 1. & 2. quod tamen negat Caramuel in *Theol. fundam. nu.* 1127. Quia cum nullum extet præceptum de tempore legendi privatim horas canonicas, nulla pariter, in quacunque diei parte legantur, erit transgressio quæ non habetur nisi per legem. Sed quidquid sit

de hac sententia, certum est, quamlibet rationabilem causam a veniali etiam excusare. Tancred. *ib. n. 3.* stante maxime privilegio S. Pii V. in quo Regularibus indulgetur, ut ex justa causa, & occupatione possint recitare totum divinum officium simul summo mane, aut quando ipsis videbitur cum majori devotione posse persolvere. Quod quidem privilegium ita intelligendum est, ut non requirat, quod occupationes sint nimis urgentes, alioquin nihil operaretur, ut advertit Rodriq. *in Bullario fol. 456. n. 7.*

Quar. 9. An monialis propter contemplationem altissimam possit divinum officium omittere.

Resp. Negant plurimi Doctores, quia melior est obedientia, quam victima; & certe contemplatio illa voluntaria est, recitatio vero præcepta; adeoque illa debet omitti, hæc adimpleri. Ita Suar. *lib. 4. c. 28. n. 31.* S. Faust. *de hor. 2. p. q. 247.* Escobar. & Ludovic. a S. Jo. Distinguit Leand. *p. 6. tr. 8. de hor. can. q. 45.* & sustinet, non posse quidem propria auctoritate commutare officium in contemplationem licet altissimam, & propter hanc illud omittere, ob rationem a citatis Doctoribus adductam; posse vero se exercere, & occupare in contemplatione divinorum, etiam si ita ex illa in extasim rapiatur, ut postea minime recitare queat, vel quia raptus est per totam diem, vel quia ex eo manet ita fatigata, & defessa, ut facile recitare non valeat. Quia in hoc eventu non commutat officium in contemplationem, sed assumit contemplationem exercendam tanquam gratissimam Deo, ex qua per accidens, ac præter intentionem resultat impotentia ad recitandum.

Quar. 10. An moniales utentes Breviario

Mo-

Monastico possint in privata recitatione uti Romano.

Resp. Ex Soto, & Bellarm. decere moniales etiam in privata recitatione monasterii ritum servare; admittunt tamen alii graves Doctores, licitum esse, secluso scandalo, posthabito sui monasterii Breviario, uti Romano; sicuti etiam posse Romano uti Kalendario Episcopali, quia nulla adest in contrarium prohibitio, concedit Bordon. *conf. Regul. res. 30. nu. 19.* qui addit *nu. 23.* occurrentibus eodem die duobus festis Sanctorum ejusdem, & æqualis ordinis, unum Breviarii Romani, seu Kalendarii Episcopalis, & alterum Religionis, de hoc esse faciendum officium, quia quilibet in domo sua præsumitur major. Rota coram Verospio 9. Januarii 1614. Verum obstat Sac. Congr. decretum sub die 27. Septemb. 1698. in hæc verba: *Si occurrerint, vel fuerint transferenda duo festa ejusdem ritus, quæ unica die occurrebant, quorum unum sit universale, & alterum particulare alicujus diœcesis, vel Religionis, prius fiat de universali, deinde de particulari, nisi obstat ratio majoris dignitatis.*

Quar. 11. An moniales possint, & teneantur recitare officia propria Sanctorum sui Ordinis.

Resp. Teneri, si immediate subdiciantur Regularibus; quia ratione hujusmodi subjectionis tenentur implere ea, quæ præscribuntur a Prælatiis. Verum admittit Bordon. *Conf. Regular. loc. cit.* quod, si recitent ex privilegio aliqua officia infra annum, v. g. officium SS. Corporis Christi singulis quintis feriis festo novem Lectionum non impeditis, possunt aliquando illa omittere, dicendo de simplici, seu de feria, quia nullus cogitur uti suo privilegio,

cum in invitum non conferatur. Si vero a potestate sui Ordinis sint exemptæ, adhuc teneri, docet Bord. in *Miscel. dec.* 452. quia exemptio a Regularium potestate est quoad regimen tantum, non quoad regulæ, & statutorum observantiam. Verius tamen est non teneri, quia exemptio tollit obligationem observandi consuetudines Ordinis, & statuta, possunt tamen recitare; cum enim profiteantur Ordinis regulam & constitutiones, decet ejusdem privilegiis gaudere. Unde notat ex Quintanaadena-Palquak. de *Sacris. nov. leg.* 9.275. n. 5. quod possunt semel in mense celebrare officium Fundatoris Ordinis, si in eodem Ordine adsit privilegium. Dum enim regulam talis Fundatoris profitentur, habent ipsum pro Fundatore, quamvis ab aliis sint institutæ.

Quar. 12. An moniales teneantur recitare extra chorum officia defunctorum, quæ pro benefactoribus solent recitari in choro; si tunc absit vel ex culpa, vel ex impotentia.

Resp. Non teneri etiam si dicta officia recitari debeant ex justitia, quia obligatio hæc non afficit singulas moniales, uti singulas, sed ut faciunt unum corpus morale: quare plene satisficit obligationi, si chorus adimpleat, esto omnes non interfint. Quod pariter dicendum est de officio pro monialibus defunctis in die obitus recitari solito; sufficit enim, quod recitetur in choro; privatim nulla in rigore est obligatio nisi ex charitate. Ita Peregr. in *adnotat. ad constit. sui ordin. par.* 1. c. 10. Idem dic de aliis orationibus, quæ privatim pro monialibus defunctis præscribuntur, quia obligatio hæc regulæ obligationem non transcendit. Timeant tamen moniales in hoc negligentes, ne eadem mensura remetiatur eis.

§. II.

De obligatione quoad Missam.

Quar. 1. **A**N moniales teneantur audire Missam frequentius, quam alii fideles.

Resp. Quod quamvis communiter in regulis, seu constitutionibus religionum præscribi soleat quotidiana Missæ auditio, & maxime deceat moniales frequenter tanto sacrificio interesse; ob maximum fructum inde provenientem; nihilominus stando in jure communi non tenentur audire Missam frequentius, quam alii fideles, quia nullum apparet præceptum, a quo oriatur talis obligatio; nisi forte nimia in hoc negligentia scandalum præberet communitati.

Quar. 2. An si aliqua monialis haberet commoditatem Confessarii, vel qui absolveret a reservatis, vel quo indigeret ratione doctrinæ in ordine ad directionem spiritualem, vel ad sedandos scrupulos, vel ad quid simile, posset in die festo ob confitendum omittere auditionem Missæ.

Resp. Posse, dummodo non esset postea habitura commoditatem ejusdem Confessarii; nam in tali casu adest moralis necessitas confitendi: quia si omitteretur occasio, resultaret incommodum spirituale notabile, quod proinde magis excusare debet, quam excuset notabile incommodum temporale, quod tamen secundum communem sententiam excusat. Ita Pasqualig. *de Sacrif. nov. leg. qu. 1342. nu. 5.* ubi addit, monialem quæ indiget confessione pro communione, quando solent omnes juxta regulam sumere Eucharistiam;

posse omittere auditionem Missæ, si antea non potuit præmittere confessionem; ut simul cum aliis possit communicare. Et hoc non tantum ob utilitatem spirituales, quæ percipitur in Eucharistiæ sumptione, sed etiam ob incommodum, quod ipsi sequeretur; causaret enim admirationem, & proferret etiam occasionem finistre opinandi de se ipsa, quo incommodo stante, excusatur ab auditione Missæ.

Quær. 3. An monialis audiens Missam in loco ad confessiones deputato, Ecclesiæ tamen unito, satisfaciat præcepto.

Resp. Partem affirmativam suaderi posse, primo ex Leandro in *præcept. Eccles. tract. 2. disp. 1. q. 101.* ubi docet audientem Missam extra Ecclesiam post parietem satisfacere præcepto. Secundo, quia audiens Missam e fenestra domus, per quam habeatur prospectus in Ecclesiam, satisfacit, licet intermediet via publica. Garzia, Lugo, Dicast. & alii; satisfaciet pariter & monialis audiens in confessionali, licet paries intermediet. Si enim per hoc quod e domo prospiciatur celebrans, non obstante intermediatione viæ publicæ, fundatur præsentia, & assistentia sufficiens ad satisfaciendum præcepto, a fortiori per hoc, quod in confessionali audiatur celebrans, non obstante intermediatione parietis, fundabitur præsentia, & assistentia sufficiens ad satisfaciendum præcepto. Nam per viam publicam intermediam magis separatur domus ab Ecclesia, quam separetur confessionale per parietem.

Oppositæ tamen sententiæ tanquam probabiliori adhæreo cum Llamas, & Pasqual. *desacris. nov. leg. q. 1303. n. 3.* Quia talis locus cum sit institutus pro confessionibus, non est ordinatus ad communicandum præsentiali modo

cum

cum iis, qui sunt in Ecclesia, & proinde neque ad exhibendam assistentiam corporalem iis, quæ fiunt in Ecclesia; unde non est locus aptus ad fundandam præsentiam, & assistentiam moralem respectu celebrationis Missæ. Quod verum est, etiam si audiantur verba Sacerdotis, aut aliquo signo percipiatur celebratio, quia adhuc excluditur præsentia moralis necessaria, ut assistens dicatur cooperari Sacrificio.

Neque valet, quod talis monialis in confessionalis minus fortasse distet, quam aliqua, quæ audiret Missam in Ecclesia. Quia pro præsentia non tam attenditur distantia, quam communicatio locorum; nam qui in diversis domibus, aut cubiculis solo pariete intermedio separantur, non sunt præsentis sibi invicem, quamvis per duos, aut tres passus tantum distent.

Quar. 4. An monialis, quæ raperetur in extasim, dum audit Missam, satisfaceret præcepto.

Resp. Negant Turrian. Lugo, Averfa, & Leand. quia tunc nec habet intentionem, nec præsentiam necessariam. Affirmant Suar. Filiuc. Ledes. & Trullen. quia præcessit intentio, & adest præsentia necessaria. dictaque intentio moraliter perseverat, & colit Deum divinorum contemplatione. Distinguit Pasq. 9. 1306. n. 3. Implet præceptum, si in extasi contempletur mysterium, quod peragitur, quia mens non abstrahitur ab oblatione Sacrificii, unde neque præsentia definit esse ordinata ad assistendum Sacrificio. Non implet autem, si ad aliorum contemplationem raperetur; nam in tali casu non intervenit neque præsentia externa, quia cessat per abstractionem a sensibus, & se habet veluti mortuo modo; neque præsentia interna,

quia raptus ad aliorum contemplationem destruit ordinem ad oblationem sacrificii.

Quar. 5. An monialis possit simul recitare horas canonicas, aut poenitentiam impositam, aut alias preces ex obligatione, & implere præceptum de audienda Missa.

Resp. Affirmative; licet enim recitatio, & auditio Missæ sint quid diversum, utraque tamen tendit ad eundem terminum ex motivo religionis, adeoque ad invicem se compatiuntur, & in ordine ad attentionem se habent per modum unius, cum uniantur in termino, & motivo. Unde potest monialis, & expressa attentione attendere utrique actioni, consequenter utrumque præceptum implere. Ita cum quadraginta quinque Doctoribus Pasqualig. *cit. q. 1329.* Qui in antecedenti questione idem asserit de moniali suam conscientiam examinante, dummodo examen non sit ita ex fixa cogitatione, ut impediatur moralem assistentiam respectu sacrificii.

Quar. 6. An moniales teneantur procurare quotidie in suis Ecclesiis Missæ conventualis celebrationem.

Resp. Affirmant Rodriq. Portel. & Tambur. quia in *c. cum creatura de celebr. miss.* juxta *Rubr.* ponitur obligatio celebrandi quotidie Missam conventualem in Ecclesiis collegiatis, inter quas annumerari possunt Ecclesiæ monialium, quia habent Prælatum. Verum non adesse obligationem in Ecclesiis monialium celebrandi quotidie, & multo minus Missam conventualem, testatur praxis, atque communis observantia, & sustinet Pasqual. *loc. cit. q. 878. nu. 2.* Desumitur ex eodem cap. *cum creatura de celebr. miss.* ubi dicitur *celebrare*, quod non potest convenire monialibus, cum cele-

celebrare non possunt; neque injungitur ullo modo procuratio celebrationis, quæ sola potest monialibus convenire.

Quar. 7. Qualem Missam celebrare debeant Capellani monialium non utentium Breviario Romano.

Resp. Debent celebrare Missam correspondentem officio a monialibus recitato, sed cum Missali Romano. Fraxinel. Quart. Pasqual. & ita declaravit Sac. Congr. die 20. Novemb. 1628. teste Gavanto. Quod si nulla est Missa in Missali Romano, quæ cum officio monialium concordet, ut quando recitant de Nomine Jesu, aut de Spinea Corona, in eo casu Missam de Circumcisione Domini, & de Cruce, vel de Passione poterunt celebrare. Pasqual. & Gavan. qui addit, quod prima Dominica Octobris in Ecclesiis monialium celebrantium festum SS. Rosarii Missa dicenda est de B. Virgine, vel ut in die Nativitatis ejusdem, mutatis verbis incongruis, vel potius ut in Festo ad Nives. Extendit supradictam doctrinam Leander *par. 6 in decal. 1. tract. 8. disp. 4. q. 56.* & alii apud ipsum dicentes, Capellanos monialium non solum debere recitare Missas, sed etiam posse recitare officia Sanctorum Ordinis, sed cum Breviario Romano. At hæc opinio non videtur admittenda nisi quoad eos, qui quasi collegialiter vivunt expensis monialium, vel quibus administratio Sacramentorum, & animarum cura est commissa. Quintanad. *tract. 8. singul. 8. nu. 3.*

Quar. 8. Quot Missæ possint quotidie celebrari in Ecclesiis monialium.

Resp. Sac. Congregat. in Lucana 22. Decembr. 1628. decrevit, quod moniales singulis Missis pro singulis diebus debent esse

contentæ, exceptis diebus celebrationis priorum festorum, vel exequiarum alicujus monialis. Possunt etiam permitti duæ in monasteriis ita numerosis, ut omnes eidem Missæ nequeant interesse. Ratio hujus prohibitionis est, ne detur ansa turbandi pacem, & quietem monialium ex quotidiana plurium Sacerdotum celebratione. Quare sancitum fuit in Constit. Clem. VIII. relata a Masconio, quod nulla monialis, vel alia persona secularis audeat celebrare facere in Ecclesiis monialium privatas Missas, præter eas, quæ a Capellanis celebrari solent, sine licentia Ordinarii. Putat tamen Cespèd. *de exempt. Regul. dub.* 341. sufficere licentiam tacitam, & implicitam, quæ circa hoc debet semper adesse; & vult hanc posse concedi a Prælato Regulari ad celebrandum in monasteriis exemptis; quod absolute non admitto, cum versemur in materia spectante ad clausuram; circa quam concessio licentiæ etiam quoad exemptas pertinet ad Episcopum, ut diximus supra. Unde eadem Sac. Congreg. in *Placent. 9. Decembris 1651.* censuit, per Episcopum fieri posse præceptum Regularibus, ne absque sua licentia accedant ad Ecclesias monialium pro celebrandis ibidem Missis.

§. III.

*De obligatione quoad Confessionem,
& Communionem.*

Quar. 1. **A**N moniales teneantur sub mortali singulis mensibus ad confessionem, & communionem.

Resp. Negant quamplures, & graves Theologi apud Tamburin. quia confessio menstrua & communio sunt tantum inditæ de consilio, unde

unde Trid. *sess. 25. de Regul. c. 10.* hanc in monialibus frequentiam desiderans non præcepit, sed hortatur; & si quæ est obligatio, tota oritur ex regula, quæ ut plurimum non obligat ad peccatum, saltem mortale. Nec pro obligatione allegabilis est Clem. *Ne in agrostat. Monach.* quia cum sit edita pro monachis, & sit odiosa, non est ad moniales extendenda. Verum plures Doctores asserunt, in dicta Clem. comprehendit etiam moniales, quia in materia æque adaptabili viris, & foeminis etiam in odiosis masculinum concipit foemininum. Janson cum pluribus congestis a Pasqual. *in Lauret. n. 660.* Unde dispositum de uno, de altero quoque censetur dispositum. Cum ergo necessitas, & finis frequentandi Sacramenta æque adaptentur viris, & foeminis, utrasque debet afficere dispositio. Et ideo moniales teneri sub mortali ad confessionem menstruam, & communionem, tradunt Cajet. Nav. Dicastik. & alii, quos refert, & sequitur Clericatus *de Euchar. Sacram. dec. 49. n. 14.* & quidem negari non potest, ex diuturna Sacramentorum omissione maximum oriri scandalum, morum corruptelam, disciplinæ regularis relaxationem, & religiosæ communitatis detrimentum; quare saltem ex hoc capite monialem notabiliter negligentem a peccato mortali non excusarem.

Quar. 2. An monialis, quæ jam rite confessâ recordatur alicujus gravis peccati, teneatur sub mortali talis peccati obliiti confessionem ante communionem præmittere.

Resp. Non teneri, sed posse ad communionem pergere, conantur probare Garzias, Henric. Ferrantin. Reginald. Præposit. Petrus Cornejo, & Pasqu. *in Theol. moral. de Euchar. Sacram. disp. 116. sect. 5. nu. 18.* Quia jam est debi-

debite disposita, cum sit in statu gratiæ; nam peccatum illud est indirecte remissum per priorem confessionem, in qua inculpabiliter fuit oblitum. Hæc opinio tanquam nimis laxa, & falsa, a Doctor. commun. est rejecta, & teste Caspensi fuit ab Inquisitione Hispanica reprobata. Quia præceptum de præmittenda ante communionem confessione non solum est de præmittenda confessione integra formaliter, sed etiam, ubi advertimus, materialiter, ut colligitur ex communi omnium fidelium praxi, & observantia, quæ est optima cujuscunque legis interpres, *leg. si de interpretatione, ff. de legib. & c. cum dilectus de consuet.* Illa tantummodo duobus in casibus admitterem, videlicet quando monialis magnis scrupulis angeretur, ut monet Fabri *t. 1. Apolog. p. 384.* & quando communicatura actu pergeret ad fenestellam, ut probat Tambur. *in expedit. com. cap. 1. §. 8. n. 63.*

Quar. 3. An monialibus communio quotidiana sit indulgenda.

Resp. Posse indulgeri, sed fervore spiritus & mentis puritate bene perpensis. Extat Sac. Congr. decretum emanatum die 12. Febr. 1679. in quo habetur: *Itidem moniales quotidie sacram communionem petentes admonenda erunt, ut in diebus ex earum Ordinis instituto præstitutis communicent. Si qua vero puritate mentis, & fervore spiritus ita intaluerint, ut digna frequentiori Sanctissimi Sacramenti perceptione videri possint, id illis a Superioribus permittatur.* Nulatenus tamen permitti debet in feria sexta Parasceve ex decreto superius relato, in quo præcipitur, quod Missalis rubricæ, & Ecclesiæ Romanæ usus serventur; Missalis autem rubrica in feria quinta majoris hebdomadæ præscribit, quod reserventur aliquæ

particulæ consecratæ, si opus fuerit, pro infirmis; ergo non pro sanis; unde ex intentione Ecclesiæ in illa die Eucharistia non est sanis administranda. Ita Pasqual. *de Sacram. nov. leg. quest. 357. nu. 7.* ubi duo alia affert Sac. Congr. decreta, unum *sub die 9. Maji 1606.* alterum *19. Februar. 1622.*

An autem in Sabbato Sancto sit permittenda communio, resolvendum est negative. Quia per Sac. Rit. Congregationis Decretum *sub die 11. Februarii 1690.* Alexandro VIII. approbante, prohibentur omnino in Sabbato Sancto Missæ privatæ etiam post pulsationem campanarum in quacunque Ecclesia, aut Oratorio privato. Ergo pariter prohibetur Eucharistiæ perceptio. Sicut enim, ut notat Pasqual. *loc. cit. n. 9.* ex eo quod non potest, nisi semel in die celebrari, inferitur, quod non nisi semel in die liceat communicare; ita etiam ex eo quod in aliqua die non liceat celebrari, inferri debet, quod neque in tali die liceat communicare. Unde pariter ex eo quod in Sabbato Sancto prohibeatur Sacerdotibus, etiam privatim, Missæ celebratio, non obstante anticipatione in celebrando Dominicæ Resurrectionis mysterio, prohibita censenda est in Sabbato Sancto Eucharistiæ perceptio. Hanc sententiam sustinent Gavant. Coton. Volp. Azor. Arnaud. Francol. & alii, quos refert, sed non sequitur Clericatus *de Euchar. Sacram. decis. 15.* ubi pro opposita, quam tueretur, undecim allegat Doctores.

Quar. 4. An Episcopus possit monialibus præscribere dies, & locum recipiendi sacram communionem.

Resp. Videri quod non, quia Trident. *sess. 22. cap. 6.* ait: *Optaret quidem Sancta Synodus, ut*

in singulis Missis fideles adstantes non solum spiritali affectu, sed Sacramentali etiam Eucharistia perceptione communicarent; ut ad eos sanctissimi hujus Sacrificii fructus uberius perveniret. Affirmative nihilominus respondendum. Habetur diserte ex eodem Conc. *sess. 22. de observ. & evit. in celebr. Miss.* & alibi. Quibus in locis tribuitur Ordinariis etiam uti Sedis Apostolicæ delegatis facultas circa Sacramentorum tum administrationem, tum suceptionem. Quod præcipue curandum est in Sacræ Eucharistiæ frequentatione, ut æmulationes, & singularitates, unde certa Congr. imminet ruina, evitentur, & impediuntur, dum communicantes non communicantibus se putant meliores, & sanctiores, suoque exemplo alias sæpe non debite præparatas vel æmulatione, vel alio respectu ad communicandum indigne incitant, & quasi inducunt. Atque ita Sac. Cong. Conc. *die 7. Maji 1652. in una Gandav.* declaravit monialibus dispositionem Conc. *sess. 22. c. 6.* non suffragari, Ordinarioque licere præscribere illis dies, & locum accipiendi sacram communionem.

Quæst. 5. An peccet monialis pergens ad prandium immediate post communionem.

Resp. Secluso scandalo, & contemptu mortaliter non peccare, docent communiter cum D. Th. 3. p. 2. q. 80. art. 8. ad 6. Quia nullum præceptum est assignabile in oppositum; Canon enim in c. *Tribus gradibus 3. de consecrat. dist. 2.* per usum contrarium est abrogatus, teste eodem D. Thom. *loc. cit.* Neque ulla irreverentia est, statim ingerere in stomachum alios cibos cum speciebus Eucharisticis immiscendos, sicut nulla irreverentia est, posita Christi Domini dignatione, quod species Eucharistiæ cum aliis stomachi humoribus misceantur.

Hinc

Hinc nec venialiter peccare deducunt Bonac. Tambur. & Quart. *in rubr. Missal. p. 2. tit. 12. dub. 6.* Eo magis quia immediatus ille accessus ad prandium cohonestatur in monialibus a iusta causa, nempe ab observantia regulæ præcipientis cuique illarum primæ communi mensæ interesse, in qua habetur sacra lectio, servatur silentium, & debita moderatio.

Verum ob maiorem Sacramenti reverentiam, & uberiores ipsius fructum percipiendum, consulunt Doctores cum D. Thom. ab aliis communibus cibis abstinendum esse per totum illud tempus, quo species Sacramentales durant in stomacho, nempe vel per horam, ut opinantur Verricel. & Sancius, vel per dimidium, aut quadrantem, vel etiam semiquadrantem, ut ex aliorum sententia refert Cassian. *in arbor. opin. verbo communio*, §. 7. nu. 88. Quia toto illo temporis spatio diffundunt ampliorem gratiam ex opere operato, si anima attenta sit ad eam diffusionem colligendam, immorans in actibus devotionis, & charitatis, ut ex Cajetano docet Gonet. *1. 5. disp. 8. de Euch. nu. 37.*

§. IV.

De obligatione quoad Jejuniorum, & Fæstorum observantiam.

Quær. 1. AN moniales teneantur servare jejunium in Adventu.

Resp. Olim in Adventu ab omnibus jejunabantur, ut desumitur ex *can. 6. Concilii Matisconen. primi.* His temporibus nulla adest obligatio jejunandi in Adventu, ut constat ex praxi, & tradunt communiter Doctores. Quare nec moniales ad hoc jejunium tenentur

tur ex præcepto, cum teneantur tantum ad ea, ad quæ tenentur reliqui fideles, & non ad alia; nam in jure communi non reperitur ullum jejunium peculiariter Regularibus injunctum. Excipiendæ tamen sunt moniales illæ, quæ ex suis constitutionibus, & statutis tenentur jejunare. Hæc tamen obligatio non est ab Ecclesia imposita, licet approbata, sed ab ipsa religione. Seclusa obligatione regulæ, non tenentur moniales ad tale jejunium ratione consuetudinis, quia non est consuetudo servata ab ipsis ex animo se obligandi, sed ex devotione, & regulari observantia. *Tamburin. de jure Abbatiss. disp. 12. q. 2. nu. 3.*

Quar. 2. An moniales S. Claræ teneantur sub mortali ad jejunia regulæ, nempe Adventus, & feriæ sextæ.

Resp. Non teneri juxta Constitutionem Eugenii IV. quæ incipit *Ordinis tui*, ubi postquam Pontifex recensuit omnia præcepta obligantia sub mortali contenta in regula, inter quæ sub capitulo tertio est jejunium, subdit: *Tenore præsentium declaramus, & volumus, quod in nullius prædictorum transgressione, præter quam eorum quatuor, quæ concernunt principalia vota, obedientia scilicet, paupertatis, castitatis, & clausura, & super electione Abbatissæ, & depositione, peccatum mortale incurrant.*

Quar. 3. An monialis, quæ vovit jejunare per annum ea die hebdomadæ, qua celebratur festum Annunciationis B. V. si festum incidat in Dominica, teneatur die Dominica jejunare, vel possit tale jejunium in Sabbato præcedenti anticipare.

Resp. Posse anticipare; quia ex omnium sententia quilibet potest votum suum in manifeste melius commutare; at manifeste me-

lius est se conformare universali consuetudini Ecclesiæ anticipantis in Sabbato præcedenti jejunium incidens in Dominica. Ita Sanch. *in decal. lib. 2. c. 37. n. 18.* ubi excipit sabbata illa, in quibus incidit jejunium indictum ab Ecclesiâ, quia non est æque acceptum Deo jejunium illud aliunde obligans, & votum intelligitur de actu alias non obligante; nisi aliud exprimatur. Sed cur etiam in hoc casu non poterit se conformare universali consuetudini Ecclesiæ reponentis vigiliam alicujus Sancti occurrentis feria secunda in Sabbato præcedenti, etiam si in tali Sabbato incidat jejunium quatuor temporum. Nam ex eodem Sanchez votum obligat ad instar præcepti Ecclesiastici. Igitur, quod possit etiam in tali casu anticipari, docet absolute Pasqual. *de jejun. dec. 223. num. 5.* Imo *decis. 124.* sustinet, hoc procedere etiam si explicite habuerit animum se obligandi in die Dominico. Nam quando habuit talem intentionem, vel advertit consuetudinem Ecclesiæ non admittentis jejunium in Dominicis, vel non advertit. Si advertit, habuit animum eundi contra talem consuetudinem; qui animus continet contemptum quendam virtualem, & proinde votum quatenus procedit a tali animo inefficax est. Si non advertit, limitatur votum, & intentio voventis, ut non se extendat ad dies Dominicos, quia obstat consuetudo Ecclesiæ, cui præsumitur, quod se conformasset, si advertisset. Favet Decretum Sac. Congregat. Universalis Inquisit. Rom. anno 1686. in quo præcipitur, ut nullo pacto ex devotione etiam B. Virg. imponatur jejunium quod indifferenter amplectatur dies Dominicos, & festivos solemnes, puta, faciendum non die hebdomada-

domadæ totius anni, utpote quod sit contra
usum, & praxim Ecclesiæ; non impedit au-
tem, si jejunium commutetur eo die festivo
in aliam mortificationem, aut ad aliam diem
transferatur. Ita Felix Potest. *in exam. Conf.*
r. 1. part. 3. nn. 2825.

Quar. 4. An moniales teneantur ad jeju-
nia indicta ab Episcopo.

Resp. Si sint exemptæ ab Ordinario non te-
neri, quia tam quoad personas, quam quoad
loca sunt extra territorium, si non materialiter,
saltem quoad effectum jurisdictionis; &
ideo statutum Episcopi non potest parere ef-
fectum aliquem circa ipsas. Ita Azor. Tamb.
& alii adducti a Pasqual. *de jejun. decis. 196.* Si
vero sint sub regimine Ordinarii, certum est
teneri, si Episcopus intendat eas obligare, at-
que intentionem suam manifestet, quia cum
ipsi subjiciantur, potest eisdem imponere ea
onera, quæ expedire judicaverit. Quod si in
edicto nulla sit de monialibus specialis men-
tio, neque ullum signum appareat, quod Epif-
copus voluerit illas specialiter obligare, exi-
stimat Pasq. *loc. cit. dec. 197.* ad hujusmodi jeju-
nia non teneri, quia non militat eadem ratio
de sæcularibus, & monialibus; nam hæ habent
plura onera, & jejunia ratione regulæ & exer-
cent plura opera bona, quibus possunt satisfacere
fini, pro quo imponitur jejunium sæcula-
ribus; unde nec potest quoad ipsas adesse idem
motivum ad imponendam legem, & præceptum.

Quar. 5. An moniales teneantur ad jeju-
nia loci, quæ ex consuetudine obligant tam
laicos, quam Clericos.

Resp. Negat cit. Pasqual. *decis. 185. nn. 8.*
non solum quoad exemptas, sed etiam quoad
non exemptas. Quia licet simul cum laicis, &

Cle-

Clericis uniantur sub Episcopo tanquam capite, uniuntur tamen secundum propriam regulam, atque adeo ut faciant distinctam communitatem a laicis, & Clericis. Unde quando Episcopus consentit in consuetudinem ipsorum, non consentit ut caput monialium, & proinde non refundit consuetudinem in moniales. Immo addit citatus Doctor *dec. 187.* neque teneri, licet consuetudo sit universalis; quod tamen negant alii quamplures penes ipsum, etiam quoad moniales exemptas, quia tanquam communicantes cum cæteris sub eodem Pastore, & Capite, debent etiam in obligatione generalis consuetudinis communicare.

Quar. 6. An moniales ante annum vigesimum primum teneantur ad jejunia suæ regulæ,

Resp. Partem affirmativam approbari a vigintipove Doctoribus relatis. Pasq. *dec. 254.* quia adolescentulæ profitentes possunt se obligare, & de facto profitendo suscipiunt in se obligationem regulæ, & proinde manent obligatæ ad servanda jejunia. Sed hoc fundamentum non est satis firmum; quia licet adolescentulæ profitentes actu suscipiant obligationem, illam tamen suscipiunt prout intendit obligare; unde constare debet, quod regula intendat obligare etiam adolescentulas. Sic adolescens conversus ad fidem suscipit in se obligationem servandi præcepta Ecclesiæ, & Ecclesiæ præceptum de jejunio ponitur indifferenter absq; exclusionem alicujus: & tamen non tenetur ante annum vigesimum primum jejunare; quia non est intentio Ecclesiæ obligare ante illam ætatem. Examinanda igitur est regula, & si aliquid continet, per quod ostendat specialem intentionem obligandi etiam
ado-

adolescentulas, tunc procul dubio obligabuntur; at si non ostendat talem specialem intentionem, sed tantum in generali obliget omnes, tunc adolescentes non obligari censet Pasqual. *loc. cit.* quia militat eadem ratio, ob quam possumus eam interpretari, sicut interpretamur præceptum Ecclesiæ. Quod absolute defendunt Graffius, Medina, Tamb. & quidam alii.

Advertit tamen Pasqual. quod sequendo opinionem asserentem adolescentulas professas obligari ad jejunia religionis, possunt in his jejniis dispensari a Prælato principaliter, ab Abbatisa vero ministerialiter, ut videbimus c. 10. §. 1. q. 5. immo bene facient dispensando, & non cogendo ad omnia jejunia, ut conservatis viribus melius serviant religioni; quod notavit etiam Ledesma.

Quæst. 7. An moniales sexagenariæ teneantur ad jejunia regulæ.

Resp. Non liberari moniales sexagenarias, docent Ludovic. a S. Jo: & Bordonus, quia obligatio regulæ est voluntarie suscepta. Oppositum tradunt Rodriq. & Tamburin. quia præceptum regulæ obligat ad instar præcepti ecclesiastici, & per consequens ob eandem rationem, ob quam cessat lex ecclesiastica, debet etiam cessare lex religionis. Et ob eandem pariter rationem Sanchez, Bonacina, Diana, & Tamburinus eximunt a jejunio moniales sexagenarias, quæ voverunt certis diebus toto vitæ suæ tempore jejunare, quia nimirum vota obligant juxta mensuram præceptorum ecclesiasticorum, nisi aliter constet ex intentione voventis.

Quæst. 8. An moniales in jejniis ex præcepto regulæ, vel Ecclesiæ indictis, possint extra quadragesimam uti lacticiiniis in illis

illis locis, in quibus apud sæculares viget consuetudo.

Resp. Inspiciendam esse regulam, quæ, si aliquid particulare circa hoc præscribat, erit servanda; si vero nihil decernat, poterunt juxta morem sæcularium loci consuetudine gaudere. Non tamen juxta consuetudinem universalis Ecclesiæ possunt comedere carnes & jejunium frangere in die Natalis Domini, si contingat feria sexta, vel Sabbato celebrari, nisi id expresse indulgeatur in regula, quia *in cap. fin. de observ. jejun.* qui ex voto, vel regulari observantia sunt adstricti, signanter ab hujusmodi consuetudinis participatione excluduntur.

Quar. 9. An moniales in diebus jejunii possint horam prandii consuetam anticipare.

Resp. Posse ex Filliuc. & Diana juxta privilegium Leonis X. Minoribus concessum, de quo moniales quoque participant. Et hoc privilegium locum habet etiam, ubi adest consuetudo comedendi ante meridiem, quia possunt simul frui loci consuetudine, & privilegio; nam Pontifex, qui hoc concessit, voluit eas posse comedere, antequam comedant sæculares, ut notavit Pasqual. *dec. 150. n. 3.*

Quar. 10. An monialibus in jejniis lætitiæ liceat sumere ampliorem refectiunculam vespertinam.

Resp. Negant Villalob. Bossius, & Diana *part. 1. tract. 9. de jejun. res. 35.* ubi hoc sæcularibus concedit. Affirmant nihilominus alii, quia ad illa jejunia non magis obligantur moniales, ac sæculares, cum talis obligatio oriatur in utrisque ab eodem præcepto; ab utrisque igitur poterit cum lætitiâ æqualiter celebrari. Ita Llanas, Turrianus, Pasqualigus, & Sanchez, qui hoc admittit, licet mo-

niales teneantur etiam ex voto, vel præcepto regulæ jejunare, quia hoc est privilegium talis jejunii pro tali festo, unde ut magis dignum trahit ad se alia jejunia. Quod tamen intelligendum est, nisi aliter intellexerint se obligare, vel regula aliter disponat.

Quar. 11. An moniales, quæ tenentur ex regula sub mortali jejunare, si eodem die incidat jejunium indictum ab Ecclesia, peccent dupliciter, si ipsum non servant.

Resp. Dupliciter peccare, quia peccant contra temperantiam præceptam ab Ecclesia, & contra religionem, quia non servant regulam obligantem sub mortali, quam ex voto tenentur servare. Ita aliis relatis a Diana in *oper. cord. tom. 4. tr. 6. ref. 62.* Negat Bord. in *conf. regul. ref. 18. n. 13.* Quia utrumque præceptum præcipit jejunium sub ratione temperantiæ, unde utriusque violatio, cum sit contra eandem virtutem, non potest constituere duplex peccatum. Sed hoc non subsistit, quia obligatio servandi regulam, quando præcipit sub mortali, etiam si non præcipiat specialiter sub obedientia, radicatur in voto; unde moniales illam non servantes faciunt contra votum, & sic peccant peccato contra religionem.

Quar. 12. An moniales possint per proprium Confessarium dispensari in jejniis.

Resp. Confessarios, universaliter loquendo, non posse in jejniis dispensare, quia in foro exteriori carent jurisdictione, quæ necessaria est ad dispensandum. Ita Doctores communiter. De monialium tamen Confessario videtur aliter discurrendum. Ille enim, licet non vocetur Parochus, in facto nihilominus talis est, quia in monialium Ecclesia exercet omnia illa jura, quæ Parochus in sua. Bordon.

dec.

Dec. Miscell. dec. 129. Cum igitur Parochus ex communi Doctorum sententia possit in jejuniis dispensare suas oves, poterit & Confessarius suas moniales; pro utroque enim eadem militant rationes. Semper tamen debet intercedere justa causa, siue Confessarius dispense in jejuniis indicto ab Ecclesia, siue præscripto a regula; quia non est illi concessa facultas relaxandi legem ad libitum, sed solum urgente aliqua necessitate.

Quar. 13. An moniales teneantur observare festa ab Ordinario loci præscripta.

Resp. Teneri ex Trident. *sess. 25. de regular. cap. 12.* ubi licet non fiat expressa mentio de monialibus, illæ tamen in dicto decreto sub nomine Regularium comprehenduntur, quod est commune tam monialibus; quam viris religiosis. Hæc obligatio se extendit etiam ad festa, quæ obligant ex consuetudine, quia cum obligent ex consensu Episcopi, ita se habent, ac si essent indicta ab Episcopo, ut optime advertit Palqual. *ubi supra a dec. 186. n. 8.* ubi notat, non improbabiliter dici posse, quod cum Concilium loquatur de festis, quæ servanda præcipiuntur ab Episcopis, non tenentur Regulares (idem dic de monialibus) ad ea, quæ sunt ex consuetudine, quia non sunt propria præcepta ab Episcopo, unde non comprehenduntur in Concilii decreto, quod tanquam odiosum, quia est contra exemptionem Regularium, est strictè interpretandum de festis proprie præceptis. A prima tamen opinione non recedendum saltem ratione scandalii, quod posset oriri.

Quar. 14. An monialibus licitum sit in die festo acu pingere, vulgo *ricamare*.

Resp. Esse licitum discendi causa, docent Sæ, Armilla, & alii quamplures; ut absolute

licitum tradit Joannes a Cruce, & probabile putat Auctor casuum conscientiae Bononiae discussorum *an. 1635. Mense Martio cas. 2.* Quia acu pingere non censetur opus servile, non solum quia a nobilibus hujusmodi exercitium solet usurpari, sed etiam quia in exercitiis propriis mulierum debent dari aliqua, quae non sint servilia, ut habeant, in quibus juxta sexum muliebrem possint ingenuo modo se exercere. Quod maxime admittunt Silvester, Margarita, Villalob. & Marchant. si fiat ad evitandum otiositatem, quia cum intendatur ad evitandum peccatum, non videtur imputandum ad peccatum. Et ob hanc rationem excusari debent moniales conficientes in die festo thecas ex serico cum cera sancta collo gestari solitas, aliaque similia. Immo opera servilia pertinentia ad ornatum, & cultum Ecclesiarum, ut ornare Altaria, mundare &c. esse illis licita ex rationabili causa, asserunt Cajetan. Sot. Navar. & Bonacina, qui, rationabili causa cessante, esse peccatum veniale tantum, admittunt.

Quar. 13. An moniales possint in diebus festis opera servilia exercere ad sublevandam gravem monasterii necessitatem.

Resp. Posse, per ea quae tradunt quindecim Doctores relati a Pasqualig. *decis. 296.* dummodo tamen audiant Missam, vitent scandalum, & earum exercitium eo usque protrahatur, quo usque sufficiat ad sublevandam necessitatem. Ratio autem est; quia, cum lex respiciat bonum, non obligat contra necessitatem, sed subditur exigentiae necessitatis. Cujus quidem necessitatis gravitas ad hoc, ut in praesenti ab observantia legis excuset, ponderanda est habito respectu ad mona-

nafterii, monialiumque statum, qui confiftit in victu, & vestitu, nec non in aliis ad divinum cultum pertinentibus. Si igitur monasterium in his notabiliter patitur, tunc lex abstinendi ab opere servili non obligat, quia non obligat cum detrimento notabili proprii status. Imo si cessat obligatio ex aliis causis, quæ sunt minoris momenti, ut videre est apud Doctores, a fortiori debet in præfenti cessare.

Hinc videtur inferri, quod monialis quoque privata, quæ singulis profestis diebus detinetur in servitio monasterii, possit in diebus festis laborare ad lucrandum aliquid, quod seponat, ob sublevandas proprias indigentias, quibus monasterium, ratione suæ paupertatis, non potest occurrere. Nam ex una parte peculium aliquod necessarium est ad sibi comparanda, v. g. infirmitatis tempore medicamenta, quæ nec a monasterio, quia paupere, nec a benefactoribus suppeditantur; ex alia vero in diebus profestis nihil potest acquirere, quia tota in monasterii muneribus detinetur. Unde solummodo superest, quod in diebus festis laborando lucrum illud sibi comparet, quod reservet.

At moniales laborantes in die festo, censeo, non esse regulariter excusandas, cum non videam, tantæ necessitatis causam tam de facili posse contingere. Stante præcipue Gregorii XIII. Constitutione *Deo sacris*, in qua Pontifex volens monialium necessitatibus prospicere, præcipit, ut dimidium omnium eleemosynarum a quibuscunque, ubicunque terrarum, quacunque lege, dispositione, vel obligatione pauperibus faciendarum, detur monialium monasteriis necessitate pressis, quæ sunt in locis, in quibus illæ

342 *De qualitat. Abbatiffa eligenda,*
 erogandæ sunt; idque sine alio particulari ius-
 su Pontificis, vel alterius, & sine ulla peti-
 tione monialium, vel quorumcunque alio-
 rum, dummodo duplex conditio concurrat;
 una, ne illæ eleemosynæ sint in pauperes
 certos erogandæ; altera, ut, licet pauperi-
 bus incertis erogandæ sint, non tamen sint
 ad usus alios, præterquam ad pauperum su-
 stentationem, & alimenta destinatæ.

C A P U T IX.

De obligationibus Monialium quoad ele-
 ctionem Abbatissæ.

§. I.

De qualitatibus eligenda in Abbatissam.

Quar. 1. **Q**UOT annos ætatis, & profes-
 sionis, habere debeat eligen-
 da in Abbatissam.

Resp. Ex Trident. sess. 24. de Regular. cap. 7.
 Abbatissa non minor eligenda est annis qua-
 draginta, & quæ octo annis post emissam pro-
 fessionem laudabiliter vixerit. Hæc ætas de-
 bet esse completa de momento in momen-
 tum. Passerin. de elect. cap. 40. n. 17. Ita quod
 super hac neque Episcopus, neque Nuncius
 Apostolicus, vel alius Superior possit dis-
 pensare, quod certum ait Tambur. Nemo
 enim Summo Pontifice inferior potest dis-
 pensare in lege conciliari. Facilius tamen,
 ut notat Suarez, & cum minori causa est
 dispensabile tempus religionis, quam ætatis,
 quia plus confert ad alios regendos ætatis
 maturitas, quam religionis antiquitas. Non

attenta ætatis qualitate a Concilio requisita electio est ipso jure nulla. Tambur. Barbof. Aldan. asserens ita fuisse declaratum a Sac. Congreg. in *Viterbien.* 16. *Maji* 1623. & moniales aliter eligentes privari pro illa vice facultate eligendi, tradunt Lavor. & quidam alii; quod negat Passerin. quia non levis poena est irritatio electionis.

Quar. 2. Quid faciendum, si non adsit in monasterio habens supradictam ætatem requisitam a Concilio.

Resp. Ex eodem Concil. Aliqua ex alio ejusdem Ordinis monasterio eligi potest; nullatenus tamen ex alio Ordine, nisi ex Summi Pontificis indulto, ut notat Pasqual. in *Laurel.* nn. 680. quia tanquam alienam regulam professæ, ad regendas diversi Ordinis moniales non reputatur idonea. Non est tamen necesse, quod deficiente quadragenaria, alia eligatur ex alio monasterio, sed eligi poterit ex eodem monasterio habens triginta annos ætatis, & quinque professionis. Quia Concilium hoc relinquit arbitrio illius, qui præest electioni. Verum si in monasterio adsint moniales quadraginta-annorum, & octo professionis, non poterit eligi aliqua, quæ deficiat a dicta ætate, aut tempore etiam per mensem, licet habilior censeatur; aut quæ deficiat ab ætate triginta annorum, & quinque professionis in concursu illius, quæ habet dictam ætatem & tempus, ut notant Lavor. & Tambur. & declaravit Sac. Congr. in *Viterbien.* S. *Rosa* 25. *Martii* 1623. Quare si una tantum in monasterio reperiatur habens ætatem præscriptam a Concilio, & tempus professionis, debet eligi, nisi esset inhabilis ex alio capite; quia cæteræ, quamvis

quoad prudentiam essent habiliores, essent tamen positive inhabiles ratione impedimenti ætatis, & temporis a professione, quia Concilium hoc solum concedit, quando in eodem monasterio nulla cum præscriptis qualitatibus reperitur. Unde si expediret vel ob pacem monasterii, vel ob alias causas aliam eligi, recurrendum esset ad Sac. Congr. ut juxta indigentiam monasterii provideret.

Quar. 3. An carens debita ætate, & tempore professionis, eligi possit in Vicariam.

Resp. Non posse, si non habeat supra se aliam Superiorissam, & gubernet in capite, quia fieret fraus legi; nam revera eligeretur ad exercendum munus Abbatissæ sub alio nomine, & Concilium requirit has qualitates tanquam necessarias pro munere rite obtinendo, non pro nomine obtinendo. Ita Tambur. & Pasqual. *loc. cit. n. 698.* ubi addit, quod quando adesset aliqua difficultas, ita ut esset necessario per aliquod tempus protrahenda electio, potest tunc pro interim eligi in Vicariam, quia tunc regimen monasterii transeunter ipsi imponitur.

Quar. 4. An illegitimæ eligi possint in Abbatissas.

Resp. Quod possint eligi sine dispensatione, tenent Miranda, Rodriq. Portel. Diana, & Lavor. adducens decretum Sac. Congreg. *die 4. Octob. 1594.* Communior tamen sententia negat. Ita Navar. Majol. Homobon. & Aldan. qui refert ita fuisse decissum a Sac. Congreg. *die 27. Aprilis 1630.* Unde hæc declaratio, utpote posterior allegata pro prima sententia, est tenenda. Favet quoque ratio; est enim regula, quod masculinum concipit foemininum, interveniente identitate ra-

tio

tionis. Cum ergo jura arceant illegitimos intuitu illegitimitatis, *c. 1. & c. fin. de fil. presbyter.* arcebuntur etiam foeminae tanquam in masculino conceptae, quia ratio illegitimitatis est communis, seu potius eadem in utrisque. Hinc neque eligi posse in Abbatissas infames infamia juris, vel facti, tradunt Majol. Vivald. Navar. & Barb. Neque descendentes intra quartum gradum ex maculato genere, ex Constit. Pauli IV. innovata a Gregorio XIII. dispositio enim in utroque casu procedit etiam in foeminis ex identitate rationis.

Quar. 5. An corrupta eligi possit in Abbatissam.

Resp. Negative cum vigintinovem Doctoribus, quos refert, & sequitur Pasqual. *loc. cit. num. 690.* fundamentum desumitur ex *c. juveneculas 20. q. 1. & c. si quis omnem 1. q. 7.* & affertur declaratio Sac. Congreg. die 15. Julii 1616. & in hanc sententiam videtur inclinare Lezana, qui tamen concludit standum esse consuetudini. Docent alii, posse eligi corruptam, quando Abbatissae non impertitur benedictio specialis Virginum. Ita Rodriq. Portel. Sanch. & D. Antonin. Et quidem si consideretur dispositio Concilii, non videtur excludi corrupta; nihilominus Sac. Congreg. Episcop. servari vult, quod non eligatur, nisi praevia dispensatione.

Non videtur tamen ob stare corruptio secreta, & occulta, sed tantum publica, qualis est in viduis, de quibus tantum procedit declaratio Sac. Congregat. Incorruptio enim solum requiritur ob quandam externam decentiam, cui solum obstat corruptio publica, & nota. Unde si aliqua eligatur, ejus corruptio sit secreta, non debet renunciare.

saltem quando renunciatio posset aliquam corruptionis suspicionem generare. Bigamiam non obstare electioni Abbatissæ, tenet Rodriq. quia, sicuti forminæ sunt incapaces Ordinum, ita sunt incapaces irregularitatis ex bigamia, quæ posita est tantum respectu Ordinum, ad quos inhabilitat. Oppositum docent Majol. Vivald. & Tamburinus.

Quær. 6. An possit eligi in Abbatissam monialis cæca, aut surda, aut muta.

Resp. Negative; habetur quoad cæcam ex *cap. hinc etiam*, §. cæcus *dist. 49.* & D. Thom. in 3. p. q. 82. art. 10. ad 3. quoad surdam ex *cap. constitutionem de verbor. significat. in 6.* & ideo in jure civili surdus non potest gere publicum officium, ut testatur Campanik in *diver. jur. can. rub. 12. c. 17. n. 37.* Quoad mutam ex Doctoribus, quos congerit Peyrit. 2. 2. q. 2. c. 4. nu. 18. & seqq. Ratio horum omnium est, quia hujusmodi defectus rectam muneris executionem impediunt. Non enim potest, ut ex officii obligatione oportet, invigilare super moniales, si cæca; neque illarum necessitates, aut querelas audire, si surda; neque illarum culpas reprehendere, si muta. Tum quia, cum moniales teneantur digniorem eligere ad id munus, credibile non est, quod cæca, aut surda, aut muta, ponderatis omnibus circumstantiis, cæteris monialibus monasterii tanquam dignior sit præferenda.

Quær. 7. An possit immediate eligi Soror antecedentis Abbatissæ.

Resp. Posse, nisi Ordinis obstant Constitutiones. Videtur haberi ex declaratione Sac. Congreg. Episc. apud Navar. in *Lucerna Regular. v. Abbatissa.*

§. II.

*A quibus, & quomodo eligenda
sit Abbatissa.*

Quar. 1. **A** Quibus eligi debeat Abbatis-
sa.

Resp. Eligi debet a monialibus ejusdem monasterii tacite, vel expresse professis. Inter moniales, quæ admittuntur ad electionem, non enumerantur Conversæ: sive hoc sit ex consuetudine, sive ex specialibus monialium constitutionibus, sive ratione status ipsarum; recipiuntur enim, ut serviant, non ut honorifica jura exercent. Ita Suar. Lezan. Tambur. Neque apud quasdam moniales admittuntur omnes choro deputatæ, quamvis professæ, sed solum certo tempore a professione elapso. Unde Portel. habet: Statuta Franciscana Romæ edita 1621. requirunt quatuor annos a professione. Moniales Ordinis Prædicatorum non habent vocem in electione Abbatisæ nisi post duodecim annos elapsos a professione, ut refert Castellin. Quare semper considerata sunt statuta, constitutiones, & consuetudines monasteriorum, quas servari jubet Trident. sess. 25. de regular. cap. 7.

Quar. 2. Quomodo debeat ferre suffragium monialis infirma, si ad locum electionis convenire non potest.

Resp. Cum ex alibi traditis, & ex declaratione Sac. Congregat. die 20. Junii 1595. non possit Præses electionis ingredi ad scrutandum suffragium monialis infirmæ, poterit, si monialis non renunciât juri suo, mittere duas moniales, quæ fideliter scrutentur vo-

tum ipsius, & referant Præsidi; aut poterit ipsa mittere scriptum, & sigillo munitum suum suffragium. Neque enim debet contemni, cum ius habeat ad electionem non minus, quam ceteræ.

Quar. 3. An Episcopus, vel Superior Regularis, aut Scrutator etiam in discordia eligentium possint ferre suffragium in electione Abbatissæ.

Resp. Negative ex Litorio, Castellin. Tambur. & aliis, & ita pluries declaravit Sac. Congreg. Episc. die 5. Martii 1619. & Concilii Tridentini die 23. Maii 1621. in quibus irritatur electio tanquam a non legitimis electoribus celebrata. Unde est rejiciendus Portel. in dubia regular. v. Abbatissa n. 9. sustinens Prælatum Ordinarium electioni præsentem posse ferre suffragium. Quod si contingat moniales non esse concordēs in eligenda Abbatissa, quia monasterium manere non debet sine capite, Episcopus, sive alius Superior præfigere debet certum tempus, in quo concordent; quod si eo elapso non conveniant in eligenda, nominabit eam, quam judicaverit magis idoneam, & deputabit in Abbatissam. Ita Sac. Congreg. die 22. Octobris in una Cremonen. & die 20. Novembr. 1595. in Assisina apud Piafec. in praxi pars. 2. cap. 3. n. 57.

Hic notandum singulare privilegium concessum a Gregorio XII. in sua Constitut. 19. sub die 16. April. 1574. Visitatoribus, Abbatibus, & Prælatibus monialium Ordinis S. Benedicti, nempe, quod si in electione Abbatissarum pro tempore contingat, quod moniales in duobus scrutiniis non eligant, possunt proponere duas, vel tres ejusdem monasterii, quas habiliores judicaverint, &

ex propositis illa censeatur legitime electa, quæ in scrutinio plura vota habuerit, & proinde confirmanda sit. Hoc privilegio uti non possunt Episcopi quoad moniales dicti Ordinis S. Benedicti sibi subjectas, quia talis concessio facta est Prælati Religiosis; nam verba antecedentia, nempe *Visitatores, Abbates*, declarant de quibus Prælati Pontifex loquatur, & coarctant ad Prælatos Regulares, juxta doctrinam Surdi *dec. 124. n. 8.*

Quar. 4. Quomodo eligi debeat Abbatisa.

Resp. Tribus modis eligi posse, scilicet per modum scrutinii, inspirationis, & compromissi. Quamvis enim Trident. *sess. 25. cap. 7. de reformat.* præscribat modum scrutandi vota monialium in ordine ad electionem Abbatisæ, & proinde disponat per viam scrutinii de electione; non tamen prohibet, ne aliis modis a jure concessis eligatur Abbatisa, ut inter alios notant Lavor. & Tamburin. Unde moniales compromittere poterunt in Superiorem præsentem electioni, seu in Confirmatorem, ut tradunt iidem Doctores. Quod si Compromissarius semel pronunciaverit Abbatisam, quam elegit, non poterit variare discedendo ab ea, etiam si cognosceret postea se male elegisse, quia error debet corrigi ab alio, non ab ipso Compromissario, quia jam cessavit ejus facultas, *cap. in literis de off. delegat. ubi.* Doctores communiter cum Gloss.

Quar. 5. An, quando eligitur Abbatisa per viam scrutinii, vota debeant esse secreta.

Resp. Quod sic, ita ut eligentium nomina nunquam publicentur. Ita præcipit Concilium *sess. 25. c. 7.* Et proinde electio est nulla, si vota non sint secreta, ut notant Garzias, Zerola,

Ro-

Rota coram Durano *dec. 232. n. 1.* Immo etiam si ex ignorantia vota non exhibeantur secreta, adhuc electio est nulla, Zerola, Tamburin. & Riccius referens ita resolutum fuisse a Sacr. Congregat. Per hoc tamen quod Præses electionis excipiat vota oretenus exhibita, præfente Notario, & aliquibus aliis ad quatuor, aut quinque, qui audiant, non tollitur secretum. Ita Garzias, qui addit, ex *decr. Sac. Cong.* electionem fore secretam, & canonicam, etiam si juxta *cap. quia propter de elect.* exciperent vota aliquæ scrutatrices de gremio Capituli.

Quar. 6. Quot suffragia requirantur pro electione Abbatissæ.

Resp. Duas partes requiri, tradunt Barbosa & Tamburinus ex rescripto Sac. Congreg. *die 20. Novemb. 1585.* At sufficere majorem partem habito respectu ad totum Capitulum, tenent cum communi Miranda, Cuchus, & Rodriq. Quia de jure communi ad electionem canonicam sufficit major pars, *cap. quia propter de elect.* unde sufficit etiam pro electione Abbatissæ, cum nihil in jure adsit in contrarium.

Quar. 7. Quo in loco fieri debeat electio Abbatissæ.

Resp. Regulariter loquendo fieri debet in tali loco, ut is, qui debet præsidere electioni, non adstringatur ingredi claustra monasterii; habetur expresse ex Concilio *loc. cit.* Potest tamen Præses electionis introire claustra, si alias prudenter judicet, electionem non posse canonice fieri, aut ex aliis justis causis. Causa autem debet esse valde urgens, cum debeat facere cessare dispositionem Concilii in oppositum. Quod si circa necessitatem Præses Regularis & Episcopus non conveniant, præfe-
ren-

rendum esse iudicium Superioris Regularis, tradit Pasqual. *loc. cit.* n. 720. quia ipse melius cognoscit moniales tanquam suæ curæ subiectas, & proinde melius iudicare potest de causis, quæ exigunt ingressum.

Quar. 8. Quinam debeant præsidere electioni.

Resp. Si monasterium sit immediate subiectum Episcopo, aut sedi Apostolicæ, debet idem Episcopus præsidere; si vero sit exemptum, præsidet Prælatus Regularis cum Episcopo, ut ex Constitut. Gregorii XV. Quare Regulares ex eadem Constitutione ita demum tenentur Episcopo significare diem electionis Abbatissæ, cumque usque ad præfixitum tempus expectare, si antea expresse declaraverit, se mi velle facultate sibi hac in parte attributa, ut liceat animadvertere in Regulares, qui ante tempus significatum, aut die electionis eidem non prænuntiata, ad Abbatissæ electionem procedunt. Ita declaravit Sac. Congr. Concilii, cujus rescriptum reperitur in 4. par. Bullarii post declarationes dubiorum Constitutionis suprædictæ. Attamen quamvis possit Episcopus intervenire electioni, non per hoc potest exquirere, & excipere vota eligentium; ut decrevit Sac. Congreg. Concil. die 10. Septembr. 1636. apud Pasqualig. *loc. cit.* n. 688.

Quar. 9. An Prælati habentibus jurisdictionem quasi Episcopalem teneantur Regulares notificare electionem Abbatissæ faciendam.

Resp. Non teneri; quia facultas, quæ per Constitutionem Gregorii XV. de exemptorum privilegiis tribuitur Episcopo quoad Regulares exemptos, non competit talibus Prælati, ut respondit Sac. Congr. ad dubium 4. ipsi propositum super eadem Constit. Ex quo colligit

Pas-

Pasqual. *loc. cit.* n. 727. quod prædicta facultas concessa fuerit Episcopo intuitu dignitatis, atque adeo privative quoad alios; unde concludit electionem Abbatissæ non esse notificandam Vicario Capitulari, Sede vacante, neque Vicario Episcopali, existente Episcopo extra dioecesim. Quia tamen Sac. Congr. in *Avenion.* 13. Dec. 1639. declaravit, notificandam esse electionem Abbatissæ etiam Vicario, ipsi standum erit, si declaratio sit universalis.

§. III.

Per quot annos eligi debeat Abbatissa.

Quar. 1. **A**N Abbatissa eligenda sit ad triennium.

Resp. Affirmative. Ita Greg. XIII. in sua Constit. quæ incipit, *Exposcit*, & si fiat ultra triennium, est nulla etiam pro toto triennio: quia stante decreto irritante, tota electio annullatur, juxta doctrinam Romani *cons.* 66. Quamvis tamen Pontif. prohibeat eligi Abbatissam ultra triennium, non per hoc præcipit, quod eligatur, per triennium, ut notant Tamb. Navar. & Lavor. qui refert declarationem Sac. Congr. 18. Novembr. 1595. in una *Arian.* Vel poterit eligi ad triennium, sed secundum formam Constit. Leonis X. ut scilicet teneatur singulis annis in manibus Visitatorum, aut aliorum Superiorum renunciare, & quod ipsi possint novas Abbatissas ponere, eligente Conventu, si ita expedire judicaverint. Et ad hanc formam reduci potest electio etiam in illis monasteriis, in quibus ex consuetudine, aut statuto eligitur ad triennium; dummodo id fiat per eos, ad quos spectat imponere leges promonialibus, quia cum hoc spectet ad bonum regi-

regi-

regimen, potest præcipi ab habente jurisdictionem. Pasqualig. *ubi supra* n. 673.

Quar. 2. An expleto triennio possit eadem Abbatisa sine Sedis Apostolicæ dispensatione reeligi ad aliud triennium.

Resp. Non posse, sed necessario vacare debere per aliud triennium, ita statuente eodem Gregorio *in supracit. Constitut.* Ex quo fit, quod, si intra triennium moriatur Abbatisa, aut alio modo vacet officium, non poterit eligi in Abbatisam, quæ præcessit in officio, quia non vacavit per triennium. Neque eligi potest in Vicariam, seu Priorissam, quæ gubernet monasterium in capite, per aliquod notabile tempus. Immo neque in Vicariam novæ Abbatisæ. Nam Gregor. XIII. præcipit elapso triennio sui officii, ut *omni prorsus careat auctoritate*. Quæ verba excludunt Vicariam, quæ in defectum Abbatisæ, quando vel ratione infirmitatis, vel ex alia causa non est præsens, fungitur munere Abbatisæ; unde non omni prorsus caret auctoritate. Hæc autem non habent locum in Abbatisis, quæ non sunt triennales, sed annuales, aut biennales; istæ enim poterunt eligi in Abbatisas, quoad usque compleant triennium, quia triennium integrum pro tali officio conceditur *in cit. Const.* Alia vero officia habentia annexam auctoritatem, regimen, & administrationem posse conferri Abbatisis annualibus, aut biennialibus, expleto munere, tradit Pasqual. quia *d. Const.* disponit solum de Abbatisis triennialibus.

Quar. 3. An si expleto triennio Abbatisa ex dispensatione eligatur ad triennium, possit rursus expleto secundo triennio de novo eligi absque dispensatione ad tertium triennium.

Resp.

Resp. Non posse, ob rationem, quam adduximus cum de Confessario c. 6. §. 6. q. 4. Vide etiam Pasqual. *loc. cit.* n. 717.

Quar. 4. An Collegium Oblatarum teneatur eligere Præsidentem triennalem, an vero possit eligere perpetuam.

Resp. Posse perpetuam eligere. Quia Gregorii XIII. Sixti V. & aliorum Pontificum Constitutiones præcipientes, quod deinceps Abbatissa, & Priorissa eligantur triennales & non perpetuæ, loquuntur de monialibus normam, & disciplinam regularem servantibus, & non extendant ad alias expresse. Quotiescunque autem canonica Constitutio statuit aliqua nova, & a jure communi exorbitantia de monialibus, solum est intelligenda de veris Religiosis, & regulam per S. Sedem Apostolicam approbatam professis, & non de aliis, quantumcunque religiose, & collegialiter viventibus, nisi expresse suam legem ad illas extendant, juxta c. *indemnitatibus* §. *pen. de elect. lib. 6.* Quare de Oblatis prædictæ Constitutiones non sunt intelligendæ, atque adeo poterant Præsidentem perpetuam eligere. Roderic. 1. q. 57. art. 5.

§. I V.

De Confirmatione & Benedictione Abbatissæ.

Quar. 1. **A** Quo sit confirmanda Abbatissa.

Resp. Confirmationem Abbatissæ juxta dispositionem c. *indemnitatibus de elect. in 6.* fieri debere a Superiore monasterii. Quare si monasteria subjiciuntur Ordinario, debet ab ipso confirmari Abbatissa electa; si subjiciuntur immediate Sedi Apostolicæ, debet confirmatio
peti

peti per procuratorem a Summo Pontifice, vel ejus Legato, juxta *c. si Abbatem de elect. in 6.* Si vero monasteria subduntur Regularibus, confirmatio spectat ad ipsos, ita ut Prælatus pro ipsis deputatus debeat confirmare, ut desumitur ex *C. Monachi, & C. Monasterium de statu Monac.* Et quidem confirmatio spectat ad Regulares privative quoad Episcopos, ut declaravit Sac. Congr. in *resolutione dubiorum sub Constit. Greg. XV. Inscrutabili*, & ita etiam notat Tambur. de *jur. Abbatiss. disp. 29. q. 1. n. 2.* ubi advertit, electionem Abbatissæ, nisi aliud obstat, esse statim confirmandam a Superiore, qui præfuit electioni, & confirmationem esse faciendam in loco, in quo est publicata. Addit tamen Miranda *q. 2. de Monialib. art. 5.* posse confirmantem ingredi claustra, si timeat aliquod periculum, aut scandalum ob moniales resistentes electioni, quia hæc est rationabilis causa, & necessaria ingrediendi.

Quar. 2. An stante oppositione electio sit confirmanda.

Resp. Si electio facta sit per compromissum, & minor pars Collegii, seu aliquæ tantum opponant, tunc non obstante oppositione esse confirmandam, tradunt Rodriq. & Laym. de *elect. q. 232.* afferentes id colligi ex *c. Indemnitasibus §. Porro de elect. in 6.* Si vero electio facta sit per scrutinium, & duæ partes consenserint, aut electæ a majori parte aliæ accedant usque ad duas partes, electio erit confirmanda, ut decernitur in *d. c. indemnitasibus.* Item si electio sit celebrata tantum a majori parte, & nulla monialium opponat, erit confirmanda; at stante oppositione erit supersedendum, donec super objectis fiat inquisitio, & causa examinetur.

Quar.

Quar. 3. An Prælati absens possit electionem confirmare.

Resp. Posse, quia nihil videtur obstare. Nam in *c. qua fronte de appellat.* non reprehenditur Episcopus Cantuariensis, quia absens confirmaret electiones, sed quia non confirmaret in Ecclesia, aut in suo palatio, vel saltem in sua camera, sed in camera Regis. Ita contra Tambur. Pasq. n. 702. qui n. 703. asserit, Prælatum posse confirmare electionem etiam extra diocesim, si tantum necessaria sit examinatio electionis, & personæ electæ, quia hic actus exerceri potest sine strepitu, & figura iudicii; secus vero si pars opponat, quia jurisdictio contentiosa extra diocesim non potest exerceri.

Quar. 4. An Abbatisa electa possit ante confirmationem administrare.

Resp. Non posse *ex c. Nosti, c. qualiter de elect.* in 6. quia electio dat tantum jurisdictionem habitualement, confirmatio vero exercitium. Excipiuntur tamen aliqui casus, in quibus ante confirmationem ministrare potest. Primus est, quando est electa tantum a majori parte, & obijciuntur contra electionem; tunc enim, usquedum examinantur objectiones, administrare poterit, ex dispositione *c. Indemnitatibus §. si vero.* Nec poterit impediri ab administratione etiam prætextu alterius electionis subsequutæ, quia omnia subsequuta contra ejus administrationem attentata sunt *ex d. cap. ex quo pariter* habetur, quod interim dum administrabit, non poterit aliquid alienare, nec aliquam ad habitum recipere. Secundus, si a confirmante tam longe distet, ut sine gravi incommodo non possit differri administratio; nam tunc poterit administrare, ut notant communiter Doctores. Item fallit supradicta regula,

gula, in casu quo non sit in usu talis confirmatio, & resistat contraria consuetudo. Quamquam dici possit semper intervenire confirmationem, quia, eo ipso quod electioni non opponitur, per tacitum consensum confirmatur.

Quar. 5. An Abbatissa debeat benedici:

Resp. Affirmative ex Clement. Attendentes §. statuimus de statu Monachor. ubi apponitur poena amissionis muneris, & juris acquisiti contra negligentes petere benedictionem ultra annum, nisi tamen ulterius differant ex causa rationabili, quam probare ad ipsas spectabit. Nec sufficit, quod petant, sed necessarium est, quod suscipiant, quia textus habet, *Munus benedictionis suscipiant.* Hoc tamen non habet locum quoad omnes Abbatissas, sed tantum quoad illas, quæ consueverunt benedici; unde non omnes benedicendæ sunt, sed attendenda est consuetudo monasterii; ut notant Navar. Miranda, Azor. Tambur. qui advertunt, Abbatissam semel benedictam, iterum benedici non posse.

Quar. 6. Quo die, & loco Abbatissa sit benedicenda.

Resp. Posse benedici qualibet die, ut notat Gloss. in d. Clement. Attendentes, exceptis tamen diebus luctus ex ritu ecclesiastico, quales sunt illi, in quibus celebratur memoria Passionis Domini, quia benedictio Abbatissæ est actus lætitiæ, & solemnitatis. Benedici autem debet in Ecclesia exteriori, adhibitis iis tantum monialibus, quæ sunt necessariæ in ministerio. Ita ex declaratione Sac. Congregat. Pasqualig. *loc. cit. n. 713.*

Quar. 7. Ad quem spectet Abbatissarum benedictio.

Resp. De jure communi spectare ad Episcop-
co-

copum, Barbol. *de potest. Episc. alleg.* 27. n. 51. Quod tamen modo procedit tantum quoad Abbatissas subiectas Ordinario, nam exemptæ, & immediate subiectæ Sedi Apostolicæ, sicut confirmandæ sunt a Summo Pontifice, vel ejus Legato, ita etiam benedicendæ. Subiectæ vero Abbat. Regul. benedicendæ sunt ab ipsis, ut tradit Tambür. *de jure Abbat.* l. 1. disp. 22. q. 8. n. 2. Extant enim privilegia hoc concedentia; quorum primum est Innocentii VIII. *sub die 9. Aprilis 1489.* Alterum Clem. VIII. *sub die 24. Julii 1599.* concessa Abbati monasterii Cistercii.

Quar. 8. An hæc facultas possit delegari.

Resp. Posse committi non solum Abbatibus benedictis, sed etiam non benedictis, quia hi ex concessione S. Pii V. 17. Kal. Febr. 1566. facta Abbatibus Canonorum Regularium se habent in omnibus, ac si essent benedicti. Immo cum hæc sit simplex benedictio; nec excedat potestatem sacerdotalem, forte committi poterit simplici Sacerdoti, præsertim quia Clemens VIII. in privilegio præallegato concedit, quod Abbas Generalis possit deputare Vicarios pro hoc munere, nec requirit, quod sint Abbates. Pasqual. n. 715.

C A P U T X.

De Monialium Privilegiis.

Quar. 1. **A**N moniales exemptæ gaudeant privilegiis sui Ordinis, quibus gaudeant Regulares exempti.

Resp. Gaudere illis privilegiis, quorum ipsæ sunt capaces ratione status, & sexus. Ita Rodrig. D. Antonin Paludan. & alii, quos refert, & se-

& sequitur Tamb. *de iur. Abbat. disp. 17. q. 1.* contra Barb. Sanch. & alios. Ratio est, quia fere omnes moniales Regularibus subjectæ communicationem privilegiorum proprie religionis sortitæ sunt, ut videre est apud Tambur. *l. c.* Tum quia masculinum præcipue in materia favorabili, & ex identitate rationis concipit foemininum in iis, quæ foemininis possunt adaptari, *l. 1. ff. de verb. signif.* & ibi communiter scribentes. Tum quia, cum vivant sub eadem regula, sunt pars Ordinis ipsorum, & ideo tanquam pars gaudere debent privilegiis totius.

Quar. 2. An huiusmodi privilegiis gaudeant moniales Episcopo subjectæ.

Resp. Gaudere. Ita Castropal. cum relatis a Celsedes *de exempt. Regular. cap. 23. dub. 344.* Ratio est, quia licet regantur ab Episcopo, non desinunt esse pars Ordinis, quia dum regulam talis Fundatoris profitentur, habent ipsum pro Fundatore, quanquam ab aliis sint institutæ. Si igitur sunt pars, debent communicare cum suo toto, atque adeo de privilegiis totius participare. Neque moniales per hoc, quod priventur privilegio exemptionis per subjectionem Episcopo, amittunt privilegia sui Ordinis; quia per mutationem non extinguuntur privilegia, quæ sunt compatible cum statu mutato. Seraph. *dec. 1414.* præsertim cum privilegium tollens unum non tollat aliud, *l. si domus tua ff. de servit. prad. urban. & cap. Pastoralis de privil.*

Quar. 3. An moniales diversorum Ordinum, qui simul communicant in privilegiis concessis unicuique illorum, participant per eandem communicationem de ipsis.

Resp. Participare. Ita Doctores relati a Pignat. *c. 10. cons. ul. nu. 24.* Quia Regulares, qui
com-

communicant in privilegiis, eodem modo ipsa participant, ac si essent ipsis per se primo concessa, quia est communicatio absoluta, & perfecta, ita ut non redundet ex alio in ipsos, ut redundant privilegia Religionis in familiares, & mariti in uxorem: sed possint uti ex propria persona, tanquam si nulli alteri essent concessa. Nam privilegia tali pacto communicata se habent ut privilegia ad instar, ita ut concedant omnem favorem, & effectum, quem secum habet privilegium alteri concessum, ut firmanr Doctores relati a Pignateli. *loc. cit. nu. 25.* Privilegia autem immediate concessa etiam a monialibus participantur, ut probatum est supra; ergo etiam de communicatis unicuique Ordini participabunt.

Quar. 4. Quomodo moniales immediate subiectæ Ordinario possint uti, & frui privilegiis illis Regularium, ad quorum usum requiritur ministerium Prælati, cujusmodi v. g. est privilegium absolvendi, dispensandi &c.

Resp. Ex Cespedes *loc. cit.* cum distinctione: Si in tenore privilegii, & concessionis habeatur, præfata privilegia suffragari Regularibus per ministerium proprii Prælati, abstrahendo, quod Prælatus sit Regularis, vel non, tunc possunt uti, etiam si concessio detur ab Episcopo, & proprio Ordinario, qui est proprius Prælatus monialium non exemptarum. At si in tenore concessionis, & privilegii habeatur, dicta privilegia suffragari Regularibus per concessionem solum Prælati Regularis, tunc a solo Prælato Regulari recipere possunt hoc commodum fruendi dicti privilegii.

Quar. 5. An, & quomodo moniales per ministerium Abbatissæ possint uti, & frui illis pri-

privilegiis, ad quorum usum requiritur factum Superioris habentis potestatem spiritua-
lem, ut est privilegium dispensandi in jeju-
niis, officio, &c.

Resp. Posse uti per ministerium Abbatisæ, quia licet defectu potestatis spiritualis non possit dispensare auctoritativo modo, potest tamen ex commissione sui Prælati, ut notat cum aliis Lezana *c. 1. qq. regular. c. 26. n. 16.* Quæ commissio utique præsumitur in ipsa, statim ac eligitur in Abbatisam; debet enim habere totum id, quod requiritur ad recte, & rationaliter suum munus exequendum. Unde moniales possunt uti dictis privilegiis per ministerium Abbatisæ, quia tunc censetur dispensare ipse Prælatus, & Abbatisa solum exequi dispensationem, nec uti aliqua spiritali jurisdictione. Pasqual. *loc. cit. n. 749.*

Quar. 6. Quibus privilegiis gaudeant moniales tempore interdicti, & cessationis a divinis.

Resp. Gaudere illis omnibus, quibus gaudent viri religiosi sui Ordinis, juxta superius dicta. Unde possunt moniales tempore interdicti generalis in suis Ecclesiis divina officia recitare, submissa tamen voce, januis clausis, non pulsatis campanis, & exclusis omnibus, qui causam interdicto dederunt, vel nominatim interdictis. Ita Collect. *Privileg. Mendic. v. interdictum 3.* ibique Capuc. *annot. versic. 3. tempore interdicti*, Rodriq. & alii. Possunt insuper, cum præfatis tamen limitationibus, facere celebrare Missas sive per sacerdotes seculares, sive regulares, cum de utrisque sit par ratio, ita concedente Bonifacio VIII. in cap. *Alma mater de sent. excommun. in 6.* Hæc omnia militant etiam proportionaliter tempore cessationis a divinis ex privilegio Leo-

Confess. Monial.

Q

ris

nis X. concessio monachis S. Benedicti. Peyrin. t. 1. de privil. Minim. in Constit. 2. Sixti IV. n. 52. & alio etiam privilegio Nicolai V. de eligendis sex personis, quæ tali tempore assistant Missis, & divinis officiis, recipiantque Sacramenta, positis tamen quibusdam conditionibus. Casarrub. Sorb. & Lezana.

Quar. 7. An tempore interdicti gaudeant supradictis privilegiis famuli, alique monialium officiales.

Resp. Gaudere. Quare famuli, familiares, Syndici, Advocati, Procuratores, & officiales ordinarii possunt per moniales, quibus inserviunt, ad divina admitti. Rodriq. t. 2. q. 114. art. 1. & seqq. Idem de laboratoribus, & aliis salario, vel gratis, sive obsequio tantum inservientibus, asserunt Suar. & Tambur. de jure Abbat. disp. 6. q. 16. n. 8. Nam familia gaudet privilegio domini. Zerol. in Prax. p. 3. v. Episcopi n. 4. Item puellæ educationis gratia, aliæque foeminae titulo famulatus, aut ex justa alia causa in monasterio degentes dicto gaudent privilegio ex concessione Eugenii IV. facta Cisterciensibus, & relata a Sayro t. 5. de censur. c. 7. n. 22.

Adnotandum tamen diligenter, ut recte monet Lezana tom. 1. qq. Regular. c. 21. n. 20. an quando ponitur cessatio a divinis, vel interdictum auctoritate Apostolica, revocentur privilegia Regularium, quia tunc non licebit illis frui; sicuti neque quando scandalum aliquod inde exurgeret propter singularitatem; nec si talia privilegia non sint in usu; neque si solum sint vivæ vocis oracula, ut est illud Nicolai Franchi Sedis Apostolicæ Legati de admittendis quindecim personis tempore interdicti, quia sunt abrogata.

Quar.

Quar. 8. An moniales tempore interdicti generalis possint aliquando publice divina peragere.

Resp. Posse, pulsatis campanis, voce alta, apertisque januis divina facere in festivitibus Natalis Domini, Paschæ, ac Pentecostes, & Assumptionis B. Mariæ. Ita in *cir. c. Alma Mater*, Sorb. in *addit. ad compend. v. interdictum 3.* S. 3. qui etiam hoc extendit ad festum SS. Sacramenti, & per totam octav. illius, per unam Extravag. Martini V. Immo ex specialibus Regularium privilegiis etiam in festo Conceptionis & Nativitatis B. Virginis, & S. Jo: Baptistæ, ac in festis Sanctorum, & Sanctarum, sub quorum invocationibus Ecclesiæ sunt erectæ, seu quorum corpora in ipsis Ecclesiis recondita existunt; nec non in festis Sanctorum respective suarum Religionum, & per octav. earundem omnium festivitatum; nec non quoties aliquam ex monialibus Monasterii ad professionem admitti, aut in Ecclesia sepeliri contigerit. Ita Leo X. supra adductus. Peyr. Casar. Lezan. *l. c.* & alii. Semper tamen exclusis nominatim interdictis, aut interdicto causam præbentibus.

Quar. 9. An vigore Concilii Trident. *sess. 25. de Regular. cap. 12.* & Constitutionis Gregorii XIII. cujus initium *In tanta rerum*, revocata sint privilegia Regularibus concessa ad celebrandum tempore interdicti januis apertis.

Resp. Non esse revocata. Ita Doctores, quos plena manu congerit, & sequitur Peyr. *loc. cit. n. 51.* contra Navar. Garz. & Barb. Quia mens Concilii fuit, ea tantum revocare privilegia, quæ a quibusdam vigore quorundam specialium privilegiorum prætendebantur de nullo modo interdictum servando, inter quos Milites Hierosolymitani, & Fratres Ministri, Ita Sorb.

& Peyrin. *loc. cit.* Et per Constitutionem Gregorii non revocantur nisi illa privilegia, quæ Concilio adversantur, Medina. Rodriq. & de la Cruz. Et redditur omnino certa hæc sententia saltem pro festis suorum Ordinum per Constitutionem Clementis VIII. editam die 17. Octob. anno 1505. Ita enim habet: *Ut temporibus interdicti quacunque etiam Apostolica auctoritate appositis, festa Sanctorum Ordinis S. Francisci, &c. solemniter celebrentur, perinde ac si interdictum hujusmodi minime appositum esset. Non obstantibus Constitutionibus, & Ordinationibus Apostolicis, ac Universalibus, & Provincialibus Synodalibus Conciliis editis, generalibus, vel specialibus.* Unde per hanc Constitutionem corrumpit etiam declaratio Sac. Congr. in oppositum relata a Barbof. in *Collect. Bullar. v. Privilegium.*

Quer. 10. An moniales virtute suorum privilegiorum possint in propria Ecclesia exteriori ad sepulturam.

Resp. Ex Pignateli. *l. 4. conf. 177.* non posse, nisi hujusmodi Ecclesiæ habeant jus sepulture vel ex particulari privilegio, vel ex indulgentia speciali. Desumitur ex *cap. in nostra de sepult.* Illudque concedere spectat ad Episcopum ex jure communi, Abbas, & alii in *cap. penult. eod. cap.* & resolvit Rota cor. Cavalier. *dec. 16. nu. 2.* ubi subdit, Legatum a Latere id posse. Et in specie quod laici, five viri, five foeminae, non queant sepeliri in Ecclesia monialium exteriori, licet solvere vellent poenam Synodalem, declaravit expresse Sac. Congr. Episc. in *Maceraten. 8. Novemb. 1652.* Etiam si essent Principes, & eorum majores ibi tumulati fuissent, in *Gravien. 1. Octob. 1650.* Ac nisi de scientia ejusdem Sac. Congr. & consensu monialium, ut in *Feretrana 21. No-*

vembris 1603. & in Vercellen. 18. Maji 1696.

Quam licentiam requiri etiam pro ibi construendo sepulchro, decrevit eadem Sac. Congr. in *Ferrariensi 12. Julii 1604.* illamque concedere solet personis benemeritis, & cum elemosyna competente, ut in *Messanen. 6. Aug. 1601.*

Neque refragatur cap. ubicunque 13. qn. 2. Concilii Triburiensis. Nam cessant modo rationes Canonis, qui loquitur de facultate eligendi sepulturam in Ecclesiis Monialium stante necessitate temporum, vel locorum. Et secundum hanc explicationem repellitur obiectio deducta ex declaratione Gregorii XIII. quam refert Marzil. & ex eo Portel. ex quo Pellizar. *de Monial. c. 7. n. 10.* dicentes, illum declarasse, corpora volentium sepeliri in monasterio monialium debere sepeliri in Ecclesia exteriori, & non intra claustra; nam talis declaratio intelligenda est juxta d. c. in nostra; dummodo scilicet ex necessitate temporum, vel locorum, aut ex particulari privilegio, vel indulgentia speciali liceat Ecclesiis monialium ad Ecclesiasticam sepulturam recipere laicos, qui apud ipsas eligunt sepeliri. Tum quia dicta declaratio est revocata posterioribus decretis supracitatis, per quæ decreta impeditur etiam quoad hoc monialibus participatio privilegiorum cum Regularibus, qui habent ex privilegio jus sepulturæ, ex *Clement. Dudum de sepult.*

Quar. 11. A quo debeat peragi officium super cadavera, quando ex licentia, vel privilegio in Ecclesiis monialium tumulantur.

Resp. Si moniales sunt exemptæ, a Regularibus est peragendum, quia, cum communicent in privilegiis cum religiosis suis Ordinis, ut

diximus, exemptæ sunt a jurisdictione Parochorum, & aliorum in materia funeralium, ut declaravit Sac. Congreg. 15. *Martii* 1649. Ita quod nullus intra earum Ecclesias nec Canonici nec Clerus possunt peragere officia defunctorum, nec reliqua ad hujusmodi officium pertinentia. Peregr. Lezan. Belat. & Bordon. qui refert decifum a Sac. Congreg. Concil. 19. *Martii* 1609. Non obstante quacunque consuetudine, etiam immemorabili in contrarium. Sac. Congr. Rituum 8. *Augusti* 1629. & in aliis similibus declarationibus, quas refert Barbosa.

Si vero sub Episcopi regimine degant, cenfeo pariter, officium funeris esse peragendum a Confessario. Quia moniales non obstante subjectione Ordinario, adhuc fruuntur privilegiis, & exemptionibus Regularium. Tum quia sicuti quo ad personas a jurisdictione Parochorum sunt plene exemptæ, ita etiam quo ad Ecclesias; nam locus, & persona, ut alibi adnotavimus cum Sperello ambulant pari passu. Tum quia Confessarius est monialium Ecclesiæ Parochus, in illis enim exercet omnia jura parochialia, unde ad ipsum spectare debet officium funeris privative quoad alios.

Quar. 12. An moniales delinquentes confugientes ad Ecclesiam gaudeant immunitatis privilegio, ita quod a Superiore extrahi non possint, ut puniantur.

Resp. Non gaudere, sed absolute posse extrahi, docet aliis relatis Peregrin. *de immunit.* c. 12. n. 3. Quia immunitas personalis, quæ monialibus competit, non impedit, quin puniantur a Superiore: ergo neque impedit immunitas localis, quæ vel minor est personali, vel saltem non potentior, cum utraque oriatur ex

eo, quod tam persona, quam Ecclesia sint Deo dicata. Gaudere vero, affirmant alii quamplures penes eundem Peregr. *loc. cit.* quia privilegium immunitatis Ecclesiarum est locale; unde illo gaudere debent quicunque ad Ecclesiam confugientes, quia natura privilegii concessi loco talis est, ut omnes existentes in tali loco comprehendat. Utranque sententiam conciliat Gambacurta *lib. 4. cap. 11. n. 10.* & ait, posse extrahi, quando Superior procedit ad poenitentias salutares ut pater, non ad ultrices poenas ut iudex.

Quæst. 13. An Moniales gaudeant aliquo privilegio, per quod excusentur a recitatione Officii Divini.

Resp. Clemens VII. ut in *Compend. privil. v. Moniales* §. 30. indulgit monialibus Clarissis sub cura Fratrum Minorum degentibus, quod propter imperitiam, iudicio Prælatorum, Confessorum, vel Abbatissarum satisfaciant dicendo Officium laicarum. Idem Clemens concessit Regularibus, qui occupantur infirmitate propria, aut infirmorum fratrum curatione, quod satisfaciant pro horis canonicis, recitando certos Psalmos per Superiorem eis assignandos, numero non minus septem, aut sex cum devotione, & Orationem Dominicam septies, & Symbolum Apostolicum bis. Graviter vero ægrotantes Orationem Dominicam septies in die recitando, septem horis canonicis pariter satisfaciant. Concessit insuper Innocentius IV. per Bullam X. monialibus Sanctæ Claræ, & consequenter etiam aliis per communicationem, ut casu quo ob rationabilem causam non possint dicere horas canonicas, satisfaciant, laicarum Officium recitando. Occasio autem vel causa rationabilis censetur adesse, si monia-

lis sit scrupulosa circa recitationem Officii divini, si sit fatigata ex aliquo extraordinario labore, si prae manibus habeat aliquam extraordinariam applicationem, quae illam defatiget, vel angat, & similes. Ita Salmanticensis in *Theol. mor. tom. 4. tract. 16. cap. 3. punct. 7. n. 62.*

Quar. 14. An monialis admissa ex vi privilegii Clementis VII. superius relati ad recitandas orationes laicarum peccet mortaliter, si eas omittat.

Resp. Videtur quod sic; quia orationes laicarum, cum subrogatae sint in locum officii divini, ad quod monialis tenebatur sub mortali, trahunt secum eandem obligationem; nam subrogata res censetur eadem cum principali, & sub eadem dispositione comprehenditur. Authent. *de hered. ab intest. venien.* & notant Bald. Decian. Natta, & Rota coram Merlino *decis. 445. nu. 2.* Negant tamen Salmanticens. *loc. cit. nu. 51.* Quia monialis illa perinde se habet ac monialis laica, quae sub mortali ad talem recitationem non tenetur. Et regula illa de subrogatis non procedit, quando versamur in odiosis, aut privilegiis, ex traditis a Barbos. *de axiom. jur. axiom. 223. nu. 4. 6. & seqq.*

Quar. 15. An vigore privilegii Leonis X. possint moniales satisfacere praecepto recitandi horas canonicas, si illas tantum mentaliter dicant.

Resp. Affirmant sine ulla distinctione Jo: de la Cruz, Sanctorius, Persicus, & Tambur. *Opusc. de Sacrif. Missa lib. 2. cap. 9. §. 3.* Limitat Peyrin. *De Privil. Minim. ad Constit. 28. Leonis X.* quoad scrupulosos, & secundum illam partem tantum, quae secrete esset dicenda. Negant absolute, & merito Baldellus, Lezana,

zana, & Diana, quia dictum privilegium, utpote vivæ vocis oraculo concessum, modo sublatum est per Constitution. Gregorii XV. & Urbani VIII.

Quar. 16. An moniales gaudeant aliquo privilegio pro supplendis defectibus in Officio divino commissis.

Resp. Innocentium VII. & Alexandrum VI. concessisse, quod, quando Regulares aliquid dimittunt in divino Officio, non ex dolo, possint supplere cum aliquo Psalmo, vel dicendo Orationem Dominicam, vel Ave Maria. Et Sixtus IV. indulget non valentibus persolvere divinum Officium bene, ac diligenter in choro. pro ut tenentur, vel ex defectu visus, aut auditus aliquid prætermiserint, non teneantur illud omissum iterum persolvere, sed dicant unum Psalmum in fine horarum, & sufficiat. Quæ privilegia locum habent, ut advertit Navar. quando agitur de parte non notabili. Alia etiam privilegia ad hanc materiam spectantia refert Casar. in compend. v. offic. div. n. 1. 5. & 6.

Quar. 17. Quid indulgeat Leo X. per orationem illam *Sacro sancta* in fine Officii solitam recitari.

Resp. Indulgere, ut possint acquirere remissionem omnium defectuum ex humana fragilitate in divini Officii recitatione commissorum. Ad hanc autem remissionem consequendam requiritur primo, quod ille defectus contractus sit tantum culpa venialis, quia ea oratio non potest habere tantam efficaciam, ut deleat mortalia, etiam ex voluntate Papæ. Secundo requiritur, quod illam recitans non sit in peccato mortali, aliter oratio illa nihil prodesset, quia venialia non remittuntur, remanentibus mortalibus, ut omnes docent Theologi cum D. Thoma. Tertio requiritur, quod

ad illorum remissionem se disponat saltem per actum attritionis sufficientem ad destruendum peccatum veniale; nam hæc oratio delet prædictos defectus veniales, quatenus est sacramentale; sacramentalia autem non remittunt peccata venialia ex opere operato, quia non sunt instituta a Christo, sed ex opere operantis; qui proinde debet esse dispositus saltem per actum attritionis excitatum per sacramentalia, & hæc est communior opinio de sacramentalibus. Vide Fabrum *disp. 42. de Pœnit. n. 54.*

Quar. 18. An moniales sive exemptæ, sive Ordinario subjectæ gaudeant omnibus indulgentiis non solum proprii Ordinis, sed etiam aliorum Ordinum Regularium.

Resp. Gaudere. Philippin. in *Filiat. Spirit. nu. 437.* cum cominuni, & clare habetur ex Bulla Pauli V. §. 8. ubi ait: Volumus autem, ut omnes supradictæ indulgentiæ, & gratiæ Religiosis Regularibus unius Ordinis tam monastici, quam mendicantis duntaxat concessæ, etiam omnibus monialibus cujuscvis regulæ approbatæ, & intra claustra cum tribus votis solemnibus viventibus, & perpetuam clausuram servantibus, tam Ordinariis locorum, quam etiam Regularibus cujuscumque Ordinis, regulæ, & instituti, suffragentur.

Quar. 19. An moniales immediate Sedi Apostolicæ, aut Ordinario subjectæ possint in suis templis exponere indulgentias Ecclesiis Ordinis pro Sæcularibus concessas, v. g. Indulgentiam Portiunculæ, loquendo de monialibus Ordinis Minorum.

Resp. Negat Pellizar. *de monial. cap. 9. n. 40.* quia tenor concessionis præcise loquitur de Ecclesiis Ordinis, templa autem monialium

Sedi Apostolicæ, vel Ordinario immediate subiectarum, vere Ecclesiæ Ordinis dici non possunt, utpote a potestate Ordinis exempta. Affirmat nihilominus Nogueira *disp.* 1. q. 10. n. 14. & suadet ratio; sicut enim moniales, ut diximus, per hoc, quod subdantur Ordinariis, non desinunt esse moniales sui Ordinis; ita neque earum Ecclesiæ per hoc, quod sint Ordinariis subiectæ, desinent esse Ecclesiæ sui Ordinis; nam locus, & persona ambulant pari passu, ut notat Sperel. *dec.* 3. num. 4. & ideo hanc sententiam in terminis Indulgentiæ Portiunculæ sustinet aliis relatis Gobat. *t. 2. p. 2. c. 9. n. 354. §. 3.* quia Sixtus IV. hanc indulgentiam ad omnes S. Francisci Ecclesias extendit sine aliqua exceptione, ut tradunt Miranda, Emmanuel, & Hieronymus, Rodriq. adducti a Nogueira *loc. cit.*

Alia plura extant pro monialibus privilegia, quorum alia sparsim in hoc tractatu referuntur, reliqua vero penes privilegiorum Regularium Collectores videri possunt.

C A P U T X I.

De Particularium Monialium obligationibus, & Privilegiis.

§. I.

De obligationibus, & Privilegiis Abbatissæ.

Quar. 1. **A**N Abbatissa teneatur sub mortali tollere transgressiones regulæ, quæ in subditis non sunt peccatum mortale.

Q 6

R. sp.

Resp. Videri quod non. Non enim potest esse urgentior obligatio vitandi, vel tollendi alienas transgressiones, quam proprias; sed ad vitandas, vel tollendas proprias transgressiones Abbatissa non tenetur sub gravi, quia regula tam stricte non obligat: ergo neque ad tollendas alienas. Ita Lorca *in* 2. 2. *D. Th. disp.* 45. *n.* 2. Verum opposita sententia sustinenda. Nam ad decorem, & perfectionem religionis, multæ observantiæ institutæ sunt, quæ vel non obligant singulas, vel obligant tantum ad culpam venialem, ut silentium, jejunia &c. quæ tamen si deficerent, grave detrimentum pateretur religio. Unde cum Abbatissæ incumbat conservare religionis integritatem, si negligat hæc instituta inviolata custodire, in re magni momenti deest suo muneri, & peccat mortaliter. Ita Trullench. & alii, quos refert, & sequitur Bartholomæus à S. Fausto 9. 152. *n.* 3.

Quare Abbatissa dissimulans, regulam, seu constitutionem abire in consuetudinem, & non attendens ad promovendas moniales ad perfectionem, quam postulat status, ipsa mortaliter peccat, quamvis moniales non peccent nisi venialiter. Tenetur itaque corrigere, & castigare etiam sub mortali, quando videt observantiæ regularum, aut constitutionum grave dampnum imminere: aliter, si ob verecundiam, timorem, aut pusillanimitatem dissimulet, erit in statu perditionis. Etiam peccata venialia frequentia monialium tenetur carpo-
re, & corrigere, quando alias imminet periculum, ne disciplina religiosa magna ex parte minuatur. Lugo, Diana, Peyrin. & alii. Aliquando tamen poterit dissimulare aliqua peccata minora, quæ scilicet scandalosa non sunt, nec ab animo obstinato patrata, *cap.*
ipsa

ipsa piecas, §. verum 33. quæst. 4. Nec non dissimulare ad tempus peccata illius, quæ efficeretur deterior, si peccatum relinquere compelleretur; nam minus malum quandoque sustinendum est, ut majus evitetur, *cap. duo mala dist. 13.*

Quar. 2. An licitum sit Abbatisse, moniales errantes aliquando conviciis increpare.

Resp. Affirmat ex D. Thom. Peyr. *rom. 2. de Pralat. q. 2. c. 3. §. 16. n. 147.* Quia si licitum est, illas disciplinæ causa verberare, cur non licebit ob eandem rationem illas conviciis reprehendere? Ad hoc tamen ut reprehensio contumeliosa fiat sine peccato, debet fieri caute, modeste, & cum magna necessitate, & solum debet significari vitium, cujus emendatio prætenditur, non alia vitia jam correctæ, & emendatæ. Cavendum insuper est, ne fiat ex ira, alioquin peccaret mortaliter Abbatisa. Navar. Sylv. & Peyrin, *loc. cit. n. 148.* Sicuti pariter peccaret reprehendendo monialem coram Sæcularibus, vel etiam Novitiis (nisi forte coram ipsis peccasset) quia monialis sic objurgata multum apud illos gravaretur.

Quar. 3. An Abbatisa sit capax potestatis spiritualis.

Resp. Negative. Ita communiter cum D. Thom. *in 4. dist. 19. quæst. 1. art. 1.* Immo esse incapacem jurisdictionis spiritualis etiam delegatæ, tradunt Sotus, Victoria, Abbas, & alii, contra Salas, Bonac. & Tamburin. Sicut enim, quia est incapax Ordinis, neque ex delegatione potest ei competere potestas Ordinis; ita quia est incapax jurisdictionis spiritualis ordinariæ, erit etiam incapax delegatæ. Hinc est, quod ex defectu potestatis spiritualis, non possit in signum Superioritatis bene-

benedicere in loco publico neque aquam, neque vestes in forma Ecclesiæ; potest tamen moniales benedicere ad modum, quo parentes suos filios benedicunt. Sylvest. Mirand. Tamburin. & Pasqual. in *Lauret. n. 743*. Nec potest docere in Ecclesia, aut concionari, neque ex Summi Pontificis dispensatione, quia hoc mulieribus prohibetur divino præcepto. *Ad Timosh. i. cap. 2*. Neque declarare Evangelia, aut super iis verba facere, neque instruere moniales super casibus conscientiæ: quare si in hoc contraveniret, mortaliter peccaret, quia in re gravi faceret contra præceptum divinum, nisi excusaretur ratione parvitatis materiæ, quæ attendenda est quoad quantitatem sermonis, non quoad numerum, quia semel usurpare sibi munus prohibitum, sufficeret ad peccatum mortale. Solum igitur poterit habere hortatorios sermones ad moniales, etiam in Capitulo, ita tamen, ut non utatur testimoniis Sacræ Scripturæ, quia tunc non pure hortaretur, sed instrueret, & doceret. Ita Pasqual. *loc. cit.*

Quar. 4. An Abbatissa possit dispensare moniales subditas quoad edendas carnes, seu lacticia, quoad jejunia, & cæteras religionis observantias.

Resp. Non posse, quia hoc quoque dependet a jurisdictione spirituali, qua caret. Ita Enriq. Sanch. Faust. & alii. Verum, licet non possit dispensare auctoritativo modo; potest ministerialiter, & ex commissione sui Prælati, ut notant Tambur. Lezana *rom. i. qq. regul. cap. 26. num. 16.* & alii. Quia tunc censetur dispensare ipse Prælatus, & Abbatissa solum exequi dispensationem. Rursus potest etiam declarare, quod hic, & nunc jejunium, seu aliquod præceptum cesset obligare. Et

in

in hoc sensu accipienda sunt privilegia, quæ videtur concedere Abbatissæ facultatem dispensandi.

Quær. 5. Quid possit Abbatissa circa monialium subditarum vota.

Resp. Ob deficientiam potestatis spiritualis neque posset in votis monialium dispensare, ut tradunt communiter Doctores. Hujusmodi tamen vota, si non sint reservata, dispensari, & commutari poterunt ab earundem Prælati, etiam Regularibus, si ipsis subjiciantur. Ita Richard. Sotus, Sylvest. & alii. Ab Abbatissa vero poterunt solummodo irritari, in quo conveniunt omnes Doctores. Quia Abbatissa habet potestatem dominativam supra moniales sibi subditas, quæ major est, quam sit parentum supra filios, cum monialium voluntas ratione voti obedientiæ sit translata in voluntatem Abbatissæ; & ideo, si parentes possunt ratione potestatis dominativæ vota filiorum irritare, poterit a fortiori monialium vota irritare Abbatissa. Et hoc habet locum non solum quoad vota, quæ versantur circa materiam supererogationis, sed etiam quoad vota de materia, quæ concernit regulam, quia etiam in iis voluntas subditi subordinatur voluntati Superioris, & ab illa dependet. Sylvest. Navar. Sot. & Tamb. quos adducit Pasqual. *loc. cit.* ubi subdit, hanc facultatem extendi etiam ad votum transeundi ad strictiorem, contra Less. Tamb. & Pelliz. quia hujusmodi votum ante executionem non immutat subjectionem, quam habet Religiosus ex natura religionis, unde semper remanet votum voluntatis subordinatæ, & proinde semper stat sub potestate dominativa Superioris.

Quær. 6. An Abbatissa possit irritare vota emissa cum ipsius consensu.

Resp.

Resp. Negat Richar. quia dum Prælatus consentit voto, non pendet amplius ab ejus potestate, nec habet amplius tacitam conditionem, si Prælatus velit. Affirmant Cajetan. Sylvest. & Armilla. Quia per hoc, quod Prælatus consentiat, sicuti non tollitur subjeçtio religiosi, sed manet in eodem statu priori, ita etiam voluntas ipsius quoad omnes suos actus remanet dependens a voluntate Superioris, & ipsi subordinata, & proinde retinet potestatem dominativam supra voluntatem subditi, & consequenter facultatem irritandi votum. Verum tamen est, quod ad irritandum votum emissum de Superioris consensu, exigitur sufficiens causa, alioquin Abbatissa, seu quivis Superior peccaret; ut specialiter tradunt Panor. Cajet. Rodriq. & Tamb. Quia, cum semel consenserit, non potest amplius sine justa causa recedere: irrationabiliter enim subtraheret Deo obsequium illud, quod per executionem voti refultat, & quod ipse obtulerat in voluntate subditi. Si vero Abbatissa non consentit in votum, potest illud absque causa irritare, etiam si sit de materia concernente regulam, quia est satis justa causa irritandi, quod subdita conservetur in illo statu obligationis, quam habet ratione regulæ, nec ejus onera augeantur. Pasqual. *loc. cit.*

Quær. 7. An Novitiarum vota possit irritare Abbatissa.

Resp. Non posse. Palud. Sylvest. & Lessius. Quia cum nondum emiserint votum obedientiæ, earum voluntas est adhuc sui juris. Et hoc valet tam quoad vota emissæ ante ingressum, quam quoad emissæ post ingressum; solummodo poterunt illa quoad executionem suspendi, si officiant probationi, ut notant Lessius, &

Sylvest. citati, quia, quod non impediatur exercitium probationis, est causa valde iusta differendi executionem voti. Vota vero, quæ a Novitia fuerunt emissa, dum erat sub potestate parentum, poterit irritare Abbatisa, quia in ordine ad regendam Novitiam in parentum locum succedit, & proinde etiam in eorum potestatem dominativam.

Quer. 8. An Abbatisa possit instituere beneficia, & capellanas conferre.

Resp. Posse. Deducitur ex cap. dilecta de Major. & obedient. & docent Felin. Gonzal. & alii; hoc enim præstat Abbatisa quoad titulum, & possessionem tantum, non autem quoad potestatem, quam habet beneficiarius quoad jurisdictionem fori externi; nam hanc accipit ab eo, qui admittit, & autorizat collationem, & institutionem, ut notat aliis relatis Tamb. de iure Abbat. disp. 33. qu. 12. Unde tota institutio, & collatio in nominatione consistit juxta cap. 1. de Monach. ut tradit Felin. Quare Abbatisa in supradictis actibus se habet tantum ministerialiter, & exequitur tanquam procuratrix, quæ sunt jurisdictionis, ut notat Gloss. in cap. Novam de penit. & remis.

Quer. 9. An Abbatisa habeat jus suspendendi clericos suæ jurisdictioni subjectos.

Resp. Non posse, prout suspensio est censura ecclesiastica, quia caret spiritali jurisdictione. Ex quo sequitur, quod neque a fortiori possit interdicare, aut excommunicare, ut habetur ex cap. dilecta de Major. & obedient. & docent communiter Doctores in materia de censuris. Poterit tamen privare illos beneficiis, auferendo, quod dedit, scilicet titulum, & possessionem; nam posita hac ablatione, censetur Summus Pontifex

ſex auferre juſ ſpirituale; quia, ſicuti benefici-
 cium confertur dependenter a designatione
 Abbatiſſæ, & collocatione tituli, & poſſeſſio-
 nis, ita etiam cenſetur conſervari juſdictio a
 Summo Pontifice dependenter ab iſdem, qui-
 bus ſublatis, reliqua caduca ſunt. Paſqual.
loc. cit. n. 741. Poterit etiam, Capellanum per
 Patronum monaſterii præſentatum impedire,
 ſi ſit juvenis, vel non ſit idoneus. Immo invito
 Patrono etiam amovere ex facilioribus cauſis,
 quam amoveantur alii inſtituti. Feder. de Senis
conf. 95. num. 3. ubi quod amovere illum non
 poſſit, etiam cum Conventu, ſi dignus non ſit
 amotione; quod ſi vel non admittat, vel amo-
 veat ſine cauſa, poteſt per Superiorem com-
 pelli etiam cenſuris Eccleſiaſticis.

Quæſt. 10. An Abbatiſſa poſſit ab officio
 amovere monialem ſuſpectam, & indiciatam
 tantum de aliqua culpa in ejusdem officii
 exercitio commiſſa.

Reſp. Negative cum Antonio a Spir. Sancto
in direct. regular. tract. 4. diſp. 4. ſect. 4. nu. 177.
 Licet enim Abbatiſſa poſſit auferre a moniali
 illud officium, v. g. januam, & Sacriſtiam &c.
 concurrente tamen tali circumſtantia quod
 fuerit inquiſita, vel ſuſpecta, magnum grava-
 men inferret moniali, quia videretur intuitu
 delicti auferri, atque adeo eſſet confirmatio
 quædam delicti, quæ injuſta eſt, dum de illo
 non conſtat. Hoc tamen intelligendum eſt,
 quando ex tali amotione monialis fama peri-
 clitaretur. Ita Rodriq. Peyrin. Torres, quos
 refert, & ſequitur Girag. *part. 3. dub. 6. n. 66.*
 unusquiſque enim tenetur bonam proximi fa-
 mam non lædere; quando tamen ex tali amo-
 tione ejus fama non periclitatur, poteſt illam
 Abbatiſſa a tali munere amovere; in hoc ta-
 men

men cum maxima prudentia est procedendum. Ita Torres & Paulus, quos refert & sequitur Girag. *supra* nu. 67.

Quar. 11. An Abbatisa habeat liberam bonorum sui monasterii administrationem.

Resp. Habere quoad omnia, quorum foemina est capax. Ita omnes fere Doctores *in cit. cap. dilecta*, juxta Gloss. Quod intelligendum est juxta Constit. & statuta religionum. Sanch. in Decal. lib. 7. c. 19. n. 44. ubi addit, propterea posse Abbatisas dare monialibus sibi subditis facultatem habendi peculium, & convertendi in proprios usus, quæ labore manuum acquirunt, dummodo consuetudo, aut Constit. Religionis non obstant. Sicuti etiam possunt suis monialibus licentiam concedere, dandi, & recipiendi, quam suis subditis dare possunt etiam Prælati, nisi jure, vel consuetudine sit illis prohibitum. Quare non possunt licentiam concedere faciendi munera immoderata, & maxime quibusdam personis ad moniales non pertinentibus, id vetante obligatione conservandi votum paupertatis.

Quar. 12. Quam summam de bonis monasterii possit expendere Abbatisa.

Resp. Posse expendere omnem illam summam, quæ in commodum, decentiam, & splendorem communitatis cedit; dummodo monasterii vires, & status religiosi terminos non excedat. Salmantic. 10. 3. 17. 13. c. 6. pun. 7. Cum enim illi incumbat bonorum monasterii administratio, substituitur loco totius communitatis, ut id faciat, expendat, commutet, emat, vendat &c. quæ communitas faceret, si prudenter se gereret. Quare potest ex bonis superfluis monasterii elemosynas largiri vel suis parentibus si indigeant, vel pronuptiis

nuptiis puellarum, atque adeo pro complenda dote puellæ pauperis in religionem recipiendæ usque ad summam decem aureorum singulis annis, vel si Conventus sit dives, etiam bis in anno; & hoc sine consensu monasterii, si aliud non præscribat regula, vel religionis consuetudo, aut Superioris prohibitio, Peyrin. *t. 2. q. 1. c. 5. §. 1. n. 56.* Non tamen potest in opera pia, ornatum Ecclesiæ, & fabricam superfluum monasterii expendere notabilem summam, si moniales patiuntur necessitatem; quippe Abbatissa dispensatrix est eorum bonorum juxta cujuslibet indigentiam, utpote quæ toti communitati sunt destinata. Ita aliis relatis Sanch. *in sum. lib. 7. c. 19. n. 28.* qui pariter *nn. 19.* sustinet, quod neque potest sibi licentiam assumere ad superflua, scilicet ad ea, quæ nec ad suos usus, nec ad Conventus debitam provisionem, ac decentem administrationem sunt necessaria. Immo neque quoad suos usus potest assumere nisi ea, quæ aliis potest concedere, quia non minus quam aliæ moniales voto paupertatis adstringitur.

Quar. 13. An Abbatissa teneatur bona communitatis suis subditis dividere, attenta meritorum, & necessitatis, non vero personarum ratione.

Resp. Affirmative. Ita Lugo *de iust. disp. 1. sect. 3. t. 1.* Quia subditæ juxta proportionem meritorum, & necessitatis exigentiam habent jus ad omnia bona religionis. Lessius *de iust. c. 22. dub. 3. n. 15. lib. 2.* Unde Abbatissa non potest ad libitum sibi, vel alteri meliorem cellam, vestem, cibum, vel potum tribuere; sed hæc omnia, & alia juxta merita, & necessitates regularum, & non secundum dignitates in monasteriis reformatis debent dividi; ex bonis enim

com-

communitatis nulli etiam Abbatisſæ aliqua portio assignatur. Nav. 3. *comment. de regular. n. 6.* sed sunt omnia destinata indivise pro omnibus alendis, & sustentandis; & licet in religione aliquis ordo sit servandus, iste ordo ille debet esse, quem necessitas exegerit. Unde si dignior æqualiter indigeat ac inferior, tunc præferenda est dignior, non tamen si inferior in majori fuerit necessitate, nam ordo charitatis tunc postulat, ut inferior sive in dignitate, sive in ætate superiori præferatur.

Immo, cum Abbatisſa constituta sit non in sui ipsius, sed subditarum utilitatem, & commodum, ut cum communi docet Peyr. *de Præl. q. 1. c. 7. n. 2.* sequitur quod non procurando magis utilitatem communē, & particularem subditarū, quam propriam peccat mortaliter, quia lædit iustitiam operando in re gravi contra finem Prælatiæ. Peyr. *supra n. 14.* Sicut pariter peccat si ad sui famulatū assumat plures cōversas, vel utatur actionibus aliarum monialium pro sua utilitate, & conservatione; utitur enim actionibus subditarū sine jurisdictione, nā habet solū jurisdictionē utendi huiusmodi actionibus in bonum commune. Girag. *supra n. 33.*

Quær. 14. Quos contractus possit Abbatisſa sine Capituli consensu celebrare.

Resp. In contractibus de rebus modicis, quæ pertinent ad victum, & vestitum monialiū, Capituli consensu non indigere, quia durissimum esset, quod quoties aliquid ad monialium usum vult emere, teneretur Capitulum convocare. In contractibus vero gravioris momenti debet Capituli consensus intervenire, *ex c. ea noscitur, de his que fiunt a Prælato*; quia quod omnes tangit, debet ab omnibus approbari.

Quær. 15. An teneatur Conventus stare con-

contractui facto de consensu Abbatisſæ, & majoris partis Capituli, si talis contractus cedat in damnum monasterii.

Resp. Affirmative. Nam delictum Prælati, & Capituli nocet Ecclesiæ, *cap. 2. de ordin. cognit.* Tum quia cum monasterium consenserit ut tale damnum, nulla ei facta est injuria. Quod verum est etiam si tale monasterium habeat tantum Vicariam loco Abbatisſæ mortuæ; cum enim talis Vicaria habeat eandem potestatem jurisdictionis, ac Abbatisſa, si simul cum Capitulo contrahit, valet contractus. *Bordon. resol. 53. n. 12.* ubi alios adducit.

Quær. 16. An Abbatisſa nomine Conventus, sed sine ejus consensu, mutuas percipiens pecunias ad usum monasterii, obliget Conventum, si illa absque Conventus commodo in suis usibus expendat.

Resp. Negative. Nam cum Conventus commodum ex tali mutuo non reportet, neque debet incommodum reportare. Ita Tapia, & *Bordon. loc. cit. q. 8.* Immo addo, quod, si Abbatisſa a Capitulo postularet consensum ad petendam dictam pecuniam mutuam, & totum Capitulum taceat, adhuc si Abbatisſa eas in suum commodum expendit, Conventum non manere obligatum; nam in præjudicialibus ex taciturnitate, & non resistantia consensus non inducitur. *Pasqual. c. 2. qu. 195.* Aliter dicendum est, si illa pecunia recepta sit nomine Conventus, ad sublevandam ejus indigentiam, & Conventus in tali mutuo vere consensit, licet postea ab Abbatisſa male expenderetur. Nam, cum acceptatio mutua legitime facta fuerit, remanet Conventus obligatus. *Sanch. lib. 7. moral. c. 31. n. 13.*

Quær. 17. An Abbatisſa cum consensu
Capi-

Capituli possit remittere summam debitam monasterio.

Resp. Posse ex justa causa docent Sanch. Alphons. de Lione, Lugo, & alii relati, & approbati ab Antonio a Spir. Sanct. *tr. 4. disp. 4. sect. 3. n. 67.* qui idem asserit *n. 398.* cum Lezana de repudiatione legati, aut hæreditatis. Secus vero justa causa cessante, quia Abbatisa, utpote bonorum monasterii administratrix, non domina, illi non potest præjudicare. Quod si de facto Abbatisa repudiet legatum, aut hæreditatem sine causa, peccat quidem mortaliter, quia notabiliter lædit monasterium, non tamen incidit in poenas Extravagantis *Ambitiosa*, quia non acquisitio ad effectum incurrendi poenas non dicitur alienatio. Lezana *to. 2. c. 18. n. 60.* Riccio, Gavanto, Barbosa, & aliis. At neque cum causa posse Abbatisam propria auctoritate, vel cum consensu Capituli remittere summam debitam, aut repudiare hæreditatem, censeo cum Molina, Lambert. Bonac. & aliis, quia in utroque casu monasterium habet jus ad rem, cui proinde neque Abbatisa, neque Capitulum potest renunciare, ut infra videbimus.

Quar. 18. Quid possit, aut non possit Abbatisa cum Capitulo quoad bonorum monasterii alienationes.

Resp. Non posse Abbatisam neque cum cōsensu Capituli disponere de rebus quæ sunt de proprietate monasterii, sive res sint mobiles pretiosæ, quæ servando servari possunt, ut sunt vasa aurea, argentea, gemmæ, casulæ pretiosæ, calices, tapetes, nec non argentea, aut aurea vota magni valoris alicui sacræ imaginis oblata, & similia: sive sint immobiles, inter quæ computantur non solum res cor-

porex, & fixæ, sed etiam actiones, jura, & redditus longi temporis, sed jus diuturnum ad illos, nec non jura, seu debita rerum immobilium, seu mobilium pretiosarum.

Hinc non potest Abbatisa locare bona monasterii ultra triennium, neque transigere, aut compromittere super bonis monasterio incorporatis, vel quæ ipso jure ad illud perveniunt. Ita Filliac. Rebus. & alii. Excipe nisi res sit litigiosa, vel præjudicialis. Bord. *ref.* 25. v. 59. Neque oppignorare bona mobilia monasterii pretiosa, ex declaratione Sac. Congreg. teste Lezana *v. alienat. nu.* 14. nisi maxima urgeat necessitas, ratione cujus neque Pontifex, neque Sac. Congreg. possit adiri. Peyrin. *in formular. lit. A. c.* 11. n. 3. Consensus tamen Episcopi est expectandus. Neque imponere censum, aut servitutem super bonis monasterii, siue servitus sit per hypothecam specialem, aut generalem, ut cum Quaranta, Navarrio, & aliis docet Ventriglia *annot. de alienat. §.* 2. n. 7. siue per fidejussionem, aut contractum affecurationis; quia per hujusmodi servitutes bona monasterii remanent obligata satisfactioni. Neque recipere pecunias ad cambium cum solutione lucri cessantis, vel damni emergentis. Sac. Congr. 21. *Maji* 1626.

Poterit tamen alienare fructus, & alia bona quæ servando servari non possunt. Ita omnes cum Cajet. *cap.* 75. Nomine autem fructuum veniunt præcisi fructus, non vero res frugifera. Unde alienare non potest gregem ovium, licet possit fructus gregis; sicuti neque boves, & alia animalia ad culturam agrorum monasterii necessaria, quia utpote agris accessoria, & addita computantur cum illis inter bona stabilia. Suarez *tom.* 4. *de relig. tract.* 3. *cap.* 27.

nn. 18. Secus si non sint addicta. Panormit. *in cap. nulli de reb. Eccles. non alien.* Vel si affixa, versantur tamen in aliquo discrimine. Donat. *Rer. Regul. t. 1. p. 2. tract. 14. q. 21. n. 61.* Pretium tamen debet investiri in alia, calamitate transacta.

Neque potest cedere arbores fructiferas, aut infructiferas in magna quantitate, nec etiam paucas, sed maximæ æstimationis. Bonac. *t. 1. tr. variar. disp. 2. q. un. punct. 2. de alien. bonor.* Bene tamen potest cedere illas, quæ sunt nimis densæ, vel caducæ, vel quarum totus, aut præcipuus fructus consistit in incisione. Unde non est prohibita incisio arborum ex nemoribus ad eas vendendas pro utilitate monasterii, dummodo ex tali incisione damnum notabile nemori non inferatur. Palaus *tr. 12. disp. un. p. 15. §. 1. n. 7.* Neque incisio arborum infructiferarum, & umbratilium, ad hoc ut earum loco fructifera substituantur, si alias tales arbores non servantur ad amœnitatem. Peyrin. *t. 1. privil. const. 9. n. 17.* quidquid in contrarium asserat Bonac. *loc. cit.* quia admittit posse cædi arbores ad reparationem monasterii, quia hæc incisio est potius localis mutatio, quàm alienatio.

Quer. 79. An dentur alii casus, in quibus Abbatisa cum assensu Capituli, & licentia Episcopi possit res monasterii alienare.

Resp. Affirmative. Primus est, quando agitur de parva re, quæ sit modici valoris, scilicet quæ non excedat scuta vigintiquinque monetæ Romanæ. Genuens. Quaranta, & alii, & alienatio sit in evidentem utilitatem monasterii. Secundus, quando alienatio est necessaria ex præcepto testatoris, ut ob fidei commissum. Tertius, quando est necessaria ex lege contractus, ut propter pactum de retro-

Confess. Menial.

R

ven-

vendendo in eodem contractu incontinenti appositum, quando res fuit acquisita monasterio. Quartus quando hæreditas est gravata ære alieno; tunc enim vendi vel consignari potest creditori pro tanta parte, qua illi possit satisfieri, quia hæreditas secundum illam partem, quæ necessaria est pro solvendis debitis, non acquiritur absolute, sed solum in ordine ad extinguenda debita, & ideo est acquisitio temporanea, & ex vi ejusdem hæreditarii juris resolubilis, ac proinde non incorporatur bonis monasterii. Bordon. *resol.* 27. nu. 63. Pignat. 1. 6. *consul.* 95. nu. 36.

Item quando alienatio est necessaria jure exigente, ut si legentur bona immobilia fructifera, vel mobilia pretiosa monasterio illorum bonorum incapaci, ut docent Socin. *reg.* 110. n. 3. Dec. *in c. in presentia de probat.* n. 271. & Quaranta n. 41. §. 6. Sicut etiam potest alienari res inutilis monasterio, ut si relinqueretur Bibliotheca magni valoris. Quod verum etiam si ea omnia relicta essent cum conditione, ne alienarentur. Filiuc. *trakt.* 44. c. 6. n. 6. cum Rosel. Rodriq. & aliis. Pretium tamen converti debet in alia mobilia monialibus convenientia.

Quar. 20. An pecunia redacta ex redemptione census, vel ex aliqua re immobili, aut mobili pretiosa, possit per Abbatissam sine solemnitatibus alienari solvendo debita monasterii.

Resp. Non posse. Ita Rodoan. Ric. Genuen. & alii relati a Delbene *rom.* 2. *dub.* 17. *num.* 17. Sicuti enim sine solemnitatibus non potest pro extinctione debitorum vendi res immobilis, vel mobilis pretiosa, ita neque pecunia, quæ loco rei successit, *arg. ex leg. is a constant. de off. de jur. dos.* Imo neque pecunia relicta a testa-

testatore sine aliquo onere expendi potest in extinctionem debitorum, si auctoritate Abbatisſæ, & Capituli deſtinetur ad emendam rem immobilem, vel mobilem pretioſam. Vaſquez cum aliis quos refert, & ſequitur Palaus; nam cum talis pecunia jam ſit deſtinata ad rem immobilem emendam, inter res immobiles computatur, ſicut de quacunque alia pecunia ad hunc effectum deſtinata, docet cum aliis Lezana *l. 2. c. 19. n. 59.* licet contrarium teneat Bord. *loc. cit.* ubi ait, pecuniam deſtinatam ad emenda mobilia, diſtrahi poſſe ad emenda mobilia neceſſaria monaſterio. Poſſe tamen pecuniam ex cenſus extinctione, vel mobilium pretioſorum venditione retractam implicari in extinguendo cenſu ſuper bonis monaſterii, inconſulta Sac. Congreg. docet Antonius a Spiritu Sancto, *tr. 3. diſp. 6. ſect. 6. n. 1169.* ſicut enim onerare fundum monaſterii alienatio eſt; ita illum exonerare erit reacquiſitio.

Nequaquam tamen hujusmodi pecunia converti potest in cenſum vitalitium, quia cum ſit deſtinata pro rebus immobilibus, & non ſit ſub diſpoſitione libera tanquam de proprietate monaſterii, non poſſet converti niſi in bona mobilia, inter quæ non computatur cenſus vitalitius, cum ſit in continuo periculo amiſſionis, ſicuti eſt vita illius, ſuper qua eſt duraturus. Angel. *in l. non ſolet, ff. de pet. hered. in cap. contingit de dol. & contum.* Cornel. *conſ. 173. vol. 3.*

Quar. 21. An ſaltem Abbatiſſa poſſit licentiam concedere moniali particulari, ut conſtituat cenſum vitalitium ex pecunia illi ab extraneo conceſſa.

Reſp. Distinguit Sanch. *lib. 7. moral. cap. 22. num. 16.* Si pecunia illa ita conceſſa eſt, ut

concedens noluerit dominium in monasterium transferri, sed omnino cedere in monialis usum, & monialis acceptantis eadem mens fuerit, potest Abbatissa licentiam præbere, ut census vitalitius constitutatur, quia nullatenus pecunia illa est monasterii. Si autem ita data sit, ut dominium in monasterium transferat, nequit Abbatissa absque consensu Capituli, & Prælati id efficere; quia pecunia illa monasterii est, nec in constitutione census vitalitii, utpote amittendi, res monasterii utiliter agitur.

Quar. 22. An Abbatissa cum consensu Capituli possit alienare Sanctorum reliquias in sua Ecclesia asservatas.

Resp. Affirmant Bordon. Antonel. & Barbosa relati a Diana *part. 10. tract. 14. resol. 23.* Quia in Paulina fit tantum mentio de alienatione rerum pretio æstimabilium, cujus naturæ non sunt Sanctorum reliquiae. Verum negativa sententia communior est, & in praxi consulenda; reliquiae enim inter mobilia pretiosa communiter computantur. Hoc tamen debet intelligi cum Lezana *r. 3. v. alienatio, nu. 14.* de reliquiis muro clausis, vel insignibus, aut ipsarum partibus notabilibus, vel perpetuæ traditis sepulturæ. Cæterum exiguarum particularum alienatio non videtur comprehendi sub prohibitione alienationis. Declaratum proinde fuit a Sac. Congregat. teste Barbosa *in collect. Bullar. v. reliquia*, reliquam modicam jam factam alienabilem, posse donari alicui Ecclesiæ, vel Oratorio.

Quar. 23. An Abbatissa teneatur omnes superabundantes redditus in eleemosynam elargiri.

Resp. Affirmant Sanch. Rodriq. Sotus, &
Re.

Reginal. Verum circa præsentem quæstionem placet Dianæ opinio Suar. qui ait in hoc non posse assignari regulam generalem. Regulariter tamen loquendo, necessarium non esse, neque conveniens, redditus superabundantes in elemosynas elargiri; quia melius est, si commodè potest, augere, & perficere monasterium ipsum vel quoad ea, quæ pertinent ad cultum divinum aut habitationem, vel quoad perpetuos redditus, ut eis plures moniales sustentari possint, vel saltem perfectius vita communis conservari, quod majus Dei obsequium est, quam elemosyna, quæ tamen in aliquibus circumstantiis non tantum laudabilis est, sed etiam sub præcepto esse potest, quod pendet ex occurrentibus proximorum necessitatibus.

Quar. 24. An Abbatisa jure suo possit applicare bona opera monialium subditarum personis extraneis, iis tribuendo literas communicationis.

Resp. Posse. Colligitur ex Navar. quem citat, & sequitur Lezana, consentit Sorbus, & in terminis tradunt Bassæus v. *Abbatissa* n. 21. & Philippinus in *Filiis. Spiritual.* n. 199. Ratio est, quia, sicuti qualibet monialis tanquam domina potest applicare sua bona opera communicabilia quibuscunque voluerit; ita idem poterit Abbatisa, cum hæc communicatio proveniat a potestate dominativa, ex vi voti obedientiæ, ut habetur ex Rodriq. aliisque Doctoribus relatis a Philip. *loc. cit.* n. 141. quæ potestas residet poenes Abbatissam, unde competit illi libera administratio, cura, & auctoritas ordinaria dispensativa bonorum spiritualium sub ipsius regimine, & propria Congregatione contentorum. Ex quo etiam fit, quod Abbatisa possit indicare suis monialibus

certas preces pro benefactoribus, maxime si occurrat causa, v. gr. ad implendam obligationem impositam monasterio ex iustitia. Balsæus *loc. cit.*

Quar. 25. An Abbatisa teneatur transgressionem monialium occultas inquirere, ut corrigat.

Resp. Teneri. Ita D. Thom. 2. 2. q. 123. art. 2. ad 4. Si enim hæc negligeret, moniales faciliter impune regulam transgredirentur, cum facile ipsis esset cavere, ne in conspectu Abbatisse statuta violarent. Atque ita cum maximo boni communis detrimento omnia transgressionibus scaterent, ac vigor disciplinæ omnino dissolveretur. Verum, quamvis hæc sit Abbatisse obligatio; tamen, ut optime advertit Lorca, prudentiæ moderamine est temperanda, ne scilicet sit nimia sollicitudo, aut intempestiva inquisitio, quia huiusmodi excessus non solum esset inutilis, sed molestus etiam monialibus, & odibilis, possetque detractiones fovere, passiones accendere, & rixas excitare.

Quar. 26. An Abbatisa audiens, & non impediens monialem de altera detrahentem, peccet mortaliter.

Resp. Quod sic; quia non obstands damno proximi, ad quod tenetur, delinquit graviter in suo officio, & habetur expresse in cap. *facinorosi* dist. 86. ubi textus: *Negligere cum possit deturbare perversos, nihil aliud est quam favere.* Ideo hanc sententiam tradunt D. Thom. 2. 2. q. 74. art. 4. in corp. Aragon. Salas, Sotus & alii poenes Peyrin. de *Prælat.* q. 1. c. 3. §. 11. num. 107. Ubi pariter asserit teneri Abbatisam damnum famæ compensare, si detrahens famam detractam non restituat, & instante parte læsa, detrahentem ad famæ restitutionem

tutionem compellere; sicut enim ex officio illi incumbit, furem alicujus rei cogere, ut restituat, multo magis raptricem famæ; cum deteriores sint qui famam, quam qui bona nostra surripiunt, *cap. deteriores 6. q. 1.*

Quar. 27. An Abbatissa teneatur curare, ut quotannis legantur decreta Clementis VIII. de largitione munerum in vulgarem cujusque regionis sermonem versa.

Resp. Expedire quidem, non tamen teneri; sentit Pellizar. *de Monial. c. 7. n. 30.* quia putat, obligationem per non usum fuisse sublatam, quod non videtur admittendum; nam ex una parte lectio annua dictorum decretorum monialibus quoque est expresse præcepta; ex alia vero per Constitutionem Urbani VIII. omnis, non usus contra hujusmodi decreta, adeoque non usus non legendi ipsas quotannis tollitur, & reprobatur.

Quar. 28. An Abbatissa possit monialibus limitare, vel impedire usum privilegii collati universo Ordini, vel licentiæ factæ a Prælo monasterii.

Resp. Posse interveniente justa causa, & nisi in concessione sit expresse denegata facultas. Ita Corduba *in reg. S. Franc. cap. 10. q. 2. p. 6.* ex quo Sanch. *lib. 6. moral. c. 3. n. 9.* & Peyrin. *de R. S. q. 1. c. 8. §. 6.* Ratio est, quia quælibet gratia est intelligenda, ut jus alterius non lædar. Abb. *in cap. nostra in notab. 3. de rescript.* Loter. *de re benef. l. 1. q. 28. n. 162.* & pluries Rota, Idque adeo verum est, ut quamvis in rescriptis non fuisset apposita clausula *sine præjudicio tertii*, tamen illa semper subintelligatur. Marant. *resp. 13. n. 9.* Vivian. *de iurepatr. lib. 13. c. 8. n. 8.* Quælibet igitur cōcessio privilegii collati universo Ordini, vel licentiæ factæ a Prælo mon-

moniali particulari, ita est intelligenda, ut non lædat potestatem illam dominativam, secundum quam Abbatissa sibi subicit omnes monialium actiones ratione voti obedientiæ. Adcoque ita est intelligenda, ut ejus usus taliter subordinetur voluntati Abbatissæ, ut justa de causa possit ab ipsa vel limitari, vel suspendi. Et regula illa 17. in 6. *Indultum a jure beneficium non est alicui auferendum*, limitatur, quando auferendi intervenit causa. Peyrin. loco cit.

Poterit pariter remittere, aut saltem moderari poenitentiam impositam moniali subditæ a Prælato monasterii, dummodo concurrat justa, gravis, & rationabilis causa, nec sit facilis ad Superiorem recursus. Quia in talibus circumstantiis præsumitur relaxandi facultas a Superiore concessa; cum præsumatur, Superiorem commodo, & bono subditorum velle providere. Extra hujusmodi circumstantias non potest, quia inferior non potest se immiscere in iis, in quibus Superior manum apposuit, ut per Doctores communiter in cap. quod super his de majorit. & obed. & in cap. inferior dist. 25.

Quar. 29. An Abbatissa possit licentiam monialibus concedere, ut pueros suscipiant in Baptismo, aut Confirmatione.

Resp. Non posse; quia hoc monialibus est prohibitum in c. pervenis v. dist. 18. q. 2. c. non licet, & c. Monachi dist. 4. de consecr. Et licet in prædictis locis fiat tantum commemoratio de Monachis, communiter tamen a Doctoribus ad quoscunque religiosos extenditur prohibitio. Ita Ledesma, Sanch. & Barbosa de preest. Episcop. allegat. 30. nu. 36. ubi adducit Rituale Romanum, quod de hujusmodi Patri-
bus agens, inquit: *Adhuc admitti non debent.*

Monia-

Monachi, vel Sanctimoniales. Ex quo colligit prædictus Doctor, monialem suscipientem peccare mortaliter, quia violat prohibitionem. Concedit tamen, contrahere cognationem spirituales, quia in illis textibus nullum est verbum irritans factum; & subdit, posse monialem suscipere in Confirmatione, si monialis pariter sit confirmanda. Verum moniales mortaliter non peccare suscipiendo pueros in Baptismo, aut Confirmatione, docet cum aliis Cespedes *de Exempt. regul. cap. 6. dub. 134. nu. 4.* quia in textibus præallegatis nulla sunt verba, quæ contineant prohibitionem strictam, & rigorosam.

§. II.

De Vicariis, & Discretarum, seu Decanarum Obligationibus.

Quer. I. **A**N Vicaria possit dici Prælata.

Resp. Negative; quia instituta est tanquam coadjutrix Abbatisse, nec ullam habet jurisdictionem; quare facere non potest, quod potest exequi Abbatisa. *Lezan. qq. Regul. rom. 2. cap. 13. n. 40.* Unde non potest concedere licentiam monialibus aliquid recipiendi, expendendi &c. cum pœnes ipsam non resideat potestas neque domestica, neque œconomica, nisi hoc specialiter a Superiorissa indulgeatur. *Barchius in specul. Religios. cap. 27.* Quod si contingat, Abbatisam decedere, putat *Lezana loc. cit. nu. 41.* posse ea facere in casibus occurrentibus, quæ ipsa faceret Abbatisa, si viveret, quia eo tempore prædicta Vicaria vel est Prælata, vel quasi, cum non deceat, monasterium esse pro illo tempore sine capite.

R § *Quer.*

Quar. 2. An Vicaria possit monialibus præcipere ex vi voti obedientiæ.

Resp. Non posse; quia, ut diximus, non est monialium Prælata, cui sit votum obedientiæ. Tenentur tamen moniales ipsi parere ex potestate civili, & politica, quæ utique competit Vicariæ, cum & ipsa sit Superiorissima monasterii, quamvis subordinata, quod sufficit, ut moniales obligentur ad obediendum sub peccato, etiam mortali, si res præcepta sit ex objecto gravis, & modus præcipiendi indicet intentionem præcipientis esse obligare sub gravi.

Quar. 3. An Vicaria possit eligi in Abbatissam.

Resp. Quoad moniales Ordinis Minorum negat Miranda *de Monial. qu. 7. art. 9. conclus. 2.* propter quandam Constitutionem Sixti V. quæ id prohibet, & etiam propter quoddam decretum Cardinalis Matthæi Protectoris Ordinis Minorum *sub die 13. Junii 1592.* At in cæteris monialibus hoc non habet locum, unde sive perfuncta sit vicariatus munere, sive in eo duret, eligi potest Vicaria in Superiorissam Conventus. Quia Constitutio Gregorii XIII. solum prohibet, ne perfunctæ Abbatissatus munere permaneant in aliquo officio in quo habeant auctoritatem, & regimen, aut administrationem. Non autem hoc prohibet Vicariis, cum sit diversa ratio, quia scilicet officium Vicariatus est subordinatum Abbatissæ, adeoque ad Vicarias non est extendenda Constitutio.

Quar. 4. An Vicaria, & quælibet Discreta teneantur cum aliis interesse, quando convocantur ab Abbatissa ad consulendum, seu decernendum aliquid spectans ad bonum regimen monasterii.

Resp.

Resp. Teneri, nisi aliquo legitimo impedimento detineantur. Ratio est, quia, quando ad Vicariæ, vel Discretæ munus eliguntur, suscipiunt in se obligationem procurandi bonum communis; unde quotiescunque de communicatis bono agitur, teneatur ex officio interesse, ad hoc ut possit promoveri. Ita ex Mollesio Duardus in *c. Omnis utriusque sexus t. 2. disp. 16. sect. 20. n. 4.* Et licet quilibet possit favori suo renunciare, hoc tamen non habet locum, quando agitur de favore mixto, scilicet, quando id, quod renunciatur, non solum proprium ipsius renunciantis, sed etiam favorem alterius, seu publicam utilitatem respicit. Felin. in *cap. si diligenti n. 16. de for. compet.* Castren. Calderin. & alii. Unde neque Vicaria, neque alia Discreta poterunt ab aliarum congressu se subtrahere, quando de monasterii sit agendum utilitate.

Quæ. 5. An Vicaria, & Discreta possint sine scrupulo tacere, quando Abbatisa vult aliquid non bene determinare.

Resp. Si quod vult Abbatisa decernere, est evidenter contra monasterii utilitatem, mortaliter peccant tacendo, quia qui de collegio sunt, in his, quæ ad universale commodum pertinent, ex vi officii sui tacere non possunt, *arg. c. 1. de his, quæ sunt a majori parte capit.* Nec valet dicere, quod Abbatisa, vel major Discretarum pars est determinata exequi, quod decernit, & sic, quod vana foret oppositio; nam confidere debet se invictam veritatem proferentem, alias quoque, vel etiam Abbatisam in suam sententiam adducturam; veritas enim omnia vincit, *cap. consuetudo 8. dist.* Si vero dubium sit tantum, an Abbatisa non bene determinet, tunc, præcipue

majori Discretarum parte in Abbatissæ placitis consentiente, poterunt aliæ quoque tuta conscientia vel tacere, vel approbare; quia in dubiis prudenter aliorum sequimur consilium. *Azor. 1. 2. lib. 4. cap. 3. q. 17.*

Quar. 6. An Vicaria, & Discretæ possint saltem tacere, si prævideant, quod contradicendo, vehementer contristabitur Abbatissa, atque adeo illas torvis oculis aspiciet.

Resp. Non posse, quando agatur de rebus ad bonum commune maxime conducentibus; nam, ut dici solet, scandalum potius permitendum est, quam veritas deferenda. Debent tamen tale medium adhibere, ut contradicendo, humaniter, & suavius procedant. Unde si aliqua ratione res verborum lenitate temperari valet, integra tamen, & illæsa semper veritate, id omni conatu debent procurare. *Rodrig. 99. Regular. 1. 2. q. 45. art. 4.*

Quar. 7. An excusentur tacendo, quando prævident, Abbatissam irritandam, & magis ex contradictione in sua sententia obfirmandam.

Resp. Videri, quod sic. Quia sicuti correctio fraterna tunc intermittenda est, quando timetur, ne ob illam frater fiat deterior, juxta tradita a D. Thom. 2. 2. q. 32. art. 6. Itæ Vicaria, & Discretæ, quando rationabiliter suspicantur, earum consilium potius obfuturum, quam profuturum, prudenter agent, tacendo, aut in tempus opportunius differendo. At contrarium est tenendum. Nam correctio duplex est. Quædam, quæ provenit ex charitate, & tunc tantum exercenda est, quando fructus speratur. Altera, quæ ex justitia proficiscitur, quæ nullo pacto est omittenda, etiam si nulla futuræ emendationis spes proponatur, bono publi-

et id exigente. Unde cum in nostro casu consilium, quod a Vicaria, & Discretis præstatur ad actum potius justitiæ pertineat, non videtur prætermittendum, quamvis ex illo nullus fructus speretur. Ita Rodriguez, *loc. cit. ar. 7.* Quod si prævideant bonum publicum magis periclitari loquendo, non peccant, si taceant, quia hoc non est damno communitalis cooperari, sed ipsius majus damnum avertere. Verum diligenter attendant, ne his inanibus suspicionibus, & humanæ inbecillitatis commentis sui officii partes omittant.

Quer. 8. An Vicaria, & Discretæ peccent mortaliter de monialium transgressionibus Abbatisam non admonentes.

Resp. Peccare; quia si in hac parte nimium dissimulent, religiosa observantia in communitate labefactatur: quare graviter peccant, sicut peccaret Abbatisa sciens tales transgressiones, & non corrigens, cum posset; nam etiam ipsæ ratione muneris tenentur communitatis bono consulere. Ita Suarez, & Aegidius.

§. III.

De obligationibus Magistræ Novitiarum.

Quer. 1. **A** Quo, per quod tempus, & cujus ætatis eligi debeat Novitiarum Magistræ.

Resp. Inspicienda esse cujusque Religionis statuta. Secundum Regulam S. Benedicti electio Magistræ spectat ad Abbatisam; Superior tamen ex justis causis ad se talem electionem avocare potest, ac decernere, ut electio posita facta per Abbatisam sit nulla. Sac. Congregat. in Florent. 14. Novemb. 1603. Eligi debet ac mutari quotannis; nec consanguineæ

vel

vel alia moniales se ingerant in instruendis Novitiis, in *Pisan.* 13. *Julii* 1618. Sit maturioris ætatis, & quæ saltem trigesimum quintum annum expleverit, ut de Novitiorum magistro statuitur in Decreto Clementis VIII. sub die 19. *Maji* 1603.

Quer. 2. Ad quid teneatur Magistra, ut recte suum munus obire possit.

Resp. Teneatur experiri Novitias quoad constantiam in vocatione, quoad capacitatem ad spiritualia exercitia, & etiam ad corporales labores juxta varietatem personarum decenti modo, & unicuique accommodato, & etiam juxta statum vel Choristarum, vel Licarum, quem intendunt assumere. Illas in cultu Dei, & religionis observantia debet erudire, sicut præcipit Concilium Provinciale Mediolanense 1. sub D. Carolo Borromæo p. 2. de *Monial.* §. de *Præfektis*: Assiduis admonitionibus ita eas instruere satagat in spiritualis, & sanctæ vitæ ratione, ut progredientes Deo adjutore, perfectæ ejus ancillæ possunt evadere.

Quer. 3. Quomodo Magistra instruere Novitias debeat circa regulam.

Resp. Debet illas instruere in his, quæ ad regulæ substantiam spectant, idest secundum significationem generalem, & simplicem verborum cujusunque voti, obligationis, aut præcepti in regula contenti. Nam Novitiæ ad professionem admitti non possunt, nisi de regula, quam profiteri volunt, notitiam habeant, quia juxta D. Thom. 1. 2. *quest.* 76. *art.* 2. communiter receptum, quisque ad discere tenetur, & noscere pertinentia ad suum statum, idest leges universales status, seu officii, quod assumere intendit, ut bene declarant Vasq. Azor. & Sanch. in *decis.* lib. 1.

c. 16. n. 35. Cum ergo Novitiæ assumere intendant religionis statum, patet, teneri ad præfatum regulæ intelligentiam, priusquam professionem emittant; unde tenebitur Magistra ex vi muneris illas instruere, cum Novitiæ sint ejusdem curæ ad hunc effectum commissæ. Duard. *loc. cit. disp. 16. sect. 34. n. 2.*

Quar. 4. In quibus præcipue debeat Magistra Novitias exercere.

Resp. In oratione, & meditatione, cum hæc sit medicina malorum, quibus ægrotant, in lectione librorum spiritualium, ut discant, quid agendum sit, quid vitandum; nullo modo libri prophani sunt permittendi; in Sacramentorum frequentia, quia summo opere conducit ad comparandam animæ puritatem; in jejuniis, vigiliis, ciliciis, & disciplinis, maxime a regula præscriptis. Debent arceri a conversatione sæcularium, etiam consanguineorum, & non nisi valde raro, & ex causa graviore permittendus accessus; siquidem non solum distrahuntur, & amore eorum, quæ reliquerunt; iterum ad mundana resiliunt, sed etiam gravissimis tentationibus exponuntur.

Quar. 5. An Magistra debeat in spiritus lenitatis, vel rigoris Novitias regere.

Resp. Cum Rodriq. *qq. Regular. tom. 3. q. 26. art. 10.* rigore potius, quam lenitate esse educandas. Quia *Proverbior. 10.* præcipitur: *Noli subtrahere a puero disciplinam: si enim percusseris eum virga, non morietur, tu virga percuties eum, & animam ejus de inferno liberabis.* Cautè tamen procedat, ne Novitiæ radio religionis affectæ ad sæcularem libertatem resiliant.

Quar. 6. An Magistra correctionis causa
Novi-

Novitiam percutiens excommunicationem Canonis contrahat.

Resp. Titulo correctionis licitum esse Novitiarum Magistræ, illas castigatione moderata punire, prout ratio culpæ, & qualitas personæ exigat, ac consuetudine receptum est. Quare nullam incurrere excommunicationem tradit aliis relatis Diana *r. 5. in opere coord. tr. x. res. 14.* Ubi ex Silv. & Toletio docet, Canonis excommunicatione affici Magistram, si percutiat prætextu correctionis, non tamen ex fine corrigendæ, sed ex odio, quia ex fine correctionis tantum est concessa facultas ad percutiendum. Notat tamen Turrianus *de cens. lib. 4. disp. 29. d. 2.* tale odium, a quo moveatur, debere aliquo signo externo manifestari, alias non potest Ecclesia eam actum punire.

Quar. 7. An prædictam censuram incurrat Magistræ excedens modum percussionis relatæ ad correctionem.

Resp. Affirmat Gloss. *in cap. universitatis de sentent. excommunic.* Negat pariter eademmet Gloss. *in cap. cum voluntate eod. tit.* Hanc contrarietatem conciliat Diana ex Silvestro, Toletio, & Tabiena, docens, non contrahi hanc censuram, quando excessus est venialis, quia sine mortali culpâ non infligitur gravis pœna; contrahi vero, quando excessus est gravis, quia sub gravi, & irrationabili modo non censetur concessa talis facultas.

Quar. 8. Quomodo se gerere debeat Magistræ, si dubitat, an Novitia sit nec ne ad professionem admittenda.

Resp. Exponat fideliter Abbatisæ, & Capitulo novitiæ mores, ac qualitates, nec non defectus illos, ratione quorum hæsitat, an sit vel non sit admittenda. Confessarium in-

super, aut alium virum idoneum consular, & illorum prudentiæ, ac consilio acquiescat. Vech. in *praxi Novit. disp. 12. dub. 3. nu. 4.* Ubi advertit, quod imperfectiones temporales, seu corporales, si notabilem deformitatem non afferant, neque impediunt Novitiam ab obligationum regulæ observantia, non sunt causa sufficiens ad ipsam expellendam, quia re vera ob tale impedimentum non censetur inhabilis, nisi jungatur cum alio defectu, qui inhabilitatem inducat.

Quoad imperfectiones spirituales, addit idem Vecchius, quod prudenter se gerere debet Magistra, eo quod fragilitas humana est charitative ferenda, eo vel maxime, quia valde difficile est habitus vitiosos brevi tempore superare. Concludit denique, facilius esse delinquere in exclusione, quam in admissione Novitiæ, eo quod exclusio a religione fieri nequit tuta conscientia, nisi intercedat aliqua gravis causa, quamvis necessario non debeat esse mortifera. Admissio vero licite fieri potest, si Novitia ea saltem habilitate polleat, qua obligationes regulæ disciplinamque regularem observare valeat, sitque aliquo modo utilis religioni.

Quar. 9. An Magistra possit ex charitate occultare aliquod novitiæ impedimentum, pro quo non potest iure secundum religionis statuta profiteri.

Resp. Non posse; quia talis occultatio cederet in grave monasterii detrimentum, quod Magistra tenetur impedire tum ratione officii, tum ratione boni publici, quod debet privato Novitiæ commodo anteferri. Et hoc procedit etiam si tale impedimentum fuisset Magistræ sub secreto detectum, quia ex D. Thom. 2. 2.

q. 70. art. 1. ad 2. custodia secreti non potest in Magistra impedire fidem; quam debet ratione muneris Religioni. Peccaret igitur occultando, & Novitia proficiens non esset vere professa, si religionis statutum esset auctoritate Pontificis confirmatum cum clausula irritante; quia stante tali clausula, & impedimento, nulla est potestas in admittente. *Sanch. in sum. lib. 4. c. 4. n. 60.* Secus autem si nullum extaret decretum irritans, quia ex jure canonico nulla ægritudo, etiam mortifera annullat professionem; imo ex eodem jure contrarium elicitur; nam collatio facta criminoso improbatur quidem tanquam illicita, sed non reprobat ut nulla. *Felin. in c. postulasti de rescriptis.* Cæterum si impedimentum sit omnino occultum, & nullum ex illo imminet religioni detrimentum, celari potest, & debet. *Salmaticen. tom. 3. Theol. moral. tr. 5. c. 3. pun. 4. n. 71.*

Quar. 10. An negligentia Magistræ in experiendo Novitiam tempore probationis possit impedire professionem expleto anno faciendam.

Resp. Negative. Quia non est de substantia novitiatus actualis probatio, sed satis est, Novitiam permanere sub obedientia in religione, & se ad probationem necessariam exponere. *Suar. tom. 3. de relig. lib. 5. c. 14. n. 15.* *Vech. cit. dub. 8. nu. 6.* Ubi docet Magistram negligentem graviter peccare, quia defectu probationis contingere potest, quod admittatur inhabilis ad ferenda onera religionis, cum magna observantiæ regularis jactura; vel impotens ad officia exequenda juxta statum, quem assumit, cum notabili monasterii detrimento, & cæterarum monialium incommodo.

Quar.

Quar. 11. Ad quid teneatur Magistra circa puellarum sæcularium educationem.

Resp. Teneri impendere totam illam diligentiam, & curam, quam præstare debent parentes. Magistra enim stat loco parentum ratione muneris, & ut advertit Coninch. *dis. 28. dub. 5. n. 68.* acquirit conjunctionem quandam, & quasi specialem cognationem cum puellis suæ curæ commissis. Quare tenetur illas in fidei articulis, præceptis Dei, & Ecclesiæ, nec non in aliis ad salutem pertinentibus instruere; ad virtutis, & orationis studium, Sacramentorumque frequentiam promovere. In manuum quoque operibus juxta cujusque statum, & conditionem exercere; delinquentes corrigere, etiam, si opus est, moderate verberando. Nullatenus eis permittendi sunt amatores, neque fuci, aut ornamenta superflua, ut adamentur, quamvis puellæ hoc faciant, ut in uxores a juvenibus appetantur. Ideo enim a parentibus in monasterio recluduntur, ut ab amatorum aspectibus, & colloquiis separatae, in Dei timore, & disciplina educantur. Unde Magistram in supradictis notabiliter negligentem a culpa lethali non excuso, siquidem graviter deest suo muneri, ratione cujus tenetur privato puellarum suæ curæ commissarum bono consulere, ut communiter firmant Doctores.

Quar. 12. An Magistra possit indulgere puellis, ut ad honestam animi relaxationem ludant sacras preces.

Resp. Negat Ludov. Lopez 2. *par. instrukt. cap. 32.* quia putat irreverentiam esse, immo etiam simoniam, quando ludentes vellent civiliter se obligare. Sed Navarr. Rebel. & Sanch. quos refert, & sequitur Diana *rom. 6.*

instrukt.

trast. 4. res. 4. hunc ludendi modum approbant, nec in eo aliquam irreverentiæ speciem agnoscunt, cum potius fiat ob sacrarum precum æstimationem; & sic est in usu inter religiosos, & personas devotas. Nec intervenit simonia, etiam si se obligare intendant, quia est ludus rei spiritualis pro spirituali, quod non est simonia nisi in beneficiis, ut notant in hac materia scribentes. Esset tamen simonia, si sacras preces luderent contra rem aliquam temporalem.

§. I V.

De Novitiarum obligationibus, & Privilegiis.

Quæst. 1. **A**N Novitiis debeat conferri Sacramentum Confirmationis, antequam suscipiantur ad probationem.

Resp. Quod sic, si commode fieri potest; habetur ex decreto Sac. Congreg. apud Gavant. *Manual. Episc. v. Moniales §. Monial. recepr. n. 36.* Quod si non conferatur ante ingressum, debet postea ministrari per fenestellam, per quam moniales Eucharistiam recipiunt. Nec potest Episcopus ob hanc causam ingredi clausuram, nisi monialis esset in periculo mortis, & subinde non posset ad fenestellam ibi confirmanda accedere, & periculum esset decedendi absque illo Sacramento. *Sanch. lib. 6. c. 16. n. 54.*

Quæst. 2. An Novitiæ obligentur ad observantias regulares.

Resp. Ex iustitia non obligari, quia cum nondum religioni sint incorporatæ, illius legibus per se, & directe non subjiciuntur. Quia tamen in regularum experimento versantur, illas debent ex convenientia servare, tum ut probent, an postea futuræ sint potentes servare ex debito,

bito, qui fuit finis illarum ingressus, tum ne aliis sint scandalo. Ita Rosel. Tab. Silv. penes Peyrin. *de Pralat. q. 3. c. 1. §. 4. n. 106.*

Quar. 3. An saltem Novitiæ voto religionis obstrictæ obligentur ad observantias regulares.

Resp. Negative; quia votum non obligat nisi ad ingrediendum, vel ad perseverandum in religione, & sicut non tenetur ad horas canonicas, qui vovit suscipere Ordines Sacros, nisi fuerit vere ordinatus, ita neque tenetur ad regulæ præcepta, & onera, qui vovit suscipere religionis statum, nisi illum per solemnem professionem suscipiat. Ita Sot. Thes. & Suar. Quod tamen locum non habet, si Novitia aliqua se obligavit, ne dum ad religionis ingressum, sed etiam ad præcepta regulæ observanda, quia obligatio voti extenditur juxta intentionem voventis. Verum si aperte non constet de tali intentione, dicendum est ad ingrediendum tantum teneri, quia in dubio possessio stat pro libertate.

Quar. 4. An Novitiæ teneantur tempore probationis implere vota, quibus in sæculo erant adstrictæ.

Resp. Vota personalia, quæ cum religionis operibus non sunt compatibilia, probationis tempore sunt ipso jure suspensa. Palud. D. Anton. Silvest. & alii, quos refert Vecch. *disp. 10. dub. 5. n. 5.* Si operibus religionis non obstant, aggravent tamen, & reddant difficilem in religione perseverantiam, possunt suspendi per Abbatissam. Sanch. *in summa lib. 4. cap. 33. nu. 33.* quia in utroque casu sunt majoris boni impeditiva. Et quia hæc ratio locum non habet in aliis votis, sive personalibus, sive realibus, quæ religionis operibus

non

non adversantur, ideo ad illa tenentur Novitiæ, nec possunt per Abbatissam suspendi. In aliquo tantum casu posset suspendi votum reale, nimirum, si Novitia indigeret bonis, quæ habet, ad se alendum, quia monasterium non subministrat alimenta necessaria, vel non sufficientia; tunc enim militaret ratio superior tradita, nam expensis a Novitia bonis in voti executione, redderetur multo onerosior religio, necessaria sustentatione deficiente. Sanch. *loc. cit.* qui advertit *n. 39.* quod Novitia ad sæculum rediens tenetur præfata vota servare, nisi sint annexa tempori, vel illi statui, ex ipsius voventis intentione.

Quær. 5. An Novitiæ Regularibus subjectæ subdantur casibus in religione reservatis.

Resp. Si Prælati reservet eos etiam quoad novitias, subjacere. Ita Suar. Layman, Corduba, & aliis penes Lezan. *t. 1. c. 24. n. 7.* Quia Prælati Regularis jurisdictionem habet non solum adversus professas, sed etiam adversus Novitias, quatenus sunt partes religionis ab omni alia jurisdictione exemptæ. Secus vero si eos reservet pro religiosis, nulla facta de Novitiis mentione; quia Novitiæ computantur inter religiosas quo ad favores, secus autem quo ad odia. Possunt tamen per religionis Prælatus absolvi a casibus, & censuris Ordinario reservatis, aut ingressum incurfis, Silv. Tabion. & alii communiter. Verum si antequam profiteantur, a monasterio recedant, in eadem censuras reincidere, tradit Rodr. quia absolutio per Superiorem impertita tacitam habet conditionem, *si novitia religionem suam professæ*. Quod tamen negant Suar. Vecch. & Sanctior. quos refert, & sequitur Lezan. *t. 5. in mari magno Minor. n. 55.* Quia Novitiæ absolvi pos.

possunt sicut aliæ professæ: istæ non absol-
vuntur ad reincidentiam; ergo nec illæ.

Quar. 7. An si Novitia ingrediatur religio-
nem ficto animo, & post aliquot menses,
imo post expletum totum annum, mutata
sententia, velit profiteri, teneatur annum
novitiatus repetere.

Resp. Non teneri, docent Suarez, & Sanch.
si per aliquos tantum menses fictum animum
retinuit: at quia rationes suadentes de aliqui-
bus mensibus, militant etiam de toto anno;
ideo Antonius a Spir. Sanct. absolute sustinet
non teneri. Nam novitiatus opere magis per-
ficitur, quam intentione; cum enim novitiatus
institutus sit, ut Novitia probe religionis au-
steritates, & religio Novitiæ mores, id totum
habetur non obstante ficto animo, unde cessat
repetitionis finis. Ob quam rationem citatus
Sanch. & Portel. *in dub. regul. v. Novitii nu. 5.*
eximunt a repetitione novitiatus, si contingat
ratificari professionem nullam vel defectu æta-
tis, aut libertatis, vel quia facta est ante com-
pletum novitiatus annum, vel ex alio impe-
dimento. Quod absolute non placet Bordo-
no requirente, quod Novitiatus ratificetur a
Superiore, ad hoc ut legitimus habeatur.

Quar. 7. An Novitia capitulariter ad pro-
fessionem admissa, possit ante professionem
dimitti, emergente nova causa, vel veteri
detecta, sed prius ignorata.

Resp. Posse, ut diximus *c. 2. §. 1. q. 15. cum*
Peregrino, cui addo Peyrin. & Vecch. disp. 22.
dub. 7. Sicut enim revocari potest consensus ab
altero conjugē ante ratum matrimonium, si
aliquid superveniat, quo cognito non fuissent
contracta sponsalia *c. quemadmodum de jure jur.*
Ita a Convensu ante professionis emissionem
pos-

possunt revocari suffragia valida; valet enim argumentum de matrimonio carnali ad spirituale, *cap. inter corporalia de translat. Episcop.*

Quar. 8. Quænam Novitia prius admittenda sit ad professionem, ac præcedere debeat, illane quæ prius acceptata est ad habitum, an quæ prius habitum suscepit.

Resp. Pro Novitia prius acceptata facit, quod ex admissione, & acceptatione anteriori intrat privilegium antianitatis, ratione cujus huiusmodi præcedentia deferri solet, *l. 1. ff. de alb. scrib. l. semper, ff. de iur. immun. cum concord. Rota apud Seraphin, dec. 326. n. 3. & in una Melevitana Antianitatis 18. Maji 1633. coram Episcopo Urgellensi. Verum tenendum est, præcedentiam deberi Novitiæ, quæ prævenit in susceptione habitus; ex quo enim prius suscepit habitum, prius quoque complevit annum probationis, qui incipit ab hora susceptionis habitus. *Anan. conf. 93. n. 6. Bald. in l. cum anterioribus nu. 2. C. de tempor. appellat.* Atque adeo prius est vel rejicienda vel admittenda ad professionem, ex Concilio Trident. *sess. 25. de regul. cap. 16.* ubi mandat, finito anno probationis, Novitias ad professionem admitti vel rejici. Qua ratione etiam Sac. Congreg. declaravit præcedentiam deberi ei, quæ prius habitum suscepit. *Barbos. de iur. Eccles. cap. 46. num. 56.**

Quar. 9. An Novitiæ teneantur profiteri secundum rigorem regulæ.

Resp. Non teneti. Ideo enim regula non obligat moniales professas ad sui ipsius observantiam in suo primo rigore, quia, ex quo per contrariam consuetudinem fuit legitime mitigata, quoad hoc amisit vim obligandi; ergo necque obligabit Novitias ad profitendum so-

CUR.

cundum se ipsam in suo primo rigore; quia potentia semel extincta, nullum potest parere effectum. Ita Bordon. *de Paupert. Relig. c. 21. n. 43. ubi n. 45.* subdit, quod, ut Novitiæ sint tutæ in conscientia, non requiritur expressa intentio profitendi secundum regulam mitigatam, sed sufficit implicita virtualiter contenta in consuetudine sic vivendi: quia eadem est virtus taciti, & expressi.

Quar. 10. An Novitia frequentes stimulos, & lapsus carnis experta, possit religiosa vota emittere.

Resp. Videri, quod non; quia votum est de meliori bono, respectu autem talis Novitiæ status religionis non potest esse melius bonum, attestante Apostolo, quod *melius est nubere quam uri*. Nihilominus affirmandum censeo cum Lugo *in resp. moral. l. 1. dub. 28.* Quia Novitia potest prudenter credere sibi expedire magis ad salutem statum religiosum, in quo transacta tentationis vehementia, facilius poterit resipiscere, & corrigi, cum habeat optima Sociarum exempla, & disciplinæ observantiam. Nec facile sibi potest persuadere, minorem se habituram in sæculo occasionem peccandi contra castitatem, quam in religione, præsertim si nubere non possit juxta status decentiam, & sine gravi incommodo.

Quar. 11. An Novitia delicatæ complexionis, quæ religionis austeritates ita sanitati obesse experitur, ut medicorum judicio vita sit notabiliter abbrevianda, teneatur deferere religionem.

Resp. Visum est aliquibus teneri religionem deferere, quia vitam sibi abbreviando directe se ipsam occidit, quod est illicitum. At posse permanere, & profueri, sustineo cum Gobæ.

tom. 1. tr. 5. c. 1. n. 54. Quia præceptum de conservanda vita obligat solum ad evitanda pericula, quando non adest rationabilis causa ad illa subeunda; secus autem quando adest: unde vita potest exponi pro salute spirituali proximi. Cur igitur ob tam notabilem, & rationabilem causam, qualis est spirituali propriæ salutis consulere, non poterit Novitia religionis austeritates etiam cum periculo vitæ subire? Maxime quia in præsentī casu periculum non est inevitabile; fieri enim potest, quod tractu temporis prædictis incommodis assuescat, & vires reddantur, ad ferenda religionis observantiæ onera, promptiores.

Quer. 12. An Novitia peccet egrediendo.

Resp. Si egrediatur ex minus iusta causa, non peccare, docet Suarez. Quia ad hunc finem institutus est annus probationis, ut religio experiatur Novitiam, & Novitia religionem. Si exeat ex levitate, vel religionis tardio, peccare venialiter, affirmat Sanchez; quia cum hic egressus fiat fine honesto, atque adeo sit deordinatus, non potest excusari a veniali peccato. Si vero Novitia prius voto religionis erat adstricta, peccare mortaliter, docet Peyrin. cum aliis ab ipso relatis *loc. cit.* Licet oppositum sustineant Gandav. Navar. & alii; & quidem probabiliter, teste Sanch. *lib. 4. c. 16. n. 89.* Quia votum intelligi debet juxta canones annum probationis concedentes; cum igitur canones probationis annum concedant ad experiendam religionem cum omnimoda libertate, cum eadem libertate exeundi intelligendum est votum ingrediendi religionem.

Quer. 13. An Novitia egrediens teneatur solvere expensas factas a monasterio.

Resp.

Resp. Non teneri, tradunt communiter Doctores, quia multoties posset contingere, ut impotentia ad solvendum, libertatem tolleret ad egressum. Fallit tamen conclusio, quando intervenit pactum solvendi expensas, vel Religionis consuetudo, quæ est conformis Concil. Trident. c. 16. de regul. sess. 25. ubi præcipit, omnia restitui Novitiis abeuntibus, *excepto victu, & vestitu*. Et proinde Sac. Congr. Episc. die 2. Martii 1635. decrevit expensas esse solvendas monasterio a consanguineis cujusdam Novitii, qui ante professionem habitum exue rat. Lezana tom. 1. qq. regul. c. 24. n. 3.

Quar. 14. An Novitia volens discedere, sit impedienda ex titulo, quod non solverit expensas debitas vel ex pacto, vel ex consuetudine monasterio.

Resp. Non posse, ut notant Doctores in c. non solum, de regular. in 6. per illum textum, qui prohibet sub poena excommunicationis impediri Novitias ne redeant ad sæculum. Possunt tamen repeti post diceßum, & actio instituenda est contra ipsius bona, vel eorum, ad quos spectat eas solvere. Ita Doctores relati a Pasqual. in Laurer. p. 2. q. 50. nu. 4. ubi subdit, neque posse denegari professionem Novitiæ nolenti solvere expensas debitas ex pacto, vel consuetudine, quia non solvere expensas non detrahit de habilitate, cum sit quid extrinsecum, &abilitas attendatur secundum personalia; judicium autem, & deliberatio de admittendo, vel non admittendo ad professionem regulari debet secundum mensuram qualitatum personalium. Quod tamen limitandum est, nisi non salutio argueret aliquod vitium personale, quia tunc ratione talis vitii posset rejici.

Quar. 15. An Novitiæ egredienti sit restituendus habitus factus suis expensis.

Resp. Omnes vestes esse restituendas, per verba illa *omnia restituantur*, quibus utitur Conc. d. c. 26. in fin. Dictio enim *Omnis* est universalis, ut cum aliis citatis probat Barb. de potest. Episc. allegat. 101. nu. 39. ubi refert, Sac. Congr. censuisse, habitum religiosum non esse exeunti restituendum, sed tantum ei solvendum ejus pretium, habita ratione valoris illius temporis, quo eum deponit, non quo factus est, ut notat Peyrin. loc. cit. subdens n. 108. quod si dictus habitus emptus sit non pecunia Novitiæ, sed eleemosynis devotorum, eo fine datus, ut religionem ingrederetur, tunc non venit ex justitia restituendus, cum enim convenire non possit Novitiæ, nisi quatenus religiosæ, censetur datus intuitu religionis, & per consequens religioni. Sicuti, licet legatum factum Episcopo ab ejus consanguineo censeatur intuitu personæ relictum, c. requisisti de testam. si tamen est de re convenienti Ecclesiæ, Ecclesiæ acquiritur, quia ex qualitate rei donatæ præsumitur intuitu Ecclesiæ relictum. Sanch. de matrim. lib. 6. disp. 26. n. 15.

Quar. 16. An Novitiæ possint sibi eligere sepulturam.

Resp. Posse, quia cum nondum sint obedientiæ voto adstrictæ; habent proprium velle, & nolle; unde etiam testari possunt, & alia similia exercere, in quibus requiritur proprium velle, & nolle. Ita Armil. Tabien. Villalob. & Diana par. 5. ar. 3. res. 109. contra Labor.

Quar. 17. Ubi sepelienda sit Novitia, si decedat non electa sepultura.

Resp. Esse sepeliendam in monasterio. Ita San-

Sanch. Grat. Lavor. & Peyr. *loc. cit.* n. 130. Quamvis enim Novitia non sit incorporata religioni, est tamen ipsi aggregata in ordine ad experiendum, & est religioni addicta in ordine ad Sacramenta, etiam quæ a Parocho ministrari debent, ut Viaticum, Extrema Unctio, & Communio Paschalis. Unde cum non sit amplius subdita Parochi, sed religionis subjectione voluntaria, quoad sepulturam quoque spectabit ad monasterium.

Quar. 18. Quid agendum, si Novitia esset in proposito redeundi ad sæculum.

Resp. Non esse in monasterio sepeliendam, sustinet Sylvester, quia ex voluntate redeundi ad sæculum resultat evidenter, quod velit in sæculo mori, & per consequens, quod eligat in sæculo sepulturam. Oppositum tamen tradit Pasq. *loc. cit.* q. 57. n. 3. Nam hoc propositum non extrahit Novitiam a statu Novitiarum, sicuti neque voluntas mutandi Parochiam subtrahit a jure Parochiali, sed requiritur factum solvens illum contractum, quo Novitia se tradidit experiendam religioni; siquidem actualis reditus, non voluntas redeundi ad sæculum facit redire: unde non sufficit in hoc velle, sed requiritur executio, *l. quidam cum filium ff. de hæred. instit.* ubi Imol. Bart. & cæteri Doctores.

Quar. 19. Quibus expensis sepelienda sit novitia.

Resp. Ex Peyrin. Layman, Samuele, & Lezana, si ex pacto, & consuetudine tenetur Novitia solvere expensas alimentorum, tunc manebit obligatum ejus patrimonium, seu bona ipsius ad expensas pro sepultura, quia expensæ pro sepultura sunt accessorix ad expensas alimentorum; & qui tenetur alere, tenetur etiam curare sepulturam. Si vero Novitia non

tenetur ad expensas alimentorum, tunc, quia cum monasterium recipiens Novitiam se obligat ad alendum, manet etiam obligatum ad expensas sepulturæ.

Quar. 20. An Novitiæ possint in mortis articulo profiteri intra annum probationis.

Resp. Posse, ut supra innuimus, *cap. 2. §. 6. q. 2.* dummodo sextumdecimum ætatis annum expleverint, quia hoc expressè mandatur in privilegio. Non per hoc monasterium succedit in dote, ut pariter dictum est *cap. 2. §. 5. q. 23.* & censuit Sac. Congreg. Concil. in una Ordinis S. Francisci Minor. observ. die 20. Martii, 1649. ad *cap. 15. sess. 25. de regular.* Atque adeo non tenetur ad suffragandum animæ Novitiæ defunctæ, neque ad orationes, & sacrificia, pro aliis monialibus fieri solitas; quia cum non sentiant commodum ex professione illa Novitiæ, neque incommodum sentire debent. *Caram. Theol. regular. nn. 464.*

Quar. 21. An Novitiæ gaudeant privilegio canonis, & fori.

Resp. Gaudere; quia in favorabilibus Novitius venit appellatione monachi, & quamvis sit tantum in via ad monachatum, reputatur tamen pro persona ecclesiastica, ut tenet *Gloss. in c. religioso §. quamvis de sent. excom. in 6.* ubi Gemin. & cæteri Canonistæ. Nec refragatur, quod Novitiæ possint redire ad sæculum; nam etiam clerici in minoribus redire possunt ad statum laicalem, & tamen quandiu in statu clericali vivunt, censentur personæ ecclesiasticæ. Hinc est quod Novitiæ ex receptissimo usu immunes sunt ab onere quoad personas, & quo ad bona, ut docent Molina cum aliis relatis a Pignateli. *tom. 4.*

consult. 119. nu. 6. Ubi ex probabiliore sententia extendit supradicta privilegia etiam ad Novitias impuberes, quia vere sunt Deo dicatæ, nam sunt acceptatæ ad religionem per legalem, & juridicam susceptionem habitus regularis, juxta morem, & præscriptum religionis. Atque adeo, licet non sint proprie Novitiæ, quatenus non sunt intra annum probationis, sunt tamen coaptatæ ad communicandum in habitu religioso.

Quar. 22. An Novitiæ gaudeant privilegiis religionis.

Resp. Gaudere; sunt enim etiam ipsæ pars, & membrum religionis, unde debent cum sua toto communicare: & si religionis sustinent onera, æquum est, ut sentiant etiam favores, & privilegia. Ita aliis relatis Diana p. 3. tr. 2. res. 73. contra Rodriq. & Portel. negantes gaudere privilegiis, quæ conceduntur religiosis professis, nisi id ipsum in concessione exprimat, uti de facto interdum exprimitur. Gaudere quoque religionis indulgentiis, sicut moniales professæ, tradunt Casarrub. Portel. & Rodriq.

§. V.

De Sacristana obligationibus, & Privilegiis.

Quar. 1. **A**N Sacristana peccet mortaliter, si negligat conservare lampadem accensam coram Sanctissimo.

Resp. Affirmative; quia eadem reverentia debet Eucharistia in ciborio custodiri, ac in sacrificio offerri, cum sit idem Corpus Christi, quod custoditur in cibario, & offertur in sacrificio. Si igitur peccaret gravi-

ter; ex communi Doctorum sententia, offerens Corpus Christi sine lumine in Missa, peccabit quoque graviter custodiens illud sine lampade accensa. In utroque enim casu laeditur maxime cultus divinus, Ecclesię consuetudo antiquissima, & lex canonica imposita in *cap. sane de celebr. Missar.* Quare cum cura, & obligatio, ut lampas semper colluceat coram Sanctissimo, Sacristanę mortali sit specialiter demandata, peccat mortaliter negligendo. Ita Quintanadv. Volpi. Gobat. & Diana *t. 2. in oper. coord. tract. 1. res. 154.* Ubi tamen a peccato gravi illam excusat, si per dimidiam, vel unam horam, aut etiam aliquid amplius lampas non ardeat ex negligentia.

Quar. 2. An Sacristana respondere possit in Missa, si adsit qui inserviat Sacerdoti, respondere tamen non calleat.

Resp. Ex Layman, Lugo, Martinon. & Dicastil. quos refert, & sequitur Pasqualigus, *de Sacrif. nov. leg. q. 343. n. 5.* respondere posse de longe, quia in hoc non pręstat proprie ministerium circa altare, quod est prohibitum in *c. Sacratas dist. 23. & c. inhabendum de cohabit. cler. & mulier.* sed se habet in respondendo tanquam populus assistens Missę.

Quar. 3. An Sacristana possit colloqui cum Capellanis, aut Concionatoribus suę Ecclesię inservientibus.

Resp. Posse in his tantum, quę pertinent ad suum officium; concesso enim exercitio sui muneris, conceditur etiam totum id, quod pertinet ad huiusmodi muneris exercitium, *l. 2. ff. de jurisd. omn.* In reliquis vero ipsi quoque est interdictum colloquium, cum nulla suppetat ratio, quę eam a generali pro-

prohibitione excludat. Unde Sac. Congregatio, ad tollendam Sacristanæ quancunque occasione colloquendi cum extraneis, præcepit, ut rota, seu fenestella, ex qua exponuntur sacræ vestes ad usum Sacrificii Missæ, duplici clave obseretur, quarum altera sit penes Abbatissam, altera apud Confessarium. Nald. *verbo monialis* n. 10. Tum ut clavis fenestellæ, ex qua moniales sumunt Sacram Communionem, perpetuo maneat apud Confessarium. Gavant. *in manual. v. monialium Ecclesia* n. 7. Tum ne moniales possint habere ostium, per quod e propria clausura pateat accessus ad Ecclesiam earum exteriorem. Gregor. XIII. *Constit.* 8. Tum ne permittatur in earum Ecclesiis a personis sæcularibus cantus simplex, vel figuratus. Barb. *de jur. Eccles. lib. 1. cap. 44.* nu. 6. multo minus accessus sæcularium sub prætextu docendi eas sonum cybalorum, vel alterius instrumenti, aut etiam musicam, vel cantum, etiam ad crates, idem *loc. cit.* n. 62. Neque ut ibi instituantur Confraternitates laicorum. Sac. Congreg. 6. Novemb. 1595.

Quar. 4. An peccet mortaliter Sacristana admittens in sua Ecclesia præter proprios Capellanos alios Sacerdotes ad celebrandum contra Superioris prohibitionem.

Resp. Si nulla sit imposita gravis poena, & aliæ non concurrant circumstantiæ, venialiter tantum peccare, quia cum simplex prohibitio sit indifferens ad obligandum sub mortali, vel sub veniali, dicendum est sub veniali tantum obligare. Sanchez, & aliis relatis *in decal. lib. 6. cap. 4. num. 26.* nam sumenda est illa interpretatio, qua efficitur, ut quis minus obligetur, ex *l. si peculium §. sicut ff. de pecul.* & notant Cravet. Paris. & Menoch. Si vero

prohibitioni sit addita gravis poena, v. gr. major excommunicatio ipso facto incurrenda, tunc censeo mortaliter peccare, quia additio talis poenæ ostendit, mentem Superioris esse obligare sub gravi, nam excommunicatio major nunquam imponitur, nisi ob peccatum mortale. Neque excusari potest ex eo, quod in una, vel altera admissione nulla adsint inconvenientia, quia satis est, quod frequenter adsint: horum nanque frequens periculum præstendit Superior suo præcepto remove.

Quar. 5. An peccet Sacristana admittens Sacerdotes advenas, & peregrinos sine literis testimonialibus ad celebrandum.

Resp. Graviter peccare, quia exponit se periculo admittendi, qui non debet admitti, & suo modo cooperatur peccato admissi. Pasqualig. *de Sacrif. nov. leg.* q. 366. n. 2. Ubi addit, hoc non habere locum, dummodo aliud non obstat, si Sacristana cognoscat personam, & sciat talis esse conditionis, quod non celebraret, si alias haberet aliquod impedimentum.

Quar. 6. An Sacristana monasterii Regularibus subiecti peccet admittendo Sacerdotes advenas ad celebrandum cum literis quidem testimonialibus, sed non recognitis ab Episcopo, si hoc ab ipso monialibus etiam exemptis prohibeatur.

Resp. Non peccare, sustinere debent Doctores asserentes non posse Episcopum præcipere Regularibus, ne admittant, quia præceptum dirigi solum potest ad subditos, & pro locis subiectis, *c. ut animarum de const. in 6.* Regulares autem exempti, & eorum Ecclesiæ non subijciuntur Episcopis. Quæ ratio militat etiam pro monialibus regularibus subiectis, cum fruantur suorum Ordinum privilegiis.

Op.

Oppositum tamen sustinendum ex Sac. Congregat. in Bononien. 2. Julii 1620. quæ respondit: *Non licere Regularibus in suis Ecclesiis admittere presbyteros saculares contra prohibitionem Illust. Archiepiscopi.*

Quar. 7. An peccet Sacristana exponendo Capellanis celebraturis vestes sacras laceras, aut immundas.

Resp. Peccare, & quidem mortaliter, si notabiliter sint immundæ, aut laceræ. Desumitur ex Stephano Papa relato in *c. Vestimenta de consecrat. dist. 1.* ibi, *Vestimenta Ecclesiastica, quibus Domino demonstratur, & sacra debent esse, & honesta.* In eo autem consistit honestas ipsorum quod sint decentiæ pro functione, cui debent inservire; non sunt autem decentiæ, si sint lacera, vel immunda. Quod expressius habetur Innoc. III. in Conc. Lateran. relato in *cap. 2. de custod. Euchar.* ubi præcipit, vestimenta &c. munda, & nitida conservari, reddens rationem: *Nimis enim videtur absurdum in sacris sordes negligere, quæ dedecerent etiam in profanis.* Hanc sententiam sustinent Suar. Facund. & alii.

Quar. 8. Quandonam vestes sacræ censendæ sint notabiliter laceræ, aut immundæ.

Resp. Non posse certam regulam defini: sed hoc prudentis arbitrio esse relinquendum. Censet tamen Palqual. de *Sacrif. nov. leg. 9. 185. n. 5.* tunc esse notabiliter immundas, aut laceras, quando si tales essent vestes communes, virum nobilem dedecerent. Et subdit, quod in judicando, quando sint, vel non sint notabiliter laceræ, aut immundæ, habenda est ratio qualitatis Ecclesiæ, pro qua inserviunt; nam quæ tales erunt respectu Ecclesiæ, in qua nobiliori modo tractari

solet cultus divinus, non erunt tales respectu Ecclesiæ pauperis, respectu cuius immunditia & attritio magis conspicua esse debet. Adver- tit insuper, quod, quam difficile est, in hac materia mortaliter peccare, tam facile est peccare venialiter; quia quælibet indecen- tia, quæ insurgat ex vestibus immundis, aut laceris, sufficit pro veniali peccato.

Quar. 9. An Sacristana peccet converten- do vestes sacras in usus prophanos, dum re- tinent propriam formam.

Resp. Peccare, ex Pasqual. *loc. cit. qu. 82 r.* Quando enim res sacræ convertuntur in usus prophanos, suo modo violantur, & fit Deo injuria, & ideo tanquam violatæ remanent in- decentes respectu cultus divini. Hinc peccati quoque est damnaanda, si prædictas vestes con- cedat pro recitatione alicujus comædiæ sacræ a monialibus in monasterio repræsentandæ. Quia, licet comædiæ argumentum sit sacrum, & in loco religioso recitetur, ipsa tamen reci- ratio est prophana, atque adeo dictarum vestium violativa, unde excluditur hujusmodi usus. Ve- rum excusari in hoc casu a peccato docet Di- castillus *tr. 5. de Sacram. disp. 4. dub. 11. n. 231.*

Quar. 10. An supellectilem sacram possit convertere in usus prophanos, postquam amisit formam.

Resp. Posse; quia tota exigentia reveren- tiæ, quæ ipsi debetur; fundatur in eo, quod sit sacra, mediante benedictione: ergo, ces- sante benedictione, cessat etiam reverentiæ exigentia; cessat autem benedictio, & san- ctificatio, dum destruitur forma, & ideo disponi potest de materia, ac si nunquam fuisset materia rei sacræ. Nihilominus, quam- vis non sit necessarium, quod vestes sacræ,
amis-

amissa consecratione comburantur, sed possint in prophanum usum converti, decentissimum est comburi, quia Sacri Canones hoc ipsum præscribunt de convenientia. Pasqual. loc. cit. q. 834. n. 9.

Quar. 11. An peccet Sacristana, si vestes & alias supellestiles sacras non pretiosas, dum amiserunt formam, vendat, & commutet, ut de melioribus provideat.

Resp. Ex Lopez, & Manuel, quos refert, sed non sequitur Sanch. lib. 7. c. 19. n. 67. non peccare, quia talis venditio, aut commutatio non habet propriam distractionis, aut consumptionis rationem, cum nullam inde jacturam patiatur Conventus, imo melioretur: unde potest rationabiliter supponi interpretativa Superioris licentia. Hoc tamen non admittit Bordonus in iis Conventibus, in quibus practicitur licentia formalis, & expressa.

Quar. 12. An Sacristana possit tangere calices, corporalia, &c.

Resp. Posse; quia peccatum veniale quod alias committeretur, ex necessitate officii, ratione cujus mutare debet dicta vasa, & corporalia, quod sine tactu non potest præstare: unde consurgit tangendi rationabilis causa. Ita in terminis Pasqual. loc. cit. q. 839. nn. 9. ubi adducit Quintanad. & Suarez. Cessatque omnis dubitatio attento Privilegio Sixti IV. Ordini S. Augustini Congregationis Lombardix concessio, in quo indulgetur, quod omnes laici professi, dum Sacristarum officium exercent, possint tangere calices, patenas &c. Poterunt igitur & moniales, cum & ipsæ gaudeant Regularium privilegiis etiam per viam communicationis, ut dictum est suo loco, licet

Epif.

Episcopis sint subjectæ. Hinc est, quod etiam possint lavare corporalia, & purificatoria, quod debet intelligi de corporalibus, & purificatoriis inservientibus propriæ Ecclesiæ, quia privilegium est concessum ratione officii, & officium tale non exercetur, nisi ratione propriæ Ecclesiæ.

Quar. 13. An peccet Sacristana, si aquam, in qua primum lavantur corporalia, & purificatoria, non projiciat in sacrarium.

Resp. Non peccare, secluso contemptu, & dummodo in decenti loco projiciatur. Ita Ludovic. a S. Joan. in *sum. q. 11. de Euchar. ar. 2. dub. 1. diffc. 4. app. 1.* Nam circa hoc nullum adest præceptum, cum Canon. *Nemo per ignorantiam de consecr. dist. 1.* quoad hanc partem locationis sit solum directivus, & ideo solum servari debet, quod exigitur ex natura rei, nempe ut non projiciatur in loco immundo.

Quar. 14. An Sacristanæ liceat in die festo lavare vasa sacra, purificatoria, & alia hujusmodi pro notabili tempore alias sufficienti ad peccatum mortale.

Resp. Licere; quia quamvis lavare de se sit opus servile, dum tamen versatur circa rem sacram, desinit esse servile, nam pertinet ad munus personæ Deo dicatæ, quatenus talis est, persona autem Deo dicata, quatenus talis est, non est destinata opere servili. Item potest ornare templum, verrere illud, & conficere hostias pro Missis celebrandis, quoties ex causa justa non potuerunt prædicta opera præveniri. Cajet. 2. 2. q. 122. art. 4. & in *sum. v. festorum violatio*. Ubi addit, posse prædicta fieri in die festo, licet ex negligentia non fuerint facta pridie festi, quia jam sunt necessaria in die festo. Hæc autem negligentia raro,

aut

aut nunquam erit peccatum mortale, sed ad summum veniale, quando Sacristana putans bona fide posse fieri in festis, relinquit ea nunc facienda. Sanch. *tom. 2. Conf. lib. 5. cap. 2. dub. 23. nu. 4.* cum aliis a se consultis.

Quar. 15. An Sacristana per notabilem diei partem vacans ornatui Ecclesiæ excusetur a jejunio.

Resp. Excusari. Ita Bassæus, Bonac. Trulenc. & Molfesius, qui expresse loquitur de religiosis *part. 1. sum. trakt. 10. cap. 4. n. 42.* & ratio est, quia labor, quem subit, notabilis est; nam huc, & illuc discurrendo, portando ornamenta, & alia hujusmodi exercendo fatigatur: unde labor ipse æquiparari potest labori artificum; qui ratione artificii excusantur a jejunio. Et hæc excusatio extenditur etiam ad jejunia præscripta sub mortali in regula. Nam, ut diximus *cap. 8. §. 4. q. 9.* cum Doctoribus, jejunium regulæ obligat ad instar præcepti ecclesiastici, unde cessat obligatio ipsius ex iisdem causis, ex quibus cessat obligatio præcepti Ecclesiæ, & proinde etiam ratione laboris. Quod si nihilominus jejunium velit servare, potest illi largior collatiuncula indulgeri. Pasqual. *de jejun. decis. 312. n. 2.*

Quar. 16. An possit aliquid dare proprio Ordinario occasione suarum festivitatum.

Resp. Negant Berti, & Hieronymus Sorbo, concedit Valerius *in suis differ. utriusq. fori v. munera n. 81.* quia Bùlla prohibens largitionem munerum intelligit, quando darentur pro pretio rerum spiritualium, non autem si dentur in quandam remunerationem incommodi suscepti, & honoris præstiti.

Quar. 17. An non obstante prohibitionem quod nihil donetur extraneis occasione festivitatis.

Vitatum, professionis &c. possit Sacristana aliquid largiri Capellanis, aliisque Ecclesiæ inservientibus.

Resp. Quod sic. Ita Valer. *loc. cit.* n. 82. quia hæc non tam sunt munera, quam onera; sunt enim loco competentis salarii, salaria enim sunt communiter tenuiora, & habito respectu ad prædicta munera acceptantur per Capellanos, alias sine ipsis muneribus non acceptarentur. Adde quod donatio facta occasione festivitatum, professionis &c. est donatio ob causam, & in remunerationem majoris laboris, quem subeunt: unde hæc non cadit sub prohibitione, quia donatione simpliciter prohibita, non prohibetur remuneratoria. Bald. *in authent. ex testamento, Cod. de collat.* quem sequuntur ibi Corn. & Rom.

Quar. 18. An liceat Sacristanæ in illis diebus, in quibus habentur generales confessiones, prandium ministrare Confessario in Sacristia.

Resp. De Confessario regulari extat decretum Sac. Congreg. 13. *Septembris* 1583. in quo prohibetur, quod nemo Regularium, quacunque de causa, comedat, aut refectiorem corporalem sumat in locis ubi sunt crates, vel rotæ in monasterium correspondentes, vel in locis adeo vicinis, ut videri, vel audiri possit a monialibus; neque ante portam clausuræ eadem refectio corporalis permittatur, multo minus intra clausuram, etiam si Superiores Ordinum essent. Et tunc tantummodo indulgetur refectio in prædictis diebus, quando Confessarii habitatio, aut virorum domus, aut monasterium, in quo, a monialium, seu sororum monasterio, vel domo nimium distat. *Quæ omnia*

omnia militant etiam quoad Confessarios seculares, cum decreti finis, qui est occurrere scandalis, quæ contingere possunt, etiam ipsos comprehendat.

§. VI.

De Infirmarum obligationibus, & Privilegiis.

Quæst. 1. **A**N monialis infirma teneatur jussis medici obtemperare.

Resp. Salas de legibus relatus a Diana in opere coord. r. 8. res. 1. n. 3. putat, teneri sub mortali, quia quilibet infirmus tenetur ad omnia simpliciter ob conservationem suæ salutis necessaria, cum nemo sit dominus sui corporis: unde quidquid a medico præscribitur tanquam necessarium ad salutem, tenetur exequi. Oppositum sustinet Durandus in c. omnis utriusque sexus tom. 2. disp. 25. sect. 3. n. 3. asserens, quod quamvis bonum sit medicis fidem adhibere, quia unicuique experto in propria arte credendum est; nihilominus non tenetur infirma obedire medico ex præcepto, quoniam non est ipsius Prælatus. Hinc deducit, quod quamvis medicus decernat secundum regulas artis necessariam esse infirmæ ad conservationem vitæ sectionem membri, si tamen ex causa talis sectionis essent ingentes cruciatus tolerandi, potest infirma sectionem recusare, esto ex ejusdem omissione credat certo se morituram; si quidem nemo tenetur cum tanto cruciatu vitam suam servare, ut habetur ex Azor. Less. Molfes. & Diana, qui tamen id limitant non procedere, quando medici judicarent sectionem esse necessariam ad vitæ conservationem, nec magnos dolores esse per-

perferendos; in hoc casu teneretur ipsis parere, non distincto præcepto obedientiæ, sed tantum præcepto, quo quisque adstringitur propriam vitam conservare.

Quar. 2. An monialis cancro, vel alio morbo gravissimo in verendis laborans, teneatur chirurgi curam subire.

Resp. Non teneri. Tum quia nemo tenetur admittere curationem, a qua non minus abhorret quam ab ipso morbo, vel morte. Tum quia cum pudicitia sit grande bonum, potest illam vitæ præferre, licet etiam possit sine peccato curationem permittere, quamvis prævideat ex contactu parvos aliquos motus suborituros; isti enim sunt plane involuntarii, & contactus moraliter honestus; quia cum fiat causa medendi, est consentaneus rectæ rationi. Ita Navar. Sà, Lessi. & alii relati a Diana in opere coord. t. 8. *res. 2.* ubi addit, quod si medicamenta possent adhiberi a sceminis, tunc utique teneretur monialis illa sufferre, & verenda prædictis foemini ostendere; nam cessant in hoc casu rationes pro affirmativa sententia adductæ, scilicet ratio verecundiæ, & periculum motus sensualis, qui a chirurgi contactu posset oriri.

Quar. 3. An peccet monialis, quæ respuit humanum remedium, quod facile haberi potest, soli se Divinæ Providentiæ committens.

Resp. Peccare, quia graviter delinquit contra præceptum. *Non tentabis Dominum Deum tuum*; Deum enim tentat, qui habens quod faciat, sine ratione exponit se periculo, experiens utrum liberari possit a Deo. Ita D. Tho. 2. 2. *quæst. 97. art. 1.* & Cajetan. ibi, limitans, quod si citra mortis periculum respuatur medicina ad experiendos dolores, & sustinenda incommoda ob carnis mortificationem, &

Jesu Christi Passionis participationem, tunc laudabile est & meritorium.

Quar. 4. An possit respuere ad abbreviandam vitam, ut citius ab hujus vitæ ærumnis sit libera.

Resp. Non posse; quia præsentium ærumnarum evasio non est bonum tanti momenti, quod bono vitæ valeat comparari, multo minus rationabiliter anteferri. Ita Victor. Ledes. & alii apud Sanch. *Opusc. lib. 5. c. 1. dub. 33. n. 9.* Quousque igitur adest spes vitæ, non potest medicamenta respuere, quia nemo est dominus suæ vitæ. Non per hoc tamen, ut bene advertit Duard. *loc. cit. n. 6.* debet monialis, plusquam par est, esse sollicita, ut advocentur insignes medici, & pharmaca subministrentur pretiosa, quia hoc esset in grave monasterii damnum, & voti paupertatis detrimentum, eo vel maxime, si monialis infirma talis esset, quæ, si moraretur in sæculo, ad suas infirmitates vix ordinarium medicum adhiberet.

Quar. 5. An monialis infirma laborans siti maxima in febris accessu peccet, si bibat.

Resp. Si non advertat potum esse nociturum, vel si advertens putet, quod ex illo non eveniet nisi dolor aliquis capitis, vel molestior tantum febris, non peccat mortaliter, parvitate nocumenti excusante. Ita cum Navarro, & Cajetano, Sanch. *loc. cit. n. 7. & 8.* Mortaliter vero peccaret, si evidens mortis periculum consurgeret, vel infirmitas per longum tempus protraheretur cum gravi monialium incommodo, & monasterii detrimento.

Quar. 6. An, & quando monialis infirma excusetur a recitatione Officii.

Resp. Excusari, si ita laborat, ut non possit sine gravi incommodo, aut damno Officium

ficiū recitare; secus si ægrotudo sit levis, neque ullum, aut saltem leve incommodum allatura. Ita communiter Doctores. In dubio standum est iudicio medici, non quia medicus dispenset in obligatione, sed quia declarat morbi gravitatem, qua posita, ex se ipsa cessat obligatio. Quod si contingat, ut etiam medicus de huiusmodi gravitate sit dubius, vel simpliciter conveniri non possit, obligari ægrotam ad horas canonicas tradit Suarez, quia obligatio recitandi horas canonicas est certa, dubia autem excusatio. At ab omni onere eam liberat Bonac. *de Hor. can. disp. 1. q. 6. punct. 2. n. 5.* quia licet sit dubium an nocitura sit illa recitatio, tamen periculum quod sit nocitura certum est. Quoniam ergo possessio quam habet homo, non se exponendi periculo gravi, est prior præcepto recitationis Officii, illa prævalet, & excusat. Sed multo tutius est in tali casu consulere Abbatissam, quæ ex vi privilegii ministerialiter dispenset.

Quar. 7. An, si infirma possit insumere, & de facto insumat bonam diei partem familiariter colloquendo, aut libros recreationis causa lectitando, vel acupingendo, debeat inferri, quod etiam possit Officiū recitare.

Resp. Cum Baldel. *tom. 2. lib. 3. disp. 37. num. 16.* negative. Illa si quidem non requirunt serietatem, & attentionem, sed potius animum recreant: unde non possunt morbum gravare; e contra vero res seria est oratio, & recitatio, & ex sui natura animum colligit, molestiam adducit, & mentem gravat. Neque ex eo quod morbus aliquis, v. g. febris jam cessavit, statim ad horas canonicas obligari debet infirma, si potest timeri ne morbus iterum revalescat, vel adhuc remaneat

neat virium debilitas ex præcedenti morbo relicta; nam debilitas illa infirmitas quædam est, & excusat.

Quar. 8. An dolores, & ægritudines, quæ certis temporum intervallis recurrunt, & non durant tota die, ut est febris quartana, aut tertiana levis, ab horis canonicis simpliciter excusent.

Resp. Non excusare, quia illarum recitatio potest, immo debet anticipari, aut postponi pro aliis partibus diei, quibus ægritudo non urget. Ita Doctores relati a Baldel. *loc. cit.* n. 19. Quod intelligendum semper est, dummodo anticipatio, aut postpositio nocere non possint vel accessioni superventuræ, vel debilitati a præterita febre relicte: qua in re si infirma sit dubia, medicum consulat, & quiescat.

Quar. 9. An monialis infirma, quæ non potest recitare Matutinum, & Laudes, dubitat autem, an possit reliquas horas, teneatur ad illas.

Resp. Si vere dubia sit an possit, dicendum est de parte, quod superius diximus de toto Officio. Quod si certo constet, ægotam posse sine gravi incommodo recitare aliquas horas, tenetur ad illas. Ratio est, quia materia præcepti indicentis horas canonicas est divisibilis: unde etiam præceptum ipsum est divisibile; atque adeo qui non potest implere majorem partem præcepti, tenetur ad minorem, quam potest. Neque subsistit, quod major pars trahit ad se minorem, & per consequens si desit potentia ad majorem Officii partem, cesset obligatio ad reliquam, ad quam forte est potentia. Hæc enim doctrina remanet proscripta in propositione 54. inter damnatas ab Innocentio XI.

Ve.

Verum tamen est, quod si infirmitas impediatur indefinite divinum Officium, ut est febris gravis, vel aliquid simile, non est scrupulose inquirendum, an possit infirma unam, vel alteram horam legere, ut notat Suarez *t. 2. de Relig. tract. 1. lib. 3. cap. 28. nu. 27.* quia excusatio ex se indefinita æquivaleret universali, ita enim consuetudo hanc legem interpretatur. Et fortasse ratio est, quia est valde difficile in hujusmodi occasionibus attingere punctum in judicando, quid possit homo dicere, vel non dicere sine gravi incommodo; & ideo satis esse creditur, quod Officium ipsum dici non possit sine notabili damno.

Quar. 10. An infirma, quæ ex se quidem totum non potest Officium legere, potest autem cum socia, teneatur, vel sociam quærere, vel admittere si se offerat. Ad neutrum teneri, tradit Diana in opere coord. *t. 3. tr. 6. ref. 97. n. 3.* Quia recitare cum socia, privilegium, & favor est, quo non uti libere potest, alioquin, cōtra commune axioma, favor in gravamen verteretur.

Quar. 11. An monialis postquam febris, aut alia infirmitas illam deseruit, possit Officium prætermittere, dum convalescit.

Resp. Posse; quia imbecillitas a morbo relicta, reputatur infirmitas, & Ecclesia, quæ est pia mater, vult ægris requiem aliquam indulgere. Ita Trullen. & aliis relatis Sanch. *tom. 2. conf. lib. 7. cap. 2. dub. 45. nu. 5.* Per quot autem dies possit ab Officio vacare, non potest statui certa regula: nam ex majori, vel minori morbi præteriti duratione, aut vehementia, validiori, aut graciliori complexione, ætate vivida, vel senili, potest remanere in moniali major imbecillitas, ratione cujus debeat major, vel minor vacatio ab

Offi.

Officii recitatione indulgeri. Unde standum est prudentis arbitrio.

Quar. 12. An postquam convaluit, possit diebus non impeditis in privata recitatione legere Officium de Sanctis duplicibus, aut semiduplicibus tempore infirmitatis omissis.

Resp. Videri, quod sic, per ea, quæ tradit Quintanad. *tract. 8. singul. 9. n. 2.* Ubi licet loquatur de Officio omissio ex errore, vel oblivione, attamen, ut observat Lugo in *resp. moral. lib. 5. dub. 8. n. 8.* etiam de impedimento orto ex infirmitate concludunt rationes ab ipso adductæ. Quarum prima est, quod tunc transfertur e proprio die in alium diem non impeditum Officium duplex, aut semiduplex, quando proprius dies est impeditus; cum igitur dies proprii Officiorum duplicium, vel semiduplicium in præsentī casu fuerint ab infirmitate impediti, poterunt eadem Officia in alios dies non impeditos transferri, atque adeo extra convalescentiam recitari. Secunda; Jure suo nemo privandus est absque culpa sua, *l. crimen, ff. de pænis l. sancimus, Cod. eod. tit. cap. ad fin. de his quæ fiunt, &c.* Sed Sanctus, & recitans jus possident, ut de tali festo recitetur semel in anno; ergo hoc jure non debent privari ratione infirmitatis quæ illorum non fuit culpa. Tertia; Vulgata juris regula est, quod impedito non currit tempus. Cum igitur ratione infirmitatis fuerit impeditus dies festivitatis illius Sancti, perinde est ac si proprius ejus dies non pertransisset: & die non impedito poterit recitari. Neque ex hoc sequitur, ait idem Auctor, quod posset etiam monialis recitare Officium Paschatis, si eo die fuisset infirma. Nam non transfertur Officium Paschatis, sicuti transfertur Officium de duplici, aut semiduplici, & ideo

ideo si illud non est recitatum proprio die, est omnino omittendum, & sic dicendum de Officiis aliarum solemnitarum, quæ translationi non subjacent.

Verum oppositam sententiam absolute sustineo cum Lugo *loc. cit.* qui prædictam opinionem rejicit tanquam singularem. Ratio est, quia rubrica de translatione festorum non loquitur universaliter de omni impedimento, sed solum quando dies impeditur Officio Dominicæ, vel festi, aut feriæ privilegiatæ tunc occurrentis. Adeoque concedit, imo & præcipit tantum hujusmodi translationem, quando impedimentum se tenet ex parte diei, non vero ex parte recitantis, pro ut in casu.

Quod pariter suadetur, quia ritus divini Officii recitandi non debet esse privatus, & proprius singulis personis, sed publicus, & communis toti communitati, vel Ecclesiæ, ad quam pertinent recitantes; atque adeo singuli debent semper Officium illud recitare, quod recitatur a tota communitate, vel Ecclesia, ad quam spectant, non solum in recitatione publica, sed etiam in recitatione privata, quia uti singuli sunt partes illius communitatis, vel Ecclesiæ, cui proinde debent conformari; nam turpis est pars, quæ non congruit cum suo toto, *cap. 2. dist. 8. & cap. 2. de sponsal. §. partes civitatis*, & docet Navar. *com. 2. de regul. num. 63.*

Quar. 13. An moniales infirmæ excusentur a jejuniis tam Ecclesiæ, quam regulæ.

Resp. Excusari ex communi Doctorum sententia, ita Ecclesiæ legem, & præceptum regulæ interpretante; idque habere locum, etiam si infirmitas ex propria culpa contigerit, quacunque enim ex causa proveniat, semper corpus est tale, ut castigatio ipsius per jeju-

jejunium semper evadat irrationabilis, & indiscreta. Ita Major, Palud. & Sanch. Sub nomine infirmarum veniunt etiam illæ, quæ licet nullo actuali morbo laborent, sunt tamen complexionis male affectæ, & proinde etiam istæ a jejunio excusantur, non solum quia tenentur morbum præcavere, sed etiam quia illa prava affectio æquiparatur morbo continuo. Pasqualig. *de jejun. decis. 261. n. 7.*

Quar. 14. Quanta debeat esse infirmitas, ut censeatur cessare obligatio jejunandi.

Resp. Communiter Doctores hoc remittunt prudentis judicio. Sed hæc responsio difficultatem non tollit; semper enim dubitare potest Confessarius, an nimis laxe se gerat, vel nimis rigide? ideo tradenda regula est, secundum quam prudenter valeat judicare. Censeo itaque, tunc morbum, aut debilitatem ex convalescentia eximere a jejunio, quando impedit consuetas functiones; tunc enim morbus, aut debilitas sunt alicujus considerationis, & ideo est habenda ratio ipsorum, nec corpus ulteriori afflictione debilitandum. Hoc autem impedimentum non debet necessario esse tale, ut absolute impediat, sed sufficit quomodocunque impediat. Ita Pasqual. *loc. cit. num. 5.* qui etiam tradit *decis. 256. num. 9.* quod si quæ ex aliqua infirmitate sit adeo debilitata, ut remaneat in statu simili senectuti, ita ut fiat in ipsa continua virium, & roboris naturalis diminutio, libera sit ab onere jejunii; sicuti enim ex morbo status senectutis, ita etiam anticipat exemptio a jejunio.

Quar. 15. An monialis infirma, ob vincendas carnis tentationes ad incontinentiam graviter illam extimulantes, teneatur jejunare, etiam si prævideat ob jejunium futurum

Confess. Monial.

T rani

ram diuturniorem infirmitatem maximo cum monasterii dispendio.

Resp. Affirmantem sententiam suaderi posse ex Fervend. in *Exam. Theol.* p. 4. c. 12. §. 6. n. 1. quia juxta charitatis ordinem docemur spiritualia corporalibus anteferre. Unde damnum, quod ex diuturniori infirmitate sequitur monasterio, sequitur per accidens, nam per se intenditur majus bonum. Contrarium tamen desumitur ex Homobono in *Exam. eccles. par. 2. tract. 8. cap. 7. q. 17.* Quia ad vincendas tentationes alia occurrunt remedia, orationes videlicet, Sacramentorum frequentia, piæ adhortationes, & his similia. Ista igitur adhibeat, & tantæ jacturæ monasterium non exponat.

Quer. 16. An laborantes feбри tertiana, vel quartana, præcipiente Medico ne coenent, ut dicta morbus vincatur, peccent contra præceptum jejunii, si comedant.

Resp. Contra præceptum jejunii non peccare, quia tradit ex Sanchez Pasqual. quia morbus est talis, ut de se liberet a jejunio; affligit enim, & debilitat corpus, & consequenter incapax efficitur obligationis jejunandi. Peccare tamen contra naturale præceptum temperantiæ, notat Sanch. atque ad eo aut venialiter, aut mortaliter juxta quantitatem damni, quod inde sequitur.

Quer. 17. An, & quando moniales infirmæ excusentur ab audienda Missa.

Resp. Non tam facile moniales ab audienda Missa excusari, quia intra monasterium audire possunt, & proinde habent faciliorem accessum. Pasqual. de *sacris. nov. leg. q. 1327. num. 5.* Nihilominus non tam decumbentes in lecto, quam illas etiam, quæ adire Ecclesiam non possunt sine probabili salutis detri-

detrimento, eximunt communiter Doctores. Quanta vero debeat esse infirmitas, ut excuset, aut quantum nocumentum, quod timetur, videtur posse constitui hæc regula, ut nimirum, quando infirmitas impedit consueta exercitia, aut egressum e cubiculo, ita ut hoc existimetur congruere in ordine ad curam infirmitatis, & ad salutem corporalem, afferat etiam sufficientem excusationem in ordine ad audientiam Missam, attenta semper diversitate complexionis, & qualitate personæ. Hinc convalescentes, & debiles de facili possunt excusari, præsertim hyemis tempore, & quando aeris intemperies nocere potest capiti; ut notant Præpositus, & alii, relati a Pasqual. *loc. cit.* ubi idem concludit de senibus, si tales sint, ut debilibus valeant comparari. In dubio standum est iudicio Medici. Addunt tamen Leander, & Garzia, quod manente dubio, possunt illud practice deponere, & ab auditione Missæ abstinere. Laborantes febricitantia aut quartana, non dubito, quoad illos dies, in quibus febris corripitur, excusari; in reliquis vero diebus considerata est ipsarum complexio, & quomodo remaneant affectæ ex præcedenti febre, & secundum hoc judicandum ut supra; regulariter puto non excusari.

Quar. 18. An liceat monialibus infirmis celebrare facere super Altari portatili in suis cellis vel devotionis gratia, vel ad satisfaciendum præcepto in diebus festis.

Resp. Affirmat Pasqual. in *decis. Moral. dec. 176. nu. 3.* Superioris tamen, ad quem spectat, obtenta licentia pro sacerdote celebraturo ingrediendi clausuram. Fundatur in Privilegio Pii IV. Canonicis Regularibus Sancti Salvatoris concessio *sub die 18. Maii*

anno 1565. & licet hoc limitet ad illas tantum moniales, quæ vivunt sub eodem ipsorum Regularium regimine, & Instituto, nihilominus *dec. 178.* extendit etiam ad quascunque moniales subjectas Regularibus communicantibus in privilegiis. At hæc opinio est rejicienda, prout postea illam rejecit idem Pasqual. in opere *de sacrif. nov. leg. q. 480. n. 3.* Quia per Bullam Gregorii XIII. circa clausuram monialium, quæ est 28. *eiusdem Pontificis, c. 2. Bullar.* statuitur; quod urgentibus tantum necessitatibus possit concedi licentia ingrediendi monasteria. Unde cum usus prædicti privilegii dependeat ex una parte a relaxatione legis clausuræ; & ex alia pro celebranda Missa in cubiculis infirmarum non interveniat illa urgens necessitas, quæ requiritur a Gregorio ad concedendum ingressum, sequitur, quod non possit quoad moniales sortiri suum effectum.

Adde, quod Regularium privilegia celebrandi super altari portatili hodie sunt omnino adempta per nuperrimum Decretum Sac. Congregat. Concil. emanatum *sub die 15. Decembris 1703.* & publicatum *die 8. Januarii 1704.* Clemente XI. approbante. In quo decreto pariter declaratur, non licere Regularibus cujusvis Ordinis, & Instituti, seu Congregationis &c. aut aliis quibuscunque sacerdotibus, etiam si essent Episcopi, in Oratoriis privatis celebrare in diebus Paschatis, Sanctissimæ Resurrectionis, Pentecostes, Nativitatis Domini nostri Jesu Christi, aliisque anni festis solemnioribus, ac diebus in Indulto exceptis. In reliquis vero diebus prædictis Regularibus, seu Sacerdotibus quibuscunque, etiam Episcopis, in præfatis Oratoriis celebrare non licere, ubi etiam unica
 Mis-

Missa, quæ in Indulto conceditur, celebrata fuerit, atque illa etiam in casibus permissis celebrari nequeat post meridiem.

Quar. 19. An monialis infirma dubitans an teneatur recitare Officium, jejunare &c. teneatur obedire Abbatissæ præcipienti, ne Officium persolvat, ne jejuset &c.

Resp. Quod sic, ex Salas, Soto, & Lezana *t. 1. qq. Regular. c. 4. n. 28.* Quia in his casibus tenetur credere, quod præcipiendo illam rem dispenset ministerialiter in regula, in Officio &c. ac per consequens, quod potest dispensare, quod debeat ipsi se conformare. Idem dicendum, si esset dubia, an Abbatissa dispensaret ex justa causa. Ita Navar. & Less. apud Lezan. *l. c.*

Quar. 20. An moniales infirmæ, quæ non possunt Ecclesiam adire ad lucrandas indulgentias a Paulo V. Regularibus concessas, possint eas consequi in lecto.

Resp. Posse, dummodo agant aliquod opus pium arbitrio Confessarii imponendum. Ita Peyrin. *de Privileg. pag. 331.* ex declaratione Pauli V. Congregationis S. M. Fulien. anno 1609. ut habetur in *compend. suorum Privileg. infirmi.*

Quar. 21. An gravamen infirmitatis excuset monialem ab integritate materiali confessionis.

Resp. Si gravamen infirmitatis tale sit, ut continuata confessione periculum imminet moniali decedendi sine Sacramento, dubium non est excusari. Quare tunc Confessarius monere debet monialem, ut unum, aut alterum peccatum exponat, & absolutionem impendere; postea vero si tempus supersit, reliqua peccata audire. Si autem adsit tempus ad faciendam integram confes-

sionem, sed infirma ex illius continuatione notabiliter gravetur, excusari pariter tradunt Doctores infra citandi. Quia cum hoc Sacramentum sit pro charitate institutum, non debet contra charitatem converti; converteretur autem, si exigeretur confessionis integritas a moniali, dum sentit se in explicandis culpis gravari, & posset contingere, quod stante morbi angore, & proluxa confessionis gravamine, confessionem fastidiret, & pertasa prosequi nollet, aut, si prosequeretur, absque debita dispositione continuaret. Ita Sylvest. Sor. Palaus, & quatuordecim alii relati a Pasquali *de cas. occur. temp. mort. q. 134*. Ubi advertit, detrimentum, quod ex integra confessione potest monialis subire, considerandum esse secundum subjectam materiam, & proinde pro gravi habendum esse, quod in se leve est, & tale esset in sanis. Et ideo si in illis horis, in quibus ingravescit morbus, infirma ostendat gravari a confessione, absolvenda est, & in aliud tempus aliorum peccatorum explicatio differenda.

Quar. 12. An monialis periculoso morbo laborans, non tamen decumbens in lecto, neque viribus destituta, teneatur adire Ecclesiam ad sumendum viaticum, vel possit illi ministrari in sua cella.

Resp. Plurimum expedire moniali accedere ad sumendum viaticum in Ecclesia. Nam Ecclesia, ut habet Ugo Victorinus *de Sacram. lib. 2. part. 5. cap. 1*. est proprie locus, in quo dispensantur Sacramenta; & ex consecratione acquirit quandam virtutem spiritualem, per quam redditur apta divino cultui, ut homines ibi concipiant devotionem quandam, qua paratiores sint ad divina, ut ex D. Thom. *par. 3. q. 83. art. 3*. Unde valde conferret ad

excitandam devotionem monialis suscipientis viaticum, & ad uberiores fructus percipiendum, in Ecclesia illud suscipere. Quod etiam teneatur adire Ecclesiam, nec possit illi ministrari in sua cella, videtur esse secundum mentem Sac. Congregationis, quæ, ut notavimus supra cap. 6. §. 6. qu. 2. statuit, quod Confessarius non audeat ingredi monasterium ad excipiendam confessionem monialis infirmæ, quando hæc potest commode adire confessionale. Unde a pari neque poterit ingredi clausuram ad ministrandum viaticum dictæ moniali, quæ cum non decumbat in lecto, nec sit viribus destituta, potest commode adire Ecclesiam ad illud suscipiendum. Attamen attendendæ sunt circumstantiæ, conditio scilicet morbi, symptomata, quæ ex motu possunt oriri, & alia hujusmodi, & in tali casu judicandum an possit, vel non possit commode adire.

Quer. 23. An ad solandam devotionem monialis infirmæ, quæ ob aliquod impedimentum non potest sumere viaticum, possit ei deferri Eucharistia, ut adoretur.

Resp. Non posse, quia in sæpius repetita Gregorii XIII. Constitutione non permittitur Confessario ingressus in clausuram, nisi in casibus necessariis; in casu autem proposito nulla apparet necessitas. Quod si tunc temporis contingeret, Confessarium ingredi ad communicandam aliam monialem, neque in tali casu posset deferri Eucharistia adoranda prædictæ moniali, ut aperte statuitur in Rituali Romano Pauli V. tit. de comm. infirm. ibi: *Sed alicui adorandam solum, seu devotionis, seu cujusvis rei prætextu ad ostendendum non deferatur.* Et ita tenent Riccius, Barbosa, & alii relati a Pasqual. loc.

440 *De Infirmar. obligat. & Privil.*
cir. qu. 256. ubi fuisse decisum a Sac. Congregat. testatur ex Zerol. *in praxi Episc. p. 1. verbo Eucharistia §. 5.*

Quar. 24. An Confessarius in communione monialis infirmæ per modum viatici possit omittere verba præscripta in Rituali, *Accipe soror viaticum &c.* & uti verbis consuetis, *Corpus Domini, &c.*

Resp. Negant Tamburin. Quart. Cardinalis Brancat. & Clericat. de Euch. Sacram. *dec. 19. n. 12.* Ex quo enim verba illa præscripta sunt in Rituali, debent omnino servari. Nam Ritua-
le Romanum, quo ad ea, quæ in ipso præscribuntur, facit jus. Si quidem Pontifex in Bulla eidem Rituali præfixa exhibet, quæ in ipso præscribuntur, tanquam de Jure servanda, ut constat ex illis verbis *Inviolatè observent.* Tum quia prædicta verba sunt valde proficua ex opere operantis tanquam ordinata ab Ecclesia, movente, & docente illam Spiritu Sancto.

Verum Tonellius *in suo Enchir. tit. 1. c. 1. n. 6.* sustinet ex Pasqualigo, non solum posse Confessarium ea omittere, sed etiam aliquando debere, ut si monialis minus devote, & cum magno animi mœrore communionem per modum viatici sit receptura. Sufficit enim ad recipiendam communionem per modum viatici, quod morbus sit periculosus, & Eucharistiam recipiat, quia solus actus sumendi Eucharistiam cadit sub præcepto, pro quo implendo non requiritur intentio saltem actualis, sed sufficit interpretativa, quia actus semper præsumitur gestus ex causa magis necessaria, & urgentiori, ut notant communiter Doctores.

Neque ex eo quod prædicta verba sint in Rituali præscripta, inferitur, quod sint de jure servanda. Quia, ut bene advertebat Pignat.

z. 9. consult. 86. §. Neque, non omnia præscripta in Rituali cadunt sub præcepto, sed quædam præcipiuntur sub obligatione aliunde proveniente, quædam vero præscribuntur solummodo de decencia; nec authorizatio Summi Pontificis extrahit ea ab ordine suo, sed solum facit, quod intra ordinem suum recte procedant.

Quær. 25. An moniali infirmæ possit pluries ministrari viaticum.

Resp. Affirmant communiter Doctores; discrepant tamen in assignanda temporis distantia, quæ inter unam, & alteram sumptionem debet intercedere. Nam posse repeti viaticum post commissum peccatum mortale, docent Tabiena, & Armilla; post triginta dies, Navar. post octo, aut decem, Henric. & Suar. post sex, Possevinus, & Filliucius, post quatuor, Pasq. tertio quoque die, Ludovicus a S. Joanne cum Vasq. altero quoque die, Layman. Attendendam esse consuetudinem sustinent Caspensis, & Garzia. Placet sententia docens, posse ministrari singulis diebus; quia hoc non obstat neque ex parte juris, cum nullibi reperitur prohibitum, neque ex parte Sacramenti, cum hoc ex natura sua sit iterabile etiam singulis diebus, e contra vero maxime prodest ægroto; & proinde, cum simus in favorabilibus animæ, amplianda est ministratio quantum fieri potest, consequenter ad singulos dies. Maxime quia; cum hoc Sacramentum sit institutum per modum cibi spiritualis refocillantis animam augmento gratiæ, ad peccati pericula superanda, & ad fugandas in illo statu tentationes occurrentes, consentaneum est, quod, sicut quotidie anima in illis periculis versatur,

tur, ita quotidie subsidio, & ope ipsius roboretur. Unde hanc sententiam amplectuntur Palaus, Martinus à S. Josepho, Dicastil. & alii, quos refert, & laudat novissime Clericat. *loc. cit. nu. 11.*

Quar. 26. An in eadem infirmitate, variato tamen statu, possit moniali extrema Unctio pluries ministrari.

Resp. Affirmative cum D. Thom. communiter recepto in 4. dist. 23. qu. 2. art. 4. q. 2. Quia effectus Sacramenti non se extendit ultra ita-
tum periculosum morbi; unde, cessato priori periculo, & novo superveniente, potest repeti Sacramentum; nam adveniente novo periculo, nova quoque supervenit hujus Sacramenti indigentia. Neque ad hujusmodi repetitionem necesse est, vel quod infirmitas sit diuturna, qualis est paralytis, hydrops, aut Ethica, ut requirunt Durand. D. Antonin. & D. Bonavent. vel quod elabatur annus, ut vult Albert. vel saltem quod interruptio sit magna, ut Suarez, vel quod infirma nova commiserit peccata venialia, ut Paludan. sed sufficit, quod juxta peritorum judicium recedat prius periculum, & novum adveniat, sive longum, sive breve tempus intercesserit. Quia non tempus, sed imminens mortis periculum est fundamentum repetendi extremam Unctionem, ut tradunt Hugon. Hurtad. Gabriel. Tamburin. & alii apud Pasqual. *loc. cit. quæst. 434. num. 8.* Qui tamen *quæst. 435.* negat, posse repeti, si durante eodem periculo, novum cujuscunque generis superveniat, quia auxilia non dantur contra morbum corporalem, sed contra spirituale, qui non variatur ex variatione morbi corporalis, aut, si per accidens crescit, sufficiunt auxilia jam debita, quia dantur
juxta

juxta exigentiam, quæ contingit toto tempore morbi periculosi.

Quar. 27. An valeat legatum annuum relictum monialibus pro necessitatibus infirmarum, si moniales ex instituto solis elemosynis vivant.

Resp. Valere, tradunt Ananias, Rodriq. & Portel. in *dub. regul. v. legatum n. 7.* Quia legatum factum pro necessitatibus infirmarum, non monialibus proprie fit, sed loco pro infirmis deputato. Negat Sanch. in *sum. lib. 7. cap. 26. n. 47.* quia legatum hujusmodi tollit rigorosam mendicitatem, quam profitentur, cum deserviat pro necessariis infirmarum alimentis, & medicinis, quæ nomine alimentorum etiam comprehenduntur. Utranque opinionem probabilem putat Diana in *Opere coord. tom. 7. tr. 1. resol. 223.*

§. VII.

De Infirmaria obligationibus, &

Privilegiis.

Quar. 1. **Q**ua diligentia, & cura debeat Infirmaria vacare suo ministerio.

Resp. Teneri vacare ea diligentia, ac cura quam ministri infirmorum passim solent adhibere; ad insolitam & extraordinariam non teneri; quia talis præsumitur ejus intentio, dum suscipit tale munus, ne alioquin nimis se gravet, sibi met imponendo onera importabilia. Tum quia ubi agitur de obligatione, stricta adhibenda est interpretatio; unde etiam obligatio Infirmarie debet interpretari, ita ut obliget minus quam fieri possit, atque adeo non debet extendi nisi ad diligentiam communem, & ordinariam.

Quar. 2. In quibus præcipue Infirmaria possit peccare.

Resp. Ex Villalob. & Castropal. peccare mortaliter, quando, relictis remediis assignatis a Medico, aliis pro sua voluntate utitur, & aquam, aut vinum infirmis proponat, ut earum voluntati satisfaciat. Exponit enim infirmas absque ratione manifesto periculo moriendi, *saltem citius*. Item si tempus protrahendo pharmaco, vel cibo præscriptum a Medico, non servet, aut indigentis infirmarum non provideat, vel Abbatissam de prædictis indigentis non admoneat, si inde damnum, vel incommodum aliquod notabile infirmis emergat. Barchius. *de specul. Relig.* c. 25. Quia cum ratione muneris teneatur Medico obedire, & infirmis providere, est causa indirecta damni, vel incommodi, quod consequitur ex omissione.

Quar. 3. An Infirmaria teneatur cum periculo vitæ parere Abbatissæ præcipienti, ut monialibus contagioso morbo laborantibus inserviat.

Resp. Videri, quod non, ob rationem D. Th. 2. 2. q. 104. art. 5. Quia in pertinentibus ad corporis sustentationem omnes homines natura sunt pares. Nihilominus in contrarium facit, quod Superior potest præcipere omnes illos actus exteriores, necessarios ad commune illud bonum, cuius curam gerit, & tunc subditi etiam cum periculo vitæ tenentur obedire; sicut Rex pro civitatis defensione potest subditis præcipere præliationem, quæ semper est cum periculo vitæ. Tum quia male provisum esset in Religione fraternæ charitati, si tempore contagiosæ infirmitatis possent sanæ se subtrahere, deser-

desertis infirmis sine remediis, & servitute. Ita Cajet. Rodriq. Peyrin. & Sanch. in *decal. lib. 6. c. 2. n. 56*. Quod tanto certius procedit in monialibus Oblatis, quæ inserviunt infirmis, & sine dote ad hunc effectum sunt ad monachatum admittæ, & receptæ, ut toto vitæ suæ tempore infirmis deserviant. Tamburin. alios referens de *jure Abbatis. disp. 12. q. 2. n. 25*. Qui tamen excipit ab hac regula monialem illam, quæ esset admodum infirmæ valetudinis, vel cujus vita esset valde utilis bono communi religionis.

Quar. 4. An Infirmaria possit licite egredi e clausura ad vocandum Medicum, vel Confessarium ex repentina oborta necessitate alicujus monialis infirmæ ad extremum vitæ a morbo adductæ, & alius non adsit, qui possit vocare.

Resp. Affirmat Cassian. a S. Elia v. *clausura n. 161*. modo sit spes, Medicum esse profuturum, aut probabiliter timeatur eam esse in mortali peccato. Ratio est; quia præcepta Ecclesiæ non impediunt majus bonum, quia ita præscribunt bonum, ut si hoc bonum sit impeditivum alterius boni majoris, cesset ipsorum obligatio ex generali intentione ejusdem Ecclesiæ. Unde cum in præsentī casu subventio proximi extreme indigentis sit majus bonum, quæ observantia clausuræ; illa enim provenit a virtute charitatis, hæc obedientiæ, obligatio primæ prævalere debet, & secundæ cessare.

Quar. 5. An, & quibus in casibus Infirmaria excusetur ab audienda Missa.

Resp. Excusari, si illius assistentia est saltem necessaria, ne infirma notabiliter tristet, nec habet, quas substituatur. Ita communiter Doctores, quos approbans refert Palqual. de *Sacrif. nov. leg. qu. 1328*, qui hoc

ad

admittit etiam si assistentia non esset necessaria; si tamen bona fide putaretur necessaria, cum sufficiat, ut apprehendatur ut talis; nam tunc formatur recta conscientia, quod liceat omittere auditionem Missæ. Subdit insuper, idem dicendum, si infirma pro sua satisfactione vellet, Infirmariam sibi assistere, quamvis aliæ substitui possent, si non obsequi illius voluntati esset causa, quod tristaretur, vel indignaretur, cum excitatio harum passionum possit infirmæ notabiliter nocere. Neque infirma in tali casu peccaret impediendo Infirmariæ pro tunc non sibi necessariæ auditionem Missæ, quia complacentia illa, quam percipit ipsius præsentia, affert illi aliquod solamen, absentia vero tristitiâ, & ideo habere potest motivum sufficiens, ut detineat ab audienda Missa.

Quar. 6. An Infirmaria possit in diebus prohibitis comedere aliquid carniû, ut excitet in infirmis appetitum, & inducat ad comedendum.

Resp. Affirmant Nav. Sanch. & Diana p. 5. tr. 5. res. 32. Quia stante parvitate materiæ non adest materia integra prohibita, atque adeo nec materia peccati mortalis; quia vero apponitur finis honestus, & quem charitas imperat, desinit etiam esse materia peccati venialis, quia ex fine appposito subtrahitur a ratione, sub qua prohibetur, & constituitur in ratione honesti.

Quar. 7. An occupatio in deserviendis pluribus infirmis sit causa sufficiens excusandi Infirmariam a jejuniis.

Resp. Ex Pasq. de jejuniis decis. 339. n. 5. affirmative, quia tale servitium exigit continuam assistentiam, quæ secum trahit magnum laborem. Hoc autem est intelligendum de ea, quæ parat

parat cibos pro infirmis, & in cæteris servitiis necessariis ipsis ministrat, non de ea quæ solum assistit. Neque pariter tenetur ad jejunium die sequenti, si per totam præcedentem noctem, vel majorem partem assistat alicui infirmæ; talis enim assistentia, quia privat debito somno, causat magnam debilitatem, unde superveniens jejunium esset nimis onerosum. Ita ex Ledesma, & Rodriq. Pasq. *loc. cit. n. 6.*

Quar. 8. An & quando Infirmaria ab Officii recitatione excusetur.

Resp. Excusari, quando ita est in infirmarum servitio occupata, ut totum diei tempus, quod necessitatibus corporis moraliter, & sine magno incommodo subtrahi potest, in earum indigentis sit insumendum. Charitatis enim præceptum urgentius, & excellentius est præcepto recitationis Officii, & proinde hoc cessare debet, utpote impeditivum majoris boni. Ita Sotus, Sanch. *t. 2. conf. lib. 7. c. 2. dub. 51. n. 2.* & Suarez *t. 2. de relig. lib. 4. c. 38. n. 35.* Ex quo pariter deducitur esse excusandam, etiam si aliqua modica diei pars pro honesta animi relaxatione superesset. Quia sicuti ob recitandas horas canonicas non tenetur subtrahere tempus cibo, & quieti; ita neque honestæ relaxationi, cum hæc non minus necessaria sit ad corporis levamen, quam refectio, & somnus, maxime si virescissent ex præcedenti occupatione defatigatæ. Quod si occupatio non sit integræ diei, tunc Infirmaria debet hujusmodi occupationis tempus prævenire, vel recitationem postponere, quia præceptum obligat pro tota die. Potest tamen excusari, quando impedimentum repentinum prævidere non potuit, vel quando ad illud non advertit. Suarez *loc. cit.*

S. VIII.

De Aromataria obligationibus, & Privilegiis.

Quar. 1. **A**D quid teneatur Aromataria.
Resp. Quæ suæ artis sunt teneatur scire. Etenim lex tam naturalis, quam humana prohibet, ne quis artem, quam ignorat, exerceat, ut *in cap. non est sine culpa de regul. jur. in 6.* Neque sufficit, quod instructa sit quo ad artis præcepta, & regulas, sed debet etiam esse instructa quo ad practicam; cum ex istius deficientia possint plurima, & gravia infirmis oriri incommoda. Teneatur quoque debitam in conficiendis pharmacis adhibere diligentiam, quia omnibus manus aliquod exercentibus obligatio inest, ut illud diligenter exerceant. *Abb. in c. ad aures, n. 3. 4. & 6. de acat. & qualis.*

Quar. 2. An possit de se, & inconsulto Medico pharmacum aliquod infirmis præbere.

Resp. Si habeat aliqua particularia medicamenta ad speciales morbos, nempe ad sanandas oculares fistulas, dolores dentium, & alia hujusmodi, & experta fuerit prodesse, potest utique illa præbere. In aliis casibus non potest; quia cum non habeat scientiam, & artem ad curandos morbos, manifesto vitæ periculo infirmas exponeret; imo neque potest, etiam si aliqualem habeat experientiam, quia exponeret se periculo occidendi infirmas, & contraveniendi decalogi præcepto *Non occides.* Sicut de Medico asserit Sylvest. *in sum. v. Medicus, quest. 1.*

Quar. 3. An licitum sit Aromataria præbere

bere poculum moniali gravidæ ad procurandum abortum foetus inanimati, ne fama periclitetur monasterii.

Resp. Negative cum communi Doctorum; quia abortus foetus inanimis est peccatum gravius pollutione, cum proximius opponatur generationi. Sicut ergo in nullo casu est licita pollutio, ita neque abortus foetus inanimati. Unde merito oppositum damnatur ab Innocentio XI. in propositione 34. sub qua tamen valde dubitat Lumbier, an præsens casus comprehendatur; quia, ait ipse, propositio proscripta loquitur quando agitur de vitanda infamia puellæ, non vero de vitanda infamia religiosi cœnobii, quod valde diversum est, adeoque prohibitio, subdit idem Doctor, ad præsentem casum non videtur extendenda, quia strictæ interpretationis est, utpote odiosa. Resolvit tamen, illicitum esse etiam in præsentem procurare abortum foetus inanimati, quia ad evitandam infamiam coram sæcularibus est aliud medium, scilicet præcipiendo in virtute sanctæ obedientiæ observationem secreti.

Contineri pariter præsentem casum sub damnatione, patet, quia præfata propositio in tantum proscribitur, in quantum asserit, esse licitum procurare abortum puellæ ex periculo proveniente ab extrinseco, quale est periculum vitæ, & famæ. Cum igitur etiam periculum diffamationis monasterii sit periculum proveniens ab extrinseco, remanebit quoque damnata propositio asserens esse licitum procurare abortum monialis, ne infametur monasterium. Neque fit extensio prohibitionis ad casum: sed casus dicitur comprehensus ex identitate rationis.

Pec-

Peccat igitur Aromataria pharmacum præbens ad procurandum abortum foetus inanimis, & si est animatus, contrahit etiam excommunicationem Sixti V. dummodo tamen sequatur effectus. An autem effectu non secuto incidat in casum reservatum, asserit Belloch. Zech. & Bonac. negat aliis relatis. Diana in opere coord. tom. 5. tract. 4. resol. 26. ubi advertit, hoc non procedere, si monasterium subdatur Regularibus, quia quoad illos ex Decreto Clementis VIII. etiam effectu non secuto inducitur reservatio. Quod si dubium sit, an foetus fuerit animatus, Moura, Prapositus, & Macadus putant non incidere in reservationem, quia reservatio ad casus dubios non extenditur tanquam odiosa, nisi aliud exprimatur. At in oppositum est communis sententia, quia in dubiis tutior pars est eligenda.

Quar. 4. An Aromataria possit lucri causa vendere extraneis medicamenta.

Resp. Extare pro Urbe Roma, ejusque districtu decretum Visitationis Apostolicæ die 29. Augusti 1637. quo prohibetur tam Superioribus quorumcunque Ordinum in Urbe, ejusque districtu existentium, quam particularibus Religiosis quibuscunque, ne in posterum sive religionis nomine, sive particulari audeant, & præsumant per se, vel per alios in suis Conventibus artem aromatariam exercere, præter quam pro suis Religiosis, & Ecclesiasticis, pharmaca vendere etiam prætextu amicitia, & familiaritatis absque speciali licentia in scriptis obtinenda. Unde cum hoc decretum sit pro Urbe Roma ejusque districtu, in aliis partibus standum est juri communi, ut resolvit Sac. Congreg. Episcop. & Regular. in

Nea-

Neapolitana 5. *Octobr.* 1646. Jus autem commune non videtur prohibere hujusmodi venditionem; pharmaca enim artificium honestum sunt, & non proprie negotiatio. Maxime quia in hoc non tam spectatur lucrum, quam utilitas infirmarum; dum enim extraneis venduntur, frequentius renovantur medicinalia, unde monialibus infirmis subministrantur recentiora, atque adeo magis utilia. Quod etiam declaravit eadem Sac. Congreg. in *Neapolitana* 26. *Maji* 1602. & in *una Decretimicanorum* 11. *Octobr.* 1647.

Quar. 5. An Aromataria vendens, ut supra, medicamenta, possit recipere pretium juxta taxam Aromatariorum secularibus factam.

Resp. Videtur quod sic; quia taxa non statuit pretium tanquam privilegium Aromatariorum secularium, sed tanquam pretium justum medicinalium. Unde quicumque illa vendit, potest recipere juxta taxam, quia recipit pretium justum. Verum oppositum sustinendum cum *Navarra lib. 3. de restitut. cap. 2. n. 40.* & *Reginaldo in Praxi lib. 25. num. 281.* Quia in taxatione justii pretii non tam habetur respectus ad valorem medicinalium in se, & alias circumstantias, puta industriam, laborem &c. sed etiam ad expensas, quas subeunt Aromatariorum seculares in conductione officinae, solutione vectigalium, salario famulorum, &c. a quibus omnibus expensis sunt exemptae moniales. Unde pretium, quod est justum respectu Aromatariorum secularium, injustum est respectu monialium, quia detractis illis expensis, excedit valorem medicinalium.

Quar. 6. An possit vendere quid pro quo.

Resp.

Resp. Non posse. Tum quia e mentem decipit, dando aliam substantiam ab expectata; tum quia certum pretium recipit pro incerto medicamento; tum quia salutem infirmi non contulit, & utinam aliquando illam non offendat, dum medicamentum illud suppositum fortasse dissimile est, quamvis non videatur dissimile. Quare confurgit obligatio refarciendi omnia damna ex tali deceptione, forte secuta. Solum excusari potest, si certa sit supposititias res pollere eadem virtute, & fore æque, vel quasi æque utiles ementi. Tenetur tamen restituere excessum pretii, si forte acceptus est supra justum pretium rei traditæ (etiam si ejusdem fuerit utilitatis) vel supra pretium, quo emptor rem eandem alibi fuisset empturus.

Quar. 7. An possit Aromataria vendere pharmaca minori pretio consanguineis, vel amicis, donando illis quod ipsi deberetur ratione industriæ, & laboris.

Resp. Negat Bordonus; quia labor ille est pretio æstimabilis, unde Aromataria donando suum laborem disponderet de re pretio æstimabili, quod est contra votum paupertatis. Dissentit Joannes de Lugo *disp. 3. de iust. n. 149.* quia Religiosus sine præjudicio paupertatis potest alteri inservire, eique gratis operam suam præstare. Distinguunt alii; vel Aromataria degit in monasterio, in quo viget præceptum, aut consuetudo, ut moniales operas suas, & lucra inde percepta conferant in bonum commune; vel degit in monasterio concedente monialibus, ut pro se laborent, & sibimetipsis lucrentur. Non potest si in primo, quia præsumi non potest licentia Abbatis, obstante consuetudine, vel præcepto. Potest autem si in secundo, quia

Ab-

Abbatissa rationabiliter non censetur invitare, cum nihil damni resultet monasterio. Poterit etiam pharmacum aliquod levioris momenti pauperibus ministrare ex præsumpta licentia Abbatis, quæ præsumitur habere erga pauperes charitatem. Imo poterit etiam, reuente Abbatis, si pauperes versentur in extrema necessitate, sibi docuimus cum D. Thoma:

Quæst. 8. An liceat Aromataria venenum vendere.

Resp. Si venenum talis naturæ sit, ut non nisi ad malum possit deservire, non licet, quia esset præbere materiam peccati, & alieno peccato cooperari. Conveniunt omnes Doctores. Si vero sit indifferens ad bonum, & malum usum, & Aromataria nesciat, aut tantum dubitet, an emens eo sit abusus, potest vendere ob finem justæ lucris, & honesti, dummodo non intendat, ut emens eo male utatur. Quia quando actio aliqua est de se indifferens, qui bono fine ad illam cooperatur, non peccat; utitur enim jure suo. Reginald. in *Praxi lib. 25. num. 263.* Si autem sciat, vel saltem probabiliter credat, ementem veneno abuturum vel ad occidendum proximum, vel ad vitam sibi adiuvandam, adhuc posse vendere sustinent Cajetan. Angel. Navar. & Lorca, quia pravus usus ementis non est volitus directe, neque indirecte; est enim effectus per accidens, & non per se consequens, qui proinde non imputatur, etiam si sit prævisus, dummodo non sit intentus, ut ex D. Thom. 2. 2. q. 74. art. 8. & q. 20. art. 5. Oppositum approbo cum Armilla, Tabiena, Reginaldo loc. cit. & aliis. Quia suppeditare alteri materiam injuriose nocendi, vel sibi, vel proximo, est con-

contra charitatem, aut contra justitiam, vel potius contra utrumque.

Quar. 9. An liceat Aromataria pharmaca conficere in die festo.

Resp. Negative. *Sot. lib. 2. de iust. qu. 4. art. 4. ad 3.* quia opus servile est, quod sola necessitas facit licitum in die festo. Unde ea tantum pharmaca, quæ pro præsentis diei necessitate deserviunt, potest Aromataria componere, vel ea jam composita vendere omnibus horis, sicut qui herbas, pisces, & aves deferunt. *Sac. Congreg. Vicario Andrianen. 16. August. 1593.* Neque licet rosas, violas, & alia hujusmodi saccharo condire, vulgo, *far Conserve*, Alcozer, & *Sanch. tom. 2. conf. lib. 5. c. 2. dub. 18. n. 5.* neque aquam ex herbis per stillarium extrahere, quia hæc quoque servilia sunt. Excusare tamen, ut diximus, potest necessitas, quæ facile contingere potest, si ex dilatione flores, & herbe languescerent, earumque virtus deperiret. Vel si tanta esset aquarum distillandarum copia, ut intra tempus aptum tota pro usu totius anni provideri non posset. Ex prædictorum enim carentia magnum monasterio resultaret incommodum; quod sicuti in aliis casibus per Doctores excusat, debet in præsentis pariter excusare.

Quar. 10. In quibus aliis possit peccare Aromataria.

Resp. Peccare, si in componendis pharmacis non omnia apponit præscripta a Medico, *Duard. in cap. utriusque sexus tom. 2. disp. 26. sect. 2.* Vel si apponit, illa tamen sunt vetusta, vel non exigitam virtutem habentia, unde medicamentum parum prodest infirmo. *D. Antonin. part. 3. tit. 8. cap. 4. §. 6.* Item si inutilia, & multo magis si nociva immisceat,

fecit; mortaliter peccare, nisi excuset materiæ parvitas, communiter farentur Doctores. Et in prædictis casibus non solum lædere charitatem, sed etiam justitiam, adeoque teneri ad omnia damna inde secuta, tradit aliis citatis Homobon. *in comment. resolut. tr. 10. c. 4. q. 12.* Non peccat tamen, si in conficiendis medicamentis tantum aquæ, vel alterius liquoris immisceat, quantum ad medicamenti compositionem est necessarium, quamvis eodem pretio medicamento vendat. Trullench. *in decal. tom. 2. lib. 7. cap. 20. dub. 11. n. 5.*

§. IX.

De Celleraria obligationibus, & Privilegiis.

Quær. I. **A**N Celleraria, cui bonorum monasterii incumbit administratio, possit aliquid de iisdem bonis in justam donationem, aut alienationem expendere.

Resp. Non posse, nisi id, quod ab Abbatisa illi commissum est. D. Thom. 2. 2. q. 32. art. 8. ad 1. Ex quo fit, eam mortaliter contravotum paupertatis peccare, si in alios usus, præter deputatos, quantumvis illi liciti sint, & communitati deserviant, rem expendat, absque expressa, vel præsumpta Abbatisæ voluntate; quia exercet actum dominii, & sibi commissæ administrationis metas excedit. Manuel Sanchez & Peyrin. *c. 1. de subd. q. 2. c. 2. §. 9.* qui tamen putat non peccare mortaliter subministrans moniali indigenti aliquid necessarium injuste ab Abbatisa denegatum, quia in eo casu Abbatisæ supplet defectum.

Quær.

Quar. 2. An de præsumpta Abbatisæ licentia possit remunerare merita, & obsequia ab extraneis administrationis præstita, & alias non debita.

Resp. Posse, attentis tamen viribus, & legibus suæ administrationis, nec non inspectis meritis, ac circumstantiis, non solum quando merita pariunt actionem ex justitia, sed etiam quando ejus sunt naturæ, ut hominem deceat esse gratum, ac obligent ad antidota. Ita post alios Trullench. *in decal. l. 7. c. 27. dub. 8. n. 4.*

Quar. 3. An peccet Celleraria contra votum paupertatis distribuendo bona monasterii non juxta mentem Abbatisæ, sed proprio arbitratu.

Resp. Peccare saltem venialiter, si det plura aut pauciora, meliora aut deteriora, quam sciat velle Abbatisam; quæ partem enim recedit a mente Abbatisæ, incurrit in vitium proprietatis, dispensando ac si esset domina, nullatenus ab alterius pendens arbitrio. Lessius *lib. 3. cap. 41. n. 178.* alique communiter.

Quar. 4. An peccet Celleraria, si celet Abbatisæ summam aliquam notabilem pecuniæ expendendam in usibus utilibus monasterio, invita tamen Abbatisa.

Resp. Peccare si Abbatisa sit rationabiliter invita, & quidem non solum quoad modum, sed etiam quoad substantiam; quia Celleraria, cum sit administratrix bonorum monasterii dependenter a principali administratrice, quæ est Abbatisa, non potest ea administrare, nisi ex voluntate ipsius sive expressa, sive tacita: Mandatarius enim debet diligenter observare fines mandati, *l. diligenter ff. mandati.* Unde si aliter administraret,
iis

his uteretur, ac si essent propria, atque adeo secundum hoc censeretur proprietaria. Si vero Abbatisa est invita quoad modum tantum, non peccat nisi venialiter. Et si irrationabiliter sit invita, nullam culpam committit, quia tunc utiliter monasterii negotium gerit, & operatur ex voluntate præsumpta superioris Prælati, qui si adesset, illam expensam fieri omnino vellet.

Quar. 5. An peccet, si monialibus tam sanis, quam infirmis necessaria abundanter non provideat juxta Religionis statuta.

Resp. Ex Peyrino tom. 2. q. 1. cap. 5. §. 1. num. 58. affirmative; ex quo enim moniales per professionem Religionis nomen dederunt, eique incorporeæ serviunt juxta vocationem suam, dignæ sunt ex justitia mercede sua, & jure naturæ sunt participes quoad necessaria bonorum temporalium, & spiritualium ipsius Religionis. Excusari solum potest a necessariis ministrandis propter monasterii inopiam, & tunc communis paupertas est ab omnibus toleranda.

Quar. 6. An de monasterii bonis possit largius distribuere amicis monialibus animo illas gratificandi, & quidem propria auctoritate.

Resp. Ex dictis non posse, & contraveniendo peccare; cum enim sit simplex bonorum monasterii administratrix, non potest administrare bona commissæ nisi juxta voluntatem domini, qui in casu nostro est monasterium. Hinc a fortiori dicenda est peccare, si ita abundanter aliquibus provideat, ut aliæ ea de causa graviter indigeant, quia fit aliis injuria, cum communis bona pro indigentibus sint communia. Rodriq. & Peyrin.

Confess. Monial.

V

Quar.

Quar. 7. An Celleraria possit sibi aliquid applicare de bonis monasterii ob laborem officii.

Resp. Non posse, quia ex vi professionis, & contractus initi cum monasterio tenetur ex illis vivere. Immo neque ob labores extraordinarios, & ultra obligationem susceptos, quia semper talis applicatio est actus dominii, cujus est incapax ratione voti.

Quar. 8. An possit de bonis monasterii aliquas eleemosynas erogare.

Resp. Posse facere eleemosynas illas, quæ consueverunt per Cellerarias dispensari. Quia Abbatisa committens officium censetur eo ipso committere consuetam in illo officio exerceri. Ita Azor. & Tambur. ex D. Th. 2. 2. q. 32. art. 8. Immo si Celleraria facultatem habeat expendendi summam aliquam in utilitatem monasterii, poterit eam in pias eleemosynas erogare, quia eleemosyna cedere solet in monasterii splendorem, & decen-
tiam, ac proinde in ipsius utilitatem. Salmas. in Theol. moral. t. 3. tr. 13. c. 6. punct. 7. n. 90. Unde poterit etiam aliis ejusdem monasterii monialibus distribuere, quia utilitas non modica monasterii est monialium indigentias sublevare; quo minus enim indigent, eo majori attentione divinis incumbunt, magisque sæcularibus curis se abstinere.

Quar. 9. An Celleraria, quæ ut supra, de commissione Abbatisæ potest aliquas eleemosynas pauperibus distribuere, possit in monasteriis, in quibus non servatur vita communis, sibi, vel aliis monialibus illa applicare.

Resp. Videtur negative resolvendum; quia eleemosyna, cum sit sublevatio alienæ miseriæ, necessario est ad alterum. Unde si Celleraria talem

talem pecuniam sibi, vel aliis monialibus applicaret, illa applicatio non haberet rationem eleemosynæ, quia non esset ad alterum; nam dominium semper remaneret apud eundem dominum, nempe apud monasterium, cum moniales ex vi voti paupertatis nihil sibi possint acquirere.

Adde: quod, quando Abbatisa committit Cellerariæ distributionem eleemosynæ, censetur committere secundum id, quod de ordinario solet praticari; vera enim mentis interpretatio desumitur a practica. Bald. in cap. 1. in princ. de feud. fin. culpa non amit. de ordinario autem eleemosyna distribuitur extraneis. Maxime quia, cum paupertas tam Cellerariæ, quam aliarum monialium sit cognita Abbatisæ, si vellet eleemosynas illis ipsis applicari, id exprimeret. Quare si Celleraria distribuit sibi, vel alius, non distribuit juxta commissionem Abbatisæ. Unde peccat contra justitiam, quia privat pauperes illa eleemosyna, quæ, supposita applicatione Abbatisæ, est ipsis debita; & peccat etiam contra paupertatem, quia excedit facultatem suæ commissionis, atque adeo agit nomine proprio, & ut domina, quod est directe contra votum paupertatis. Sic D. Th. 2. 2. q. 3. art. 8. ad 1.

At oppositum etiam sustinendum videtur per ea, quæ tradunt Sanch. in sum. r. 1. lib. 4. cap. 49. nu. 62. & alii relati a Barbosa de off. Episc. par. 3. allegat. 83. nu. 25. qui asserunt, quod Religiosus electus a testatore ad distribuendam pauperibus eleemosynam, potest monasterio, vel sibi, vel aliis Religiosis talem eleemosynam dispensare; militat enim in utroque casu par ratio. Nam Celle-

rarix etiam in proposito commissa est ab Abbatisa distributio eleemosynæ inter pauperes; unde cum vere tam ipsa, quam aliæ moniales sint pauperes, si sibi, vel istis distribuit, facit juxta formam mandati, & adimplet mentem Abbatisæ.

Neque Celleraria, aut aliæ moniales censi debent exclusæ, quia præsumendum est, quod Abbatisa committat dispensationem secundum exigentiam, & ordinem charitatis; ordo autem charitatis postulat, ut succurramus magis indigentibus, magisque nobis conjunctis, quales sunt moniales respectu Abbatisæ, cujus sunt filix spirituales, & versantur in majori necessitate, quia indigentia est magis in monialibus periculosa, *c. 1. de stat. regul. in 6.* Et in hoc salvatur etiam quod eleemosyna sit ad alterum, si non secundum jus proprietatis, quia moniales sunt incapaces propriæ ratione voti, saltem secundum usum, cujus sunt capaces. Bartol. quem secutus est Abbas *conf. 440. un. 1. lib. 2.*

Quæst. 10. An Celleraria possit sive intra, sive extra monasterium sine licentia Abbatisæ mutuare, aut commodare res monasterii, etiam si sint magni valoris, quando certa est de restitutione.

Resp. Non posse; præcipue si res illæ sint per longum tempus mutuandæ, aut commodandæ, quia notabiliter deteriorari possunt; & frequenter has res mutuare, ægre ferunt Superiores. Ita Garz. Lugo, Tamburin. & Joan. de la Crux *in epit. lib. 1. cap. 2. dub. 4.* Qui tamen concedit, posse Cellerariam res magni valoris commutare, inconsulta Abbatisa, quando monasterium ex hac commutatione nullum patitur detrimentum.

mentum. Quia talis commutatio non habet rationem distractionis, aut consumptionis, cum monasterium semper remaneat cum æquali valore, ac proinde non censetur Abbatissa rationabiliter invita quo ad substantiam, & sic datur ejus licentia tacita. At nequaquam posse, tenent Sanch. Peyrin. & Barthol. a S. Fausto; quia commutare actus dominii est, cum transferat dominium rei in alium, idque valide fieri nequit nisi ab habente dominium rei, vel illius absolutam administrationem.

Quæst. II. An Celleraria teneatur ad restitutionem, si ex sua culpa pereant aut deteriorescentur bona monasterii suæ custodiæ, vel dispensationi, aut administrationi commissa.

Resp. Non teneri, si hoc contingat ex culpa levi, aut levissima. Solum enim se obligavit ad exercendum officium diligenter, & accurate, sicut solet ab aliis ejusdem conditionis, & generis communiter exerceri. Ita Sotus, Lessius, Vasquez, & alii, qui solummodo illam obligant, quando intervenit lata culpa, quia perinde est, ac si dolo ea destrueret, nam lata culpa dolo æquiparatur in jure. Excusari tamen potest, si pereant, aut deteriorescentur ex inconsideratione, aut oblivione inculpabili, quia nulla interveniente culpa theologica, nulla intervenit injuria, atque adeo nulla restitutionis obligatio, quæ tantum oritur a gravi culpa.

§. X.

*De Janitoria, Rotaria, & Ausculatricum
obligationibus.*

Quar. 1. **Q**uales esse debeant Præfectæ
rotæ, & januæ.

Resp. Debere esse irreprehensibilis vitæ,
discretas, prudentes, & quæ sæcularium ocu-
lis bonis moribus sint spectabiles. Ostiaria sit
supra 40. annos, Sac. Congreg. *in Bononiens.*
30. Junii 1617. ejusdem quoque ætatis Rota-
ria, nisi aliter prudentiæ Episcopi visum fue-
rit. Ita in edicto Visitationis Apostolicæ apud
Pignatell. *c. 6. consult. 85. n. 95.* Neque Rota-
ria, neque Portinaria monialem ullam ad cra-
tes, aut rotas vocare debent, nisi persona
extranea habeat licentiam subscriptam ab
Episcopo, vel ejus deputato; & nisi monia-
lis collocutura licentiam pariter obtinuerit
ab Abbatisa. Aliter contravenientes sunt
ipso facto privatæ voce activa, & passiva per
tres menses. Sub iisdem poenis prohibetur
eisdem Rotariæ, & Portinariæ, ne mittant,
aut recipiant literas, munera, aut alia, nisi
præcedente inspectione Abbatisæ, & ejus
licentia, Sac. Congreg. 20. Septemb. 1593.
apud Pignatell. *consult. cit. n. 179.*

Quar. 2. An peccent Portinaria, & Rotaria
januam, & rotam respective non custodientes.

Resp. Si faciant ex inadvertentia, certum
est non peccare, immo addit Céspedes *de*
dub. milit. dub. 16. neque si advertere teneatur.
Sic nauta, cui navis gubernium commis-
sum est, non peccat, si ex inadvertentia
omittat, licet teneatur advertere. Hoc tamen

non

non placet Zumel. Valent. & aliis; quia advertere, & debere advertere, sicut scire, & debere scire, sunt paria. Si vero omissio custodiae procedat ex negligentia, ex qua maxime moniales captent occasionem colloquendi cum extraneis, & extra mittendi res prohibitas cum periculo earum spirituali, talem omissionem mortaliter peccaminosam esse non dubito, quia omnibus exercentibus aliquod officium hæc communis obligatio est, ut illud cum debita cautela, & diligentia exercent, ut habetur ex Panor. in c. ad aures, n. 3. de stat. & qual.

Quar. 3. An Rotaria, & Portinaria, si videant ad januam, vel ad rotam delicta aliqua in occulto a monialibus perpetrari, teneantur revelare Abbatissæ.

Resp. Si moniales delinquentes fraterne admonitæ a sua nequitia non desistant, tenentur Rotaria, & Portinaria deferre Abbatissæ, ut resipiscant, quia bonum illarum spirituale bono famæ debet præponderare. Molin. Dicastil. Bannez, & alii. Quod a fortiori procedit, quando delicta illa vergunt in præjudicium communitatis; quia secretum non potest obligare contra justitiam, & charitatem alteri debitam. Rotaria autem, & Portinaria ex justitia, & charitate tenentur damna Religionis præcavere; a qua obligatione non sunt immunes, etiam si promississent cum juramento non revelare; quia juramentum non potest esse vinculum iniquitatis. Ita Doctores citati.

Quar. 4. An peccent Rotaria, & Portinaria videntes, & non impediennes moniales, quæ recipiunt, aut mittunt literas sine licentia Abbatissæ.

Resp. Peccare, si extet præceptum regu-

læ, aut Superioris, vel vigeat Constitutio Clementis VIII. prohibens, ne literæ, seu Epistolæ ullo modo a monialibus scribantur sine licentia Superiorum, nec recipiantur, nisi prius lectæ fuerint a Præfecta monasterii. Ratio est; quia licet negative se habeant, indirecte tamen, & interpretative per voluntariam omissionem ejus, ad quod tenentur, censentur violationi præcepti, & monialium malo cooperari; & proinde delinquent, nisi moniales essent talis conditionis, ut probabiliter judicari posset, Abbatissam daturam facultatem, si peterent, aut saltem ratum postea habituram, si sciret. Vel nisi ex consuetudine, aut patientia Abbatissæ scientis, & dissimulantis receptum esset, ut non tam severe nec cum tanto onere munus obeant custodiendæ rotæ, vel portæ. *Dicastil. tract. 2. disp. 4. dub. 7. n. 165. & Rebel. lib. 2. q. 16. n. 2.*

Quar. 5. An Rotaria, & Portinaria peccent, si occasione muneris, curiosius inquirent ab extraneis ea, quorum notitia ad ipsas nihil attinet.

Resp. Per se solum venialiter peccare; quia non est magna inordinatio, quod appetant scire, quæ ad se non pertinent. Possunt tamen peccare lethaliter ratione circumstantiarum, nempe si esset illis graviter prohibitum in his vanis, & curiosis ad januam, vel ad rotam cum extraneis detineri; vel si vellent scire, quæ ad alias moniales spectant, cum illarum notabili displicentia, quia hoc posset rixas parere, & dissensiones. Item si collocutio esset periculosa, utpote inductiva ad peccatum; vel si non possent scire, nisi alterum ad malum inducant, ut si vellent scire arcanum alteri commissum, ma-

maxime si patefieri non posset sine alterius præjudicio; vel si appetant scire intentione utendi tali noticia in alterius damnum. Hæc omnia Lessius de just. & jur. lib. 4. cap. 4. dub. 11. num. 83. & seqq.

Quær. 6. An peccent Rotaria, & Portinaria aperientes literas monialium ad extraneos, vel extraneorum ad moniales.

Resp. Cum communi Doctorem affirmative. Quia unusquisque habet jus ad suum secretum scriptis mandatum, ut ipse solum scita, vel cui voluerit per epistolam revelare, unde invito secreti domino illud per literarum aperitionem inquirere est peccatum mortale, nisi interveniat consensus saltem interpretativus mittentis literas, aut illius ad quem mittuntur; vel nisi excuset materiæ parvitas, aut curiositas absque periculo gravis damni, & injuriæ. Sanch. Navar. Azor. Trullenc. & alii; qui pariter excusant aperientem, quando rationabiliter credit, aliquid in proprium damnum in hujusmodi literis contineri. Quia tunc jure suo utitur se indemnem servando; hoc enim pertinet ad jus propriæ defensionis. In his tamen casibus ea solum legere potest, quæ attinent ad finem, ratione cujus indagatio secreti sit licita; reliqua contenta sunt transilienda, & sub secreto servanda.

Quær. 7. An Portinaria non impediens ingredientem intra clausuram sub prætextu facultatum peccet, & incidat in excommunicationem.

Resp. Affirmative, ex Gregorii XIII. Constitut. quæ incipit *Ubi gratia*. Quia cum ex officio teneatur impedire, & non impediat, indirecte cooperatur, consequenter ingredientem admittere censetur. Bonacina de

claus. qu. 1. punct. 6. nu. 25. qui pariter sustinet in eandem excommunicationem incidere, quamvis nullo modo cooperaverit ingressui, si tamen personam sic ingressam vel non expellat, cum possit, vel diutius sua locutione detineat; idem enim est, ac si admitteret; nam *admittere* in sua propria, & rigorosa significatione importat etiam approbare jam factum, ut testatur Rebuffus *l. 14. §. rem admisisse videtur ff. de verbor. signific.* Excommunicatione hæc est Summo Pontifici reservata. Neque ad ipsam incurrendam requiritur præsumptio, cum in præfata Gregorii Constitutione nullum adhibeatur verbum præsumptionem importans, sicut in motu proprio Pauli V. adhibetur. Bonac. *loc. cit. n. 18.*

Quar. 8. An peccet, & in eandem incidat excommunicationem admittendo, vel non impediendo ingredienti non sub prætextu facultatum, sed absolute sine licentia.

Resp. Quod sic; quia Pontifex sub iisdem terminis eandem excommunicationis poenam statuit contra admittentes, ac contra ingredienti, ibi, *Sub eadem excommunicationis poena.* Cum igitur excommunicatio contra ingredienti afficiat non solum ingredienti prætextu facultatum, sed etiam ingredienti sine ulla prorsus licentia, ut ex stylo Curiae Sac. Congr. decretis, Doctorum auctoritate probavimus *supra cap. 7. §. 9. q. 2.* eadem excommunicatio afficiet etiam Portinariam non solum admittentem ingredienti prætextu facultatum, sed etiam ingredienti sine licentia. Immo puto eadem excommunicatione ligari admittendo taliter ingredienti, etiam si existimet ipsos ingredi cum legitima facultate. Quia cum ex officio teneatur inquirere de licen-

licentia, si omittit, tam est in dolo, quam si sciens sine licentia admitteret, *Cap. fin. de clandest. desponsat. l. quod te, §. idem de reb. credit. & ibi Gloss. Bart. Bald. & cæteri Doctores*. Nec potest juvari a bona fide; quia, dum omittit inquisitionem, quæ ei incumbit ex officio, subintrat negligentia crassa, & affectata, quæ non excusat, sed habetur pro scientia, *Clement. 1. v. scienter de consanguinit. & affin. Gloss. ibid. Anchar. & Tiraq.* Unde non potest excusare, nec inducere bonam fidem. *Pasqual. in qq. Moral. jurid. q. 162. n. 8.*

Quar. 9. An peccet Portinaria admittens aliquem intra septa monasterii sine licentia, ad tuendum illum a gravi damno in vita, bonis, aut honore.

Resp. Non peccare; quia sicut ingrediens in dictis casibus non peccat, cum lex positiva de clausura non obliget ad sui observantiam cum tanto rigore; ita neque Portinaria permittens ingredi personam illam peccabit, cum actio cooperantis bona dicatur, aut mala, juxta bonitatem, vel malitiam actionis ejus, cui cooperatur. *Duard. in cap. omnis utriusque sexus t. 2. disp. 16. sect. 36. n. 5. & resumitur ex Bordon. ref. 76. n. 89.* ubi habet, quod si Religiosus actu a satellitibus Curiaë laicalis insecutus se reciperet intra clausuram, eumque portinaria admitteret, ibique per aliquot dies manere, aliud securius refugium non habens, & moniales id ignorarent, excepta dicta Portinaria, quæ illum occultaret, nullum peccatum committeret, tum Religiosus ingrediens, & manens, tum Portinaria recipiens, quamvis alias talis Religiosus esset culpabilis. Ratio est; qui ad laicos non spectat capere, aut corrigere Religiosos,

sed ad suos Superiores. Necessse tamen est quod insecutio-satellitum sit actualis, & nulum aliud sit effugium.

Quer. 10. An Auscultatrices propalantes, quæ occasione sui officii audierunt, peccent mortaliter.

Resp. Si id, quod propalant, vergat in grave alterius detrimentum, non est dubium peccare mortaliter, quia tam ex parte materiæ, quam ratione officii ex pacto tacito inest gravis obligatio tacendi. Si vero leve alterius damnum sequatur ex revelatione, dicendæ sunt mortaliter non peccare, parvitate materiæ excusante. Si prævideant, mortalem ex revelatione etiam rei ex se indifferentis esse contristandam, peccant contra charitatem. Si detegant audita non ex animo lædendi, revera tamen lædant, peccant mortaliter, vel venialiter juxta negligentiam, vel inconsiderationem; si enim hæc fuit gravis, erit mortale; veniale vero, si levis. Bassæus v. *secretum* n. 3. Tenentur tamen revelare Abbatissæ, si quæ viderint, vel audierint, religiosis moribus dissona, & regularis observantiæ destructiva. D. Th. 2. 2. q. 70. art. 1. ad 2. Auscultatrices enim sunt oculi Abbatissæ, adeoque ex officio tenentur explorare, & explorata referre; alioquin omittentes officio suo non satisfacerent, essentque causa indirecta scandalorum, quæ ex tali omissione possunt oriri.

Quer. 11. An Auscultatrices, quando ratione officii assistunt colloctionibus, possint colloqui cum Regularibus accedentibus ad alloquendum cum moniali aliqua particulari.

Resp. Affirmat Pellizarius ex Bonacina, quia præsumitur tacita Superioris licentiæ ex

regula connexorum, de quibus idem est iudicium. Oppositæ tamen sententiæ adhæreo. Quia principium illud de connexis locum habet, quando connexa sunt inseparabilia, non sic si separabilia, ut communiter scribentes. Moniales autem cum licentia colloquentes, & Auscultatrices non sunt connexæ in ordine ad locutionem, siquidem loqui optime possunt moniales. aliæ, Auscultatricibus silentibus.

§. XI.

De Conversarum obligationibus, & Privilegiis.

Quer. I. **Q**uam in Conversarum receptione sint observanda.

Resp. Tam quoad receptionem, quam quoad professionem ea omnia esse observanda, quæ supra de Novitiis choristis recipiendis, & admittendis sunt dicta; eadem enim praxis in utrisque servanda, ex Sac. Congregat. præter quam in constitutione dotis; nam moniales velatæ tam intra, quam supra numerum absque dotali elemosyna non debent admitti: in monialibus vero Conversis non semper spectatur dos, sed aliquando necessitas monasterii, ex declaratione ejusdem Sac. Congreg. die 20. Martii 1596. qua necessitate cessante, exigendam esse a supranumerariis Conversis dotem duplicatam persolvi solitam, censet. Tamburin. de iure Abbatis, disp. 5. q. 7. nu. 1. juxta decretum Sac. Congreg. die 6. Maji 1604.

Quer. 2. An Conversæ sint veræ religiosæ.

Resp. Quod sic; emittunt enim tria
sch-

religionis vota, quæ religiosi status essentiam constituent. Quare sunt incapaces propter; & quicquid acquirunt, acquirunt monasterio, ipsique est prohibitum testari. Gaudent privilegio Canonis, & fori, quia sunt personæ Ecclesiasticæ, & fruuntur omnibus Religionis privilegiis, quorum ratione sui status sunt capaces, quia vere per professionem sunt religioni incorporatæ. *Lezana c. 2. 44. Regal. cap. 8. num. 29.*

Quæ. 3. An Conversæ teneantur ad perpetuam clausuram.

Resp. Teneri, ex Bonifacio VIII. *cap. periculosa de stat. regal. in 6.* Concil. Trid. *sess. 25. de regul. cap. 5.* & ex Constitut. Pii V. quæ incipit *Cum pastorali*. Ita quod neque possunt egredi ad ornandum Altare in Ecclesia exteriori. *Sac. Congr. 27. Octobris 1592.* Neque ad effectum claudendi, vel aperiendi januam monasterii, sed hoc munus alteri extra clausuram delegari est demandandum. Eadem *Sac. Congr.* apud Barboz. *de jur. Eccles. lib. 1. cap. 44. num. 44.* Si tamen alicubi vigeat consuetudo prædictas Conversas egredi pro quæstu, potest tolerari, ita tamen ut cessante monasterii necessitate, ipsæ quoque cessent a quæstu. *Sac. Congr. 14. April. 1615.* & servatis conditionibus pro egressu ibi præscriptis, & a rebus supra relatis *cap. 7. §. 9. quæst. 13.* quo Litterarum brevitas gratia remitto.

Quæ. 4. Utrum Conversæ teneantur ex præcepto recitare orationes, quæ sunt eis per regulam præscriptæ, sicut moniales choristæ hoc canonicas.

Non teneri, quia regula, universalis præceptio, non obligat ad culpam. Non est ratio de monialibus choro addi-

addictis, quia istæ non solum tenentur ex vñ Constitutionum recitare horas canonicas, sed etiam ex consuetudine universalis Ecclesiæ, quæ obligat illas sub gravi, ut diximus suo loco. Ita Peregrin *ad Constit. sui Ordin. part. 2. cap. 5. lit. R.* Ubi subdit, quod, quamvis Conversæ teneantur de jure Divino preces ad Deum fundere pro benefactoribus, possunt tamen aliis orationibus, & piis operibus satisfacere. Imo suo modo pro benefactoribus orare censentur, dum monialibus orantibus inserviunt. Barthol. a S. Fausto *lib. 6. q. 170.*

Quar. 5. An monialis professa, & choro addicta possit de Superioris auctoritate ad statum Conversarum transferri.

Resp. Contra Navar. *in cap. quando de consecrat. dist. 1. quest. 20. nu. 20.* posse transferri, quia non variatur religionis status, sed illæsus manet. Debet tamen intervenire justa causa, quæ esse posset, vel punitio gravis delicti, vel ineptitudo ad alia munera. Ita Sotus, Aragon. Ledes. & Barthol. a S. Fausto *in suo Thesaurolib. 6. q. 178.* ubi addit; quod monialis sic translata a divini Officii recitatione fit libera. Quia hæc recitandi obligatio oritur ex consuetudine generali, in quantum est deputata ad chorum; unde eo ipso, quod ex justa causa, & Superioris auctoritate a chori obligatione est liberata, ab obligatione pariter Officii debet censi absoluta.

Quar. 6. An e contra monialis Conversa possit transferri ad statum monialium chorisarum.

Resp. Affirmat, licet cum aliqua formidine, Pellizarius *de monial. cap. 1. num. 13.* ob rationem superius adductam, scilicet, quia per talem translationem non variatur
status

status Religionis substantialiter, sed tantum accidentaliter, cum moniales laicæ, seu Conversæ, & moniales vacantes choro adstringantur iisdem votis substantialibus, imo & iisdem obligationibus, excepta obligatione recitandi horas canonicas. Ad hanc tamen translationem tria requiri, advertit Sanchez, *lib. 6. moral. cap. 7. n. 81.* videlicet, causa justa, & gravis, consensus capitularis monialium, & licentia Episcopi, si moniales illi subdantur; Generalis vero, aut Provincialis, si sint exemptæ. Nullatenus sufficit Superioris localis licentia, quia hæc translatio gravis est, nec censetur Prælati localibus concessa.

Negant alii, posse fieri huiusmodi translationem, inconsulto summo Pontifice. Primo quia obstat decretum Sac. Congr. jussu Clementis VIII. editum, 19. *Maji* 1603. super receptione, & educatione Novitiorum, quod ita habet: *Sed qui ad Conversorum habitum recepti fuerint, ad Clericorum statum transire, etiam durante tempore probationis, non possint.* Secundo, quia sicuti sine Pontificis licentia nequit fieri transitus de arctiori ad laxiorem Religionem; ita neque de statu arctiori ad laxiorem intra eandem Religionem. Cum igitur status Conversarum, utpote ad inferiora ministeria deputatus, sit durior, & asperior, & juxta majorem, aut minorem austeritatem pensanda sit major, aut minor perfectio quo ad transitum, ut per Sanchez, *loc. cit. n. 21.* non poterit fieri transitus monialis Conversæ ad statum Choristarum. Tertio, principalis pars voti solemnitis in Conversis sunt onera tali statui annexæ, ita quod ex vi suæ professionis non teneantur obedire Superiori

præcipienti aliqua ad statum Choristarum tantum spectantia, cum professæ sint obedientiam secundum regulam, & regula ipsas non obliget ad aliquid ultra proprium statum. Sicut ergo solius Pontificis est dispensare in eo voto solemnî, ita & in hac principali parte.

Omisso nihilominus, an sufficiat solius Prælati licentia, an ulterius requiratur Pontificis dispensatio, censeo cum Lezana *l. 2. qq. regular. cap. 8. nu. 22.* translationes hujusmodi non esse indulendas. Tum ut Conversæ sequantur suam vocationem, quæ vocatæ sunt, juxta præscriptum Apostoli *1. ad Corinth. 7.* Tum ut auferatur ansa, vel occasio ambitionis, quæ ut plurimum ad talem translationem desiderandam eas solet impellere. Tum denique ut evitentur offensiones, æmulationes, & exprobrationes prioris status, quæ de facili magno cum scandalo possunt oriri. Certum enim est, quod semper ex novitiatibus mala excitantur, ac proinde tanquam perniciosas rejiciendas esse, probat aliis adductis Valenz. *conf. 70. nu. 26. & seqq.*

Quar. 7. An eveniente causa hujusmodi translationis, debeat Conversa probationis annum repetere.

Resp. Videri quod sic; quia Conversæ non probant in suis novitiatibus omnes observantias, quas Choristæ; unde cum transferuntur, debent super his pariter experiri; & ita fuisse declaratum a Sac. Congreg. *1817.* refert Peyrinus *tom. 2. qu. 3. cap. 1. §. 5. n. 148.* ubi contrarium sustinet; quia Novitiæ non coguntur probare omnes austeritates, & observantias Religionis; sed sufficit, quod per annum permaneant sub obedientia suorum

num superiorum; additque, ita vidisse observatum in praxi, & decretum Sac. Congr. citatum vel non esse authenticum, vel non esse usu receptum.

Quar. 8. An Conversæ teneantur sub mortali exercere ea, ad quæ ex officio sunt deputatæ in monasterio.

Resp. Peccare mortaliter, si notabiliter sint negligentes; quia in professione fit contractus inter Religionem, & ipsas, per quem contractum religio illis omnia necessaria ad decentem statum promittit, ipsæ vero exhibent se Religioni paratas ad ea munera, ad quæ per professionem sunt deputatæ. Quare ex justitia tenentur talia munera exhibere, alioquin peccabunt mortaliter contra justitiam. Peregrin. *loc. cit. lit. Q.* ubi advertit non esse tam faciliter de peccato mortali damnandas, vel quia ad tam gravem obligationem non advertunt, vel quia Superiores tam rigorose non exigunt, vel quia negligentia non est adeo notabilis, ut censenda sit constituere lethale peccatum.

Quar. 9. An Conversæ possint aliquid exigere a monialibus particularibus pro famulatu ipsis præstito de commissione Abbatisæ.

Resp. Negative; quia nequit aliquid exigi, aut recipi pro opere alias debito ex justitia. Sotus, Covar. Medin. & Lessius *de iust. & jur. lib. 2. cap. 14. dub. 9. n. 63.* Illum autem famulatum monialibus tenentur præstare Conversæ ex vi professionis, & contractus initi cum monasterio, ut diximus; adeoque pro ipso nihil possint exigere, aut recipere, nisi fortasse eis detur in quandam liberalem remunerationem servitii præstiti, quia ex una parte, id quod datur ex gratitudine, non datur ut pretium servitii alias debiti;

biti; ex alia vero inter Religiosas ejusdem Conventus ex præsumpta voluntate Abbatis-
sæ permittitur aliqua donatio; nam quid-
quid acquiritur, semper Conventui acqui-
ritur. Llamas, Fagundez, Peyrin. Cara-
muel, & alii. Secus vero si aliquid dare-
tur ob timorem, quod segniter essent famu-
latum debitum præstaturæ. Quia non cen-
feretur dari sponte, sed coacte. Lessius *loc.*
cit. nn. 64.

Quar. 16. An peccent Conversæ negligen-
do conservationem illarum rerum, quæ sunt
earum curæ commissæ.

Resp. Peccare; quia tenentur ex justitia
non solum non dissipare, sed etiam conser-
vare res, quæ earum curæ mandantur. Tum
quia contra votum paupertatis est, bona
monasterii ex negligentia dispergere; nam
ut notat Layman *lib. 4. tract. 5. cap. 7. n. 6.*
posse rem arbitrato suo destruere, est actus
proprius dominii; dominium autem repu-
gnat paupertati.

Quar. 11. An excommunicatio lata ab
Episcopo contra moniales cum extraneis col-
loquentes, vel ad januam, aut locutorium
accedentes, afficiat Conversas.

Resp. Videri, quod non; quia ut asserit
Tuschi *lit. M. v. Moniales, conclus. 333.*
Conversæ non sunt vere moniales, quamvis
Professionem emittant; differunt enim in
multis, nempe nomine, exercitio, & in ali-
quibus locis non servant rigoroſe clausu-
ram, non habent vocem, non tenentur ad
divinas preces, & multas differentias con-
gerit Fridericus de Senis *cons. 213.* Afflict.
Franc. Abb. quos refert & sequitur Marcus
Vivald. *in Arca Theolog. Mor. de Monialib.*

In-

Inquisit. 2. num. 91. Sed oppositum omnino sustinendum. Quia secundum formalem significationem nomine monialium veniunt etiam Conversæ, *can. ut lex 27. quæst. 1. cap. non dubiam de sentent. excommunicat.* Emittunt enim tria Religionis vota, quæ essentiam Religiosi status constituunt. Neque differentia adductæ extrahunt illas a formali statu monialium; quia sunt religioso statui extrinsecæ, & accidentales, atque adeo non mutant naturam rei. *Abb. cons. 62. in controversia num. 8. in fin. & num. 9. ver. de jure commun. lib. 2. & n. 10. Januarius, & Diana in opere coord. t. 5. tract. 1. res. 88. nu. 2.*

Quar. 12. An liceat Conversis per notabile tempus in die festo conficere, & coquere bellaria.

Resp. Videri quod non; opus nanque servile est, & proprie pertinens ad servos, consequenter opus prohibitum. Oppositum nihilominus sustinendum. Sicut enim ex communi Doctorum sententia cum Div. Thom. 2. 2. *quæst. 12. art. 4. ad 4.* licitum est in die festo parare fercula quamvis superflua, & ad oblectationem tantum inservientia, quia urget ratio aliqua necessitatis, & congruitatis, fundata in hoc, quod hujusmodi fercula non ita suavia sunt, si altera die sint præparata; ita licebit conficere, & coquere bellaria, cum neque illa ita congruenter se habeant, si sint anticipate præparata. Imo stante consuetudine conficiendi dicta bellaria in die festo, ex tacito saltem Superiorum consensu, resultat probabilis conjectura, quod non fuerit mens Ecclesiæ, sub præcepto abstinendi a servilibus tam ordinarias actiones com-

pre-

prehendere. Tambur. in decal. lib. 4. cap. 3. §. 2. num. 10.

Et hoc locum habere etiam, si bellaria vendantur extraneis, putant Sylvest. Angel. Rosel. Nald. & Sanch. t. 2. conf. lib. 5. cap. 2. dub. 6. nu. 11. Quia lucrum non immutat operationem, ut cum aliis notat Suar. tom. 1. de relig. lib. 2. cap. 25. atque adeo non facit, ut de licita fiat illicita. Ego tamen cenfeo, ex alio saltem capite non licere, scilicet, quia generaliter monialibus vetitum est parare, aut vendere cibos extraneis, exceptis rebus minimi momenti pro infirmis, ac consanguineis. Sac. Congreg. teste Barbosa lib. 1. jur. eccl. cap. 44. num. 58.

Quar. 13. An liceat Conversis in die festo legumina minutioribus purgamentis secernere, & diligenter emundare.

Resp. Affirmative. Quia hoc quoque pertinet ad ciborum usum, quos parare licet in die festo, per Doctores supracitados. Tum etiam quia modicissimæ applicationis est huiusmodi occupatio, unde recreationis causa ab honestis etiam foeminis excipi solet. Non licebit vero, nisi aliqua gravis necessitas urgeat, farinam a fursure subcerniculo segregare, quia magnam exigit occupationem. Solum excusabit a mortali materiæ parvitas, quam extendunt ad tres quadrantes horæ Bonac. Reginald. Joan. a Cruce, & alii; ad horam integram Azor. Suar. Sanch. Fagund. & Palaus; ad duas integras horas Granad. Filiuc. Enriq. & Diana; ad tres etiam horas ampliant Marchant. & Pasqualig. Quia octava pars respectu totius diei censetur exigua pars. Ego tamen a secunda sententia non recedo.

Quar.

Quar. 14. An Conversæ coquinæ deser-
viente, & parantes cibos pro numerosa fa-
milia sint immunes a jejunio.

Resp. Affirmative; quia in tali præpara-
tione tractant cacabos, & ollas magnas, de-
ferunt ligna, hauriunt aquam, huc, illucque
discurrunt, ex quibus omnibus resultant labor
valde notabilis; & licet pauca sint fercula,
quantitas nihilominus cujuscunque ferculi pa-
randi pluribus ferculis æquivalet. Quod si non
laborant tota die, cum non habeant parare
coenam, tamen post prandium habent parare
plura pro die sequenti; & deinde sufficit, quod
exercitium parandi prandium requirat ma-
gnum laborem; nam debent pro ipso conser-
vare vires. Ita Pasqualigus *de jejun. dec. 297.*
num. 4. Ubi adverte, hoc quoque probabili-
ter procedere etiam, quando jejunia sunt de
præcepto regulæ, quia regula, quamvis volun-
tarie suscepta, non obligat plusquam obliget
lex, & ideo ipsa pariter desinit obligare, quan-
do proportionaliter legis desinit obligatio.

Quar. 15. An Conversæ lavantes supelle-
ctilem lineam, vulgò, *far la bocata*, excu-
sentur a jejunio.

Resp. Excusari; quia hujusmodi exerci-
tium siue consideretur in præparatione co-
rum, quæ necessaria sunt pro lavatione,
siue in actu ipso lavandi, siue in asporta-
tione supellectilis linæ, ut Soli expanda-
tur, & postea colligatur, inter laboriosa
est reponendum. Et quidem labor ipsius
excedit laborem nonnullarum artium, quas
communiter Doctores admittunt inter ex-
cusantes.

Neque necesse est, ut exercitium hoc sit
continuum, sed sufficit, quod duret una,
aut

aut altera die, ad hoc ut cesset pro illis diebus obligatio jejunandi; quia, sicuti obligatio est annexa diei, ita quando eadem dies habet aliquid impossibile cum jejunio, excludit obligationem ad ipsum. Imo hoc pariter verum est, etiam si in hoc exercitio non insumatur tota dies, sed tantum bona pars ipsius: nam cum sit exercitium laboriosum, requirit vires integras, & floridas, quod non contingit, quando vires macerantur per jejunium. Ita Pasqual. *loc. cit. decis.* 304. Ubi etiam excusat complicantes supellectilem lineam jam mundatam; quod an verum sit, judicent alii, ego enim in hoc non video laborem sufficientem ad excusandum.

Quar. 16. An Conversæ inservientes mensæ frangant jejunium; si aliquid comedant immediate antequam inserviant.

Resp. Non frangere, etiam si non indigeant ad vitandam debilitatem. Ita viginti Doctores, quos refert, & sequitur Pasqual. *loc. cit. decis.* 128. ubi addit, comestionem illam posse esse in ea majori quantitate, quæ libuerit, ita ut, etiam si sit sufficiens ad constituendum prandium, non per hoc impediat, quin possint rursus, completo servitio, comedere. Ratio horum omnium est; quia prior illa comestio est moraliter eadem cum subsequenti; nam servitium illud, quod mediat, cum sit pars illius prandii, non interrupt moraliter prandium, atque adeo comestio subsequens censetur complere priorem, & constituere unicum prandium cum ipsa. Neque requiritur intentio anticipandi prandium, sed sufficit, quod opere ipso inchoetur. Imo etiam si proposuerint non comedere amplius post servitium possunt mutare propositum, & rursum

sum comedere, quia durat id, per quod moraliter continuari potest subsequens comestio cum precedenti.

§. XII.

De Tertiariarum obligationibus, & Privilegiis.

Quær. 1. **Q**uam mulieres veniant nomine Tertiariarum.

Resp. Prout ad præsens nostrum institutum facit, venite mulieres illas, quæ vota essentialia non emittentes regulam alicujus Religionis approbatæ servant in propriis domibus, & quandoque etiam in communi aliqua domo habitantes, ejusdemque Religionis habitum deferentes, quarum aliquæ juxta proprium profitendi modum a Summis Pontificibus approbatum emittunt votum simplex castitatis, vel obedientiæ; aliæ nullum nisi forsan obedientiæ, Casarrub. in *Compend. privileg. mendic. v. Tertiarii num. 25.* Non sunt vere Religiosæ, nec illarum vivendi modus appellari potest Religio, quia tribus votis essentialibus non ligantur. Casarrub. Rodriq. Lezana *t. 2. qq. regular. cap. 15. num. 7.* Atque adeo dici non possunt Apostatæ, si ab eo statu recedant, matrimonio se copulantes, aut habitum deferentes. Peccabunt tamen in dimissione habitus, si illum per totam vitam voverunt gestare.

Quær. 2. A quibus sint admittendæ ad habitum, & professionem.

Resp. Admittendas esse ad habitum a Superioribus Regularibus ad id privilegium habentibus; quales sunt Minores S. Francisci, Dominicani, Augustiniani, Carmelita-

litani, Servitæ, & Minimi. Lezana *loc. cit.* n. 8. & *seqq.* Debet tamen intervenire Ordinarii loci licentia, qui non aliter eam concedet, quam si ei de qualitatibus ad id requisitis diligenti prævio examine constiterit. Sac. Congreg. 20. Decemb. 1616. Non per hoc explorare debet earum voluntates, si domi degunt, & ibi coelibatus votum emittunt, ut ex Sac. Congr. refert Barboſa in *Collect. Bullar. v. Tertiaria*. In manibus quoque alicujus Superioris eorum Ordinum, vel habentis a Superiore aliquo auctoritatem emitti debet professio, quam præcedere debet aliquod tempus probationis; cum enim facultas recipiendi Tertiarias Prælati Regularibus concessa intelligi debeat de personis idoneis, & pro talibus habitis, ad judicandum de illarum idoneitate, tempus aliquod est necessarium. Lezana *loc. cit.* n. 22.

Quæst. 3. Quænam qualitates in admittendis ad habitum requirantur.

Resp. Inter qualitates requisitas computandas esse illas, quas Sac. Congregatio Episcop. & Regular. 20. Decembris 1616. observari præcepit. Prima, quod non recipiantur ad habitum, nisi *speſtata vita fuerint*, idest bonis moribus, seu virtutibus ornatæ. Secunda, quod habeant *de proprio*, ut inde *sufficienter vivere possint*. Tertia, quod sint *annorum saltem 40.* Quarta quod non habitent *cum aliis viris quam cum consanguineis, vel affinibus in primo tantum gradu*. Quinta, quod non recipiantur, ut diximus supra, nisi *ab Ordinario loci licentia prius impetrata*. Sexta quod in habitu deferendo *omnino abstineant a velo supra caput, quod superlucum vocant, & a pectorali vulgo sottogola, & patientia*. Nulloque modo tolerari debet, quod, licet domi

Confess. Monial.

X

ha-

habitanter, comam nutriant, cum habitus indecentia, & scandalo populi. Sac. Congreg. in *Hydruntina* 3. Augusti 1625.

Quar. 4. An defectus hujusmodi qualitatum irritet receptionem, seu professionem prædictarum mulierum.

Resp. Videri quod non; quia in decreto non apponitur clausula irritatoria, neque Sac. Congreg. utitur verbo *non possint*, aut simili, sed solum *non admittantur*; bene vero peccare mortaliter decreti hujusmodi transgressores. Lezana *loc. cit. n. 40.* Hæc tamen doctrina non est absolute admittenda, saltem quando deficeret Ordinarii loci licentia. Cum enim Sac. Congreg. utatur ablativo absoluto, *ab Ordinario loci licentia prius impetrata*; inducit conditionem, ut notant communiter Doctores, & proinde etiam formam. Bald. Surd. relati a Pasqualig. in *Laurent. nu. 31.* unde si non impleatur, admissio erit nulla.

Quar. 5. Quibus Prælati Tertiariæ subjiciantur.

Resp. Si loquamur de Tertiariis vitam coelibem, virginalem, & castam non ducentibus ex voto, subjici Ordinario ex declaratione Sac. Congr. apud Gavant. quem refert Lezan. *loc. cit. n. 35.* qui *n. 41.* addit subjici pariter gubernationi Superiorum Ordinum, quarum sunt Tertiariæ, quoad curam spiritualem tantum; cum enim sint aliquo modo membra religionum, quarum deferunt habitum, specialem diligentiam de salute illarum spirituali tenentur habere. Casarrub. & Miranda apud d. Lezanam. Illas tamen punire non possunt, nec illæ peccant non obediendo.

Si vero sermo sit de Tertiariis vitam coelibem virginalem, & castam ducentibus ex

voto, quia per declarationem Leonis X. die 1. Martii 1518. & decretum Sac. Congreg. ab Ordinarii jurisdictione sunt exemptæ, consequens est, ut Prælati suorum Ordinum plene subjiciantur, ne dicamus eas sub nullius jurisdictione esse; atque ita possunt illas sicut alios religiosos corrigere, & punire. Hinc Teodorus Stratius plura deducit, scilicet, Tertiarias hujusmodi casibus Episcopo reservatis non subjacere; posse tamen Prælatos, quibus subsunt, quoad illas, sicut quoad suos fratres, casus aliquos reservare, easque, saltem in foro conscientie, ab omnibus criminibus, & excessibus, ac etiam censuris, & pœnis Sedi Apostolicæ reservatis (exceptis contentis in Bulla Cœnæ) absolvere; nec non earum vota commutare, & cum illis in omnibus votis simplicibus, in quibus possunt Episcopi cum suis subditis, dispensare, quia hoc spectat ad potestatem jurisdictionis; & illi habent jurisdictionem quasi Episcopalem. Hæc tamen de mente Stratii sint dicta.

Quæst. 6. Qualiter peccent Tertiariæ suam professionem transgredientes.

Resp. Delinquentes contra vota emissa peccare peccato sacrilegii, non est dubitandum. Transgredientes vero ea, quæ in professione promittunt, nullum peccatum committere, etiam si obligatio regulæ respectu religiosorum aliquam culpam saltem venialem inducat, tradit Lezana *loc. cit. n. 19.* Quia etsi in professione utantur verbo *promitto* nulli per hoc induci ut obligatio, praxi ita interpretante intentionem Pontificum talem modum vivendi approbantium, & Prælatorum Ordinum professionem hujusmodi suscipientium. Obligantur tamen ex Summorum Pontificum declara-

tionibus apud Lezan. *loc. cit.* ad subeundam poenam, sibi ob transgressionem regulæ a Superioribus suorum Ordinum infligendam.

Quar. 7. Quibus gaudeant privilegiis.

Resp. Gaudere suorum Ordinum privilegiis, quorum ipsæ sunt capaces, ex indultis Summorum Pontificum, apud Lezan. *l.c. nu. 11. & 26.* præcipue ex decreto Sac. Congreg. tenoris sequentis: *Sacra Congregatio censuit &c. hujusmodi mulieres, si vitam virginalem, aut cœlibem simpliciter expresse voverint, etiam in consanguineorum, & affinium suorum, aut propriis domibus, vel seorsim habitantes, privilegiis Ordinis, cujus Regula habitum deferunt, exemptioneque ab Ordinarii jurisdictione frui debere.* Unde gaudere privilegio fori affirmant Sylvester, Alterius, Duardus, & Pignatell. & ita declaravit Sac. Congreg. Immunit. in *Affisien. 16. Novembris 1655.* & canonis. Gratian. Cassarub. Portel. & Lezana, præsertim, quia hoc non tam est privilegium, quam jus commune competens cunctis personis Deo dicatis; ac etiam exemptione a gabellis, eadem Sac. Congreg. in *Tudertina 4. Augusti 1627.* Nec non indulgentiis concessis Ordini, cujus sunt Tertiariæ, ut constat ex concessione bullata Sixti IV. relata a Lezana *loc. cit. n. 26.* Quæ omnia intelligenda sunt concurrentibus qualitatibus juxta declarationem Sac. Congreg. Concilii requisitis, nempe si habitum assumpserint, & virginalem, seu cœlibem, aut castam virginealem expresso voto vitam elegerint. An autem prædictæ qualitates in hujusmodi Tertiariis concurrant, Ordinarii judicium spectetur. Sac. Congreg. Episcop. 2. *Octobr. 1616.*

Quar. 8. A quibus recipere debeant Sacramenta.

Resp.

Resp. Licet Tertiariæ virginalem, coelibem, aut castam vidualem vitam ex voto ducentes possint quoad Sacramentorum receptionem uti privilegiis suorum Ordinum, Lezana *loc. cit.* n. 34. Si tamen Ordinarii, vel Parochi jus illis administrandi Sacramenta etiam tempore Paschatis, vel alias in eis jurisdictionem acquisiverint, non posse ipsas de cætero adversus Ordinarios, vel Parochos exemptione uti, sed observandam esse consuetudinem, censuit Sac. Congregat. apud Pignatell. *2. 4. consult.* 119. Sicut etiam forminæ prædictam vitam non gerentes Eucharistiam in die Paschatis, extremam unctionem, & alia ecclesiastica Sacramenta (Sacramento poenitentiae duntaxat excepto) a proprio Sacerdote suscipere tenentur, ita enim decernitur in prædicta Bulla Leonis X. & Concilio Lateranensi.

Quar. 9. Quo in loco sint sepeliendæ.

Resp. Tertiariæ, sepulturam, *ubi voluerint, eligere valent*, ut habetur in Bulla Leonis X. & Concilio Lateranensi. Quod si de illis sint, quæ nec virginalem, coelibem, aut castam vidualem vitam ducant ex voto, & non electa sepultura decedant, in earum parochiis sunt sepeliendæ Parocho interveniente, qui pariter intervenire debet, etiam quando in Regularium Ecclesiis tradendæ sunt sepulturæ, si, dum vixerint, in ipsis elegerint tumulari. Barbosa in *Collectan. v. Tertiaria*. E contra si de illis sint, quæ virginalem, coelibem, aut castam vidualem vitam traducant, possunt in Ecclesiis suorum Ordinum sepeliri a solis Regularibus, Parocho minime requisito, imo contradicente. Sac. Congregat. Episcop. in *Nepefina* 11. Decembris 1615.

486 *De Tertiari. oblig. & Priv. C. 11. §. 12.*
apud Sell. in *select. canon. cap. 35. num. 20.*
& Sac. Congreg. Rit. in *Spoletana Terra Viso*
20. Junii 1609. apud Barb. in Collectam, v.
Regulares quoad sepulturam. Etiam si sine se-
pulturæ electione decesserint, quando tamen
in dictis Ecclesiis communis sepultura pro
ipsis reperitur. Sac. Congregat. anno 1616.
Ita ut si communis sepultura in Ecclesiis or-
dinum, quorum sunt Tertiariæ, non repe-
riatur, sepeliri debeant in Parochiis, quan-
do contingit, eas sine sepulturæ electione
decedere, ut habetur in eodem decreto.

Quar. 10. An Tertiariæ consequi possint
legatum factum pro monachata.

Resp. Posse, dummodo habeant qualita-
tes, ut *supra* in decreto Sac. Congreg. re-
quisitas. Ita Diana in *opere coord. tom. 9. tract. 2.*
resol. 175. alios citans, & ratio desumitur
tum ex §. sed hoc presenti, Authen. de Sanct.
Episc. coll. 9. tum ex eo, quod istæ sunt de
ordine, ac modo vivendi approbato a Sum-
mis Pontificibus in Clement. 1. juncta Glossa
de relig. Domib. & promittunt obedientiam,
ut inquit Glossa in d. Clement. v. obedientiam,
unde istæ sunt in aliquo sensu non impro-
prio religiosæ. Hæc omnia juxta brevitatis
nostræ institutum hucusque tradita S. R. Ec-
clesiæ censuræ omnino volo esse subjecta.

F I N I S.

I N D E X

RERUM NOTABILIUM.

Prior numerus indicat caput, secundus paragraphum, tertius quæsitum.

A

Abbatissa tenetur sub mortali tollere transgressiones regulæ, cap. 11. §. 1. q. 1. Potest aliquando moniales errantes conviciis increpare, ibid. q. 2. Non est capax potestatis spiritualis, ib. q. 3. Unde non potest benedicere in loco publico neque aquam, neque vestes, ib. Nec docere in Ecclesia, aut concionari, neque ex Summi Pontificis dispensatione, ibid. Potest solum habere hortatorios sermones, ita tamen ut non utatur testimoniis sacræ Scripturæ, ib. Non potest dispensare moniales auctoritative, bene tamen ministerialiter, ib. q. 4. Non potest dispensare circa monialium subditarum vota; sed tantum irritare, ibid. q. 5. Etiam si sint emissa cum ipsius consensu, ib. q. 6. Novitiarum vota irritare non potest, ib. q. 7. Quomodo possit beneficia instituere, & Capellanas conferre, ib. q. 8. An habeat jus suspendendi Clericos suæ jurisdictionis, ib. q. 9. An habeat liberam administrationem bonorum sui monasterii, ib. q. 11. An teneatur de superfluis monasterii eleemosynas erogare, ib. q. 23. Potest applicare bona opera monialium extraneis, ib. q. 24. Tenetur transgressiones occultas inquirere, ut corrigat, ib. q. 25. An possit, & quomodo præci-

pere monialibus in virtute sanctæ obedi-
 tiæ, c. 6. §. 1. q. 9. v. *Obedientia*, *Electio*.
Alienatio quanto, & quomodo prohibita,
 cap. 11. q. 18. & seqq.

Annus probationis a quo tempore incipiat,
 c. 2. §. 3. q. 1. In qua ætate possint puellæ
 admitti ad annum probationis, ib. q. 2.
 debet esse completus, ib. q. 3. & quidem
 de momento in momentum, ib. q. 4. nec
 non continuus, ibid. q. 5. Quomodo, &
 quando interrumpatur, ibid. q. 6. & seqq.
 debet compleri a puella habitu religionis
 induta, ib. q. 10. potest protrahi iusta de
 causa, ib. q. 11. & seqq.

Aromataria ad quid teneatur, cap. 11. §. 8.
 q. 1. Non potest inconsulto medico phar-
 macum infirmis præbere, ib. q. 2. Neque
 poculum moniali gravidæ ad procurandum
 abortum, ne fama periclitetur monaste-
 rii, ib. q. 3. Potest lucri causa extraneis
 vendere medicamenta, ib. q. 4. Non ta-
 men juxta taxam aromatariorum sæcularibus
 factam, ib. q. 5. Non potest vendere quid
 pro quo, ib. q. 6. Potest donare consan-
 guineis quod illi deberetur ratione labo-
 ris, ib. q. 7. Non licet venenum vendere,
 ib. q. 8. Fallit in aliquo casu, ibid. Non
 potest pharmaca conficere in die festo nisi
 necessaria pro illo die, ib. q. 9. Peccat
 si in componendis pharmachis non appo-
 nit omnia præscripta a medico, item si
 vetusta, & inutilia, ib. q. 10.

Auscultatrices an peccent propalantes, quæ
 audierunt occasione sui officii, cap. 11.
 §. 10. q. 11. An possint colloqui cum Re-
 gularibus, ib. q. 21.

B

Benedictio. Abbatisa debet benedici, c. 9. §. 4. qu. 5. quo die, & loco, ib. q. 6. ad quem spectet impertiri benedictionem, ibid. q. 7. an hæc facultas sit delegabilis, ibid. qu. 8.

Benedicere non potest Abbatisa in loco publico neque vestes, neque aquam; benedicere tamen potest moniales, ad modum, quo parentes suos filios benedicunt, c. 11. §. 1. q. 3.

Baldachinum. Abbates habentes usum baldachini possunt illud erigere in Ecclesiis monialium sibi subditarum. c. 6. §. 3. q. 6.

C

Castitas. Ad quid teneantur moniales ex vi voti castitatis, c. 5. q. 1. quando graviter, vel leviter peccent contra votum, ib. q. 2. quando peccant per tactus, ib. q. 3. quando per aspectus, ib. q. 4. quando per verba, lectiones, cantilenas prophanas, ib. q. 5. quando literis amatoriis, ib. q. 6. quando per munerum receptionem, ib. q. 7. quando per suasionem, vel cooperationem, ib. q. 8. & seqq. quando per superfluum ornatum, ib. q. 14. Quænam media sint apta ad tuendam castitatem, ib. q. 18.

Cæca puella potest ad religionem admitti, c. 2. §. 1. q. 7. Cæca tenetur recitare horas canonicas, si illas memoriter sciat, cap. 8. §. 1. q. 4. non potest eligi in Abbatisam, cap. 9. §. 1. q. 6.

Celleraria, cui bonorum monasterii cura incumbit, an possit aliquid de iisdem bonis in justam donationem, aut alienationem expendere, c. 11. §. 9. q. 1. An remunerare merita, vel obsequia ab extraneis præstita, ib. q. 2. An peccet distribuendo bona non jux-

ta mentem Abbatisſæ, ſed ſuo arbitratu, ib. q. 3. An celando Abbatisſæ ſummam notabilem pecuniæ expendendam in uſibus utilibus monaſterio, ib. q. 4. Peccat negligens providere neceſſaria tam infirmis, quam ſanis, ib. q. 5. Item, ſi largius diſtribuat amicis animo illas gratificandi, ib. q. 6. Non poteſt ſibi aliquid applicare ob labores officii, ib. q. 7. Poteſt aliquas eleemoſynas elargiri, ib. q. 8. Elleraria habens facultatem expendendi ſummam aliquam in utilitatem monaſterii, poteſt eam in eleemoſynas erogare, c. 11. §. 9. q. 9. Eleemoſynas, quas poteſt diſtribuere, poteſt etiam ſibi, vel aliis monialibus ejusdem monaſterii applicare, ib. q. 9. Non poteſt commodare, aut mutuare res monaſterii, ib. q. 10. Tenetur ad reſtitutionem, ſi culpa ſua res monaſterii deteriorentur, ib. q. 11.

Claufura. Quid veniat appellatione clauſuræ, c. 7. §. 1. q. 1. An veniat limen oſtii, ib. q. 2. An tectum, ib. q. 3. clauſura eſt juris humani, ib. q. 5. cuſtodia illius tam materialis, quam formalis ſpectat ad Epiſcopum, ib. q. 6. etiam in monaſteriis exemptis, ib. q. 7. competit Epiſcopo cumulative quoad Superiores Regulares, ib. q. 8. quomodo debeat cuſtodiri, ib. q. 10 a quibus ſervanda, ib. q. 11. licentia ingrediendi clauſuram, *v. Licentia.*

Claufura quoad ingreſſum Prælatorum. In quibus caſibus poſſint Prælati ingredi clauſuram, c. 7. §. 4. q. 1. Non poſſunt ingredi ſub prætextu interveniendi electioni, neque examini. ib. q. 2. Cardinales, & Epiſcopi non poſſunt ingredi clauſuram monialium ſibi non ſubjectarum, ib. q. 3. In quibus caſibus poſſint Generales, Provinciales, & Viſitatores, ingredi clauſuram monialium ſibi ſub-

- subjectarum, ib. q. 4. Quot personas possint secum ducere Prælati Regulares, ib. q. 5. Quot possint ducere Episcopi, ibid. q. 6. Quænam personæ esse debeant, ib. q. 7. Clausura quoad Officialium, aliorumque ingressum. Quando medicus, aliique inservientes possint ingredi clausuram, c. 7 §. 5. q. 1. & 2. Medicus extraordinarius non potest ad libitum monialium ingredi loco medici ordinarii, ib. q. 3. Chirurgus, & Pharmacopola quando possint ingredi, ib. q. 4. An, & quando Oeconomi, factores, Sindici, & Notarii, ib. q. 5. quid de aliis operariis ad servitium monasterii necessariis, ib. q. 6. loco bajuli ad ferenda deputati quando possit alius intrare, ib. q. 7. An concessa licentia Domino intrandi cum famulo, possit hic sine illo ingredi, ib. q. 8. Ad expellendum malefactorem potest iudex ingredi clausuram, ib. q. 9. Infantes, & amætes nõ possunt admitti, ib. q. 11. Clausura quoad ingressum Confessarii. In quibus casibus possit ingredi clausuram, c. 7. §. 6. q. 1. An ad assistendum morienti, ib. q. 3. An ad exequias peragendas, ib. q. 4. An ad effectum exorcizandi, ib. q. 5. An ad celebrandum coram infirmis, ib. q. 6. An ad sumendam particulam consecratam in Ecclesiam interiorem delapsam, ib. q. 7. An ad benedicendum monasterium spiritibus infestatum, ib. q. 8. Ingressus ex justa causa potest ea occasione ibi præstare aliquid, pro quo exercendo ingredi non potuisset, ibid. q. 9. Quid observare debeat Confessarius ingrediens, ibid. q. 2. Clausura quoad mulierum ingressum. An deficientibus monialibus conversis possint admitti in clausuram foeminae, quæ monialibus

bus inferviant. c. 7. §. 7. q. 1. An electa una
 famula possit mutari, & alia substitui, ib. q. 2.
 An Regina, Imperatrices, & alia nobiles
 foeminae possint ingredi clausuram, ib. q. 4.
 & 5. Debent associari a tribus matronis, ib.
 Cum duabus tantum non potest, ib. q. 7. Ma-
 tronae semel electae non possunt mutari, ib.
 q. 5. An monialis transiens ad aliud monaste-
 rium, si in via accedit ad locum ubi aliquod
 monasterium existit, possit ingredi, & hos-
 pitari, ib. q. 8. Viduae de solius Praelati li-
 centia non possunt ingredi clausuram. ib. q. 9.
 Clausura quoad puellas educandas, v. *Puella:*
educanda.

Clausura quoad egressum. Ob quas causas pos-
 sint moniales egredi, c. 7. §. 9. q. 1. & seqq. An
 licitus sit egressus ob morbum ita periculo-
 sum, ut desperetur salus, nisi egrediatur, ib.
 q. 3. An, & a quo debeat peti licentia, ib. q. 4.
 An possit sine licentia egredi, si injuste vexetur,
 ib. q. 5. In quibus casibus, ib. q. 6. Non po-
 test egredi ad habendam curam Nepotum, ib.
 q. 7. bene vero ut sit Abbatisa alicujus mo-
 nasterii, & ob alias similes causas, ib. q. 8. Itē
 ad strictius monasterium, ib. q. 9. aliquando
 etiam ad laxius monasterium, & diversae re-
 gulae, ib. q. 10. Consulenda Sedes Apostolica,
 quando aliquod monasterium est transferē-
 dum, ib. q. 11. Monialis cum licentia egres-
 sa non violat clausuram, si huc, & illuc va-
 getur, ib. q. 12. possunt mitti Conversae ex-
 tra clausuram ad quaritandum, ib. q. 13.
 Clausura quoad accessum extraneorum. Ac-
 cessus ad monasteria interdictus duo copu-
 lative importat, scilicet locum, ad quem sit
 accessus, & locutionem. c. 7. §. 10. q. 1. Qui
 tantum accedit, sed non loquitur, vel tan-

tum

tum loquitur sine accessu, non facit contra prohibitionem, ib. Quare non comprehenditur sub prohibitione locutio cum monialibus in domibus propinquis, ib. Neque transmissio literarum, neque locutio idiomate a moniali non percepto, ib. Neque locutio monialis altero tantum audiente. ib. Contra prohibitionem vero facit loquens per nuntius, & signa, ib. Item loquens per intermediam personam, ibid. Item loquens cum moniali, ipsa nihil respondente. ibid. Alloquentes cum monialibus sine licentia peccant mortaliter, ibid. q. 2. Nec datur parvitas materiæ, ib. q. 3. Quo jure tam secularibus, quam Regularibus sit prohibitus accessus. ib. q. 4. Prohibitio alloquendi moniales extenditur ad Abbatissam, ib. q. 5. & etiam ad Episcopos extra suam diocesim commorantes, ib. q. 6. An pueri, & puellæ impubes afficiantur excommunicatione lata contra alloquentes sine licentia, ib. q. 9. An Advenæ, & Peregrini, ib. q. 10. An colloquentes cum monialibus exemptis. ib. q. 11. An Regulares & moniales exemptæ afficiantur poenis ab Episcopo indictis, si de ipsis fiat mentio. ib. q. 12. An afficiantur eadem poena consulentes, mandantes, vel cooperantes, ibid. q. 13. An pauperes ostiatim mendicantes, ib. q. 14. Ad quem spectat licentiam concedere accedendi ad moniales tam exemptas, quam non exemptas, ibid. q. 15. *v. Licentia.*

Clausura quoad poenas, quibus subjiciuntur illam violantes. Prælati ultra casus necessitatis clausuram ingredientes quas poenas incurrant, c. 7. §. 1. q. 1. Quæ poenæ aliis ingredientibus sint impositæ, ib. q. 2. Quæ accedentibus

ad

- ad colloquendum. ib. q. 9. Quæ monialibus exterum introducentibus, vel admittentibus sine licentia. ib. q. 3. An dictas poenas incurrant solum superiores viri, vel foeminae, ib. q. 4. Quid veniat nomine admissionis, vel permissionis prohibita. ib. q. 5. Quas poenas incurrant moniales illicite egredientes. ib. q. 6. Comitantes, & recipientes. ib. Quinam comitatus, & receptio requiratur. ib. q. 7. An poenæ afficiant monialem legitimo titulo egressam, si diutius immoretur. ib. q. 8. Quinam possit absolvere. ib. q. 11.
- Coactio.** Puellam coactam debet Episcopus e monasterio educere. c. 2. §. 2. Dantur aliqui casus, in quibus licet cogere ad religionis ingressum. ib. q. 4. Excommunicantur cogentes ad ingressum. ibid. Decretum Tridentini intelligitur de coactione proprie dicta. ib. q. 5. Excommunicatio contra cogentes extenditur ad dantes consilium, auxilium, consensum, aut favorem. ib. q. 6. Ad incurrendam excommunicationem requiritur effectus. ib. q. 7. Pro coactione inducenda sufficit metus, si sit gravis, ib. q. 8. etiam reverentialis, si oriatur ex declaratione voluntatis parentum. ib. q. 9. Peccant moniales scienter recipientes puellam coactam. ibid. q. 12. & contrahunt excommunicationem. ib.
- Cogere puellas ad ingressum monasterii causa solius educationis quando sit peccatum.** c. 7. §. 8. q. 2. An prædicta coactio, quando est peccaminosa, trahat excommunicationem. ib. q. 3. Quid si proveniat tantum ex metu reverentiali. ib. q. 4.
- Collocutio.** v. *Glausura quoad excessum extraneorum.*
- Collocutio.** Prælati Regulares non possunt col-

colloqui sine licentia . c. 7. §. 10. q. 7. Neque Canonici Cathedralis . ib. q. 8.

Communio. Tenentur moniales ad communionem singulis mensibus . c. 8. §. 3. q. 1. Potest indulgeri aliquando communio quotidiana . ib. q. 3. Potest Episcopus præscribere monialibus locum, & tempus recipiendi communionem . ib. q. 4.

Communio. Monialis pergens ad communionem, si recordetur peccati mortalis, quid agere debeat . c. 8. §. 3. q. 2. Non est peccatum post communionem immediate pergere ad prandium . ib. q. 5. Communio cum particula non consecrata non est licita . c. 6. §. 12. q. 7.

Confessarius monialium sive exemptarum, sive non, a quo eligi debeat . c. 6. §. 6. q. 1. & 2. Ad quot annos eligi debeat . ib. q. 3. An possit a monialibus recusari . ib. q. 5. Quinam prohibeantur eligi in Confessarios ordinarios . ib. q. 6. & 7. Ex quo loco debeat audiri confessio . ib. q. 8. Quale stipendium tradi debeat Confessario, ib. q. 9.

De officio Confessarii, & quomodo se gerere debeat cum monialibus vel indispositis ad confessionem, vel versantibus in occasione proxima, vel alias male confessis . c. 6. §. 7. per totum.

Quomodo se gerere debeat cum monialibus scrupulosis. c. 6. §. 11. per totum.

Confessarius quomodo se gerere debeat cum moniali habente visiones, & revelationes. c. 6. §. 12. per totum.

Confessarius ingrediens clausuram. v. *Clausura quoad ingressum Confessarii.*

Confessarius extraordinarius, etiam Regularis, a quo eligi debeat, & approbari . c. 6. §. 12. q. 1. Quot vicibus debeat concedi . q. 2. & 3.

An

An possit deputari pro moniali particulari, ib. q. 4. An oblatum ab Episcopo possint moniales recusare, ib. q. 5. An tempore Jubilæi possint eligere non approbatum specialiter pro ipsis, ib. q. 6. Quibus temporibus, & ad quot dies debeat deputari, ib. q. 8. An tempus incipiat currere a die expeditæ licentiæ, vel incepti ministerii, ib. q. 9. An elapso termino possit perfici confessio in tempore habili incepta, ib. q. 10.

Confessio singulis mensibus a monialibus fieri debet, c. 8. §. 3. q. 1.

Confirmatio Abbatisæ a qua facienda, c. 9 §. 4. q. 1. An stante oppositione electio sit confirmanda, ib. q. 2. Prælatus absens potest electionem confirmare, ib. q. 3. Abbatisa electa non potest ante confirmationem ministrare, ib. q. 4. Excipiuntur aliqui casus, ib.

Confirmationis Sacramentum ministrari debet Novitiæ, antequam suscipiatur ad probationem, c. 11. §. 4. q. 1. Item moniali, antequam consecratur, c. 3. q. 9. Non potest Episcopus ingredi clausuram ad illud ministrandum, sed debet ministrari ad fenestellam, c. 7. §. 4. q. 2. Non possunt moniales suscipere pueros in Confirmatione, c. 11. §. 1. q. 29.

Consecratio monialium quando fuerit introducta, c. 3. q. 1. Ad quem spectet, ib. q. 2. Quo tempore fieri debeat, ib. q. 3. quo loco, ib. q. 4. in qua ætate, ib. q. 5. Monialis consecranda debet esse professa, & virgo, ib. An possit consecrari corrupta, si communiter reputetur ut virgo, ib. q. 6. Quid si per vim, & sine sua culpa, vel per medicinæ artem, ad sanitatem tuendam, fuerit corrupta, ib. q. 7. & 8. An debeat esse Sacram. Confirmationis munita, ib. q. 9. An consecratio possit iterari, ib. q. 10.

An,

An, & quomodo conferat gratiam, ib. q. 12.

Contractus. Quos contractus possit celebrare Abbatissa sine consensu Capituli, cap. 11. §. 1. q. 14. Tenetur Conventus stare contractui facto de consensu Abbatissæ, & majoris partis Capituli, ib. q. 15. & 16.

Conversæ. Quid in earum receptione sit observandum, c. 11. §. 11. q. 1. Sunt veræ religiosæ, ib. q. 2. Tenentur ad perpetuam clausuram, ib. q. 3. Possunt aliquando egredi ad quaritandum, ib. Non tenentur sub mortali recitare orationes indictas per regulam, ib. q. 4. Chorista potest ad Conversarum statum transferri, ib. q. 5. Tenentur sub mortali ad ea, ad quæ ex officio sunt deputatæ, ib. q. 6. Peccant negligendo conservationem illarum rerum, quæ sunt earum curæ commissæ, ib. q. 7. An excommunicatio lata ab Episcopo contra moniales afficiat Conversas. ib. q. 8.

D

Discretæ, seu Decanæ ad quid teneantur. c. 11. §. 1. q. 4. & seq. Debent cum aliis interesse, quando ob bonum regimen monasterii convocantur ab Abbatissa, ib. q. 4. Nec possunt sine scrupulo tacere, ib. q. 5. Etiam si prævideant, Abbatissam fore contristandam, & magis ex contradictione in sua sententia obfirmandam, ib. q. 6. & 7. Tenentur de monialium transgressionibus Abbatissam admonere, ib. q. 8.

Dos, quo titulo accipi possit in admissione monialis, c. 2. §. 5. q. 1. Potest illam monasterium recipere, etiam si sit dives, ib. q. 2. Ad quem spectet illam taxare, ib. q. 3. Non potest monasterium pacisci de majori dote, quia puella est vilis, ib. q. 4. An possit aliquid recipi ultra dotem, ib. q. 6.

An

An legatum dotis pro virginibus maritan-
dis possit dari monachandis. ib. q. 7. Cui-
nam competat dare dotem puellæ religio-
nem ingredienti. ib. q. 9. & seq. Non est li-
berum monialibus recipere puellam sine
dote. ib. q. 11. Quando debeat solvi. ib. q. 12.
Si facto deposito dotis moriatur deposita-
rius, & hæreditas illius non sit solvendo, cui-
nam competat solutio dotis. ib. q. 13. An ra-
tione damni emergentis, vel lucri cessantis
ex dilatione dotis possit monasterium ali-
quid amplius exigere. ib. q. 14. An possit alie-
nari dos tradi solita monasterio. ib. q. 15.
Dos non potest investiri sine debita solemn-
tate in ædificando monasterio. ib. q. 16. be-
ne tamen in redemptione census, & quando.
ib. q. 17 in quibus bonis debeat solvi dos. ib.
q. 18. & seq. Monialis transiens ad aliud mo-
nasterium non desert secum dotem secundū
aliquos. ib. q. 20. neque usumfructus dotis.
ib. q. 21. Quid si secundum monasterium co-
gatur illam recipere. ib. q. 22. & seq. mona-
sterium non acquirit dotem Novitiæ mo-
rientis infra annum probationis, licet pro-
fessionem emittat ex privilegio. ib. q. 24.

E

Educandæ. v. *Puella educanda.*

Electio. Quot annos ætatis, & profes-
sionis habere debeat eligenda in Abbatis-
sam. c. 9. §. 1. q. 1. Super ætate neque Epif-
copus, neque Nuncius potest dispensare.
ib. Quid agendum, si non adsit in mona-
sterio habens requisita. ib. q. 2. Illegiti-
ma eligi non potest. ib. q. 4. Neque cor-
rupta. ib. q. 5. non tamen obstat corrup-
tio secreta. ib. Potest immediate eligi So-
ror antecedentis Abbatisæ. ib. q. 7.

A qui-

A quibus eligi debeat Abbatisa. c. 9. §. 2.
 q. 1. Quomodo debeat ferre suffragium monialis infirma. ib. q. 2. Episcopus vel Superior Regularis etiam in discordia eligentium non possunt ferre suffragium. ib. q. 3.
 Quid agere debeat Superior, si contingat, moniales non esse concordēs in electione. ib. Quomodo eligi debeat Abbatisa. ib. q. 4.
 An vota debeant esse secreta. ib. q. 5. Quot suffragia requirantur. ib. q. 6. Quo in loco fieri debeat electio. ib. q. 7. Quinam debeant præsidere electioni. ib. q. 8. Regulares tenentur notificare Episcopo electionem faciendam Abbatisæ. ib. Non tamen Prælati habentibus jurisdictionem quasi Episcopalem. ib. q. 9.

Ad triennium eligi debet Abbatisa. c. 9. §. 3. q. 1. Neque expleto triennio, immediate reeligi ad aliud triennium. ib. q. 2. Si expleto triennio Abbatisa ex dispensatione eligatur ad aliud triennium, non potest rursus expleto secundo triennio de novo eligi absque dispensatione ad tertium triennium. ib. q. 3. Electio a quo sit confirmanda. v. *Confirmatio*.

Egressus e Clausura quando monialibus sit licitus. v. *Clausura quoad egressum*.

Eleemosyna. Monialis de peculio sibi concessa potest aliquid in eleemosynam erogare pauperibus. c. 4. §. 2. q. 15. etiam consanguineis, & quam summam, ib. q. 16. Abbatisa de superfluis tenetur eleemosynas largiri. c. 11. §. 1. q. 23. Celleraria potest de bonis monasterii aliquas eleemosynas erogare. c. 11. §. 9. q. 8.

Epicheja potest habere locum quoad dandum, & recipiendum sine expressa licentia

F

Festum ab Ordinario loci præceptum tenentur moniales observare. cap. 8. §. 3. q. 9. An in die festo sit licitum acu pingere. ib. q. 10.

Famulæ an introducendæ intra claustra monialium pro earum obsequiis. c. 7. §. 7. q. 1. debent servare clausuram. ibid. Possunt introduci etiam pro obsequio particularium monialium. ibid.

Fœminæ aliquando veniunt in materia odiosa cum viris. c. 6. §. 5. q. 1. Possunt cum licentia Papæ aliquando ingredi clausuram. c. 7. §. 7. per totum; ubi quid debeant observare.

Fundatrices non possunt ingredi clausuram. c. 7. §. 7. q. 4.

G

Generales non possunt audire confessiones monialium sui Ordinis sine Episcopi approbatione. c. 6. §. 6. q. 2.

H

Hermaphroditus non potest recipi ad habitum religionis. c. 2. §. 1. q. 5.

Horæ canonicæ. Moniales tenentur publice officium divinum in choro persolvere. c. 8. §. 1. q. 1. Non tamen uti singulæ. ib. Anteneantur in Choro recitare Officium parvum B.V. Defunctorum &c. ib. q. 2. Canentes in choro non satisfaciunt, si ad partem alterius non attendant. ib. q. 3. Monialis quæ ad chorum pergit hora jam coepta, debet cum aliis cantando pergere. ib. Moniales tenentur ad privatam horarum canonicarum recitationem. ib. q. 5. Utentes Bre-

via

viario monastico, an uti possint Romano. ib. q. 10. An teneantur recitare officia propria Sanctorum sui Ordinis. ib. q. 11. An extra chorum teneantur recitare officia defunctorum, quæ pro benefactoribus in choro solent recitari. ib. q. 12. An moniales gaudeant aliquo privilegio, per quod excusentur a recitatione officii divini. c. 10. q. 13. An possint satisfacere præcepto, horas canonicas mentaliter recitando. ibid. q. 15. Gaudent privilegiis pro supplendis defectibus in officio divino commissis. ib. q. 16. Quid indulgeat Leo X. per orationem illam Sacrosanctæ. ib. q. 17.

I

Janitoria qualis esse debeat. c. 11. §. 9. q. 1. Quando Peccet non custodiendo januam. ib. q. 2. peccat non impediens, vel admit- tens ingredientem intra clausuram sub prætextu facultatum. ib. q. 7. Item ingre- dientem sine licentia, licet non sub præ- textu facultatum, ib. q. 8. Non tamen si il- lum admittat ad illum tuendum a gravi damno. ib. q. 9. Peccant Janitoria & Ro- taria non revelantes Abbatissæ delicta oc- culte ad januam, & rotam perpetrata. q. 3. Item non impediens missionem littera- rum. q. 4. Item curiosius inquirentes, quæ ad ipsas non spectant. q. 5. Item aperiendo litteras monialium. q. 6.

Jejunium. Non tenentur, regulariter loquendo, moniales sub mortali ad jejunium Adventus. c. 8. §. 4. q. 1. An ad jejunia indicta ab Episcopo. ib. q. 4. An ad jejunia loci, quæ ex consuetudine obligant tam laicos, quam clericos. ib. q. 5. An teneantur ad jejunia regula ante annum vigesimum primum. ib. q. 6.

AN

An sexagenariæ. *ibid.* q. 7. An in jejuniis extra Quadragesimam possint uti lactici-
niis, ubi viget consuetudo apud sæculares,
ib. q. 8. An possint horam prandii consue-
tam anticipare. *ib.* q. 9. An in jejuniis læ-
titia possint sumere ampliorem refectun-
culam. *ib.* q. 10. *v. Infirma.*

Jejunium. Moniales S. Claræ non tenentur
sub mortali ad jejunia regulæ. cap. 8. §. 4.
q. 2. Potest anticipari jejunium ex voto, si
incidit in Dominica, *ib.* q. 3. Concurren-
te eodem die jejunio præcepto a regula, &
ab Ecclesia, violatio illius est duplex pec-
catum. *ib.* q. 11. Possunt moniales dispen-
sare in jejunio per proprium Confessarium.
ibid. q. 12. A jejunio excusatur Infirmitas
in servitio plurimorum infirmarum occu-
pata. c. 11. §. 7. q. 7.

Indulgentia. An moniales, siue exemptæ, siue
non, gaudeant indulgentiis non solum pro-
prij Ordinis, sed etiam aliorum. cap. 10.
q. 18. An moniales Sedi Apostolicæ, aut Or-
dinario subjectæ possint in suis templis ex-
ponere indulgentias Ecclesiis Ordinis pro
sæcularibus concessas, v. g. indulgentiam
Portiunculæ. *ib.* q. 19.

Infirma. Novitia, quæ toto anno probationis
fuit infirma, potest admitti ad professionem.
c. 2. §. 6. q. 16. Monialis infirma an teneatur
jussis medici obtemperare. c. 11. §. 6. q. 1. An
in verendis teneatur chirurgi curam subire.
ib. q. 2. Peccat, si respuat humanum reme-
dium, quod facile haberi potest, soli se di-
vinæ providentiæ committens. *ib.* q. 3. Item
si illud respuat, ut citius ab hujus vitæ eru-
mnis sit libera. *ib.* q. 4. Item si bibat, adver-
tens potum fore notabiliter nociturum. *ib.*

q. 5. An, & quando excusetur a recitatione officii, ib. q. 6. & seqq. An, & quando excusetur a jejuniis, ib. q. 13. & seqq. An, & quando excusetur ab audienda missa, ib. q. 17. Non licet monialibus infirmis celebrare facere in suis cellis, ib. q. 18. Infirma dubitans an teneatur recitare officium, jejunare &c. tenetur obedire Abbatisſæ præcipienti, ne recitet, ne jejunet, ib. q. 19. An possit acquirere in lecto indulgentias concessas visitantibus Ecclesiam, ib. q. 20. Monialis infirma quomodo debeat ferre suffragium in electione, c. 9. §. 2. q. 2.

Infirmaria qua diligentia debeat vacare suo ministerio, c. 11. §. 7. q. 1. In quibus præcipue possit peccare, ib. q. 2. An cum periculo vitæ teneatur parere Abbatisſæ præcipienti, ut monialibus contagioso morbo laborantibus deserviat, ib. q. 3. An possit licite egredi e clausura ad vocandum medicum, vel Confessarium, ib. q. 4. In quibus casibus excusetur ab audienda missa, & a jejunio, ib. q. 5. & 7. An in diebus prohibitis possit aliquid comedere carniū ad excitandum in infirmis appetitum, ib. q. 6.

Interdictum. Quibus privilegiis gaudeant moniales tempore interdicti. c. 10. q. 6. An iisdem gaudeant famuli, alique monialium officiales, ib. q. 7. Possunt aliquando tempore interdicti generalis publice divina peragere. ib. q. 8. Neque vigore Tridentini sunt revocata privilegia. ib. q. 9.

L

L Argitio munerum. *v. Munera.*
Legatum dotis pro virginibus maritandis an dari possit monachandis, c. 2. §. 5. q. 7.
Legatum pro necessitatibus infirmarum non valet,

valet, si moniales ex instituto solis elemosynis vivant. c. 11. §. 6. q. 27.

Licentia Episcopi pro renunciatione bonorum. *v. Renunciatio.* Superioris pro expendendo peculio. *v. Peculium*, licentia petita se confitendi alteri sacerdoti, & injuste negata, non dat facultatem ad actum, c. 6. §. 7. q. 9.

Licentia ingrediendi clausuram a quo sit concedenda. cap. 8. §. 2. q. 1. 2. Non potest illam concedere Abbatisa. *ib. q. 3.* Debet esse in scriptis. *ib. q. 4.* & specialis, *ib. q. 5.* In aliquo casu est licitus ingressus sine licentia in scriptis, vel oretenus concessa. *ib. q. 6.* An in tali casu sit postulanda ab Abbatisa. *ib. q. 7.* Licentia absolute & indefinite concessa extinguitur prima vice, *ib. q. 8.* Quznam causa requiratur ad concedendam licentiam. *ib. §. 3. q. 1.* Necessitas debet se tenere ex parte monasterii, *ib. q. 2.* Cessante justa causa tempore ingressus, non est tutus in conscientia ingrediens, licet adfuerit justa causa tempore concessionis, *ib. q. 3.* Finito ministerio, ob quod ingressus est, peccat, si non statim egrediat, *ib. q. 4.* Ingressus cum legitima licentia, & justa causa, si fornicetur, delinquit contra præceptum clausuræ, *ib. q. 5.*

Ad quem spectet concedere licentiam accedendi ad colloquendum cum monialibus, c. 7. §. 10. q. 13. Episcopi possunt talem licentiam Regularibus concedere, *ibid. qu. 15.* Ita tamen ut possint etiam denegare, *ibid. qu. 17.* licentia pro una die, si quis utatur pro altera, non incidit in poenas, *ibid. qu. 18.* licentia concessa ad concionandum non se extendit ad collo-

quen-

quendum, ib. q. 19. Licentia non se extendit ad socium, ib. q. 20.

Licentia egrediendi a quo debeat peti in casibus permisis, c. 7. §. 9. q. 4. v. *Clausura quoad egressum.*

Litaniae majores, & minores an teneantur moniales recitare sub mortali, cap. 8. §. 1. quæst. 2.

M

Magistra Novitiarum a quo, per quod tempus, & cujus ætatis eligi debeat. cap. 11. §. 3. qu. 1. Ad quid teneatur, ut recte suum munus exercent, ib. quæst. 2. Quomodo debeat instruere Novitias in regula, ib. qu. 3. In quibus illas exercere. ib. qu. 4. An illas debeat regere in spiritu lenitatis, vel rigoris, ib. qu. 5. An, & quando percutiens Novitias correctionis causa incidat in excommunicationem. ib. q. 6. & seq.

Malefactor. Ad expellendum malefactorem potest iudex ingredi clausuram, cap. 7. §. 5. quæst. 10.

Missæ. Moniales non tenentur audire Missam frequentius, quam alii fideles. c. 9. §. 2. q. 1. Possunt aliquando illam omittere, ib. q. 2. An teneantur procurare quotidie Missæ conventualis celebrationem, ib. q. 6. Qualem Missam celebrare debeant earum Capellani, ib. q. 7. Quot Missæ in Ecclesiis earum possint quotidie celebrari, ib. q. 8.

Munera. An, & quomodo munerum largitio sit monialibus prohibita, cap. 4. §. 4. per totum.

N

Novitæ. An illis debeat conferri Sacramentum Confirmationis, antequam suscipiantur ad probationem, c. 11. §. 4. q. 1. An obligentur ab observantias regulares, ib. q. 2. Non tenentur profiteri secundum rigorem regulæ, ib. q. 9. An Novitia frequentes stimulos, & lapsus carnis experta possit religiosa vota emittere, ib. q. 10. An si Religionis austeritates Novitæ ita sint nocituræ, ut vita sit notabiliter abbrevianda, possit profiteri, ib. q. 11. An peccet egrediendo, ib. q. 12. An egrediens teneatur ad expensas factas a monasterio, ib. q. 13. Volens discedere non potest impediri, ex eo quod non solverit expensas, ib. q. 14. Neque potest denegari professio, ex quo noluit solvere expensas debitas ex pacto, ib. Novitæ egredienti est restituendus habitus factus suis expensis, ib. q. 15. Novitia potest sibi eligere sepulturam, ib. q. 16. Ubi sit sepelienda, si decedat, non electa sepultura, ib. q. 16. Quis si esset in proposito redeundi ad sæculum, ib. q. 18. Quibus expensis sepelienda, ib. q. 19. Gaudet privilegio canonis, fori, ib. q. 21. & aliis privilegiis Religionis, ib. q. 22. Ex privilegio possunt profiteri infra annum probationis in articulo mortis, c. 2. §. 5. q. 23. & c. 11. §. 4. q. 20. Novitæ voto Religionis obstrictæ non tenentur ad observantias regulares, c. 11. §. 4. q. 3. Neque tenentur implere vota personalia, ib. q. 4. Inredientes Religionem ficto animo non tenentur novitatum repetere, si mutata sententia profiteantur, ib. q. 6. Etiam post

post admissionem factam a Capitulo possunt dimitti nova causa emergente, ib. q. 7. Præcedere debet Novitia prius admissa ad professionem, ib. q. 8. Novitiæ quando subduntur casibus reservatis, ib. q. 5. Numerus. Non possunt puellæ recipi supra numerum, c. 2. §. 1. q. 18. Etiam si secum deferant dotem, ex qua valeant sustentari, ib. q. 19. Et si admittantur, earum professio est irrita, ib. q. 20. Neque potest Episcopus numerum augere, licet fructus annui augeantur, ib. qu. 21.



- O**bedientia. Quid sit votum obedientiæ, c. 6. §. 1. q. 1. In dubio obediendum Superiori, ib. qu. 2. Quibus Superioribus teneantur moniales parere, ib. q. 5. An Abbatisa possit præcipere in virtute obedientiæ, ib. q. 7. An possit præcipere omnia, quæ potest Prælati Regularis suis subditis, ib. q. 8. An possit cogere monialem ad acceptandum aliquod officium, non obstante pacto in contrarium, ib. q. 10. An Superior possit imponere præcepta obligantia sub mortali in re levi, ib. qu. 11. Quænam sit forma faciendi præcepta obligantia sub mortali, ib. q. 13. An verba *præcipio*, *iubeo*, &c. obligent sub mortali, ib. q. 14. Oblatæ non tenentur eligere Præsidentem triennalem, sed possunt perpetuam, cap. 9. §. 3. q. 4. Obligatio monialium erga propriam regulam. *v. Regula*. Obligatio canendi officium in choro cadit in Superiores, *v. Hora canonica*. Officium Divinum, *v. Hora canonica*.

Ordinarius. An, & quomodo moniales sub-
jiciantur Ordinario, cap. 6. §. 2. q. 1. An
Vicario Generali, & Capitulo, Sede va-
cante, ib. q. 2. An moniales exemptæ pos-
sint Ordinario se subicere, ib. q. 3. Quan-
do moniales exemptæ debeant subijci, ib.
q. 9. An subjiciantur Ordinario quoad no-
vi monasterii constructionem, ib. q. 5. An
moniales Ordinario subjectæ subjaceant
casibus, quos ipse Ordinarius generaliter
sibi reservat, ib. q. 9. An possit reservare
casus circa clausuram in ordine ad mo-
niales exemptas, ib. q. 11. Quomodo mo-
niales sive exemptæ, sive non, subdantur
Ordinario quoad officialium electionem,
ib. q. 13. & 14. An Regulares conciona-
turi ad crates teneantur benedictionem pe-
tere ab Ordinario. ib. q. 15.

P

Paupertas, quid sit, quos pariat effectus,
quomodo, & quando violetur, c. 4.
§. 1. per totum.

Peculium, quomodo possit haberi a moniali,
cap. 4. §. 2. q. 1. An monialis possit aliquid
de peculio ludo exponere, ib. q. 9. An ne-
gotiationi, ib. q. 19. An fundare censum
pro Missarum celebratione post mortem,
ib. q. 12. An aliquid pauperibus elargiri,
ib. q. 15. Etiam consanguineis, & quam
summam, ib. q. 16.

**Peculium non potest expendi sine licentia Su-
perioris**, cap. 4. §. 3. q. 1. Quotuplex sit
licentia, ib. Quas condiciones debeat ha-
bere, ib. q. 3. & seqq. Ad quem Superio-
rem spectet licentiam concedere, ib. q. 10.

Ad

Ad quam summam possit se extendere Superioris licentia, ib. qu. 11.

Percutiens monialem nulliter professam, sed ut professam reputatam, non incurrit in excommunicationem, c. 2. §. 6. q. 10.

Perfectio. Ad perfectionem tenentur tendere moniales. c. 1. §. 1. q. 1. An sub mortali. ib. q. 2. Quando peccent contra hoc præceptum. ib. q. 3.

Pœna. Quibus pœnis, & in quibus casibus subijciantur moniales. c. 6. §. 5. per totum.

Portinaria, *v. Janitoria.*

Prælatus Regularis habet in monialibus sibi subditis potestatem ordinariam. c. 6. §. 3.

q. 1. Non solum directivam, sed etiam coercitivam: ib. q. 3. In quibus subdantur suo Prælato Regulari, ib. q. 2. Potest quoad ipsas casus reservare. ib. q. 4. Non tamen de bonis illarum disponere, ipsis invitis. ib. q. 5. Si habet usum Baldachini, potest illud erigere in Ecclesiis monialium sibi subditarum. ib. q. 6.

In quibus casibus, & quo comitatu possint ingredi clausuram monialium subjectarum. c. 7. §. 4. per totum.

Quando debeat illas visitare. c. 6. §. 4. q. 1. & seqq.

Privilegium. Moniales exemptæ gaudent privilegiis suorum Ordinum. c. 10. q. 1. Etiam Episcopo subjectæ. ib. q. 2. Quomodo istæ possint uti privilegiis Regularium, ad quorum usum requiritur ministerium Prælati Regularis. ib. q. 4. Quomodo possint uti privilegiis, ad quorum usum requiritur factum Superioris habentis potestatem spirituales. ib. q. 5. Quibus privilegiis gaudeant tempore interdicti. *v. Interdictum.*

Quibus privilegiis in recitatione officii.
v. *Hora canonica.*

Professio. Quid requiratur ad validam monialium professionem. c. 2. §. 6. q. 1. & seqq. Unde oriatur nullitas professionis. ib. q. 3. & seqq. In dubio censetur valida. ib. q. 6. Monialis certa de nullitate, & destituta omni probatione non tenetur illam ratificare. ib. q. 7. Etiam si dederit causam nullitati. ib. q. 8. Quid requiratur ad ratificandam professionem. ib. qu. 1. Monialis ratificans professionem potest retinere locum debitum ex priori professione. ibid. q. 12. Ad quem spectet admittere Novitiam ad professionem. ib. q. 13. Potest reclamare, si injuste fuerit exclusa. ib. q. 14. Constituto de gravamine potest Episcopus illam admittere. ib. q. 15. Ad professionem potest admitti Novitia, quæ toto probationis anno fuit infirma, ib. q. 16. Qualis literatura requiratur in Novitia, ib. q. 17. Ad quem spectet acceptare professionem Novitiæ. ib. q. 21. & seqq. Quæ privilegia consequatur monialis ex emissionem professionis. ib. q. 23. Quale peccatum poenitere de emissa professione. ib. q. 24.

Puellæ educandæ possunt recipi in monasteriis monialium servatis certis conditionibus. c. 7. §. 8. q. 1. Si exeant a monasterio absque Superioris licentia, non incidunt in excommunicationem. ib. q. 5. Annus septimus requisitus ad hoc, ut puella possit recipi; debet esse completus. ib. q. 6. Neque Ordinarius potest dispensare. ib. Neque quod permaneat in monasterio ultra annum ætatis vigesimum quintum completum. ib. Per hoc, quod puella non
statim

statim egreditur, non incurrit excommunicationem. *ibid.* An puellæ manentes in monasteriis exemptis subiaceant Episcopo. *ib. q. 7.* Ubi debeant sepeliri, si contingat eas mori, non electa sepultura. *ib. q. 10.*

Puellæ recipiendæ. Quæ conditiones sint attendendæ in puellis recipiendis. *c. 2. §. 1. qu. 1.* Amentes in aliquo genere possunt admitti. *ib. q. 2.* Item viduæ, & illicite corruptæ. *ib. q. 4.* Non vero Hermaphroditus. *ib. q. 5.* Nec scandalosæ, flagitiosæ, aut excommunicatæ. *ib. q. 6.* Conditiones præscriptæ a Sixto V. pro Novitiorum receptione, non extenduntur ad moniales, *ib. q. 9.* Non possunt recipi ante annum duodecimum expletum, *ib. q. 10.* Requiritur monialium consensus, *ib. q. 11.* & etiam licentia Episcopi, & Prælati cui subsunt, *ib. q. 12.* Requiritur licentia etiam quoad monasteria Regularibus subiecta, *ib. q. 13.* Renuente Abbatisa possunt moniales recipere puellam ad habitum, *ib. q. 14.* Non tamen Episcopus, & Prælatus, invitis monialibus, *ib. q. 15.* nisi monasterium indigeat, *ib.* Peccant moniales rejicientes puellas idoneas, *ib. q. 16.* Puella semel ac iterum capitulariter exclusa potest admitti, *ib. q. 17.* Et capitulariter admissa, ex justa causa potest repelli, *ib.* Non possunt puellæ recipi supra numerum, *ib. qu. 18.* Etiam si secum deferant dotem, ex qua valeant sustentari, *ib. q. 19.* Et si admittantur, earum professio est irrita, *q. 20.* Neque potest Episcopus numerum augere, licet fructus annui augeantur, *ib. q. 21.*

R

R eceptio puellarum; *v. Puella recipienda.*

Regula quomodo obliget, c. 1. §. 2. q. 1.

Violatio regulæ ex contemptu est peccatum mortale, ib. Non est contemptus violare regulam ex consuetudine, ib. q. 2. Non tenentur moniales servare regulam in suo primo rigore, ib. q. 3. Tenentur reformationem amplecti. ib. q. 4.

Renunciatio bonorum ante professionem quomodo facienda, c. 2. §. 4. q. 1. Qui contractus comprehendantur sub nomine renunciationis, ib. q. 2. & seqq. Quænam solemnitates requirantur, ib. q. 5. & seqq. Quo tempore facienda sit renunciatio, ib. q. 13. Facta ante ingressum Religionis valet. ib. q. 4. Potest revocari, non secuta professione, ib. q. 16. Requiritur licentia Episcopi, & quinam veniant nomine Episcopi, ib. q. 11. & seqq. An requiratur in scriptis, ib. q. 20.

Repræsentationes quando possint fieri in Ecclesia, c. 5. q. 18. In repræsentationibus non peccant moniales dimittendo habitum, ib. q. 17.

Reservatio. An moniales Ordinario subjactæ subjaceant casibus, & censuris generaliter per tota diœcesi reservatis, cap. 6. §. 2. q. 9. & seqq. An moniales Regularibus subjactæ subdantur casibus in Religione reservatis, cap. 6. §. 3. q. 4. An Episcopus possit sibi reservare casus in ordine ad clausuram quoad moniales exemptas, c. 6. §. 2. q. 12. A quo debeant absolvi, ib. An moniales possint a proprio Confessario absolvi a casibus

Papæ reservatis, cap. 6. §. 8. q. 1. A quo in prædictis casibus debeat impetrari facultas, ib. q. 2. Quid circa casus Bullæ Coenæ, ib. q. 3. An Episcopus possit illas absolvere ab hæresi occulta, ib. q. 4. Quid de Prælati Regularibus circa moniales subditas, ib. q. 5. An moniales fruuntur aliquo privilegio, quoad prædictam absolutionem, ib. q. 6. An possint absolvi per proprium Confessarium a reservatis Episcopo, ib. q. 7. & in quo casu, ib. q. 8. & 12. Revelationes, v. *Confessarius*.

Rotaria qualis esse debeat, cap. 11. §. 10. q. 2. An peccet rotam non custodiens, ib. q. 2. In quibus aliis possit peccare, ib. qu. 3. & seqq.

S

Sacristana peccat mortaliter negligendo conservare lampadem accensam coram Sanctissimo, c. 11. §. 5. q. 1. Item exponendo Sacerdotibus celebraturis vestes sacras laceras, aut notabiliter immundas, ib. q. 7. Quando vestes censendæ sint notabiliter laceræ, aut immundæ, ib. q. 8. Item convertendo vestes sacras in usus profanos, si retineant propriam formam, ib. q. 9. secus vero amissa forma, ib. q. 10. Non peccat, si illas vendat, & commutet, ut de melioribus provideat, ib. q. 11. Potest tangere calices, & corporalia, ib. q. 12. Non peccat, si aquam, in qua primum lavantur corporalia, non projiciat in sacrarium, ib. q. 13. Potest aliquid largiri Prælato occasione suarum festivitatum, ib. q. 16. Et etiam Capellani, ib. q. 17.

Sa-

Sacristana respondere potest in Missa, c. 11. §. 5. q. 2. Potest colloqui cum Capellanis, ib. q. 3. Peccat admittendo Sacerdotes ad celebrandum contra Superioris prohibitionem. Item si admittat advenas sine literis testimonialibus, ib. q. 4. & 5. etiam in monasteriis exemptis, ib. q. 6. Potest lavare corporalia, & purificatoria in die festo, & etiam ornare templum, & hostias conficere, ib. q. 14. Vacans per notabilem diei partem ornatui Ecclesiæ excusatur a jejuniis, ib. q. 15. Non licet ministrare prandium Confessario, ib. q. 18.

Scrupulus. Traduntur variae regulæ pro sanandis monialibus scrupulosis, c. 6. §. 11. per totum.

Sepultura. Moniales non possunt in propria Ecclesia exteriori admittere personas laicas ad sepulturam, c. 10. q. 10.

Sigillum. Qua diligentia debeat sigillum custodiri, c. 6. §. 9. qu. 1. Quænam cadant sub sigillo, ib. q. 2. Quibus locutionibus frangatur sigillum, ib. q. 3. Frangitur aliquando per omissionem, ib. qu. 4. Item loquendo cum moniali extra confessionem de errore in confessione commisso, ib. q. 5. Item per usum scientiæ habitæ in confessione, ib. q. 6. Poenitens non tenetur ad sigillum, sed tantum aliquando ad secretum naturale, ib. q. 8.

Soror. Pro tertia sorore solvenda est dos duplicata, & triplicata pro quarta, c. 2. §. 5. q. 3. Soror antecedentis Abbatisz potest immediate eligi, cap. 9. §. 1. q. 6.

T

Tertiarie, quænam dicantur, c. 11. §. 12.
 q. 1. A quibus ad habitum, & profes-
 sionem sint admittendæ, ib. qu. 2. Quæ
 qualitates in eis requirantur, ib. q. 3. An
 defectus hujusmodi qualitatum irritet re-
 ceptionem, aut professionem, ib. qu. 4.
 Quibus Prælati subjiçiantur, ib. q. 5. Qua-
 liter peccent suam professionem transgre-
 dentes, ib. q. 6. Quibus gaudeant privi-
 legiis, ib. q. 7. A quibus recipere debeant
 Sacramenta, ib. q. 8. Quo in loco sint se-
 peliendæ, ib. q. 9. An consequi possint le-
 gatum factum pro monachatu, ib. q. 10.

V

Viaticum, an possit moniali periculoso
 morbo laboranti, potenti tamen adire
 Ecclesiam, ministrari in cella, cap. 11. §. 6.
 q. 22. Moniali non potenti sumere Viati-
 cum non potest deferri Eucharistia, ut
 adoretur, ib. q. 23. In administrando Via-
 tico an possint omitti verba illa *Accipe Sacer*
Viaticum &c. ib. q. 24. potest pluries in
 eadem infirmitate ministrari, ib. q. 25.
 Vicaria. An carens debita ætate, & tem-
 pore professionis possit eligi in Vicariam,
 c. 9. §. 1. q. 3. Vicaria an possit dici Præ-
 lata, c. 11. §. 2. q. 1. An possit moniali-
 bus præcipere ex vi voti obedientiæ, ib. q. 2.
 An possit eligi in Abbatißam, ibid. q. 3.
 Tenetur cum aliis interesse, quando con-
 vocatur ab Abbatißa ad decernendum ali-
 quid spètans ad bonum commune. ib. q. 4.
 Nec

Nec potest sine scrupulo tacere, ib. q. 5. etiamsi prævideat, quod contra dicendo contristabitur graviter Abbatisa, ib. q. 6. Imo etiam si ex contradictione Abbatisa magis foret in sua sententia confirmanda, ib. q. 7. Peccat mortaliter non admonens de transgressionibus Abbatisam, ib. q. 8. Visitatio monialium a quibus, quando, & quomodo fieri debeat, c. 6. §. 4. per totum. Moniales in visitatione interrogatz de regulari observantia, tenentur sub mortali respondere, ib. q. 5. In quibus casibus excusentur, ibid. q. 6.

Unctio extrema repeti potest in eadem infirmitate, variato statu, c. 11. §. 6. q. 26.

Voluntas puellarum a quo debeat explorari, c. 2. §. 2. q. 1. Semel tantum exploranda, si alicubi sit legitime præscriptum, ib. Si omittatur prima, sufficit secunda, ibid. Utriusque explorationis omissio est peccatum, sed non irritat professionem, ibid. Ad quid sit ordinata voluntatis exploratio, ib. q. 2. Ubi fieri debeat exploratio voluntatis Novitæ, c. 2. §. 6. q. 18. A quo tempore debeat Præfecta notificare Episcopo tempus professionis, ib. q. 19. An possit puniri Præfecta non notificans, ib. q. 20.

F I N I S.

ANT 1316436







